

METHODUS
ADMIRANDORUM
MATHEMATICORUM;

COMPLECTENS
Novem libros Matheseos
universæ:

IN QUORUM

- 1 Mathematica generalis.
- 2 Arithmetica.
- 3 Geometria.
- 4 Cosmographia.
- 5 Uranoscopia.
- 6 Geographia.
- 7 Optica.
- 8 Musica.
- 9 Architectonica.

Studio

JOHANNIS-HENRICI
ALSTEDI.

1613

Herbornæ Nassoviorum. 1613.

ILLUSTRISSIMO ET CEL-
SISSIMO PRINCIPI
AC DOMINO,

DOMINO GEORGIO-WILHEL-
MO, MARCHIONI BRANDEN-
BURGENSI, BORUSSIAE, CLI-
VIAE, JULIAE, MONTIUM, STE-
TINI, POMERANIAE, CASSU-
BIORUM, VANDALORUM, CROS-
SIAE Q. ET CARNOVIAE IN SILE-
SIA DUCI, BURGGRAVIO NO-
RIMBERGENSI, PRINCIPI RU-
GENSI, COMITI MARCHIAE ET
RAVENSPURGI, DOMINO IN
RAVENSTEIN, ETC.

DOMINO SUO CLEMENTISS.
ADMIRANDA SUA MATHEMATI-
CA HUMILLIMAE SUBJECTI-
ONIS MONUMENTUM

D. D. D.

Johan-Henricus Alstedius.

) (j

Illustrissime Princeps, Domine Clementissime,
 Na difficilis ars est, rectè Rempublicam regere.
 Hanc difficultatem unà cum imperiis propè dixerim incunabulis natam, cum alia innumera, tum imprimis hac duo augent, quòd Principes quidem nonnunquam regendæ, subditi plurimum parendi rationem nesciunt, quorum illud Charybdim, hoc Scyllam nō ab re aliquis dixerit. In Charybdim enim navis Reip. incidat necessum est, si naucleri, qui præsunt, nihil minùs sciant, quàm hoc ipsum, quomodo videl. clavum in vasto illo Oceano tenere debeant. In Scyllam verò has eadem navis deturbatur inobedientiâ subditorum. Quid enim hic agas, ubi si quid bene præcipias, nemo obtemperat, sed quilibet imperare satagit? Facile est imperium in bonos, ait philosophia Stoica princeps Seneca, at malè imperatur, cum vulgus regit duces; id quod omnibus fere seculis accidisse historia probant, & verò etiam nunc accidere quotidiana nos docet experientia. Nimirum hac est politia Cyclopium, in quâ nemo neminem audit. De utroq; hoc fonte Reip. morbo Maximilianus I. Imperator Augustus, Pius, Felix, quoties atatis suæ statum perpendit, nō minus verè, quàm eleganter dicere est solitus: Tres reges sunt hoc tempore; unus est rex hominum, alter

alter asinorum, & tertius rex regum. Rex hominum est Rex Hispaniæ, qui adhuc moderate regnat, & sentit se præesse hominibus. Rex asinorum est Rex Galliæ, cujus subditi omnia onera quæ ipsis imponuntur, ut asini patiuntur. Tertius Rex regum ego sum. Nam quilibet meorum subditorum vult esse rex, & facere quæ sibi placent. *Duobus hiis morbis civilibus medentur bona litera, muti illi & mortui consilarii, quos omnium optimos prædicabat Alphonsus Arragoniæ Rex. Illa enim & rationem gubernandi populum præscribunt, & molestias illas decumanas, quas inobedientia subditorum in animis Principum parit, se non tollit, satiem mitigant. Liceat hic mihi, Princeps Celssissime, paululum diffundere stylum, & tribus verbis indicare, quatenus bona litera bono Principi sint necessaria. Liceat, inquam, mihi non Platonem principem illum ingeniorum, sed Ciceronem imitari, quorum ille qualis esse deberet, hic qualis esset Resp. adeoque Princeps Resp. anima, indicavit. Non ego dissertatione meâ, qualis Tua Celssitudo esse debeat, sed qualis illa sit, literato orbi ostendam. Quum enim V. C. jam dum insistat viam regiam, & verò meum non sit Platonis partes mihi sumera, efficere conabor ut alii intelligant, quid sibi Germania nostra de V. C. possit polliceri. Theodorus Ducas junior Imperator Græcis in libris, quos scripsit de communione naturali, tradit.*

);(5

E P I S T O L A

figuram circularem omnium mundanarum figurarum esse prestantissimam, cuius reirationes per multas adferunt Mathematicum cultores. Hinc factum, quod prisci sapientes universam bonarum literarum compagem vocaverint Circulum, Graeci Cyclopadiam; duas, opinor, ob causas: tum quod disciplina inter se colligata sint sororio quodam vinculo, ut in circulo videre est; tum quod ipsa disciplina ad bona corporis & fortuna se habeant, sicut circulus ad reliquas figuras. Ha enim sunt ministra Dei, & perfectionis humana magistra. In circulo illo disciplinarum ipsa disciplina circumferentiam, homo centrum refert, à quo ad circumferentiam ducuntur tres lineae, Lingua, Mens seu Intellectus, & Voluntas. Triplex itaque perfectio à bonis literis. Linguam perficit Philologia, mentem Philosophia contemplatrix, voluntatem operatrix, ut nunc omittamus dicere de sacrosanctâ Theologiâ, qua non perficit hominem, quâ huius mundi civis est, sed quâ civitatem Dei incolit, quam dicimus Ecclesiam. Ex his efficitur, bonas literas ideò humanitatis vocari studia, quod hominem faciant verè hominem. Sunt enim etiam monstra hominum. Quod si jam verum est, ut est, quod Homerus fons ille ingeniorum scribit, principem esse pastorem populorum; verum & hoc est, principem esse virum supra viros, ideòq; triplicem illam perfectionem triplo magis ipsi necessariam esse

DEDICATORIA.

esse, ut ne illi occinipossit, quod Vladislavum Bohemia regem dixisse auctor est *Aeneas Sylvius*: Non videri tibi hominem, nedum Principem, qui literas ignoraret. Hæc dum recensamus, non volumus, ut Princeps chartis impallescat, totumq; sese literis mancipet, ut nullam interim habeat imperii curam, quod fecisse *Julianum Apostatam* illum sacerrimum memoria proditum est, qui ob id dictus est *Græculus* literio, quod nimium quantum tribueret *Graculorum* suorum *graculorum* lectioni. Quin potius hoc volumus, literas principi esse posse & debere manu ductionem ad sceptrum imperii rite capeffendum, & dextre tractandum, id quod hoc modo efficitur. Quum Princeps non solum mente gubernatrice, sed etiam oratione jubente & mandante opus habeat, & pacis & belli tempore, imitabitur *Alexandrum Magnum*, qui studiosissimus eloquentia *Rhetoricam* pro se scribi voluit, ab *Aristotele*. Dehinc mentem excolet *Physicis*, ut naturas rerum cognoscat, quæ res habet multum utilitatis & jucunditatis, necnon temperiem istius populi, cui præest, perspiciat, itemq; *Mathematicis*, quibus aded fuit deditus *Alphonsus* ille *Arragennius*, ut cum peritissimis potuerit certare artificibus. *Alphonsum* hodie imitantur, vel, ut rectius dicam, longo intervallo antecedunt cum alii multi heroës, tum inprimis *Hæctor* ille *Belgicus* & *hæros mundi MAURITIUS Nassovius*, cujus scripta

):(-14

E P I S T O L A

Mathematica legunt & mirantur summi artifices. Nimirum litera Mathematica & plurimum delectant, & apprimè juvant Principes, partim ingenia illorum praparando ad capeffendum sublimia (hoc enim proprium est scientiarum Mathematicarum) partim instruendo in re militari & architectonica; quod ne oratoriè à me dici videatur, paucis percurram singula Mathematices capita. Mathematica generalis suppeditat regulas communes, quarum usus est in universâ vitâ, maximè verò civili: unde Plato, Bodinus, & alii petierunt salutares de Rep. regundâ monitiones. Hominem nonnulli definierunt animal numerandi facultate praditum. Quod si ita est, ut nemo ambigit, Arithmetica impendiò necessaria fuerit homini, & nominatim principi, qui singulis fermè momenti numerare necesse habet, ut nihil dicam de aciei militaris ordinatione, qua tota à principis Arithmeticis dependet. Deum jamprè dixit piè Plato. Hujus vestigia insistant Geometra & Geodata. Præceptis illorum Princeps indiget, tempore pacis ad Architectonicam & Mechanicam, belli, ad castrametanda, & ad feliciter dirigendas machinas bellicas. Quid dicam de Astronomiâ? Inter alia rationem temporis illa præscribit; qua tota res est Principis, sicut exemplo Julii Caesaris manifestò doceri potest, ut præmittam, quòd de Deo opifice gratissima in astris fama sparsa sit.

sa sit. Geographiam nisi Princeps primoribus saltem labris degustet, in historiam, magistrâ illâ vitæ, evolvendâ aqua ipsi harebit. Musica melancholia est expultrix. Hanc cognoscet Princeps, ut de Musicis suis judicare possit, si ipse velit cantus dulcedine animum suum reficere. Perspectiva est cor architectonica, mechanica, & polemica. Ad extremum Philosophia operatricis pars princeps, qua dicitur Politica, est verè architectonica, proindeq; viris in administrandâ Rep. architectonicis, unice necessaria. Hac eò commemoro, ut intelligas Celsitudo Vestra, quod regiam viam jamdum (quod & paulò antè protestatus sum) insiteris, quando bonis literis se totam tradidit: de quo omnis Germania, patria nostra, sibi gratulatur merito. In illis & ego profiteor meum nomen, qui non dico sibi gratulantur de heroico V. C. erga bonas literas affectu, tali principe dignissimo, sed illum ipsum admirantur. Hujus rei testes in publico memoria templo suspendo, & ad V. C. fasces depono hos admirandorum Mathematicorum libros: quos confido utrumq; illud, quod paulò ante de Mathematicis studiis predicavi bonum, utile dico & jucundum, etsi non largâ, tamen manu facili promovere. Vestra Celsitudo, quâ est erga literas propensione benevolentissimâ, me illarum alumnum, meumq; qualequale scriptum in clientelam suam suscipiat, quàm humillimè rogo. Ita Deus, Rex ille, in cuius

EPIST. DEDICATORIA.


*manneſt cor regum, faciat Veſtram Celſitudinem
non pari cum maximis ducibus curſu progredi,
ſed omnes pratergredi ad multorum ſalutem. Scri-
bebam Herbornâ Naſſoviorum XII. Kalendas
Aprilis Seculi decimiſexti poſt Chriſtum natum
anno XIII. Anno mundi 5562.*

JOHAN-



JOHAN-HENRICUS
ALSTËDIUS

Lectorem meum salvere jubeo.

 Erum esse pervulgatum illud:
Homo proponit, Deus disponit: ego,
Lector optime, si quisquam a-
lius, experiundo cognovi. Qui
enim à teneris, propè dixerim, annis me
totum sacrosanctæ Theologiæ studio ad-
dixeram, dederam, mancipaveram, acci-
pio divinitus oblatam Spartam philoso-
phicam. Eam me non aliâ ratione ornare
posse quotidianâ experienciâ edoctus
sum, quàm si singulas Philosophiæ par-
tes (quæ, ut philosophi cujusdam utar
verbo, sororio quodam vinculo cohæ-
rent) cognoscerem, cognitas expolirem,
expolitas cum mei similibus, id est, di-
scendi cupidis, communicarem. Feci id
in Grammaticis, Metaphýsics, Oratoriis,

A 2

Logicis, & Physicis. Idipsum & nunc
 attento in Mathematicarum disciplina-
 rum circulo: in quibus me non medio-
 criter versatum (absit invidia verbo) fa-
 teor, invitatus illarum & dignitate, & fa-
 cilitate, & utilitate. Dignitas enim tanta
 est Matheseos, ut prisci sapientes tyroni-
 bus, quos informandos susceperant, eam
 in primo institutionis limine proposue-
 rint; unde & id nominis traxisse à multis
 putatur. Facilitas verò usq; adeò magna,
 ut vel rusticis verè *τετραγώνοις* possit pro-
 poni depicta in pulvere; unde prover-
 bium, *Pulvis eruditus*, de mathematicis u-
 surpatum, qui figuras suas in pulvere pri-
 mitùs scriptitabant. Utilitas denique tan-
 ta, ut non solùm in vitâ communi pro-
 singulis, sed etiam mei, id est, scholastici,
 ordinis hominibus apprimè conducibi-
 lis existat, quatenus mentem exuit insci-
 tiæ ærugine, acuitq; ad alia, & vegetis in-
 geniis summam cognoscendi adfert vo-
 luptatē: id quod *Scaliger* noster *ex. 307.*
§. 3. de Metaphysicâ, disciplinarum illâ re-
 ginâ

ginâ & aquilâ, pronuntiat. Et verò prisci illi Græci Mathesin suis discipulis, novellis illis, non proposuissent statim ab initio, si vel difficilem, vel inutilem eam judicassent. Nescio autem, quod cacoëthes nostro exulcerato & deplorato sanè seculo invaluerit. Tanta enim est præceptorum nostrorum, qui philosophiâ, quam vocant, docere debent, oscitantia, ut præteritâ, aut saltem negligentiusculè traditâ, Mathesi, juventutem in alia vireta deducant an seducant! Ego huic malo medicinam facere hoc qualiquali compendio annisus sum. Vidi enim, & docentes, & discentes philosophiam, abhorre a Mathematicarum scientiarum tractatione, vel hoc solo nomine, quòd nullâ fermè methodo proutantur. Tu, lector, sed candide, (nigros enim nil moror) candidè judica, num fecerim operæpretium. Vale, & admiranda Mathematica (verè enim admiranda sunt) admirare, illorumque cultores ama.



A D A U T H O R E M.

Euge mathematicas sic perge industrius artes
 Excolere: & merito singula puncta feres.
 Nam Logica lumen methodi pulcherrima res est,
 Qua rerum cumulum mente tenere facit.
 Hic penè immensa est variarum copia rerum,
 Quas absq; hac methodo discere difficile est.
 Quapropter cunctos quib. hac cognoscere cura est,
 Huic operi docto rite favere decet.

Johan. Piscator.



S O P H I E

De

JOHAN. HENRICO ALSTEDIO.

interprete

CHRISTIANO BECMANO,
 Bornensi.

ENscripta ALSTEDII! Sophie ede: quid esse pu-
 tas hunc?

Ingenium an totus, totus an ille labor?

Quòd docta, ingenii: quòd scribit multa, laborū est:

Utrumq; ALSTEDIUS divite laude facit.

Sic ego: sic Sophie: dubitantem tollito elenchum:

ALSTEDIUS totus ingenium & labor est!

ISAGO-

ISAGOGÉ
IN LIBROS ADMIRANDORUM MATHE-
MATICORUM,
CONTINENS
TECHNOLOGIAM, ADEO-
QUE MATHESEOS UNI-
VERSÆ OECONOMIAM,

Scripturus libros admirandorum mathematicorum necesse habeo præmittere technologiam *αριθμητική* loco. Atque hæc sunt mathematica præcognita, de naturâ & studio Matheseos.

Technologia illa continebit philosophiæ cum definitionem, tum partitionem.

Definitio philosophiæ est tum nominis, tum rei.

Definitio nominis apud Ciceronem l. 2. *Officiorum* legitur ista: *Nec quicquam aliud est philosophia, si interpretari velis, quam studium sapientia.* Hoc vocabulum accipitur vel latissimè, vel strictè. Latissimè accipitur ab eodem Cicerone l. 3. de *Orat.* ubi ait: *Cognitio omnium opti-*

marum rerum, atq; in iis exercitatio, philosophia nominatur. Locum huic *παράλληλον* videre est apud eundem *l. 2. offic.* Strictè philosophia accipitur, quando distinguitur contra tres reliquas, quas in scholis vocant, facultates, Theologiam puta, Jurisprudentiam, & Medicinam. Et hoc modo Philosophia iterum duobus modis accipitur: abstractè scilicet, & concretè. *Abstractè*, prout est naturâ & genere suo: *concretè*, prout est subjectivè & compositè in hujus vel illius hominis mente. Hoc modo si accipiatur, definiri non potest: quia in omnibus, & inter omnes variat. Aliter siquidem se habet in Platone, aliter in Aristotele. Et verò cum individuum, tanquam infinitorum non sit scientia, nullo modo virtutes & habitus alii considerari debent ratione subjectorum recipientium. Abstractè igitur philosophia à nobis considerabitur, ut est simpliciter & formaliter naturâ suâ. Duobus autem iterum modis consideratur philosophia abstractè sumta; prout est archetypa, & ectypa. *Archetypa* est habitus in mente sapientum. Sapientum dico, non autem hujus vel illius sapientis. Causa liquet è modo dictis. *Ectypa* est systema methodicum disciplinarum. Utrolibet modo accipias philosophiam, perfectè non definiveris. Collectiva enim non possunt perfectè definiri. Ratio: quia sunt entia per aggregationem, adeoque non unius prædicamenti, *Quid*

ti. Quidquid autem non est in uno prædicamento, perfectè definiri non potest. Quapropter sequitur imperfecta *definitio rei*, eaque gemina: philosophiæ scilicet archetypæ & ectypæ.

Philosophia archetypa est habitus mixtus sapientiâ, scientiâ, prudentiâ & arte constans. Vel, est habitus mixtus naturalis. Nam Theologia est habitus mixtus supernaturalis. Hæc est formalis ratio, quâ philosophia distinguitur ab aliis suis, quas continet, disciplinis, itemque à Theologiâ arcanâ. Est habitus mixtus: quia est ens unum aggregatione. Reliquæ verò disciplinae sunt habitus simplices. Est insuper habitus mixtus naturalis. Supernaturalis enim habitus mixtus est Theologia, quæ non solum est theoretica, sed & practica. Neque enim hoc pugnat cum unitate illius. Ratio: quia Theologia non debet considerari ut una disciplina, sed ut totum collectivum. Sicut igitur Philosophia sub se continet varias partes: ita & Theologia.

Philosophia ectypa est compages disciplinarum rectè dispositarum: aliàs systematica & enunciata, sicuti prior illa concepta & habitualis dicitur.

Sequitur *distributio philosophia*, quâ disciplinarum philosophicarum ordo traditur.

Ordo ille est tum dignitatis & naturæ, tum doctrinæ.

Ordo dignitatis est, quo disciplinæ collocantur eâ serie, quam naturâ obtinent. Estque talis.

Disciplina philosophica est vel theoretica, vel practica, vel poëtica.

Theoretica est quæ agit de rebus necessariis, quæ sciendæ sunt, adeoque tradit cognitionem veri.

Estq; vel sapientia, vel scientia.

Sapientia est una duntaxat, *Metaphysica* scilicet seu prima philosophia, quæ considerat ens in quantum ens.

Scientia est vel pura, vel media.

Pura est vel physica, vel mathematica.

Physica est vel generalis, vel specialis.

Physica generalis est, quæ explicat proprietates rerum naturalium in genere. *Fonsæcæ* 4. *Metaph. c. 1. q. 2. s. 2.*

Specialis est vel *Pneumatica*, aliàs Pneumatologia, de spiritu creato, vel *Somatologia*, de corpore.

Mathematica est vel generalis, vel specialis.

Mathematica generalis est, quæ tractat principia & affectiones multitudini & magnitudini communes. *Pererius lib. 1. cap. 17. p. 57. Dasypod. in proleg. compend. Mathem.*

Mathematica specialis est tum *Arithmetica*, tum *Geometria*.

Scientia

Scientia media est, quæ partim *Physica* est, partim *Mathematica*. *Fonsæcæ 2. Metaph. cap. 3. q. 2. s. 5.*

Estq; vel corporis, vel qualitatis.

Corpus consideratur vel in genere, unde *Cosmographia*; vel in specie, unde est tùm *Uranosopia*, tùm *Geographia*.

Qualitatis *Scientia* est tùm *Optica*, tùm *Musica*, tùm denique *Architectonica*.

Si dichotomiam malis, hanc habe: *Qualitas* est vel princeps, vel minùs princeps. Illa est visibilis, quam *Optica*; vel audibilis, quam *Musica* tractat. Hæc dicitur *Figura*, de quâ *Architectonica*.

Practica disciplina dicitur *Prudentia*, quæ tractat de rebus contingentibus agendis, adeoque de actione boni.

Prudentia est methodica, vel exemplaris.

Methodica est vel generalis, vel specialis.

Generalis est *Ethica*.

Specialis est tùm *Oeconomica*, tùm *Politica*.

Exemplaris est *Historica*.

Disciplina poëtica dicitur *Ars*, quæ tractat de rebus contingentibus faciendis.

Ars (liberalem intellige) est vel pura, vel media.

Ars pura est vel *Mnemonicæ*, id est, memorialis, vel *Logica*.

Ars Logica est vel sermocinatrix, vel ratiocinatrix.

Sermocinatrix tractat de vocum vel significationibus, ut *Lexica*; vel adsignificationibus, & his quidem vel puris, ut *Grammatica*, vel ornatis, ut *Rhetorica*.

Ars ratiocinatrix dicitur *Dialectica*, aliàs *Logica*.

Ars media seu mixta est, quæ partim sermocinatrix, partim ratiocinatrix est: est quæ tùm *Oratoria*, tùm *Poëtica*.

Atque hic est ordo naturæ: sequitur *ordo doctrinae*, popularis ille, quo disciplinæ docentur & discuntur. Eum sequentibus complectemur conclusionibus: in quibus agemus de methodo prudentiæ in quatuor prioribus conclusionibus, de methodo sapientiæ in ultimâ.

Prima conclusio sit: *Grammatica doctrina ordine prior est Logicâ.*

Secunda conclusio: *Logica doctrina ordine prior est Rhetoricâ.*

Tertia: *Mathematica doctrina ordine est prior philosophiâ naturali.*

Quarta: *Physica doctrina ordine est prior quàm moralis philosophia.*

Quinta: *Metaphysica doctrina ordine populari postrema est omnium.*

Sexta: *Exquisita doctrina ordine, Metaphysica est prior*

est prior Physica & Mathesi, & Physica prior Mathesi.

Harum conclusionum confirmationes pete
*de Boethio de ordine tradendi disciplinas, & de do-
 ctrinâ scholarium: de Plutarcho in lib. de contra-
 rietatibus Stoicorum: Philone Judæo de agricul-
 turâ: August. de ordine. Thom. in opusc. 70. q. 5.
 art. 1. Henrico Gandavensi in summâ art. 7. q. 7.
 Hugone de Sancto Victore l. 2. didascal. c. 18. Col-
 leg. Conimbricensi in proœm. phys. q. 5.*

Hæc est technologia philosophiæ, quam eo
 fine præmisimus, ut disciplinarum Mathema-
 ticarum seriem pervidere quilibet posset. Series
 ita habet: 1. Mathematica generalis. 2. Arith-
 metica. 3. Geometria. 4. Cœsmographia. 5. U-
 ranoscopia. 6. Geographia. 7. Optica. 8. Mu-
 sica. 9. Architectonica. Quibus adjicimus li-
 bro primo methodicam singularum expansio-
 nem. Novem itaque libris admiranda Mathe-
 seos arctabimus. Sed antequam isagogen hanc
 finiamus, decadem aphorismorum de naturâ &
 studio Matheſeos præmittemus.

I. *Aphorismus.* Omnes res aut sunt formæ
 absolutæ, sive actus puri, omnis materiæ exper-
 tes, ut naturæ spirituales; Græcis dicuntur *τὰ ἀ-
 πλῶς ὄντα*: aut sunt corpora ex materiâ & for-
 mâ composita, Græcis *τὰ ἐκ ὑποστάσεως ὄντα*:
 aut denique accidentia, rebus inhærentia: quo-
 rum quædam sunt *ἐνεργητικά*, ut omnia qualita-

tum genera, & actiones à qualitatibus ortæ, de quibus Physiologia: quædam *πυθινεῖ*, quæ nullam vim ad agendum habent, ut sunt quantitas, motus localis, & tempus: quorum consideratio pertinet ad Mathematicum. *Schegk. in l. 1. ἀποδρ. Franc. Junius de Academiis. Rockenbach. in Isagog. Geom.*

II. *Aphorismus.* Quantitas consideratur vel in communi, & vel in particulari. Communiter consideratur in Mathematicâ generali. Particulariter duobus modis consideratur, originaliter & concretè, vel essentialiter & abstractè, in suâ essentiâ, ideâ, definitione, & prorsus immaterialiter. Illa dicitur *αἰσθητή*, hæc *νοητή* quantitas.

III. Abstractio Mathematica fit à materiâ sensili, sed communi, & quidem non re, sed ratione: Physica fit à materiâ sensibili singulari tantum: Metaphysica ab omni materiâ, sensibili & intelligibili, & re & ratione simul. Talis autem abstractio Mathematica duntaxat cernitur in scientiis Mathematicis puris, *Arithmetica* nimirum & *Geometria*: quæ duæ solæ sinceræ vocantur.

IV. Quantitas concretè consideratur cum certo aliquo subjecto: & quidem in disciplinis Mathematicis mediis, itemq; mechanicis.

V. Disciplinæ Mathematicæ mixtæ seu mediæ sunt *Cosmographia*, *Uranoscopia*, *Geographia*,

phia, Optica, Musica. Etenim quantitas concreta in certo subiecto consideratur, vel in corpore, vel in qualitate. Quantitas fundata in corpore explicatur in genere, in *Cosmographiâ*, & in specie, tum in *Uranoscopiâ*, tum *Geographiâ*. Qualitas est vel primaria, seu sensilis, eaque vel visibilis, vel audibilis: de illâ *Optica*, de hac *Musica* tractat: (de odorabili, gustabili & tactili non præcipit Mathesis) vel secundaria, quæ dicitur figura, de quâ *Architectonica*.

Arque hæ sunt disciplinæ Mathematicæ mediæ scientificæ.

Mechanicæ sunt, quæ nituntur Mathematicarum putarum & mediarum fundamentis, earundemq; utuntur regulis.

V I. Disciplinarum Mathematicarum mechanicarum collegium satis est fecundum. Sunt enim vel *πυγμαστοποίησις* & *αὐλομυστοποίησις* vel *σφαιροποίησις*, quò pertinent Gnomonica, Dioptrica, Meteoroscopica, Hydrologica, Hydroscopica: vel *ὑδροστοποίησις*, sub quibus Hydraulica, Pneumatica, Clasmatica, Belopoëtica, Cheiropalæstrica: vel Centrobaricæ, ubi traditur doctrina æquilibrantium & centroponderantium: vel deniq; architectonicæ fabriles.

V II. Mathematicæ mediæ magis sunt Mathematicæ quàm Physicæ. Quamvis enim earum objecta partim ad naturalē philosophum, partim ad Arithmeticum & Geometram spe-


stent: tamen à potiori fieri debet denominatio. Quum igitur objecti partes duæ sint, materiale & formale, id est, res considerata & modus considerandi, oportet formale potius spectare, quàm materiale. Jam verò modus considerandi est Mathematicus: quippe quum habeant principia Mathematica istæ disciplinæ mediæ. Ita statuimus cum Aristotele contra Thomam, qui eas magis phycas esse asseruit.

VIII. In Mathematicis disciplinis datur subalternatio propriissimè dicta. Subalternatio est, secundum quam una disciplina subalternās, altera subalternata dicitur. Fitq; vel ratione principiorū, vel ratione subjecti, vel ratione finis. Illa & ista in theoreticis, hæc in practicis locum habet. Ratione principiorum ea disciplina dicitur subalternata alteri, cujus principia in illâ demonstrantur, siue id fiat ostensivè, siue deductione ad impossibile. Ratione subjecti ea scientia subalternatur alteri, cujus subjectum sub illius subjecto continetur. *Fonsæca in 4. Metaph. c. 1. q. 1.* Quum igitur in scientiis Mathematicis scientia subalternata à subalternante accipiat subjectum, principia & affectiones, subalternationem *πυρολόγιας*, in scientiis Mathematicis dari diximus, secuti *Zabarellam de tribus præcogn. cap. 12.* Sic v. g. Arithmetica habet subjectum abjunctum à materiâ & omni sensili qualitate: Musica verò in eodem versatur cum certæ materiæ

teriz & sensibilis qualitatis additione. Nam Arithmetica de numero tractat abstractè, Musica de eodem, quatenus consideratur ut sonorus; Geometria de lineâ; Perspectiva de lineâ visuali præcipit.

I X. Musica ante Opticam collocari potest, si dignitatem subalternationis spectes. Musica enim subalternatur Arithmeticz, Optica Geometriæ. Arithmetica autem nobilior est Geometriâ. At si dignitatem objecti spectes, Optica est nobilior Musicâ. Visus enim nobilior est auditu.


X. Si aliam Mathematicarum scientiarum seriem desideras, habe tibi istam,



18 ISO G. IN MATHEMATICAM.

Satis de iis, quæ præcognoscenda sunt Mathematicis studio. Nunc ordine pertexemus novem admirandorum Mathematicorum libros.

Tu, Domine Deus Pater cælestis, da mihi recta scribere, tibi in honorem, proximo in fructum.



A D M L.

ADMIRANDORUM MATHEMATI- CORUM

LIBER PRIMUS,

Continens

MATHEMATICAM GE-
NERALEM.

Cap. I. Mathematicæ genera- lis definitio.



*Mathematica generalis est scientia, tra-
ctans de quantitate communiter.*

Mathesis δὲ τοῦ μαθηῖν, à discen-
do, nomen habet: cujus notationis
treis causas adferunt Mathematici. 1. Quia
non est cuius obvia, sed iis qui diligenter di-
scunt. Neque enim Mathesin à magistris mutis,
sine vivis, ullus didicerit. 2. Quia omnium pri-
mò primitus discenda erat. Hinc est quòd Ari-
stoteles in organo Logico multis utitur termi-
nis & exemplis Mathematicis, tanquam præ-
cognitis. 3. Quia usque aded sunt excellentes,

ut sine iis nemo philosophi titulo gaudere possit. Vide in hanc sententiam *Arist. l. 5. Metaph. c. 1. l. 1. de anim. c. 1. Proclum in commentar. in Euclid. l. 1. c. 7. Conrad. Dasypod. in compend. Mathes.* Hæc duplex est, generalis, & propria. Generalis, aliàs universalis, tradit communia principia, theoremata, & accidentia: quibus cognitis, singula in singulis scientiis specialibus faciliiori & expeditiori viâ percipiuntur. Et verò speciales Mathematicæ disciplinæ ad generalem illam confugiunt, tanquam matrem, & ab eâ, sua principia & accidentia petunt. Communia illa hîc proponuntur *ἐν θίσις*, in specialibus *ἐν ὑποθίσις*. Etenim communia principia & accidentia Mathematica, non tribuuntur numero, quâ numerus est, sed quatenus omnibus rebus Mathematicis insunt. Non enim numero, quâ numerus est, sed numero, quatenus est in serie Mathematicâ, competunt.

Cap. 2. Principia Mathematica essendi.

Mathematica generalis partes dua sunt, *archelogia, & pathologia.*

Diximus, quantitatem hîc considerari communiter. Communiter autem in eâ notamus duo, principia scilicet, & accidentia sive communes

munes ejus affectiones. Atque hinc dux, quas modò diximus, illius partes. Itaque

*Archelogia est prima Mathematica generalis pars, quæ tractat de quantitatis principijs. Intel-
lige quantitatem, quâ cognoscibilis est in Ma-
thesi. Itaque conjunctim tractabimus quanti-
tatis & Matheseos principia. Acutus lector fa-
cilè discernet.*

*Principia quantitatis sunt, vel effendi, vel co-
gnoscenti.*

*Principia effendi sunt, quæ important influxum
(sic loquuntur artifices) ad esse quantitatis.*

Suntq; vel externa, vel interna.

Principia externa sunt efficiens, & finis.

*Efficiens est, vel independens, Deus, author o-
mnis boni in naturâ & supra naturam: vel de-
pendens, & hoc duplex est, principium scilicet
QUOD, & QUO.*

*Principium QUOD est homo, qui πῖϕυκς, id est,
aptus natus est, abstrahere à materiâ communi,
non re, sed ratione. Ille enim invenit mathe-
maticas scientias, inventas excoluit, docendo
discendoq;.*

*Principium QUO est intellectus, isq; tam theo-
reticus, quàm poëticus. Intellectus secundùm
accidentales differentias, non autem formales,
dicitur esse theoreticus, practicus, & poëticus.
Intellectus enim à seipso non differt essentiâ di-
versâ. Scal. ex. 307. f. 23. Dicitur theoreticus, in*

quantum cognoscit objectum, ut cognoscat: practicus, quatenus cognoscit objectum, ut homo illud agat, ejusque operatione perficiatur: poetica denique, quatenus cognoscit objectum, ut homo illud efficiat, & artifex inde vocetur. Principium itaque *quo* constitutas volumus mathematicas disciplinas, dicimus intellectum *ἡγεμονίαν τε καὶ ἀρχαίαν*. Sed notetur, hæc ipsa duo principia, *quod* & *quo*, diverso respectu vocari posse principia cognoscendi. Homo siquidem est principium *quod* cognoscit; Intellectus, principium *quo* homo cognoscit.

Finis scientiarum mathematicarum est vel remotissimus & primus, gloria Dei; vel remotus & intermedius, cognitio macrocosmi, & oblectatio microcosmi; vel proximus, quantitatis solida cognitio. Aristoteles dicit: Mathematica non habent finem. 3. Rhetor. Non enim propter se, sed aliorum causâ tractantur: *1. Metaph.* Quamquam enim theoremata & conclusiones transferuntur ad opus; veluti ad agrorum metationes, ad architecturam: non tamen hæ illarum fines sunt. Alioqui Mathematicus esset artifex, cujus finis est opus. Hoc enim ridiculum. Præcisam enim suam sibi habent cognitionem, quæ ad nullum deducitur opus. *Scal. ex. 342.* Aliud autem est scientiæ objectum habere finem, aliud artificem ipsum. Nemo est ex omniscientum aut artificum turbâ, qui agat quicquam sine fine ali-

ne aliquo. Non tamen omnis scientia habet finem, id est, causam finalem, propter quam subiectū constituatur à formâ, quam finis moveat. Sic nulla causa movet quadrati formam sive positius figuram, ut sit in intellectu mathematico. *Scalig. d. 1.* Nos dicimus ita: Mathematica non habent finem, qui operatione in subiectum est introducendus: qualem finem habent prudentiæ, quas ita eruditè vocant. Finem autem, quem modò assignavimus, habent Mathematica.

Principium intrinsecum est vel materiale, vel formale.

Principium materiale quantitatis est τὸ Minimum quantitativum: quod est in prædicamento quantitatis δι' ἀναγωγῆς, per reductionem.

Philosophi naturales in scholâ suâ physicâ habent titulum de MINIMO NATURALI. Finita enim quum sint corpora naturalia, utique ex finitis. *Scal. ex. 16. f. 4.* Hoc est quod dicit Philosophus in Physicis, ubi loquitur de lapidis cavatione. Multæ, inquit, cadentes guttæ nihil auferunt de lapide, sed una tantum: putà, centesima in aliarum virtute partem lapidis tollit: quæ cum tota simul auferretur, non autem particulatim. Ergo si non sunt ablationes tot, quot sunt guttæ, aliquot erunt sine ablatione, & una postremò auferetur. Illud igitur tantillum lapidis, erit prima ad compositionem, & minima lapidis pars. Fit enim in eâ primus motus. Atque

hæc ablata fuisset à primâ gutta, si illa continisset priorum vires in suâ vi; id quod efficere potuisset alterius subjectione, videlicet luti. Idem statuendum est de lapidis fractione per malleum: quæ sit tertio, aut quarto ictu minùs valido, aut ab uno valido satis. Si est igitur minimum naturale, quod à guttâ aufertur: eâdem ratione in motu pertransibitur spatium *minimum quantum*, per tempus *minimum quantum*, à corporis portione *minimâ quantâ*. Quæ non licet actu designate propter continuitatem. Sic delentur tot dubitationes de instanti, de invisibili, adeoque puncto & unitate. Aliud enim est esse actu indivisibile, & sensu: aliud potestate Mathematicæ intellectiōis.

Principium formale est ordo continuitatis, quo extrema quantitatis conjunguntur per medium. Tradunt philosophi, in quavis quantitate esse duo extrema, & medium continuationis: id est, principium, medium & finem. Medium illud est participationis, non autem negationis.

Cap. 3. Elementa Mathematica.

Talia sunt principia essendi, tam quantitatis, quàm Mathematicarum scientiarum; sequuntur principia cognoscendi, quæ regunt cognitionem

tionem mathematicorum doctorum & discipulorum.

Principiis his addimus conclusiones, ut contraria juxta se posita clariùs elucescant.

Eorum considerantur species, & communes affectiones.

Species principiorum cognoscendi ita circumscribimus, secuti Proclum. l. 3. comment.

Propositio mathematica est vel elementum, vel elementi speciem habens, vel neq; est elementum, neq; elementi speciem habet, sed ab utroq; juncta est. Illa & ista veniunt nomine principii; hæc conclusionis. Si dichotomiam mavis, hanc habe: *Propositio mathematica est vel principium, vel conclusio. Principium est vel immediatum, vel mediatum. Immediatum vocatur elementum; mediatum, quod elementi speciem habet.*

Elementum est propositio simplicissima, prima, & immediata, à quâ pendet cognitio sequentium.

Principia prima mathematicis dicuntur elementa, metaphorâ sumtâ è Phycis. Hujusmodi elementa collegit Euclides. Elementa vocat; non quòd omnia & singula sint elementa, sed quòd plurima. Ita semper à potiori fit denominatio. Nempe sunt quædam propositiones ibi pro principiis: aliz pro conclusionibus: multæ pro consequentibus, quæ vocantur corollaria: nonnullæ conversæ, quas ille suo diduxit ar-

bitratu ad exercendam juventutem. *Scal ex 319.*
 Ista elementa vocantur prima principia, scilicet
 in Mathesi, non ἀπλῶς πρῶτα, sed κατὰ π. Si e-
 nim conferantur cum Metaphysicis principiis,
 prima non sunt. Strictè sumtum hoc vocabu-
 lum significat propositionem simplicissimam, &
 quâ dubiorum, quæ in aliis occurrunt, fit solu-
 tio. Latè interdum sumitur, & sic omnis propo-
 sitio, quæ demonstrat & confirmat, est elemen-
 tum ejus, quæ cōfirmatur: quo sensu prima pro-
 positio apud Euclidem est elementum secundæ
 propositionis, & quarta quintæ. Et hâc ratione
 multa theoremata & problemata sunt elemen-
 ta. Nos primo significatu accipimus, & cum
 omnibus Mathematicis pronuntiamus, ele-
 menta Euclidæa esse omnium optima, ita ut sine
 iis nemo possit feliciter Mathematicis operari
 dare. Sunt enim simplicissima, primisq; princi-
 piis Metaphysicis maximè adfinia, demonstra-
 tionumq; fontes. Nam Archimedes in libris de
 sphaerâ & cylindro, Apollonius, Ptolemæus, Se-
 renus, Theodosius, Autolycus, & reliqui arti-
 fices, utuntur principiis, quæ in elementari hâc
 doctrinâ occurrunt, tanquam concessis, affir-
 matis, minimeq; dubiis.

Elementum est vel ἀξίωμα, vel ὁρῶ.

Ἀξίωμα, aliàs κρινή ἐννοια, est communis sen-
 tentia, per se nota, & omnium hominum mentibus
 insita, cui assentiuntur sine ulla δαίξει vel ἀπο-
 δείξει.

δεῖξαι. Cicero Germaniæ, Sturmius, hujusmodi communes notiones vocat honoraria pronuntiata: Stoici προλήψεις, q. d. anticipatas notiones. Hujusmodi in Mathesi communes sententiae sunt octo.

- 1 Totum est majus sua parte. (aequalia
- 2 Si aequalibus aequalia addantur, tota sunt
- 3 Si ab aequalibus aequalia auferantur, quae relinquantur, sunt aequalia.
- 4 Si inequalibus aequalia vel inequalia adjiciantur, tota inter se sunt inequalia.
- 5 Si ab inequalibus aequalia subducantur, quae relinquantur, sunt inequalia.
- 6 Quae uni & eidem sunt aequalia, etiam inter se sunt aequalia; vel, ut alii enuntiant, quae uni tertio conveniunt, inter sese conveniant, & contrà.
- 7 Quaecumque sunt ejusdem dupla, sive aequè multiplicia aequalitérve majora, sunt inter se aequalia; & viceversâ.
- 8 Quaecumque sunt ejusdem dimidia, sive aequaliter minora, inter se quoque sunt aequalia. Atque haec principia verè admiranda sunt.

Haec sunt octo axiomata, fontes omnium demonstrationum in Mathesi. Plura si quis adferat, illa vel non sunt axiomata, vel ad haec octo reduci possunt. Sunt haec axiomata velut instrumentariae causae noëticae, quibus in Geodasiâ magnitudines abstractè, mentis acie, sine aliorum instrumentorum adminiculo, mensurari

possunt. *Petrus Ryff. part. 2. Geom. c. 1.* Quod verò attinet terminos incomplexos, qui in his talibus principiis occurrunt, eos non Mathematicus, sed Metaphysicus explicat: qui ipse horum principiorum demonstrationem affert, videlicet per deductionem ad impossibile, procedendo ex illo principio simpliciter primo: *Impossibile est idem esse & non esse*. Iccirco quid sit unum, aequale, inaequale, totum, pars, declarat primus philosophus. Ad primum enim philosophum, tanquam dictatorem, pertinet iudicium, & constitutio scientiarum, adeoque principiorum, quæ solus probat. *Scal. ex. 321.* Probat, inquam, siue demonstrat, non ostensivè, sed deductivè, hoc est, ἀπαγωγῇ εἰς ἀδυνάτην, Nam principia sunt ἀναπόδεικτα à priori. Illorum autem evidentia ostendi potest per deductionem ad absurdum siue impossibile.

Ὁρισμός, definitio, aliàs θέσις, positio, est sententia, non naturā nota aut præscita, neq; etiam probata, sed ab artifice docendi causā posita: quā declaratā, aut etiam simpliciter propositā, statim assentimur illius veritati: ut, *circulus est curvilineum rotundum, in quo omnes lineæ à centro peripheriam versus ductæ, sunt æquales.*

Cap. 4.

Cap.4. Propositiones elementorum speciem habentes.

Propositio, quæ non quidem est elementum, sed tamen elementis speciem habet, est vel postulatum, vel hypothesis.

Postulatum, Græcis αἴτημα, est propositio corrogata, quam artifex sibi dari & concedi postulat. Cic. l.3. Offic. Non enim solent Mathematici omnia demonstrare, sed postulare, ut sibi quædam concedantur, quò faciliùs quæ volunt explicent: ut si quis petat ad demonstrationem suam conficiendam cum Copernico, *cælum stare, terram moveri. Victor. Strigel. in Logic. Melanchth.* Quanquam sunt, qui putant, Copernicum seriò istam sententiam defendisse; id quod nostrâ memoriâ facit *Cl. Origanus*. Szpè tamen Mathematici vocem hanc paulò aliter usurpant. Vocant enim *postulata* eas propositiones, quæ non demonstratione, sed simplici delineatione factâ cognoscuntur: ut, *petatur; à puncto ad punctum ducere rectam lineam. q. d. peto à vobis, ut à puncto dato ad alterum datum recta ducatur: id quod factu est facillimum.*

Hypothesis est propositio, quæ etsi demonstrationem habet, tamen sine demonstratione ponitur, tanquam elementum. Aliàs dicitur propositio

concessu, itemq; *lemma*: quod auditor antea sine præceptore non intellexit, quamprimum verò audit, sine demonstratione concedit: ut, *omnes anguli per crucem oppositi sunt aequales*. Interdum tamen latissimè accipitur hæc vox *hypothesis*, pro quovis principio Mathematico.

Cap. 5. Methodus demonstrativa Mathematicorum.

Propositio qua neq; elementum est, neque elementi speciem habet, vocatur conclusio, ἢ μέγας ἀπόδειξις.

Conclusio consideratur communiter, vel distinctè.

Communiter consideratur quoad sex partes, quæ sunt:

I. Πρότεσις, quæ proponitur tunc datum, tunc quesitum. Datum, Græcis δίδωμεν, Dialecticis ὑποκείμενον, i. e. subiectum dicitur. Quesitum, Græci vocant ζητούμενον, Logici κατηγορούμενον, prædicatum, sive affectionem rei subiectæ per se accidentem.

II. Ἐκθεσις, scil. τὸ δίδωμεν, ἢ ἡγούμεν, hoc est, dati subiecti seu antecedentis in abaco expositio.

III. Διορισμός, scil. τὸ ζητούμεν ἢ ἐπορούμεν, i. e. quæ-

i. e. quæ sit attributi seu consequentis determinatio, seu explicatio.

IV. *Κατασκευή, delineatio*, quæ præmittitur demonstrationi. Ea nihil est aliud, quàm præparatio subjecti, ad quæ sit investigationem, & inventi demonstrationem, ideoque præsumis certa quædam principia.

V. *Ἀπόδειξις, demonstratio*, quæ est veritatis & affectionis logica comprobatio. Hæc demonstrat è jam notis quæ situm rei subjectæ inesse. Demonstrationes in Mathesi sunt omnium firmissimæ, & omni exceptione majores. *Keck. Curs. Philos. disp. 21. pag. 29.*

VI. *Συμπέρασμα, conclusio*, videl. prædictæ & repetita totius propositionis affirmatio.

Atque hæc est Mathematicorum methodus apodictica, quæ tamen non semper cunctas istas partes requirit. Interdum namq; nullâ opus est *ἐκτίσει*, interdum nec *διόρισμῳ*, nec *κατασκευῇ*: si quidem res per se evidentes ac manifestæ sint. Plerumque tamen, *ἐπὶ τὸ πλὸν*, summi artifices conjungunt istas partes, recte Proclo. Neque semper propositum directè syllogismis concluditur; sed quandoque *ἀπαγωγῇ εἰς τὸ ἀδιώκτον* utimur. Nec denique semper integris syllogismis, aut harum partium ordine observato, verùm sæpè enthymematis res absolvitur. *Petrus Ryff. part. 2. Geom. c. 1.* Adduntur his sæpè porismata & instantiæ.

Cap.6. Theoremata & problemata.

Consideravimus conclusionem communiter: jam considerabimus distinctè.

Est autem conclusio vel theorema, vel problema.

Theorema est conclusio, qua subjeſſi affectionem indicat. Itaque

Theorema in figuris jam constitutis & descriptis docet ea, quæ vocantur *ἑα καὶ αὐτὰ συμβαίνοντα*, i. e. propria affectiones. Ejus finis est *δείξις, ὁρσις*, sive *θεωρία* & *ὄρσις*, h. e. demonstratio, inventio & contemplatio alicujus accidentis, in figurâ jam absolutâ. Nota characteristic illius est, quod per indicativum effertur; clausula ejus, *ὅπερ ἔδει δεῖξαι*: ut, in omni trigono duo latera sunt majora tertio: item, in omni trigono tres anguli interiores sunt duobus rectis aequales. Hic nota theorema communiter vocari regulam, quæ occurrit in theoreticis disciplinis, & ita distingui contrâ canonem, qui in practicis & poëticis occurrit.

Problema est conclusio, qua magnitudinis alicujus fabricam proponit. Itaque

Problema docet *χῆματ᾽ ἢ διαγράμματα*, h. e. delineationes, describere. Ejus finis est *ποίησις*: nota characteristic, quod per infinitivum effertur:

fertur: clausula, *ὅτι ἴδιαι ποίηται*: ut, *super datam lineam rectam finitam, trigonum aequilaterum constituere*. Quare si quis theoremata more problematum enunciet, prodit suam in Mathematicis ἀμύδωσις: ut, si quis dicat, *in trigono esse tres angulos duobus rectis aequales*, peccat. Hoc enim est theorema. Ergo per Indicativum enunciandum, non autem per infinitivum, quasi sit problema.

Utrumque, tam theorema, quam problema, est vel simplex, vel compositum.

Simplex est, in quo unicum est datum, & questum unicum.

Compositum, in quo vel unicum datum, & plura quæsitæ; vel plura data, & unicum quæsitum; vel plura & data, & quæsitæ.

Hic non possum, quin laudem Petrum Rammum, Mathematicum absolutissimum. Ille enim primus omnium, quod sciam, problematice Euclidæas propositiones in theoremata, seu propositiones theorematice, memoriæ & perspicuitatis ergò redegit.

Cap. 7. Affectiones propositionum mathematicarum.

Propositionum mathematicarum species breviter executi sumus: persequamur nunc com-

B 5 V

munes earundem affectiones, quæ sunt Casus, Reductio, & Conversio.

Casus, $\pi\lambda\omega\sigma\iota\varsigma$, est delineationis varia positio, quæ puncta, lineæ, numeri, & cætera alio atq; alio modo transponuntur.

Reductio est transitus ab uno theoremate aut problemate ad aliud: quo cognito $\zeta\eta\tau\acute{\epsilon}\rho\omega\varsigma$ fit manifestum.

Conversio est, quando theoremata, conclusiones, data & quesita permutantur: ita ut præcedentis propositionis quesitum, in sequenti propositione fiat datum, & contrà.

Cap. 8. Contactus mathematicus.

Absoluta est archeologia mathematica; superest pathologia, quæ communia quantitatis eujusq; $\pi\epsilon\iota\delta\eta$ pertractat.

$\Pi\alpha\theta\eta$, $\kappa\epsilon$, e. communes quantitatis affectiones, sunt vel unitæ, vel disjunctæ.

Affectiones unitæ sunt, quæ cum quantitate reciprocantur sine disjunctione, ut Contactus, & Sectio. Omnis enim quantitas suscipit hæc duo.

Contactus Mathematicus est, quo minimum unius attingit minimum alterius. Ita in triangulo unum latus dicitur alterum tangere in minimo

nimo ejus, quod est punctum, sive indivisibile. Mathematicus contactus maximè differt à Physico. Ille enim non nisi mente comprehendi potest, hic realis est & crassiusculus. Ita lineæ duæ possunt sese mutuò tangere in uno duntaxat puncto. Sic punctum tangit punctum in lineæ generatione. Hic intellige contactum Mathematicum, non Physicum. Punctum enim indivisibile est. Et ex punctorum successione generatur linea. Id quod reverà admirandum est. Nam omnia sunt non-continua in ratione continui, & indivisibilia in ratione divisibilis. Cadit itaque illud quorundam philosophema: *Ex indivisibili continuum effici non potest.* Detur enim pila perfectæ rotunditatis super plano perfecto. Pila mota lineam generare videbitur super illâ planitie, quæ ex punctorum successione producitur: quando contactus utriusque mutuus est in puncto. Certè linea fit à puncto pilæ in plano per contactum. Sed vulgarium philosophorum oculi hæc non vident.

Cap. 9. Sectio mathematica.

Sectio mathematica est, quâ minimum unius secat minimum alterius. Et contactus naturâ declaratâ facilè sectionis colligi potest ratio. Non intelligimus sectionem crassam, ut quan-

do cultro secatur panis: abstractam volumus, quæ fit in indivisibili: ut infrà in Geometriâ & Opticâ cum Deo declarabimus. Quamquam enim hæc sunt communia; melius tamen in propriis particularium scientiarum subjectis, quibus hæc communia insunt & conveniunt, plenius cognosci possunt.

Cap. 10. Finitum & Infinitum.

Affectiones disjunctæ sunt, quæ cum quantitate recipiuntur cum disjunctione.

Suntq; 1. Finitum & infinitum. 2. Ratio, quæ par & impar. 3. Proportio, quæ simile & dissimile dicitur.

Principiò itaque finitum & infinitum sunt communia quantitatis accidentia.

Finitum est, quod suis circumscriptum est limitibus, quodq; è certo & finito principio oritur: v.g. in Geometriâ à puncto, tanquam finito principio orditur Geometria; Arithmeticus ab unitate; Logista ab uno; Geodæta à grano suæ dimensionis initium facit. Postea ad alia, quæ ex illis principiis oriuntur, infinita progrediuntur.

Infinitum est, cujus quantitas nunquam terminatur, sed ei semper aliquid auferri addere potest: uti est numerus infinitus, non quidem actu, sed potestate.

Finiti

Finiti & infiniti utilitas in scientiis mathematicis est maxima. Nam si infinitum ex iis tollatur, ratio, proportio, symmetria, asymmetria, æqualitas, inæqualitas, & his similia alia multa tollenda erunt. Nam rerum mathematicarum in infinitum usque fit progressio: ut in numeris ab unitate facimus initium, numerus verò additione in infinitum progreditur: quum tamen numeri dati sint finiti, & magnitudines divisæ itidem finitæ. Præterea si ex Mathematicis tolleretur infinitum, consequeretur, omneis magnitudines esse symmetras, atq; nullæ invenirentur irrationales magnitudines, de quibus agit *Euclides lib. 10. elem.* Imò hoc ipso Arithmetica à Geometriâ differt, quòd ἀσυνμετρία tantum sit in magnitudinibus, non autem in numeris. Unitas enim est prædita vi fecundâ ad augendos numeros. Ad summam: Mathematici postulant sibi dari infinitum, non actu, sed potentiâ. Sic linea dicitur infinita, quæ satis est longa, ita tamen ut pro arbitrio nostro fieri possit longior. Ita *Euclid. 1. 1. elemen. prop. 12. & 22.* utitur lineâ rectâ, quæ ex unâ parte finita, ex alterâ infinita est, hoc est, ad voluntatem nostram, nostramq; delineationem perficiendam sat longa. Est itaque postulatum mathematicum, quo artifices petunt, quantitatem in infinitum augere, pro exigentiâ rei, sive prout necesse est.

Cap. II. Par & Impar.

Ratio est duarum quantitatum inter se habitudo.

Comparatio duplex est, vel λόγος, vel ἀναλογία, id est, ratio, vel proportio. Estque duorum extremorum in tertio aliquo collatio. In λόγος, ratione, duo extrema sive duo termini, qui in collationem veniunt, vocantur ὅροι, termini; quorum primus est ἡγούμενος, antecedens, secundus, ἐπόμενος, consequens.

Ratio est vel aequalitatis, vel inaequalitatis.

Æqualitas est, quâ termini sunt æquales, seu pares: ut 2 ad 2. item 3 ad 3.

Inaequalitas est, quâ termini sunt inæquales sive impares; unus major, alter minor; ut 4 ad 2. & 3 ad 6.

Ratio inaequalitatis majoris est, quum terminus antecedens est major consequente: ut 3 ad 2.

Ratio inaequalitatis minoris est, quum terminus antecedens est minor consequente; ut 2 ad 4.

In enunciando sic discernimus. In ratione majoris inaequalitatis dicimus, dupla, tripla, quadrupla, & sic deinceps: in minori ad-

dimus πὸ sub; ut, subdupla, subtripla, subquadrupla.

Cap. II.

Cap. 12. Simile & Dis simile.

Proportio est plurium rationum inter se habi-
tudo: Græcis dicitur ἀναλογία.

Estq; vel similitudo, vel dissimilitudo. Illa est
proportio formaliter & in se, hæc est proportio
oppositè considerata.

Similitudo est proportio, quâ plures rationes
inter se conveniunt: v.g. sicuti 4. se habent ad
2. ita 6. ad 3.

Hac proportio est continua, vel disjuncta.

Continua est, qua in tribus consistit terminis:
ut, 4. 8. 16. Sicuti 4 se habent ad 8: ita 8 ad 16.
Hic medius bis sumitur; ad primum quidem ut
consequens, ad tertium ut antecedens.

Disjuncta est, qua quatuor constat terminis; ut
4 ad 2. sic 6 ad 3.

Dissimilitudo est proportio oppositè considerata,
quâ plures rationes inter se disconveniunt.

Estq; continua, vel disjuncta.

Dissimilitudo continua in tribus consistit ter-
minis: ut, 7. 80. 9. Sicut enim primus est dissemi-
lis secundo; ita secundus tertio.

Dissimilitudo disjuncta in quatuor consistit
terminis: ut, 2. 30. 40. 4. Sicut enim primus dis-
similis est secundo; ita tertius quarto.

Non est quòd quis miretur, eccur dissimili-
tudinem ad proportionem retulerimus, Sicut

enim ratio alia est æqualitatis, alia inæqualitatis: ita proportio alia est similitudinis, alia dissimilitudinis. Neque etiam est, quod quis putet, hanc λόγῳ τε καὶ ἀναλογίας doctrinam esse Arithmeticam. Generalis enim est; proindeque generaliter proponenda.


Hæc est Mathematicæ generalis qualisqualis delineatio: ubi primam fregimus glaciem, quoad methodum. Obtestamur itaque Mathematicos professores, ut hunc laborem nostrum æqui boni consulant, & ita statuunt, ingenium nostrum maximè esse φιλομέθοδον καὶ φιλοκαθόλῳ, ut ita dicam, ideoque hoc unice agere, ut

Mathesis, hætenus confuse tradita, μεθοδικώτερον proponatur.



Idea

Idea MATHEMATICÆ generalis.



Finis Mathematicæ generalis.

ADMIRANDORUM
 MATHEMATI-
 CORUM
 LIBER SECUNDUS.

Continens

Arithmetica quatuor libellis me-
 thodicè propositam.

ARITHMETICÆ
 LIBER PRIMUS,

De

ARITHMETICA ABSOLUTA.

Cap. I. Arithmetica definita
 & distributa.

TRadita est Mathematica generalis: dein-
 cept tradetur specialis, quæ est pura, vel
 media.

Pura est tum Arithmetica, tum Geometria.

*Arithmetica, princeps inter Mathematicas, est
 bene numerandi scientia.*

Arithme-

Arithmetica principem mathematicarum scientiarum profiteamur, secuti *Scaliger* ex. 321. ubi refutat Cardanum, qui perperam asserit, Geometriam esse omnium scientiarum subtilissimam. Arithmetica enim subtilior est Geometriâ. Quodcunq; enim Geometriâ vel accipit, vel probat, per numeros dirigi potest. Ab his enim pendet consideratio magnitudinum Geometricarum. At multa procedunt in numeris, quorum ratio non potest ostendi in magnitudinum naturâ. Et si quid in magnitudine est subtilitatis, id omne ex numerorum ratione haustum est. Subtilior itaque Arithmetica, quàm Geometria: quia illa statuit hujus principia & fundamenta. *Arist. Metaph.* Tamen si autem cognitio Geometriæ pendet ab Arithmetica: non tamen Geometriæ subjectum ab Arithmetice subjecto pendet. Non enim pendet continua quantitas à discretâ, sed contrâ. Geometriæ subjectum est continuum. Continuum autem, quâ tale, unum est. Arithmetice subjectum est multitudo. At hæc uno est posterior. Cur ergo si Geometriæ subjectum prius est, non etiam prior erit cognitio? Est sanè prior tempore & naturâ. *Tempore*: quia cognosco primùm unum quàm duo. At cognosco unum per quantum. *Naturâ*: quia ex quanti divisione fit numerus. Quomodo igitur cognitio prior? Resp. Geometriæ cognitio est duplex: altera absoluta, relativa.

altera. Illa præscribitur angustioribus terminis: cum nempe simplices quantitarum figurationes designantur. Hæc verò omne negotium est in comparationibus, relationibus, & proportionibus situm: quæ omnia non nisi per compositiones & divisiones fieri possunt. Hoc autem est numerus, aut cum aliquo numero. Non igitur mihi licet dicere; angulum trianguli æqualem duobus: nisi sciam, quid sit unum, duo, plura. *Scal. d. l.*

Arithmetica est theoretica, vel practica. Hic latè & populariter sumitur vocabulum *practica*: ita ut praxis designet quemcunque usum. *Petr. Gregor. l. 11. Synt. art. mirab. Clavius in Arith. & Geom. practica.* Illam puram, hanc mediam scitè dixeris.

Arithmetica theoretica præcipit de numero absolutè & secundùm se considerato: unde & Arithmetica absoluta dicitur. Possevin. l. 15. biblioth. cap. 3. item Arithmetica sincera. Steinius in comment. super compend. Arithm. Gem. Fris.

Cap. 2. Numeri divisiones.

Numerus absolutè consideratur, quoad species seu divisiones suas, & supputationem. Hæc duo namque Arithmeticæ (intellige, absolutæ) tantùm propria sunt. *Possevin. l. 15. biblioth. c. 3.*

Numerus

Numerus hîc non definitur: quia Metaphysicæ hoc est proprium.

Divisiones numeri sunt sex.

I. Numerus est vel numerans, vel numeratus.

Numerans est, qui abstractè: ut 1. 2. 3. numeratus, qui concretè consideratur: ut duo equi, tres coronati.

II. Numerus est par, vel impar.

Numerus par est, qui in duas aequales partes dividi potest: & idcò dividuus nuncupatur.

Estq; vel pariter par, vel pariter impar, vel impariter par.

Pariter par est, cujus partes in duas aequalitates ad unitatem usq; dividuntur: ut 16, quæ dividuntur in duos 8: rursus 8 in duos 4: tùm 4 in duos 2: deniq; 2 in duas unitates.

Pariter impar est, qui dividitur in duas partes aequales: sed postea partes illæ in duas aequales partes dividi non possunt: ut 6 dividuntur in duos 3: sed 3 non possunt dividi in duas partes æquales.

Impariter par est, qui dividitur in duas partes aequales, & illæ rursus in duas aequales: sed huiusmodi æqualis partitio deficit, antequam ad unitatem deveniatur: veluti 12 dividuntur in duos 6: tùm 6 in duos 3: at 3 ad unitatem usque dividi non possunt in partes æquales.

Numerus impar est, qui in duas aequales partes dividi nequit: quare vocatur individuus: ut 3. 5. 7.

III. Numerus est perfectus, diminutus, vel abundans.

Perfectus est, cujus omnes partes simul accepta totum restitunt & complent: ut 6. cujus partes omnes aliquotæ, videlicet 1. 2. 3. efficiunt 6. Dicitur autem pars aliquota, quæ aliquoties sumpta numerum suum efficit & metitur, qualis est 1.

Diminutus est, cujus partes citra totum deficiunt, minusq, quàm totum componunt: cujusmodi est 8. cujus partes aliquotæ 1. 2. 4. tantummodò complent 7. aliàs appellatur numerus imperfectus.

Abundans est, cujus partes in unum collecta majus reddunt quàm totum: ut 12. cujus partes aliquotæ 1. 2. 3. 4. 6. simul sumptæ 16. efficient: qui numerus est major 12: aliàs vocatur superfluous.

IV. Numerus est simplex, vel compositus.

Simplex, aliàs primus, est, quem sola metitur unitas: ut 2. 3. Dicuntur autem simplices, quia ex solis unitatibus, non autem ex aliis repetitis numeris componuntur.

Compositus est, qui ex binâ, vel multiplici geminatione numeri simplicis consurgit: ut 4 ex duobus 2. Similiter 9 ex tribus 3. Dicitur aliàs secundus.

V. Numerus est digitus, articulus, vel compositus.

Digitus

Digitus est numerus denario minor: ut 1. 2. 3. 4. 5. 6. 7. 8. 9.

Articulus est, qui habet annexam ciphram: ut 10. 20. 30.

Compositus est, qui ex digito & articulo constitutus est: ut 11. 13. 16.

VI. Numerus est, vel homogeneus, vel heterogeneus.

Numerus homogeneus est, vel integer: ut 2. 3. vel fractus: ut $\frac{1}{2}$: dicitur aliàs fractio, & minuta.

Heterogeneus est mixtus, integer scilicet cum adhaerente fractione: ut $2\frac{2}{3}$.

Cap. 3. Notatio.

D*ista est numeri divisio: sequitur ejusdem computatio.*

Computatio numeri est vel simplex, vel comparativa. Petrus Ramus l. 1. Arith. c. 1. Christ. Urstius l. Arith. c. 1.

Computatio simplex est, qua considerat simplicem numeri naturam: id est, in notatione, & numeratione.

Utrobique locum habent nunc ciphra, tunc calculi.

Ciphra sunt vel majuscula Romanorum: I. V. X. L. C. IIO. CIO: vel minuscula: 1. 2. 3. 4.

Calculi requirunt abacum: ubi ingentes summas facillimo computamus negotio:

_____X_____	1000000
	500000
_____	100000
	50000
_____	10000
	5000
_____X_____	1000
	500
_____	100
	50
_____	10
	5
_____	1

Notatio est numeri cujusq; recta scriptio & pronuntiatio.

Ea precipit de notarum valore, & ordine.

Valor est notarum vel solidariorum, vel conjunctarum.

Valor notarum solidariorum est vel circuli, qui nihil numerat, sed ad dextram positus, aliarum notarum locum tantum indicat, ut 10, 20: vel numerorum ab uno ad decem.

Valor notarum conjunctarum ostenditur certis tum gradibus, tum periodis. Gem. Fris. Arith. ab init. Ram. l. 1. Arith. c. 1.

Gradus notarum tres sunt, primus, secundus, tertius. De his theorema: Gradus proximus augeat antecedentem denario: ut 234. Hic primus (ordimur

Ordinatur autem à dextrâ) numerus significat seipsum semel; secundus decies; tertius centies.

Periodus est vel plena, vel non-plena.

Periodus plena est trium graduum comprehensio: non-plena uno tantum gradu constat.

Periodus plena est prima, secunda, tertia, vel quarta, & sic deinceps: & una ab altera discernitur vel virgulâ interjectâ: ut 2, 3 6 7, 8 9 1: vel puncto ad apicem posito: ut 5 6 3 4 2 9 1.

In primâ periodo primo gradu numerus positus, ut diximus, significat seipsum semel, secundo decies, tertio centies.

Secunda periodus est millium. Primo itaque loco hujus periodi numerabis millena semel, secundo decies, tertio centies.

In tertiâ periodo numerabis millena millia semel, decies, centies: in quartâ millies millena millia: ubi tres illi gradus similiter iterantur, & sic in infinitum.

Ordo notarum est ab uno in infinitum.

Cap. 4. Additio.

Numeratio sequitur, qua è duobus datis numeris invenit tertium. Hic duo dati dicuntur numerandi, tertius quæsitus.

Estq, vel simplex, vel mixta.

Numeratio simplex est vel integrorum, vel fractionum.

Numeratio integrorum est, vel simplex, vel multiplex.

Utriusq; theorematum sunt:

I. Notæ numerandæ eâ lege sibi invicem subscribantur, ut prima nota inferioris subiiciatur primæ superioris; atq; ita deinceps.

II. In operatione per partes procedimus; singulas notas cum singulis conferimus, & solitariè numeramus.

III. Numerus tertius inventus à notis numerandis distinguitur lineâ, & eâ vel subductâ, vel adscriptâ.

IV. Si numerus inventus duabus scribendus sit notis, & plures supersint numerandi, scribitur tantum dextra nota, sinistrâ, vel ad tabulæ chartæve oram notatâ, vel mente reservatâ, ut addatur sequenti inveniendò.

V. Tria in quâlibet numeratione spectanda, τάξις, κατὰ σύνθεσιν, ἀντιμυσία, i. e. collocatio, operatio seu πρᾶξις, & probatio.

Numeratio simplex est, qua numerum cum numero semel tantum numerat.

Estq; Additio, & Subductio.

Additio est numeratio simplex, qua à duobus addendis elicit totum.

In eâ tria notentur, ex theor. 5.

1. Τάξις. Numeri plures perpendiculariter sibi subiiciuntur.

2. Πρᾶξις. A sinistris incipiendum.

ἀντιμυσία

3. Ἀντιμυσία

3 Δοκιμασία, eaque duplex. 1. Per abjectionem novenarii. 2. Per subductionem. Subtrahatur numerorum addendorum alteruter à toto, vel superior, ut relinquatur inferior, vel inferior, ut relinquatur superior.

Cap. 5. Subductio.

Subductio est numeratio simplex, quâ numerus minor subducitur à majori, & habetur reliquus.

In illâ tria notentur:

1 Τάξις. Minor subtrahendus est à majori.

2 Πεῦξις. A dextrâ versus sinistram est incipiendum, & residuum suprà scribendum. Quidam procedunt à sinistris, & reliquum scribunt infrà. Sed prior modus nobis probatur. Ratio: quia subtractio est contraria additioni, sicut divisio multiplicationi.

3 Δοκιμασία fit per additionem numeri, qui subtrahitur, cum reliquo. Si restituatur major, à quo subtractio facta est, justa est operatio.

Cap. 6. Multiplicatio.

Numeratio simplex sic fuit in additione & subductione: sequitur multiplex, quæ nume-

rum cum numero toties numerat, quoties proponitur.

Estq; multiplicatio, aut divisio.

Multiplicatio est additio multiplicantis & multiplicandi, ut habeatur factus.

In eâ tria notentur:

1. Ταξις. Πλῶται, *latera*, scribantur supra, videl. primo loco *multiplicandus*, secundo *multiplicans*: subscribatur δὲ γινόμενον, *factus*.

2. Περαξις, seu μέθοδος. Abacus Pythagoricus verè admirandus memoriæ mandetur. Hâc ratione facilis erit progressus in multiplicatione *simplici*, ubi unicus est multiplicans; in *compositâ*, ubi sunt duo; & denique in *decompositâ*, ubi sunt tres pluresve multiplicatores. Si intermedio multiplicantis loco circulus fuerit, ille negligitur. Item si multiplicans in circulos desinat, illi facto postponuntur: & si unitas sit cum circulo circulisve; factus absolvitur solâ ciphra-
rum ad multiplicandum adscriptione. Et hæc causa est, quòd Mathematici in instrumentis geodæticis ferè assumunt 10, 100. & 1000. *Clavius l. 3. Geom. præctice.*

3. Δοκιμωσία. Factus dividatur per multiplicatorem, ut prodeat multiplicatus in quotiente.

Cap. 7.

Cap. 7. Divisio.

Divisio est multiplex subductio, quâ divisor subducitur à dividendo, quoties in eo contineatur, & habetur quotus.

Divisio consideratur, vel algorithmicè, ut loquuntur, quatenus est in catalogo quinque specierum, quas vocant, vel ratione differentiarum, quæ ex illâ oriuntur: sive, consideratur absolutè, vel relatè.

In divisione algorithmicè consideratâ notentur tria:

1. Τάξις. Dividendus supra, divisor infra collocatur, quotus semicirculo ad dextram includatur. Hic enim fit analysis, sicut in tribus superioribus synthesis.

2. Περίξις. Incipiendum est à sinistra. Si divisor primo dividendi loco non contineatur, subijciendus est secundo. Si divisor sit plurium notarum, requiritur ἐπαγωγή, inductio. Quotus, annotatus in singulas divisoris notas ordine: multiplicandus est, incipiendo à sinistra. Si divisor desinat in ciphram, ea ultimæ dividendi notæ apponitur. Si denique divisio non sit exacta, constituitur fractio.

3. Δοκιμωσία. Divisor multiplicetur in quotientem.

Hæ sunt quinque species: quibus Adam Ries,

& alii gregarii Arithmetici, addunt *Mediationem*, quâ numerus in duas æquales partes dividitur: ut 8624. med. 4312: & *Duplationem*, quâ numerus per 2 multiplicatur, ut 234. Duplum 468.

Cap. 8. Numeri primi & compositi.

D*ivisio ratione differentiarum consideratur, quatenus ex illâ oritur distinctio numerorum inter se primorum & compositorum.*

Numeri inter se primi sunt, qui sunt communiter indivisui ab alio multitudinis numero: ut 2. 3. & 5. 7.

Numeri inter se compositi sunt, qui sunt communiter dividui ab alio multitudinis numero: ut ut 6. 8. Itaque

Utrûm dari sint inter se primi vel compositi, exploratur divisione. Si enim majorem minore diviseris, & aliquid superfit, sunt primi: si verò nihil superfit, sunt inter se compositi: ut ²⁷9 (3. Hic nihil superest. Sunt itaque compositi. Alii explorant per subtractionem. Si enim minorem è majore, quoties potes, subducas, & tandem relinquatur unitas, erunt primi: sin verò relinquatur tandem multitudinis numerus, erunt compositi: ut 11. 4. sunt primi inter se: Nam 4 ab 11.

ab 11, relinq. 7. Pergo: 4 à 7, relinq. 3. His trib. subductis à 4, relinq. 1.

In his numeris considerantur communis divisor maximus, & communis dividuus minimus.

Communis divisor maximus est, qui numeros datos exactè & proximè dividit: ut 8 & 16: communis divisor maximus est 2: quia 8 in 16 continetur bis.

Communis dividuus minimus est, quo non datur minor, qui datos exactè dividat.

Hic aliter in primis invenitur, aliter in compositis.

In primis invenitur hoc modo: Factus duorum primorum est communis dividuus minimus: ut 3. & 2. sunt inter se primi. Factus ab ipsis est 6. Nam bis terna sunt 6. Ergo hic est dividuus communis minimus: quia hoc minorem duo isti exactè dividere non possunt.

In compositis sic invenitur: Primum quare communem divisorem maximum, eumq; divide in datis: quorum subscriptum decussatim multiplica, reliquum scribe supra: ut 8 & 16, divisor maximus est 8. Hunc scribe seorsim, & divide in unoquoque datorum, & quotum subscribe, hoc modo, 8 in $\frac{8}{1} \frac{16}{2}$. Jam decussatim multiplica, & factum superscribe, ut semel 16 sunt 16, bis 8

sunt 16. Ergo 16 est communis dividuus minimus; verbi gratiâ

$$\begin{array}{r} 16 \\ \hline 8 \quad 16 \\ 1 \quad 2 \end{array}$$

Cap. 9. Fractiones.

Talis est numeratio integrorum: sequitur numeratio fractionum, seu partium.

Fractiones considerantur in genere & in specie.

In genere considerantur tria in fractionibus, notatio, valor, & reductio.

Notatio fractionum ita habet: 1. Partes fractionis duæ sunt, superior, quæ dicitur humerus vel numerator, & inferior, quæ dicitur nomen, vel denominatur. 2. Distinguntur interjectâ lineâ $\frac{1}{2}$. 3. Superior per cardinalem, inferior per ordinalem effertur numerum, ut $\frac{2}{3}$ duæ tertiæ.

Valor seu quantitas fractionis cognoscitur ita: Multiplica numeratorem in integrum, factum divide per denominatorem, & quotus ostendet valorem fractionis. Superior enim dicitur numerator, quia partes integri numerat; & inferior, denominator, quia denotat quot in partes integrum secetur. ut $\frac{2}{3}$ floreni, qui habet a s^b. 27.

sunt

sunt 18 atb. Quum enim dico $\frac{2}{3}$ unius floreni, hoc volo: integri divisi in tres partes, sume duas. Continebit pars quzlibet 9 atb. quam partem si bis accipias, habebis 18 atb. quod idem est ac $\frac{2}{3}$.

Reductio fractionum duplex est: alia partium ad partes, alia partium ad integra.

Reductio ad partes est, qua partes alias datis proportionales invenit.

Estq; vel ad minimos terminos, vel ad cognominem denominatorem.

Reductio ad minimos terminos est, qua compositos inter se partium terminos maximo communi divisore dividit, quotosq; sumit loco datorum:

ut $\frac{4}{16}$: horum communis divisor maximus est 4:

quia exactè dividit utrumque. Ergo $\frac{4}{16}$ per 4, redeunt ad $\frac{1}{4}$. Nam ut faciliùs valorem fractionis invenire possis, commodissimum fuerit eam in minimos, quoad ejus fieri potest, redigere terminos. Sic $\frac{6}{21}$ communis divisor maximus

est 3. Dico 3 in 6 continetur bis: in 21. septies.

Ergò $\frac{6}{21}$ reducuntur ad $\frac{2}{7}$.

Reductio ad idem nomen est, qua duas fractionis diversi nominis reducit ad idem nomen. Hic

multiplica numeratorem unius per denominatorem alterius, & habebis numeratores novos. Dein denominatores invicem multiplica, & habebis denominatorem communem: ut $\frac{4}{6}$ & $\frac{5}{7}$ reducuntur hunc in modum. Multiplica 4 per 7, & 6 per 5, proveniunt 28 & 30. Deinde multiplica denominatores in se invicem, ut 5 per 7, & habebis communem denominatorem hoc modo: 28 30 Novi numeratores

$$\begin{array}{r} \hline \begin{array}{cc} 4 & 6 \\ 5 & 7 \end{array} \\ \hline 35 \end{array}$$

Datae partes

Communis denominator.

Reductio partium ad integra fit hoc modo: 1. Si numerator denominatori æqualis fuerit, fractio valet integro: ut $\frac{3}{3}$ floreni sunt florenus. 2. Si numerator fuerit major denominatore, fractio plus valet integro, tot unitatibus, quot numerator excedit denominatorem. Sic $\frac{3}{2}$ sunt $1\frac{1}{2}$. Hic enim numerator per denominatorem dividitur, & residuum loco fractionis ponitur, ut 2 in 3 semel, relinq. 1. Atq; sic reduces fractiones ad integra, quando illæ plus valent integro: ut $\frac{806}{7}$ valent 115 & $\frac{1}{7}$. Divide 7 in 806, & vi-

debis,

dehis. 3. Si numerator est minor denominatore, fractio est minor integro, tot unitatibus, quot numeratorē denominator excederit. Sic $\frac{1}{2}$ idem est, quod dimidia pars integri: $\frac{3}{4}$ sunt tres partes integri divisi in quatuor.

Fractioes in specie considerantur quoad additionem, subtractionem & divisionem: (ubi si denominatores sint cognomines, simpliciter adduntur numeratores: ut $\frac{3}{8} + \frac{4}{8}$: faciunt $\frac{7}{8}$: item

unus ex altero subtrahitur: ut $\frac{2}{5} - \frac{4}{5}$ rest. $\frac{2}{5}$: &

in divisione per se invicem dividuntur: ut $\frac{2}{9} : \frac{8}{9}$

Divis. $\frac{4}{9}$: si verò denominatores sint dissimiles, oportet reducere ad idem nomen: ut $\frac{2}{3} : \frac{3}{4}$.

Reduc $\frac{8}{12} - \frac{9}{12}$ Adde $\frac{17}{12}$) & denique multiplicationem: ubi duc numeratores in se invicem, & consimiliter denominatores, ut novi prodeant: ut $\frac{2}{3} \times \frac{2}{3}$ fac. $\frac{4}{9}$.

Cap. 10. Numeratio mistorum.

A *Tque hac est numeratio simplex: sequitur numeratio mista, aliàs mistorum, in quâ dati numerandi sunt integra cum partibus.*

Ea est prima, vel conjuncta.

Prima est, qua integra numerat inter se more integrorum, & partes modo partium: additio quidem à partibus, subductio contrà ab integris incipit.

Conjuncta est, qua integra reducit in partes, reductumq; more partium numerat. 1. Multiplica integrum cum denominatore, factio adde numeratorem, ut $2\frac{4}{3}$: sic procede: bis 3 sunt 6. addito numeratore, videl. 4. fiunt 10. quibus denominatorem subijce, ut $\frac{10}{3}$ sunt idem, quod $2\frac{4}{3}$. 2. Integra franguntur suppositâ unitate: ut 2 integra si velis reducere ad partes, suppone unitatem $\frac{2}{1}$. Vel integra convertes in partes, multiplicando numerum integrorum per denominatorem partium: ut 64 reduces in quadrantes, si multiplicaveris 64 per 4. Exurgunt $\frac{256}{4}$.

Cap. II. Differentia numeri.

A*bsoluta est numeri computatio simplex: sequitur comparativa, qua exponit numerorum inter se comparisonem.*

Comparatio numeri est, quâ exquiritur ejus differentia, vel ratio.

Diffe.

Differentia est numeri à numero distantia: & subductione cognoscitur: ut differentia 3 ad 5 est binarius. Nam tribus sublati à 5. rest. 2. Differentia hîc est -m medium inter duos extremos: quò pertinet alligatio, quâ præstantiore vilius, vilior præstantius temperatur certo gradu, qui designatur medio dato: ut è duobus frumenti generib. misti sunt modii 10 pretii 16, cum modii 18. pretii 12. Quanti erit modius frumenti istius? Hîc primùm mensuras simplices 10 & 18 addo: totus est 28. Tùm multiplico 10 per 16, & 18 per 12. Facti sunt 160 & 216: è quibus additis totus est 376. Sic itaque colloco: Misti modii 28 valent 376. Ergo 1 modius frumenti misti valet $13\frac{5}{7}$.

Cap. 12. Arithmetica proportio.

Ratio est comparatio, quoties terminus in termino continetur: & divisione cognoscitur. Sic ratio 4 ad 2 est dupla. Nam 2 in 4. cont. 2. Ratio 2 ad 3 est $1\frac{1}{2}$. Atq; hæc comparatio dicitur *proportio*.

Proportio est Arithmetica, vel Geometrica.

Proportio Arithmetica est aequalitas differentiarum: quando nempe æquali differentiâ nu-

meri inter se distant: ut 2. 4. 6. 8. ubique est differentia 2.

In hac duplex spectanda est inventio. 1. optati termini. 2. totius summa.

Optatus terminus invenitur hoc modo: 1. Tollatur unitas à nomine optati termini. 2. Per differentiam multiplicetur, factoque addatur primus terminus.

Summa sic invenitur: Extremi additi multiplicentur per dimidium nomen termini ultimi.

Cap. 13. Regula aurea directa.

Geometrica proportio est aequalitas rationum. Hic enim numeri per certam veluti includunt rationem, ita ut toties tertius secundum includat, quoties secundus primum, & toties quartus tertium, atque ita deinceps.

Estque disjuncta, aut continua.

Proportio disjuncta est, quae constat quatuor terminis, vel interdum pluribus: vel, quae constat pluribus terminis, quam tribus: ut 3. 6. 8. 16. Hic duo tantum sunt proportionales.

Estque simplex, vel multiplex.

Proportio disjuncta simplex tantum quatuor terminis constat.

Estque directa, vel reciproca.

Proportio directa est, in qua ut primus terminus est

*num est ad secundum, ita tertius ad quartum: Vulgò appellatur regula de tri, q. d. de tribus, à sub-
jecto; & aurea, ab usu. Et quoniam è tribus da-
tis invenit quartum proportionalem, vocatur
regula proportionum.*

*Hujus consideratur, tùm materia, tùm for-
ma.*

*Materia, sunt tres dati numeri; è quibus duo
sunt homogenei, videl. primus & tertius: itemq;
secundus, & quartus quæsitus.*

Forma ejus est in dispositione, & operatione.

*Dispositio est apta numerorum collocatio, juxta
hoc theorema: Numerus qui quæstionem ha-
bet, tertio ponatur loco: huic homogeneus pri-
mo, reliquis medio.*

Operatio est vel collatio, vel probatio.

*Collatio est numerorum integrorum, vel fractio-
rum numeratio.*

*Numerorum integrorum collatio continetur
hoc theoremate: Quartus proportionalis è tri-
bus datis invenitur multiplicatione secundi per
tertium, & facti divisione per primum: ut*

2.	3.	5.	$15 - \frac{1}{2}$
----	----	----	--------------------

*Fractiones sic numerantur: Prima fractio cum
secundâ decussatim multiplicatur; facti cum
tertiâ fractione $\pi\alpha\rho\epsilon\gamma\chi\acute{\alpha}\lambda\omega\varsigma$: ut $\frac{1}{2}$ ulnæ emun-*

4

tur $\frac{2}{3}$ floreni. Ergo quanti $\frac{5}{6}$ uln. colloca hoc

modo: ut $\frac{3}{4} \times \frac{2}{3} = \frac{5}{6}$.

Bis quaterna sunt 8: quinquies octona sunt 40.
Ter terna sunt 9: sexies novena sunt 54. Ergo
quartus numerus fuerit $\frac{40}{54}$, qui per binarium
reduci potest ad minorem fractionem, videlicet
 $\frac{20}{27}$. Ergo exemplum illud ita se habebit:

$$\begin{array}{cccc} \text{uln.} & \text{flor.} & \text{uln.} & \text{flor.} \\ \frac{3}{4} & \frac{2}{3} & \frac{5}{6} & \frac{20}{27} \end{array}$$

*Probatio est clara ex Euclid. l. 7. Elem. Germ. prop. 19. & 20. ubi propos. 19. sic habet: Si quatuor numeri fuerint proportionales, tunc numerus, qui fit è multiplicatione primi in quartum, erit æqualis numero producto ex multiplicatione secundi in tertium. Et per conversionem: Si numerus productus ex multiplicatione primi in quartum fuerit æqualis numero producto è multiplicatione secundi in tertium, tum quatuor numeri dati proportionales erunt. Hinc conficitur *δοκιμασία*: Si primus numerus multiplicatus fuerit in jam inventū quartum, & factus fuerit æqualis ei, qui producebatur è multiplicatione secundi in tertium, iusta est operatio. Atque hæc proportionis doctrina admiranda est.*

Cap. 14.

Cap. 14. Regula aurea inversa.

Proportio simplex reciproca est, in qua sicut se
tertius terminus habet ad secundum: ita reci-
procè se habet primus ad quartum: dicitur regula
aurea inversa. Ideoque

Primus multiplicatur per secundum, & factus
dividitur per tertium: ubi quotus exhibet quar-
tum terminum, qui est quæsitus. Hic igitur
quæstio ponitur primo loco, numerus huic re-
spondens tertio. Utque est inversa ratio: ita est
inversus operandi modus: ut 12 operæ absolvent
7 septimanarum spatio: quot requiruntur, qui
absolvant spatio 3. septiman. Dispositio talis
erit: Septim. Oper. Septim. Oper. Est quo-

$$\begin{array}{ccccccc} & 3 & \text{---} & 12 & \text{---} & 7 & \text{---} & 5 & \frac{1}{7} \end{array}$$

que quidam obsessus exercitus 3000 militum,
qui habet quo vivat ad 7 menses: verum spes
nulla est solutionis ante annum. Quæritur ita-
que, quot milites dimittat dux, ut reliquis suf-
ficiat. Ita colloca,
$$\begin{array}{ccccccc} & \text{Menf.} & \text{Milit.} & \text{Menf.} & & & \\ & 7 & \text{---} & 3000. & \text{---} & 12 & \end{array}$$

primum in secundum, prodeunt 21000: quæ di-
vide per 12. exurgent 1750 milites, qui
bus duntaxat sufficiet
victus. 1250 restantuli

$$\begin{array}{ccccccc} \text{Septim.} & \text{oper.} & & \text{Sept.} & \text{oper.} & & \\ f. & 7 & \text{---} & 12 & \text{---} & 3 & \text{---} & f. 28 \end{array}$$

$$\begin{array}{ccccccc} & 81 & & & & & \\ f. & 28 & \text{oper.} & 3 & \text{---} & 12 & \text{---} & 7 \end{array}$$

Cap. 15. Regula societatis.

Simplex proportio sic fuit: sequitur proportio multiplex, in quâ plures quàm quatuor occurrunt termini.

Estq; regula societatis, vel dupli.

Regula societatis est vel prima, vel secunda.

Regula societatis prima ita habet. Principiò adde terminos antecedentes omnes, & totus fit primus propositionis terminus. Medio loco pone terminum distribuendum, sive lucrum. Tertio loco pone terminos separatim. His ita constitutis, aurea regula toties est repetenda, quot sunt numeri tertio loco collocati: ut, Quatuor contulerunt pecuniam, quâ lucrati sunt 856 aureos: primus contulit 25; secundus 80: tertius 23; quartus 40. Quæritur, quantum quilibet accipiet? Collige primùm universam pecuniam: totus est 177. Lucrum pone loco intermedio: pecuniam antè in summam collectam pone sigillatim loco tertio. Dic primùm ^{aur.} 177 lucrati sunt ^{aur.} 856: quantum lucrati sunt ^{aur.} 30. Ita perge ad reliquorum trium pecuniam.

Examen hujus regula sic habet: Adde quæsitos nummos: si illorum totus conveniat cum secundo numero, legitima est operatio.

Regula societatis secunda est, ubi principali termina

mino adharet circumstantia temporis. Hic tempus multiplicetur cum principali termino, ut pro duobus simplicibus habeatur compositus. Deinde facti addendi, & procedendum ut in primâ: ut, trium mercatorum primus contulit aureos 44 per 8 menses: secundus 24 per 6. mens. tertius 12. per 4. mens. unde lucrati sunt aureos 80. quantum singulis ex hoc lucro cederet? Hic multiplicatio sortis cujusq; cum tempore exhibet factos 352. 192. 96. qui additi faciunt 640. Collocabis igitur ita:

aur.	aur.	352	—	44.
640 dant	80 quantum	192	—	24.
		96	—	12.

Cap. 16. Regula dupli.

Regula dupli est, quæ pro binis simplicibus assumit duos ab illis factos. Sic dicta à duplici numero, quæ solet poni primo & tertio loco.

Estq; proportionis directæ, vel reciproca.

In regulâ proportionis directæ multiplicantur termini ejusdem loci, & facti pro simplicibus habentur: ut, 4 studiosi spatio trimestri 19 aureos impendunt, quantum igitur 8 insument mensibus 9? Hic primus & tertius termini sunt du-

plices, hoc modo

Stud. 4.	Aur.	8.	Multipli-
Mens. 3.	19.	9.	

co itaque 4. & 3. item 8. & 9. Factosq; eorum loco ita colloco: 12 — 19 — 72.

In regulâ proportionis reciproca, termini primi tertiiq; loci alternâ seu decussatâ multiplicatione componuntur, & facti eum in locum, ubi sunt circumstantia, collocantur: ut equi 8. diebus 12. absument 9. medimnos avenæ: quot igitur diebus, equi 18. absument medimnos 24? Termini sic sunt:

	Equi	8.		18.
			\times	
	Medim.	9.		24.

Hic 9 in 18 multiplico: eritque 162 primus terminus: simulque 18 in 24. & fiet 192, tertius terminus: quibus legitima proportionis inductione sic conficitur: 162 — 12 — 192.

Cap. 17. Progressio geometrica.

HActenus fuit proportio dijuncta: sequitur continua, in quâ quæ est ratio primi ad secundum, ea secundi ad tertium. Vulgò dicitur progressio geometrica: quia numeri per certam quasi incedunt rationem, ita ut toties tertius secundum includat, quoties secundus primum, & toties quartus tertium: ut, 3. 6. 12. 24. 48. Hic est progressio in proportionem duplâ, h. e. quivis sequens præcedentem bis includit.

Ea con-

Ea constat inventionem terminorum, & summam.

Termini sunt vel continui, vel optati.

Termini continui continuo ordine inveniuntur, multiplicatione postremi termini in nomen rationis, siue proportionis: ut 1. 2. 4. 8. hinc proportio est dupla: itaque postremum terminum multiplica per 2, & ita termini continuabuntur in infinitum: ut 1. 2. 4. 8. 16. 32. 64.

Optati termini sic inveniuntur: Multiplica tantum primò aliquot ordine numeros, quibus subscribe progressionis Arithmetice terminos, primo loco circulum, secundo unitatem, & ita deinceps: ut

3. 6. 12. 24. 48. 96. Progress. Geom.

0. 1. 2. 3. 4. 5. Progress. Arith.

Si jam optes numerum octavo loco collocandum, quare in progressionem Arithmeticam, qui constituent 8, ut 3 & 5. Jam multiplica numeros, qui his respondent in progressionem Geometricam, ut 24 & 96. Factum divide per primum progressionis numerum, & habebis numerum octavo loco ponendum. videl. 2304. divide per 3. Fac 768. quod colloca octavo loco. Rursus si numerum octavo loco positum sumas, habebis numerum decimosexto loco ponendum. Nam bis 8 sunt 16. Atque hoc faciendum, si progressio nonumat initium ab unitate. Tunc enim nihil opus est divisione, sed

simplici multiplicatione, ut in hâc dupla progressionē 1. 2. 4. 8. 16. 32.

0. 1. 2. 3. 4. 5.

Ad habendum numerum loco nono ponendum, multiplica numeros, quibus sunt subscripti 4 & 5. quæ 9 faciunt. Habebis 32 loco nono ponenda.

Inventio summa hoc theoremate continetur:
Si tollatur seu subducatur primus è secundo & ultimo, erit ut reliquus secundi ad primum; sic reliquus ultimi ad ultimum præcedentes omnes. Itaque quartus proportionalis inventus additus ultimo exhibet summam: ut 2.8.32. si quærat summa hujus progressionis: subduc 2. ab 8, manent 6. & à 32, relinq. 30. Hic ut reliquus 6 est ad 32, ita 30 ad præcedentes omnes, ideoque triplus. Proportionales igitur sunt 6.2. 30.10. Jam denique 10 addatur 32. Totus 42. erit summa progressionis. Alio modo hoc idem præstabis: Numerum ultimum multiplica per eum, à quo progressio nomen habet: à facto aufer primum progressionis terminum: reliquum divide per numerum unitate minorem, quam is fuit, quem multiplicasti: Quotus progressionis summam indicabit: ut

2. 4. 8. 16. 32. 64. 1024. 8192 131072. 1048576. 16777216.

0. 1. 2. 3. 4. 5. 9. 12. 16 1. 23.

Hic multiplica ultimum per 2, & habebis
33554432:

33554432: unde aufer primum progressionis terminum, & reliquum divide per numerum unitate minorem binario, quæ est unitas. Ea cum non dividat, summa erit 33554430.



ARITHMETICÆ

LIBER SECUNDUS,

DE

LOGISTICA GEOMETRICA.

EXposita est Arithmetica absoluta, seu theoretica; sequitur practica, qua considerat numerum relatè ad varias materias: & dicitur Logistica.

Logistica est scientifica, vel popularis.

Logistica scientifica est, vel Geometrica, vel Astronomica.

Logistica Geometrica est, vel Figurata, vel Algebraica, vel Sexagenaria.

Logistica figurata est, qua explicat numeros figuratos.

Numeri figurati sunt, vel plani, vel solidi.

Numeri plani sunt, quibus figuratur superficies.

Suntq; vel trigoni, vel tetragoni, vel pentagoni, & sic deinceps.

In his excellunt tetragoni, quorum Logistica dicitur extractio Radicis Quadrata,

Numeri solidi sunt, quibus exprimitur longitudo, latitudo, & profunditas: sive, quibus figuratur corpus: ubi excellunt numeri cubici, quorum Logistica vocatur extractio Radicis cubica. De utraque extractione consule Cl. Laz. Schöneri librum de numeris figuratis. Nos de utraq; agemus nōl' αὐτὸς οὖν.

ANALYSIS NUMERI

I. Quadrati.

II. Cubici.

1. Propositus numerus punctis est distinguendus sinistrorsum:

Tertio quoq; loco,
manente uno intervallo, seu complemento.

Quarto quoq; loco
manentib. duobus intervallis, seu complementis inter puncta: quorum prius ad sinistram dicitur majus, reliquum minus.

2. Sub primum ejus numeri ita distincti punctum investiga

Quadratum

Cubum.

3. Latus pro quoto seponere; & latus inventum

Duplicatum, complemento

Triplicatum, minori complemento, & triplicatum in latus multiplicatum majori complemento

4. Subji-

4 Subjicito, & habes divisorem, quo divides numerum relictum.

Inventum igitur divisorem accipe, & superiorem eo divide, ita ut sumas quotum, qui multiplicetur

1. Quadratè, hoc est in se.

2. In divisorem,

1. Cubicè.

2. Quadratè in divisorem minoris complementi.

3. Simpliciter in divisorem majoris complementi.

Facti complementis subjiciantur & subducantur.

Theoremata hunc typum explicantia sic habent. I. Quot habueris puncta, tot in Quotiente habebis numeros: ut, in quadratis 3 4 5 6 7 8; in cubicis 3 2 0 0 1 3 5 0 4. II. Numerus quadratus exurgit, si numerum quemvis ducas, h. e. multiplices in longitudinem latitudini æqualem, h. e. per seipsum: & hic dicitur radix quadrata: ut quinquies 5 sunt 25. Hic 25 est numerus quadratus, & 5 est radix. Invenire igitur radicem quadratam alicujus numeri, est numerum indagare, qui in se ductus constituat nu-

D

merum propositum; ut 15 sit radix, cujus quadratum habere cupis. Dic itaque, quindecies 15 sunt 225: quod est quadratum; radix verò 15. Quadratus igitur numerus est, qui per unitates collocari potest in quadrati figuram, ut omnia latera ad invicem collata sint æqualia, sicuti quadratum est figura plana, cujus latera inter se sunt æqualia. III. Numerus eubicus est, qui provenit ex ductu seu multiplicatione unius numeri in seipsum, deinde ex multiplicatione ejusdem numeri in productum; sicuti cubus in Geometriâ constat ex ductu lateris unius in alterum; (sic enim superficies procreatur) deinde ex ductu ejusdem superficiiei jam procreatæ in eandem lineam: ut cupio scire numerum cubicum 9. Multiplico igitur 9 in se, id est, quadratè, & prodeunt 81. Hoc quadratum per 9 rursus multiplico, & fiunt 729: quæ dicuntur numerus eubicus. Est igitur cubicè multiplicare, numerum in se ducere, & productum rursus in primum. IV. Oportet nosse novem prima quadrata eorumq; radices, novem item primos cubicos numeros, eorumq; radices, hoc modo:

Radices.	Quadrati.	Cubici.
1.	1.	1.
2.	4.	8.
3.	9.	27.
4.	16.	64.
5.	25.	125.

6.	36.	216.
7.	49.	343.
8.	64.	512.
9.	81.	729.

V. Quadrati numeri creantur per continuam additionem numerorum imparium. Hoc modo confici potest tabula quadratorum, quæ dicitur tetragonica, qualem c. l. v. v. *Antonius Maginus & Clavius* ediderunt: videl. omnes numeri impares ordine ponantur, initio sumto ab 1. Nam 1 dat primum quadratum 1. Et ex 1 & 3 fit secundus 4. cui si addatur sequens impar 5, fit tertius 9, & si addatur impar sequens 7, fit quartus quadratus 16. atque ita deinceps. e. g.

Numeri impares. Quadrati. Radices.

1	1	1
3	4	2
5	9	3
7	16	4
9	25	5
11	36	6
13	49	7
15	64	8
17	81	9
19	100	10
21	121	11
23	144	12

Habet autem quilibet quadratus radicem tot unitatum, quot numeri impares ipsum conficiunt: ut quia solus impar 1 dat primum quadratum 1, propterea ejus radix est 1. Deinde quia duo impares 1 & 3 conficiunt secundum quadratum 4, erit ejus radix 2. Sic quia duodecim numeri impares, videlicet 1.3.5.7.9.11.13.15.17.19.21.23. componunt quadratum 144, erit ejus radix 12, & sic de cæteris. Atque in hunc modum, si semper sequens numerus impar adjiciatur ad quadratum præcedentem, conflatur sequens numerus quadratus, continuabiturque in infinitum.

Alio modo poterit condi tabula quadratorum, si omnes radices ponantur ordine, ut in tabula videre est. Cum enim primus quadratus sit 1. cujus radix est 1. si hæc radix duplicata, addita insuper 1, addatur primo quadrato 1. fit secundus 4. cujus radix 2. hæc duplicata, & insuper addita 1. si adjiciatur secundo quarto 4. fit tertius 9. cujus radix 3. duplicata, & insuper addita 1, facit 7. Si igitur 7 addantur ad quadratum 9, fit quartus quadratus 16. & sic in infinitum. Atque hæc quadratorum tabula non est de nihilo, cum primis quando in militiam ex tempore sunt milites tetragonice ordinandi, item in re architectonica radices extrahendæ; ubi non semper integrum est venari radicem juxta theoremata Arithmetica. Neque est quod

est quòd appelles ignavum compendium, cùm sit artificiosum satis, & quia artificiosum, certum.

Numeri cubici gignuntur quoque ex additione numerorum imparium: ut

Numeri impares. Cubi. Radices.

1	1	1
3	8	2
5		
7	27	3
9		
11		
13	64	4
15		
17		
19		

Descriptâ, ut hîc vides, imparium numerorum ab 1. incipientium, primus 1. dat primum cubum 1. cujus radix 1. Duo deinde sequentes 3. 5. coacervati præbent secundum cubum 8. cujus radix. 2. Tres insequentes 7. 9. 11. exhibent tertium cubum 27. cujus radix 3. Sic quatuor sequentes conficient sequentem cubum quartum: sequentes quinque quintum, & sic deinceps in infinitum. Quilibet autem cubus radicem habet tot unitatum, quot impares numeri coacervati ipsum componunt. Generatur

D 3

etiam cubus, si radix in suum quadratum ducatur, ut supra demonstratum: ut 16 est radix, cuius quadratus est 256. Si radix ista in suum quadratum ducatur, nascitur cubus 4096. Verum utrumq; est permolestum. Modum facillimum invenit insignis Mathematicus Johan. Baptista Villalpandus; cuius meminit Clavius l. 8. Geom. pract. pag. 388. & seqq.

Talis est Logistica figurata: sequitur Logistica Algebraica, quæ à numeris figuratos valores numerantibus numerationem propriam instituit. Aliàs simpliciter dicitur *Algebra*: Italis *ars de la cosa*: aliis *coffa*. De hac vide Cardanum libro proprio, & Pet. Rami libros duos *Algebra*. Non enim ratio hujus compendii fert prolixam illam doctrinam persequi.

Logistica sexagenaria est, quæ à numeris terminos sexagecupla progressionis numerantibus numerationem propriam instituit. Vide Cl. Lazari Schöneri librum de Logistica sexagenaria.



ARITHMETICÆ

LIBER TERTIUS,

De

LOGISTICA ASTRONOMICA.

Exposita est breviter Logistica Geometrica: sequitur Logistica Astronomica, quæ tractat de fra-

de fractionibus Astronomicis (quas vulgò Phycas vocant) ad motus circulares (id est, cælestes) supputandos spectans.

Ex tractat de progressionē Astronomicā, & Astronomicā operatione.

De progressionē Astronomicā (quæ est sexagenaria) est hoc theorema: Circulus cælestis constat 360 gradibus, sive 12 signis: signum 30 gradibus: gradus 60 minutis, quæ dicuntur sexagesimæ; itemque scrupula prima: scrupulum primum 60 secundis: secundum 60 tertiis: tertium 60 quartis; & sic pergendo usque ad decima scrupula inclusivè. Observant itaque Astronomi proportionem sexagecuplam. Et habent numeros principales tres: maxim⁹ vocatur *sexagena*, continens gradus 60: ejus nota est O ut

0. Medius vocatur *Gradus*, qui, ut diximus, in se continet 60 scrupula prima; ejus nota est o ut 0. Scrupuli primi nota est ' ut 45: secundi "

ut 3. & sic multiplicando numerum virgularum, usque ad decem inclusivè. Causa assumpti sexagenarii est, quia inter minores numeros non est alius, qui tam multiplices habeat partes, atque est sexagenarius: ac proinde tam additioni quam subtractioni est aptissimus. Habet enim

Semissem x x x. 2.

Trientem x x. 3.

D 4.

Quadrantem. xv. 4.

Quincuncem. xxi. 5.

Sextantem. x. 6.

Deuncem. v. 12.

Dodrantem. iiii. 20.

Operatio Astronomica est vel Algorhythmica, vel Figurata.

Algorhythmica est de quinque speciebus, notatione, additione, subtractione, multiplicatione, & divisione.

Notatio est, quâ partes ordine collocantur, primo loco ad sinistram sexagena, secundo versus dextram gradus; tertio scrupula prima, & cætera:

ut 0 0 1 11 111
3. 4. 3. 42. 33.

Additio est; quâ species similes sub similibus collocantur, & tunc adduntur. Hic si in uno ordine sint 60, unitas additur sequenti: ut si sint 60 gradus, quia illi efficiunt sexagenam, unitas rejicitur ad classem sexagenarum. Exemplum illustre habet illustrissimus Josephus Scaliger in laudatissimo Chronico Eusebiano: in canonum isagogicorum l. i. c. i. ubi hæc habet: Definitio. Scrupulum primum est sexagesima pars unius horæ: scrupulum secundum sexagesima pars unius primi: scrupulum tertium est sexagesima pars unius secundi. Canon. Ex sexagesimis tertiis secundas, è secundis primas, è primis horas facere.

cerē. Compone simul omnia secundum speciem suam: ut

	^I	^{II}	^{III}
	38	27	32
	21	55	44
Hor.	17	45	57
<hr/>			
	I	18	9
			13

Quoties numerus sexaginta excedet, tot unitates adjice secundis: quoties ex secundis sexaginta colligentur, tot unitates accedant primis. Residua singula sub speciebus ponito. Si quæ sexaginta supra primas colligentur, ea erunt horæ. A fine autem incipiendum ratio docet, quod Græci vocant *ἐν ὧσιν ἀπὸ τοῦ τέλους, ἀπὸ τοῦ ἀσπίου*: ut collige 57 cum 44, fiunt 101. & cum 32, erunt 133, in quibus sexaginta bis reperiuntur. Nam bis 60 sunt 120, & supersunt ^{III}13, quæ colloco sub lineâ, sub tertiis: at duas unitates pro bis sexaginta adjungo imo secundo ^{II}45, & fiunt ^I47: quæ cum ^{II}55, 27 colligunt secunda ^{II}129 h. e. bis sexaginta & ^I9 præterea. Hic procedo, ut antè.

Subtractio est, qua similia auferuntur à similibus, initio factò à minimis. Quod si acciderit ut in aliquâ specie inferior à superiori subtrahi non possit, unitatem mutuare à vicinâ specie.

Sicut enim in additione, redundante sexagenario sub aliquâ specie, unitas transfertur ad antecedentem: ita hîc deficiente specie consequente, antecedens, veluti gratiam relatura, succurrit.

Multiplicatio & divisio sunt analogæ: ut gradus mutantur in horas vel divisi per 15, vel multiplicati per 4. ex quâ multiplicatione prodeunt horarum minuta, quæ divisa per 60 dabunt horas: quia hora tot habet scrupula prima. Sed scrupula graduum multiplicata per 4. dant scrupula secunda horarum, quæ divisa per 60 dant scrupula prima horarum.



ARITHMETICÆ

LIBER QUARTUS ET ULTIMUS,

De

LOGISTICA POPULARI.

Exposita est Logistica scientifica: sequitur popularis, quæ tractat de rebus numerabilibus, in quotidiano usu occurrentibus.

Res numerabiles in quotidiano usu occurrentes, sunt mensura & pondera. In iis enim numerus observatur.

Utrobique considerabimus species, & resolutionem.

nem. Illa consideratio est historica, hæc Logistica. Primò itaq; de mensuris:

Mensura est vel mensurans, vel mensurata.

Mensura mensurans est nummus, sive moneta.

Numus enim, docente philosopho in œconomicis, est μέτρον, mensura contractuum. Sciendum hîc est, duplices esse mensuras, alias *continuum*, quibus longitudo, latitudo, & altitudo corporum, sive intervalla mensurantur: alias vero *discretorum*, quibus utuntur eementes & vendentes. Logistæ tractant de posteriori genere.

Nummus, sive moneta, consideratur, quoad species, & resolutionem.

Species sunt varia, pro varietate nationum.

Prout autem quatuor nationes sunt excellentiores: ita & quatuor præcipua monetarum genera, videl. *Hebraorum, Græcorum, Latinorum, Germanorum.*

Resolutio est monetarum æquatio; quâ scil. Logista & aliarum nationû monetas reducit ad monetas suæ nationis, & suæ nationis monetas ad alterius. Illa est æquatio historica, hæc symbiotica.

Æquationis historiciæ hic est typus:

M O N E T Æ

Hebræorum. Græcorum. Latinorum. Germanorum.

Χαλκός ἡ	Æreola, mi-	Semiobolus:
λεπτός.	nuta, minu-	semigranum
	tia.	hordeaceum.
Κοδράντης.	Quadrans.	Obolus: gra-
		num.

Hebr.	Græc.	Latin.	Germ.
	Ασπίριον.	Obolus Itali- cus.	Semicrucifer: 4. grana.
		As semuncia- lu: 10 pars denarii.	Crucifer: 8. grana.
Gerah, ago- rah, keschi- tah.	Κεράτιον.		Semibacius: 2. cruciferi: 16. grana.
Zur, zurah, Adarcon, Darkemon, Darkon.	Δραχμή.	Denarius: sic dictus, quod cōtineret de- cē asses sem- unciales.	$2\frac{1}{2}$ bacii: et in basib. reichs- ort: Si Impe- rialis valeat 20. bac. Un- garici duca- ti pondus, si- ve drachma.
Schekel, siclus vulgaris, seu politicus, re- gius, argen- teus.	Δίδραχμον.	Dua dra- chma.	V. bacii: et in reichs-ort: Se- milotho: 160 grana: si ve 2. ducatorū pondus.
Siclus sanctu- arii, & ar- genteus san- ctus. Regul. Sacra erant duplo majo- ra profanus.	Τετράδρα- χμον, ἡ τράχη.	IV. Drachma.	X. bacii: di- midius Im- periali, sem- uncia seu lotho: 320 grana: si ve 4. ducato- rum pondus.
Manéh vul- tu, seu regia.	Μνά.	Mina, libra, pondo.	XXX. Lo- thones: si ve XV. im-

Hebr.	Græc.	Latin,	Germ.
			X V. imperiales.
Manéh san- Euarii.	Μνα.	Mina.	XXX. Imperiales: sive L X. lothones.
Kikar, com- mune seu te- gium.	Τάλανθον.	Talentum.	Centner: 750 Imperiales: sive 1500 lothones.
Kikar san- Euarii.	Τάλανθον.	Talentum.	1500. Imperiales: sive 3000 loth.

Hujus typi explicationes vide apud Petr. Gregor. Tholoz. l. 15. Synt. art. mirab. c. 12. 13. & Tob. Andrea in appendic. Indicis Biblici: tit. bericht von den münzen; præcipuè Waseri tract. de antiquis numis Hebraorum.

Æquatio monetarum symbiotica est, quâ earum valor & resolutio in usu quotidiano indicatur. Huc pertinent: marca, quæ continet libram dimidiam mercatoriam, h. e. uncias octo, 16. loth, sive 8 Imperiales: florenus: Imperialis, sive Joachimicus thalerus: Regius, sive Philippicus thalerus: Baciuss: Grossius: Solidus: Albus: Obolus. Hæ sunt monete argenteæ, quibus accedunt aurea varia. Valent autem usu, qui, ut tyrannus, facit, ut illorum valor nunc intendatur, nunc remittatur.

Duplex est illarum aequatio, synthetica, & analytica.

Aequatio synthetica est, quâ partes rediguntur in integra, per divisionem: ut oboli in albos rediguntur per 8: qui albus tot habet numos: albi in florenos per 24. vel 27: oboli in bacios per 14.

Aequatio analytica est, quâ integra resolvuntur in partes per multiplicationem: ut floreni in albos, per 24; ita ut numerus florenorum multiplicetur per 24: bacii in numos per multiplicationem 14. cum numero obolorum.

Satis de mensurâ mensurante: jam de mensurâ mensuratâ; quam scil. meretur numus.

Ista est, vel aridorum, vel liquidorum: ἄρην & ὑγρὴν.

Mensura aridorum apud alios populos sunt alia. Excellunt autem Hebraicæ, & Atticæ.

Aridorum mensuræ Hebraica ita habent. I. Kab, vel cabus: mensura minima in rebus aridis: æquat quatuor sextarios, h. e. uncias Romanas 60. II. Gómer, decima pars Ephæ: æquat sextarios Romanos 7, & quintam sextarii partem, quorum singuli libras Romanas tritici novem pendebant. III. Seah, sive Satum, tricesima pars Cori, & tertia Ephæ: æquat Roman. modium cum dimidio, qui faciunt libras 30. IV. Ephæ, quæ tantum in aridis capiebat, quantum in liquidis bathus: continebat tres Seas sive Sata, quæ faciunt duó Gomer, sive 18. Kabos:

bos: $4\frac{1}{2}$ modios Roman. Modius autem Romanus capiebat 20. libras tritici. Itaque Ephra capiebat 90 libras, sicut hydria Romana in liquidis. Ephra erat communissima mensura, unde & pro mensurâ generatim ponitur. V. *Le-sech*, semicorus: capiebat modios 22 cum semis. VI. *Cor*, sive *chomer*, amplissima Hebræorum mensura arida: Græc. *αἶψα*. Lat. *cornu*. Capiebat modios Romanos 40: nostrates tritici modios novem. *Waserus de mensuris Hebr.*

Attica ita habent: Medimnus habebat chœnicas 48: chœnix cotylas 3: sextarius cotylas 2: cotyle 4 oxybapha: oxybaphum, sesquicyathû: cyathus cochlearia 10: cochlear, drachmam.

Romanorum mensura arida tales: Modius 2 semimodiorum: semimodius sextariorum 8: sextarius heminarum 2: hemina acetabulorum 4: acetabulum cyathi unius & sesquicyathi: cyathus lingularum 4.

Mensura liquidorum itidem variant. Apud Hebræos fuerunt tres principes harum mensurarum species. I. *Log*, minima in liquidis mensura: continebat vigesimam partem sati, sive duodecimam Hini: adeò ut 24 logi æquales fuerint sato, vel 12 logi Hini: sextarium verò Romanum præcisè, qui uncias Romanas olei capiebat 18, vini 20, mellis 27, ut computat *Capellus*. II. *Hin*: fuit sextarius, sive sexta pars bathi, capiens 12 lo-

gos, sive tantum liquoris, quantum capere possint 72 ovorum gallinaceorum testæ; Romanos verò sextarios duodecim, prout singuli Logi, quibus Hin definitur, totidem sextarii sunt. III. *Bath*, sive *bathus*, mensura amplissima, decima pars cori, sive choméris; respondebat hydriæ Romanæ, quæ sextarios continebat Romanos 72. Apud *Atticos* erant hæ mensuræ liquidorum. Metreta habebat choas 12: choa, sive chus sextarios 6: sextarius cotylas 2: cotyle quartarios 2: quartarius oxybapha 2: oxybaphum sesquicyathum: cyathus conchas 21 aut chemas 5, aut mystra 4: mystrum chœnicem 1: chema cochlearia 2: cochlearium drachmam 1. Apud *Romanos* hæc erat ratio: culeus erat 20 amphorarum: amphora 2 urnarum: urna 4 congiutorum: congius 6 sextariorum: sextarius 2 heminarum: hemina 2 quartariorum: quartarius 2 acetabulorum: acetabulum sesquicyathi: cyathus 4 cochlearium: cochlear vel lingula, drachmarum 3 & scrupuli unius.

Sequitur ponderum ratio. Pondera apud varias nationes sunt varia. Logistæ cum primis observant *Hebraica, Attica, Romana.*

Hebraicorum ponderum hac fuit ratio: Kikar sanctuarii fuit talentum majus, minarum 100; librarum 250: *Kikar congregationis*, fuit talentum vulgare, seu minus, minarum 50, librarum 1250: *Gerah* obolum Atticum pendit, pars fidei vicesima

viceſima: Mina pendit ſiclos 60, id eſt, libras 2, cum dimidiâ, ut docet *Tholozanus* L. 15. *Synt. c. 13.* Rectiùs ita diſpoſueris:


Siclus vulgaris & argenteus vulgaris faciebat 2. drachmas: ſiclus regius tres drachmas: ſiclus ſanctuarii & ſtater ſeu argenteus ſanctuarii quatuor drachmas: Manch vulgaris 120 drachmas, ſive 15. imperiales: manch regia 30 lothones ſive ſemuncias, ſive 15 imperiales: Manch ſanctuarii 60 lothones, ſive 30 imperiales: Kikar vulgare minus 1500 lothones ſive 750 imperiales: Kikar vulgare majus 2500 lothones, ſive 1250 imperiales: Kikar regium 2250 lothones, ſive 1125 imperiales: Kikar ſanctuarii 3090 loth. ſive 1500 imperiales.




Pondera Attica fuerunt præcipuâ inter Græcorum pondera: Talentum minus habebat minas 60: drachmas 6000: obolos 360000: ſemiobolos 72000: æreola 2160000. Mina, obolos 600, drachmas 190, æreola 6. Æreolum minuta 7. Talentum majus eſt 8. minarum. libr. Roman. 83 & 4. uncia. Erat autem mina Attica duplex, major ſeu Solonis 100 drach. minor ſeu vetus 65 drach.

Pondera Romana ſic colligimus: Libra, ſeu 25, ſunt uncia 12: Deunx, uncia 11. Decunx, uncia 10: Dodrans, uncia 9: Bes, uncia 8: Septunx, uncia 7: ſemiſſis, ſeu ſemilibra, uncia 6: quincunx uncia 5: triens unc. 4: quadrans unc. 3: ſex-


tans unc. 2: uncia 1: semuncia seu lotho: drachma, uncia pars octava, ein quintlein: denarius, uncia pars septima: scrupulus, pars tertia drachmæ. Atque hæc erat ratio librarum Romanarum: & hodie in medicinalibus observatur, ut nimirum libra sit 12 unciarum: mercatoriarum verò sunt unciarum 16, sive lothorum 32. De his prolixè disputarunt *Georgius Agricola lib. de ponderib. & mensur.* & ejus epitomator *Philander ad finem Vitruvii, Volusius Metianus in lib. de distributione, & Johan. Heurnius in operib. medic.* Logista considerat hæc talia, tanquam subiectum *acceptæ*. De mensuris continuorum vide infra in Geometricis.

Talis est Arithmeticorum admirandorum methodus, quam hæc synopsi adumbramus.





FINIS ARITHMETICÆ.





ADMIRANDORUM
MATHEMATI-
CORUM

LIBERTERTIUS,

Continens

Geometriam quatuor libellis meth-
odice propositam.



GEOMETRIÆ

LIBER PRIMUS,

De

GEOMETRIATHEORETICÆ.

Cap. I. Punctum.

Geometria est scientia bene metiendi.

Estq; theoretica, vel practica: late acce-
pto vocabulo practica. *Clavius in Geom. practi-
câ.* Illam puram, hanc mixtam seu mediam
eruditè dixeris.

*Geometria theoretica est, qua quantitatem
abstractè,*

abstractè, id est, ope propositionum, *metitur*.
 Ryff. part. 2. Geom. c. 1. Hic itaque non tam externa, quàm interna mentis actio in metiendo occupata intelligitur. Duplex enim est mensurationis ratio. Aut enim in materiâ concretâ, instrumento quodam crasso magnitudo proposita mensuratur; aut solo intellectu abstractè, magnitudinis datæ ratio & affectio ratiocinatione ingeniosâ colligitur, ac deinceps rebus materiatis accommodatur.

Geometria theoretica considerat magnitudinis, sive quantitatis continuæ, principium, communes affectiones, & species.

Principium magnitudinis est punctum.

Punctum est signum in magnitudine individuum. 1. def. 1. l. Euclid. Quomodo è puncti fluxu generetur linea, declaratum est supra l. 1. c. 2.

Cap. 2. Magnitudinis attributa.

Sequuntur magnitudinis communes affectiones, seu attributa.

Suntq; absoluta, vel relata.

Affectiones absoluta sunt, qua unicuiq; magnitudini solitaria & per se conveniunt.

Suntq; terminatio, & sectio.

Terminatio est affectio, cujusq; magnitudinis genesis (procreatio. em) consequens: ut quibus

& qualibus terminis conflet, intelligere queamus. Sic linearum terminatio duobus punctis, angulorum terminatio duobus cruribus, triangulorum tribus lateribus perficitur.

Sectio est affectio, ex analysi (resolutione) magnitudinis in suos terminos proveniens: sic linearum sectio fit in puncta, angulorum in crura, triangulorum in latera.

Affectiones relatae sunt, quae competunt magnitudini uni cum alterâ collata. Si enim duæ pluresve occurrant magnitudines, unius datæ magnitudinis quantitas ignota, cum alterius ejusdem generis quantitate cognita comparari debet, sicque unius affectio ex alterius affectione explicari.

Iste proveniunt ratione quantitatis, vel discrete, sive numeri; vel continue, sive magnitudinis. Duobus enim modis quantitas unius quantitate alterius examinari potest, aut per numerum, aut per magnitudinem ipsam.

Ratione numeri proveniunt Symmetria, & Ratio.

Symmetria est, secundum quam magnitudines dicuntur symmetra.

Symmetra sunt, quas una eademq; mensura metitur exactè: asymmetra contra. Euclid. t. 2. d. 10. Ram. 7. c. 1. Geometra in operatione utitur certâ aliquâ mensurâ: ut grano, pede, passu. Si talis mensura datas aliquas magnitudines exactè

actè metiatur, vocantur magnitudines symmetræ, licet non sint æquales: ut bipedalis & tripedalis magnitudo symmetra est: quia pes utramque exactè metitur. At longitudo digitalis pedali est asymmetra. Sic quæ diversis mensuris, putà ulnis & urnis mensurantur, asymmetra sunt. Diverso tamen respectu una eademque mensura potest esse symmetra & asymmetra: ut, longitudo itineris trium milliarii est asymmetra longitudini itineris sesquimilliaris, si integrum milliare pro mensurâ adhibeatur: est autem symmetra, si adhibeas dimidium milliare.

Ratio, aliàs rationalitas, est, secundum quam magnitudines dicuntur rationales: i. e. quarum habitudo numero certo est explicabilis: irrationales contrà. Illæ ῥηταί, hæ ἄλογοι dicuntur. Ῥητὸν hîc dicitur, quod secundum certum numerum cognoscimus. Itaque

Omnes magnitudines symmetræ sunt quoque rationales.

Ratione alterius magnitudinis sunt Congruentia & Adscriptio. His enim duobus modis magnitudinum datarum affectiones terminis geometricis, per alias quasdam magnitudines notas cognosci possunt.

Congruentia (ἐφαρμογὴς ἢ ἐφαρμογή) est, quando prima primis, media mediis, extrema extremis usquequaq; respondent. Itaque

Magnitudines congruæ sunt, quarum termini sive partes sibi invicem applicatæ, æqualem ubique locum occupant: incongruæ contra.

Adscriptio est, quando magnitudinis unius termini terminis alterius terminantur quidē, sed non congruenter. Quæque sic intra est, inscripta dicitur: quæ autem extra, circumscripta. E. dd. 4. R. 10. c. 1. Ut cum circulo diametrum inscribimus, quæ illum mensuramus. Tota siquidem adscriptio per latera & angulos expeditur.

Cap. 3. Linea.

Sequuntur magnitudinis species. Est autem magnitudo, vel unius intervalli, vel plurium.

Magnitudo unius intervalli est linea: cujus termini sunt puncta. Græcis dicitur *γῆμῆν*.

Linea est magnitudo tantum longa. Euclid. 2. d. 1. ejusque Geometria in scholis vocatur Euthymetria & Altimetria. Ryf. l. 1. Geom. c. 2. Creatur itaque motu seu fluxu puncti Geometrico, non Physico.

Linea consideratur, vel per se simpliciter, vel ad aliam comparatè.

Simpliciter considerata linea est recta, obliqua, vel media.

Linea recta est, qua intra suos terminos æqualiter interjacet, Itaque

1 Recta

1 Recta est brevissima intra eodẽ terminos.

2 Recta est perfectissima. *Scal. ex. 30. Johan. Dee in monad. hieroglyph.* Idẽ per rectas operamur. Et idẽ recta est pulchrior curvâ. *Arist. 1. posterior. analyt. c. 7.*

3 Rectâ non dari potest rectior.

Obliqua, seu curva, est, quæ inæqualiter intra suos terminos interjacet.

Estq; vel simpliciter, vel variè obliqua.

Simpliciter obliqua est peripheria, quæ æqualiter distat à medio comprehensî spatii: Latinis circulus dicitur. Terminatur itaq; peripheria, conversione lineæ rectæ, altero termino quiescente, altero lineante. Et sicut rectæ lineæ instrumentum dicitur Amussis, sive Regula: ita peripheriæ Circinus. Partes autem circuli vocantur Arcus.

Variè obliqua est, quæ inæqualiter distat à medio comprehensî spatii: & dicitur helix: quò spectant lineæ spirales, conchales, ovales, lenticulares, circuli helici.

Linea media, aliàs mista, est, quæ inæqualiter recta, & inæqualiter curva est. Ideoque rectâ & curvâ invicem permistis componitur.

Linea cum aliâ comparata est, vel recta ad rectam, vel recta ad curvam, vel curva ad curvam. His enim tribus modis linea confertur cum lineâ.

E

Recta ad rectam est vel perpendicularis, vel parallela.

Perpendicularis est recta erecta super rectâ jacente. Ejus instrumentum est tùm Norma, tùm Perpendicularum. winckelhacken/ vnd bleywag.

Parallela est recta jacens cum jacente, vel erecta erecta cum erectâ non concurrens. Itaque
1. Lineæ alteri parallelæ, sunt quoque inter se parallelæ. 2. Lineæ parallelæ in infinitum ductæ nō concurrunt. Datur tamen parallelismus etiam in obliquis, sed secundariò & minùs principaliter.

Recta ad curvam est diameter, que mediam circumferentia partem subtendit.

Curva ad curvam est, que simul aliquâ ex parte in extremis suis punctis jungitur.

Cap. 4. Angulus.

I*Am de magnitudine plurium intervallorum, in quâ plus quàm longitudo consideratur: & dicitur lineatum, sive lineamentum.*

Lineamentum est magnitudo plus quàm longa. Ejus termini sunt lineæ.

Est q, angulus, vel figura.

Angulus est lineamentum in communi concursu terminorum: qui dicuntur Crura. Indirectim igitur duas lineas concurrere necessum est, ut fiat

fiat angulatio. Recta enim cum rectâ continuè concurrens non angulum, sed lineam infinitam facit.

Angulus est homogeneus, vel heterogeneus. Anguli autem per crutem oppositi, sunt æquales.

Homogeneus est, qui ex ejusdem generis cruribus constat: putà duobus rectis, vel duobus curvis. Recta enim rectis homogenea sunt.

Est q, vel tactionis, vel sectionis.

Angulus tactionis, sive contactus, est, in comprehensione crurum, sine intersectione continuatorum: dicitur aliàs *angulus incidentia.*

Angulus sectionis est in comprehensione crurum, cum intersectione continuatorum: ut in literâ X.

Uterq, tam tactionis, quam sectionis, est rectus, vel obliquus.

Angulus rectus est, cujus crura inter se recta sunt, seu perpendicularia. Recto autem non datur rectior, sicut in Metaphysicâ vero verius non datur. *Encl. 10. ax. 1. 1.* Hic angulus rectus dicitur magister Matheseos. Omne enim rectum est prius & perfectius curvo, & ideo mensura curvi. Unde oportet curvum comparari ad rectum, si rectè judicari debeat. Rectum enim est index sui & obliqui. Hinc angulus rectus, norma mensurarum maxima Geometris & Architectis appellatur. Insuper angulus rectus est magister

quietis. Nam extracta ad angulos rectos sunt stabilia. Denique angulus rectus est 90 graduum.

Angulus obliquus est, cujus crura non sunt ad perpendiculum erecta.

Estq; obtusus, vel acutus.

Obtusus est obliquus major recto. Exceedit itaque numerum 90 graduum.

Acutus est minor recto: putà graduum 80 vel 70. Angulus itaque obtusior plus capit, quàm angustior. Obtusissima enim plurimum capiunt, Scalæ. 30. Et hæc est causa capacitatis circuli, qui ab angulorum naturâ est alienissimus. Quò quid angularius, eò angustius. Jam verò obtusiora à naturâ angulorum declinant.

Angulus heterogeneus est, qui mixtis constat cruribus: rectis videl. & curvis simul. Recta enim curvis heterogenea sunt. Tales anguli sunt in circulo, qui dividitur diametro.

Cap. 5. Figuræ proprietates.

Figura est lineamentum undiq; terminatum.

Ea consideratur quoad proprietates, & species.

Proprietates figura sunt, vel in unâ ejus regione, vel in totâ figurâ.

Proprietates in unâ ejus regione sunt quinque.

1. Centrum,

I. Centrum, quod est punctum in figurâ medium. Quò quid autem centro propius, eò perfectius. Virtus enim, quæ in perimetro est dispersa, in centro est unita: **II. Radius**, qui est recta à centro ad perimetrum: aliàs *semidiameter*. **III. Diameter**, quæ est recta inscripta figuræ per centrum. Ideò centrum est in diametro, & diametrorum concursu. Possunt autem in eâdem figurâ esse diametri infinitæ. **IV. Perimeter**, qui est comprehensio, sive ambitus, figuræ. **V. Alitudo**, quæ est linea perpendicularis à vertice figuræ ad ejusdem basin.

Proprietates in totâ figurâ sunt vel absoluta, vel relata.

Proprietates absoluta sunt, quæ competunt figuræ solâ, in se, simpliciter considerata.

Suntq; Ordinatio, Primatus, & Ratio. Si enim quamlibet figuram per se spectes, hæc tria occurrunt.

Ordinatio est, à quâ figura ordinata denominatur.

Figura ordinata est æquitermina & æquiangula: h. e. cujus termini & anguli inter se sunt æquales. Tales figuræ sunt, in rectilineis, triangulum æquilaterum, quadratum, pentagonum, hexagonum &c. in obliquilineis, circulus: in solidis tetraëdrum, cubus, octaëdrum, dodecaëdrum, icosædrum, sphaera. Eucl. 25. 26. dd. 11. l. Reliquæ figuræ pleræque omnes dici possunt

Inordinata, idq; secundum magis & minus: ut trigonum isosceles inordinata figura est respectu isopleuri, ordinatior tamen scaleno.

Primatus est, à quo figura dicitur prima, id est, individua, in alias simplices; in suo videlicet genere, uti in planis rectilineis triangula, in solidis pyramis. Hæ enim figuræ in alias se priores resolvi non possunt.

Ratio est, à quâ figura dicitur rationalis.

Rationalis figura est, quæ comprehenditur à basi & altitudine rationalibus inter se. Comprehendi hic idem est, quod in Arithmetice multiplicari. Numeris enim laterum inter se multiplicatis, explicatur magnitudo figuræ. Si nimirum duo latera, basis & altitudo inter se rationalia sint, id est, si ratio magnitudinis certo mensuræ numero explicari possit, tota figura inde rationalis dicitur: ut fractitudo contineat 3; & basis 4. Et inde numerus figuræ rationalis, dicitur figuratus; & latera figurati numeri. Ita scilicet innotescit magnitudo figurarum, per hanc ratiocinationem Arithmeticam. Tales figuræ in planis sunt, parallelogramum rectangulum; in solidis prisma & cylindrus; unde omnium reliquarum figurarum mensuræ ratio capitur.

Proprietates relatæ sunt, quæ competunt in figuram cum aliis collatam.

Suntq; Isoperimetria, Proportio, Similitudo, & Loci completio. Itaq; figuræ sunt

I. Isope-

I. *Isoperimetra; qua continent aequales ambitus*: utpote triangulum, quadrangulum, & circulus, quorum cujuslibet ambitus sit tripedalis. Quavis autem figuræ quædam sint æqualis ambitus, non tamen statim æquales, id est, unius & paris spatii capaces erunt. Rationales dici possunt, æquales minimè. Ex hujus ignorance enascitur infinitorum errorum seges. Hinc dimensio agrorum fraudulenta, hinc topographia fallax, quâ Geographi insulas vel regiones metiuntur itinere unius, vel plurium dierum, quibus circumnavigantur, vel circummeuntur. Ut itaq; ista captio evitari possit, notentur sequentia theorematum. I. Figuræ isoperimetrae sunt homogeneæ, vel heterogeneæ ordinatae. II. Isoperimetrarum homogenearum ea est capacior, quæ ordinatior: ut triangulum æquicernum est majus isoperimetro isoscele; & isosceles scaleno, tanquam minus ordinato. III. E figuris isoperimetris ordinatis heterogeneis, id est, ubi trilateræ & quadrilateræ sunt isoperimetrae, illa est maxima, quæ terminatio: e. g. sint tres figuræ trilateræ isoperimetrae homogeneæ, j. e. unius generis, 14. pedum, quarum prima sit omnino ordinata, secunda verò magis ordinata tertiâ. Hic prima est capacior secundâ, quia ordinatior; & secunda tertiâ eandem ob causam. Contrâ sint tres figuræ heterogeneæ, quarum prima sit 4. secunda 5. tertia 6. laterum: hic ul-

tima est capacior, quia plurimos habet terminos. Sic secunda est terminatio primâ, ideoque major.

11. *Proportionales, quæ eandem dimensionis inter sese habitudinem habent.* De his est theorema: Figuræ primæ seu æquæ multiplices à primis, æquæ altæ, sunt ut bases illarum: ut si habeas duo parallelogramma rectangula, figuras nempe è primis, hoc est, triangulis, duplas, quæ sint quatuor partium, basis verò unius sit 2, alterius 3. sic ratiocinabere: Sicut se habent 2 ad 3, basis scilicet unius ad basin alterius: sic totius figuræ magnitudo ad magnitudinem alterius. Idem enim numerus 4 notans æquam altitudinem utriusque, multiplicans 2 & 3, facit 8 & 12 proportionales. Ut enim sunt 2. ad 3. sic 8 ad 12. Hinc demonstratur, parallelogramma esse duplicia triangulorum æqualium basium & æquæ altorum: in solidis, prismata esse triplicia pyramidum. Et sic consequenter de æque-multiplicibus è suis primitivis judicandum. Atque ex hac doctrinâ prodit doctrina sinuum. Siquidem diameter circulorum æqualium pro basi habetur. Præterea ut directâ proportio procedit vi regulæ aureæ, sic quoque reciproca: v. g. Si unum parallelogrammum habeat basin 8 pedum: & altitudinem 3, alterum verò basin 6 pedum & altitud. 4. eadem est capacitas. Eadem enim est ratio 3 ad 6. quæ est 4 ad 8. Nam ter octona

octona faciunt 24: & quater sena totidem.

III. *Similes; quæ aequales angulos, sub homologis terminis comprehensos habent: ut sunt triangula isopleura, & circuli cujuscunque magnitudinis.* Hoc pertinet theorema: Similium figurarum termini homologi, æqualibus angulis subtensi, inter se sunt proportionales; ut si unus triangulus alteri inscribatur. Hoc elementum est fulcrum totius geodæsiæ. *Ryf. part. 2. Geom. c. 4. & doctissimus Pitiscus in Trigonometr.* Triangula namque duo æquiangula & similia cum toto triangulo, quo continentur, latera habent inter se proportionalia. Similes autem figuræ similiter sitæ sunt, quando termini proportionales simili situ respondent.

IV. *Locum complentes; quæ circa idem punctum modo quolibet collocata nihil inane relinquunt.* Hoc fit, quando angulis suis concurrunt: v. g. si unum quadratum dividatur in quatuor quadrata.

Cap. 7. Trigonometria.

Se de communibus figurarum affectionibus, species sequuntur.

Figura est superficies, vel corpus. Illa dicitur lineamentum, siue lineatum planum, hoc solidum. Illius Geometria dicitur *Planimetria*, hujus, *Stereometria*.

Superficies est figura tantum lata. Encl. 5. & 6. d. 1. Ejus terminus est linea, cujus fluxu procreatur. Linea hæc peculiariter vocatur *latus*. E laterum autem mensurâ innotescit totius alicujus figuræ magnitudo, quasi per ratiocinationem Arithmeticam.

Estq; plana, vel gibba. Est itaq; planimetria vel planorum, vel gibborum.

Superficies plana est, quæ aequaliter intra suos terminos interjacet.

Estq; rectilinea, aut curvilinea.

Rectilinea est, quæ rectis comprehenditur lineis.

Estq; triangulum, vel triangulatum.

Triangulum est, quod comprehenditur à trib. rectis lineis. Ejus Geometria dicitur *Trigonometria*. Trigonometria autem est absoluta, vel relata. Absoluta est Geometrica pura. Relata est Geometrica mixta, eaque tum Astronomica, tum Geodætica. Illa est hujus loci.

Triangulum consideratur vel per se, vel comparatè cum aliis vel triangulis vel lateribus.

Primo modo Triangulum dividitur ratione angulorum & laterum.

Triangulum ratione angulorum est rectangulum, vel obliquangulum.

De angulis sunt theoremata. I. In omni triangulo tres anguli simul sumti, sunt duobus rectis æquales; adeoque faciunt gradus 180, videl. sem. circulum. II. In omni triangulo quo quilibet

libet anguli simul sumti, sunt duobus rectis minores. Hoc est consecutarium præcedentis. Nam si tres sunt duobus rectis æquales, duo proinde sunt minores. III. Si trianguli angulus quidam æquatur duobus reliquis, est rectus, & contra.

Triangulum rectangulum est, quod comprehendit unum angulum rectum. Communiter dicitur orthogonium. Hoc vocatur magister *Matholeus*. Quod enim angelus rectus est inter angulos: id rectum triangulum est inter triangula reliqua. Hæc enim oportet ad illud reduci & commensurari. Nempe triangulum rectangulum ad circuli naturam & perfectionem magis accedit, quàm obliquangulum. Et verò rectum est index & mensura sui & obliqui. Notandum hic è sententiâ *Régiomontani*, in omni quidem triangulo, si latus unum feceris basin, reliqua esse crura; peculiariter tamen in orthogonio, latus angulo recto subtensum, vocari *hypotenusam*; è reliquis alterum, quod in imo jacet, *basin*; alterum *cathetum*, seu perpendicularem. Hujus trianguli fabrica continetur hoc theoremate: Si duæ perpendiculares rectæ quâdam connectantur, constituent triangulum rectangulum.

Triangulum obliquangulum est, quod omnes habet angulos obliquos. In triangulo rectangulo unicus duntaxat erat angulus rectus, à quo, quàm potiori, fiebat denominatio: sed hic secus.

Estq; obtusangulum, vel acutangulum.

E 6.

Obtusangulum est, quod habet unum angulum obtusum: Græcis ἀμβλυγώνιον. Ille autem obtusus dicitur, qui est major reliquis duobus. Et si recta à vertice trianguli bisecans basin est minor bisegmento, angulus verticalis est obtusus, & contrà.

Acutangulum, ὀξυγώνιον, est, quod habet omnes angulos acutos, minores scilicet rectis. Hic si recta à vertice trianguli bisecans basin est major bisegmento, angulus verticis est acutus, & contrà. Observa, Geometras angulum tribus literis insignire, ut triangulum A E I, & mediam litteram, videl. E, notare angulum propriè.

Respectu laterum, triangulum est vel æquilaterum, vel inæquilaterum.

Æquilaterum est, quod constat tribus lateribus æqualibus. Dicitur ἰσοπλευρον, & æquicrurum.

Hujus theorewata sunt. I. Si triangulum est æquilaterum, est quoque æquiangulum, & contrà. II. In triangulo æquilatero unumquodq; latus continet angulum æquantem duas tertias unius recti. Siquidem duæ tertiæ unius recti multiplicatæ in tria, producant duo integra. Ratio hujus petitur è superioribus: quia in quolibet triangulo tres anguli duobus rectis sunt æquales. Duæ autem tertiæ unius recti sunt 30.

Inæquilaterum est, cujus latera sunt inæqualia. Hic majori lateri major opponitur angulus, & majori angulo majus quoque latus subtenditur: ut

tur: ut in orthogonio est hypotenusâ, respectu anguli recti.

Estq; vel isosceles, vel scalenum.

Isoceles est, quod duo duntaxat habet latera aequalia. Si triangulum rectangulum sit isosceles, uterque angulus ad hypotenusam est dimidius recti, unus continebit 45, & alter totidem gradus.

Scalenum est, cujus tria latera sunt inaequalia.

Atq; ista de uniuscujusq; trianguli ratione, per se, in angulis & lateribus ipsius: jam de triangulo comparatè.

Comparatio illa est totalis, vel partialis.

Comparatio totalis, quando duo plures triangula tota inter se conferuntur, juxta seqq. elementa. I. Triangula æquilatera sunt æquiangula, & inter se æqualia. Nam è ratione æqualitatis laterum, æqualitas angulorum inducitur.

II. Si triangulum triangulo equicrurum est majus basi, est quoque majus angulo, & contra.

III. Triangula æquè alta sunt ut bases illorum.

V. Triangula in basi æquali sunt æqualia. V. Si triangula sunt æquiangula seu similia, sunt cruribus homologis proportionalia. Hic è ratione angulorum colligitur proportio crurum, & contra. Et quia sunt æqualia, sunt quoque reciprocè proportionalia. Termini siquidem quatuor proportionales, & directè, & inversè, & alternè sumti, proportionales manēt. *Ryf. part. 2. Geom.*

c. 3. prop. 26. Hoc theorema peperit magisterium geodæsiæ in triangulo rectangulo. Per instrumenta namque geodætica, triangulum rectangulum representantia, è triangulorum similitudine, quæ in res mensurandas diriguntur, crura redduntur proportionalia, ut in *Radio Geometrico* (vulgò vocant *baculum Jacobi*) ὁφθαλμοφανῶς videre est. Duo enim hîc visuntur triangula, unum in radio, alterum in spatio rei mensurabilis: quæ sunt æquiangula. Sit igitur triangulum ABC, cui alterum ADE sit æquiangulum. Dico esse: ut AB se habet ad AD: ita BC ad DE & ita AC ad AE: vel per transpositionem: ut AB sit 5 pedum, AD 10, DE, 6. Tunc BC erit 3 pedum.

Ut enim $\frac{AD}{10}$ ad $\frac{DE}{6}$: ita $\frac{AB}{5}$ ad $\frac{BC}{3}$. VI. Si in triangulo rectangulo è recto angulo in hypotenusam perpendicularis ducatur, facit triangula similia toti & inter se. *Eucl. 8. p. 6.* Quemadmodum præcedens theorema usum radii Geometrici introduxit: ita hoc quadrantis usum invenit: e. g. sit altitudo mensuranda, ubi ritè collocato quadrante, filum abscindat 70 gradus, sic dicam: sicut se habent 70 gradus peripheriæ (totus namq; quadrans continet 90 gradus, & semidiameter, i. e. latus, vel filum quadrantis 60.) ad 60: ita se habebit longitudo ad altitudinem. Si itaque 70 gradus dant 6 pedes, 60 gradus dabunt $5 \frac{1}{2}$ ped. quæ sitam altitudinem.

VII. Per-

V II. Perpendicularis in triangulo rectangulo ab angulo recto in basia, est proportionale medium inter segmenta basia. *Ryf. part. 2. Geom. c. 5. prop. 28.*

Sequitur comparatio triangulorum partialis, quâ latera cum lateribus conferuntur, ad habendam aream. Comparatio trigonometrica est vel similis, vel dissimilis. Similis est, quum vel anguli cum angulis, vel latera cum lateribus comparantur. Dissimilis, quando latera cum angulis, vel contra. Hic latera cum lateribus componuntur, ut triangulorum areæ sive spatia investigari possint. Hæc talis comparatio vocatur *geodesia*, sed absoluta. Ea valde est necessaria. Sicut enim è triangulis reliquæ figuræ, ut triangulata, constant: ita ex illorum geometriâ mensuras capiunt.

Geodesia triangulorum est tum generalis, tum specialis.

Modus generalis authorem habet Heronem, & continetur hoc theoremate: Dati trianguli latera singulatim inventa addantur; & ab hac summâ collectâ dimidiatâ subducantur singula latera, latus scû radix continûè facti è dato dimidio & reliquis, erit area trianguli. e. g. sit triangulum, cujus unum latus contineat 6: alterum 8: tertium 10: quæ addita, faciunt 24. Harum dimidium sunt 12: à quo duodenario subduc singulaque latera 6. 8. 10: remanent 6. 4. 2. Fiant

jam continuè; primùm è 12 & 6. 72: secundò è 72 & 4. 288: terriò è 288 & 2. 576. Hujus continuè facti 576: extractum latus seu radix constituit aream, seu capacitatem totius trianguli, 24. Et hæc Geodæsia facillima est. Atque ita etiam mensurantur triangulata, ut rhombi, rhomboides, trapezia, multangula &c. si priùs in sua triangula fuerint resoluta.

Modus specialis continetur hoc theoremate:
 Triangulum rectangulum est mensura obliquanguli. Obliquangulum itaque resolvatur in duo rectangula, hoc modo: Ducatur perpendicularis à summo angulo in basin, ita ut basis bisecetur. Unum bisegmentum (quod aliàs vocatur unum latus conterminale) sit 16: alterum 5. perpendicularis sit 12. Latera ista duo conterminalia, sive bisegmenta in 12 ducta faciunt 192. & 60. quæ addita faciunt 252. Hujus dimidium 126 erit area amborum triangulorum rectangulorum, sive totius obliquanguli. Quod si latera totius trianguli colligantur juxta prius theorema, res eòdem redibit. Sint enim latera 13. 20. 21. quæ addantur. Dimidius collecti erit 27. à quo subducta 13. 20. 21, relinquunt 14. 7. 6. Ductus continuus facit 15876; ejus latus extractum 126. area trianguli. Hic velim observari cautionem: Si trianguli rectanguli basis cum altitudine rationali seu symmetrâ multiplicetur, factique sumatur dimidium, area dati trianguli erit obvia.
 Sin ir-

Sin irrationales & asymmetræ fuerint inter se basis & altitudo, tunc (quia reductioni huic obliquanguli ad rectangulum sæpè multæ fraudes accidunt) satius & facilius erit priori & generaliori modo uti. *Ryf. part. 2. Geom. c. 3. p. ult.*

Cap. 7. Geometria triangulorum.

S Acte de triangulo: nunc de triangulato, quod è triangulis est compositum. Itaq;

Cujuscunque triangulati latera sunt binario plura triangulis è quibus est compositum. Et idè triangulatum tot triangulis constat, quot sunt ejus latera demtis duobus: ut quadrangulum duobus è triangulis, quinquangulum è tribus compositum est.

Triangulatum est quadrangulum, vel multangulum.

Quadrangulum est, quod comprehenditur à quatuor lineis rectis.

Quadrangulum est parallelogrammum, vel trapezium.

Parallelogrammum est, cujus latera sunt parallela. Si enim duæ lineæ rectæ æquales parallelos conterminent, constituunt parallelogrammum.

Parallelogrammi considerantur affectiones, partes, & species.

Affectiones continentur his theorematibus. I. Parallelogramma æquantur oppositis, & lateribus & angulis. II. Parallelogrammum est duplum trianguli, basi & altitudine æqualis: quod patet si parallelogrammum resolvatur in duo triangula. III. Parallelogramma æquæ alta sunt, ut bases illorum.

Partes, quibus quodlibet parallelogrammum constat, sunt tres, bina diagonalia, complementum, gnomon: quorum αὐτοψία est instar definitionis.

Species sic habent: Parallelogrammum est rectangulum, vel obliquangulum.

Parallelogrammum rectangulum est, cujus anguli omnes sunt recti.

Estq; quadratum, vel oblongum.

Quadratum est parallelogrammum rectangulum, & æquilaterum.

Oblongum est inæquilaterum.

Parallelogrammum obliquangulum est, cujus anguli sunt obliqui.

Estq; vel rhombus, vel rhomboides.

Rhombus est parallelogrammum obliquangulum æquilaterum: rhomboides inæquilaterum.

Sequitur trapezium, quod est quadrangulum non parallelogrammum.

Triangulatum deniq; multangulum est, quod pluribus, quàm quatuor lineis comprehenditur: ut, quinquangulum, sexangulum, & cætera, pro numero.

numero-angulorum nomen fortientia. Hæc & similia triangulata (ordinata quidem facilius, difficilius inordinata) è suis triangulis, è quibus constant, & in quæ resolvi possunt, mensuram capiunt; superficialia quidem dimensione simplici, solida verò duplici. Hic clarè propono propositionem, pro ejus inventione Pythagoras Musis hecatomben immolavit: Sit triangulum, ejus latus subtendat angulum rectum, quod sit 5 pedum (dicitur hypotenua) cathetus 3. ped. basis 4. Jam si singulis lateribus addantur singula quadrata, quadratum hypotenuæ, five subtensæ æquale erit reliquis duobus quadratis. Nam ter terna faciunt 9: & quater quater terna 16. Additis 9 & 16. erunt 25: magnitudo scil. tertii quadrati, ejus unum latus habet 5. Nam quinquies quina sunt 25.

Cap. 8. Cyclometria.

HActenus fuit superficies plana rectilinea: sequitur plana curvilinea. Expeditâ itaque Geometriâ rectilineorum, veniemus ad Geometriam curvilineorum.

Superficies plana curvilinea est, qua comprehenditur à curvâ.

Est q̃ simplex, vel mixta.

Simplex est unica & singularis, Circulus, qui est

figura plana & rotunda aequaliter distans à centro. Ejus Geometria dicitur *cyclometria*, item *Geometria rotundi*, & *Geometria circularis*. Sunt qui putant, tractationem circuli debere occupare primum locum in doctrinâ de figuris: eò quòd circulus sit omnium figurarum nobilissima & perfectissima, quæ ex omni parte sibi conformis & æqualis, per se omni principio & fine caret: etsi imbecillitate pingentis principium & finem habere censetur. Jam verò quod in unoquoque genere est perfectissimum, id quoque in eodem genere est primum. Sic *Kekerm. curs. philos. disp. 21. p. 29.* Addit: nec triangulum, nec quadrangulum constitui rectè posse, vel declarari, vel demonstrari, nisi per assumptam circuli figuram. Verùm, recta sunt priora curvis. Circulus autem numeratur in curvilineis. Est itaq; posterior rectilineis. Nihilominus circulus est figura capacissima, sive isoperimetricorum maxima. Imò & minima. Hinc duces, dum multitudinem minimam ostendere volunt, castra in circulum conformant: dum maximam, in quadratum, pentagonum, aliudve polygonum castra disponunt.

Cyclometria est partialis, vel totalis.

Cyclometria partialis explicat circuli partes, earumq; affectiones.

Partes circuli sunt, linea vel inscripta, vel adscripta. Illæ secantes, hæ tangentes dicuntur.

Linea

Linea inscripta sunt Diameter, Adiametri, & Segmenta.

Diameter est inscriptarum secantium in circulis princeps. Ostendit enim inventionem centri, genesis item & rationem omnium reliquarum inscriptarum. Ejus theoremata sunt: I. Circuli sunt inter se, ut quadrata è diametris illorum confecta: Diametri autem sunt ad invicem ut peripheriæ, & contra. Ut igitur est peripheria ad peripheriam: sic diameter ad diametrum, in ratione scil. subduplâ. II. Si inscripta rectè bisecat inscriptam, est diameter circuli, ejusq; medium est centrum.

Adiametri sunt chorda, sinus, & secans.

Chorda est linea recta adiametros, arcum quemcumq; in circulo subtendens. *Clavius in tab. sinuum.* Magino *subtensa*, aliis *inscripta* dicitur.

Sinus est totus, rectus, vel versus.

Sinus totus est radius sive semidiameter circuli. Hic radius est latus sexanguli inscribendi.

Sinus rectus est dimidium chorda subtendentis arcum: aliis dicitur *sinus primus*.

Sinus versus est pars diametri secans chordam: alii vocant *sagittam*.

Uterque ille sinus habet complementum. Complementum sinus recti est reliqua chordæ pars. Complementum sinus versi est reliqua radii sive semidiametri pars.

Secans est linea recta transiens peripheriam: aliàs dicitur hypotenusæ, Romano transsinuosa.

Segmentum circuli est, quod comprehenditur à peripheriâ & rectâ lineâ.

Estq; sector, vel sectio.

Sector est segmentum intus comprehensum à rectâ lineâ duplici faciente angulum, vel in centro vel in peripheriâ: qui dicitur angulus sectoris. Hic angulus in centro est duplex anguli oppositi in peripheriâ.

Sectio est segmentum circuli intus comprehensum ab unâ rectâ, qua basis sectionis dicitur.

Estq; aut semicirculus, aut inæqualis semicirculo, videl major, vel minor: ubi nota quid sit arcus, quadrans, & complementum arcus.

Arcus est pars circumferentiæ, nunc major, nunc minor semicirculo: sed minor semicirculo est quadrans, quarta circuli pars. Complementum verò arcus dicitur excessus, quo quadrans eum superat, si arcus minor est quadrante, vel ab eo superatur, si est quadrante major.

Linea adscripta vocatur tangens, qua arcum attingit, recta linea. Romano prosinus, aliis adscripta dicitur. Hic punctum contactus dicitur, ubi tangens jungitur semidiametro sive radio: & ibidem fit angulus contactus.

Tradita est cyclometria partialis: iam tradenda totalis, de totius circuli mensurâ, quæ est vel

περα-

περιγωνισμός, quadratura, sive quadratio circuli, vel inventio area.

Quadratura circuli pendet à ratione diametri & peripheria; de quâ theorema: Peripheria circuli est tripla diametri, & ferè sesquiseptima. Sex enim radii sive tres diametri circumscribunt peripheriam. Ita sexangulum inscribitur circulo per semidiametrum sive radium. Quia verò peripheria est continens, utique major est triplo. Sed excessus non planè est sesquiseptimus. Dèst enim unitas unius septimæ: & excessus idem longè major est quàm sesquioctava. Itaque differentia quia vicinior erat sesquiseptimæ, assumpta est sesquiseptima, propinquum scilicet vero pro ipso vero. Verùm exacta circuli quadratura, meo quidem iudicio, est visibus & nîsibus humanis negata, videlicet scientifica, exquisita & acroamatica. Recti enim & curvi nulla est proportio. Mechanica tamen & exoterica datur. Sic namque quadrabis circulum per numeros, si consideres circumferentiam dividi in gradus 360: semicirculum in 180: quadrantem in 90 gradus. Brevius: sicut 7. ter continentur in 21. cum $\frac{1}{7}$: ita diameter ter continetur in peripheriâ cum $\frac{1}{7}$. Quilibet autem circulus dividitur in partes 360: sive sit maximus, sive medioximus, sive minimus: quia circuli parvi magnis numero partium sunt homologi.

*Inventio area circuli continetur hoc theorema-
 20: Planus, sive quadratus è radio, & peripheriæ
 dimidio dabit aream circuli. e. g. diameter sit
 14 ped. radius erit 7. Peripheria 44 ped. dimid.
 22. plus minus. quæ per 7. multiplicata faciunt
 154 aream circuli. Ita circulos cælestes Astro-
 nomi per semidiametros sive radios, 60 gradib.
 constantes, mensurare solent.*

Hæc de circulo, qui inter omnes figuras est
 maximè admirabilis. Ratio 1. Quia constitui-
 tur è duobus valde contrariis, nempe ex immo-
 bili & mobili, putà centro & circumferentiâ,
 2. Quia ejus diameter interdum tardiùs, inter-
 dum celeriùs movetur. Celeriùs quidem eâ par-
 te, quâ maximè distat à centro: tardiùs verò eâ
 parte, quâ proximè ad centrum accedit. 3. Quia
 est figura & capacissima & minima. Capacissi-
 ma quidem, ob angulorum carentiam. Minima
 verò, quia minimum occupat spatium. 4. Quia
 est ad motum aptissima. 5. Quia valentissima
 seu robustissima, ut ait Cardanus. Quamobrem
 pugnaturi, ictumque excepturi, nec non pon-
 dus subituri, in rotundam se colligunt figuram.
 Est autem valentissima, quia simplicissima.
 Non enim facilè dissolvi potest: quia est con-
 tinua & una linea, neque punctum habet co-
 gnitum aut designatum, quod sit principium
 dissolutionis, sicut aliæ figuræ, quæ compositz
 sunt, adeoque habent commissuras manife-
 stas; ac

stas; ac proinde in suas partes sunt resolvableles. Quod in circulo non est: propterea quod ubique idem est principium & finis. Hinc docent, circuli naturam propè accedere ad infinitum. Nam in se recurrit, & intra se desinit. *Scal. ex. 30. Keck. curs. philos. disp. 21. pag. 30.* Ideò cælum est rotundum. Ideò utensilia pleraq; rotunda. Ideò denique *Arist. in probl.* rectè tradit, quod circulus sit primum rerum & operationum mechanicarum fundamentum. Hinc enim pendet lantx seu libra, generalis illa mechanicorum regula. Etenim applicata libra ad circulum, trutina, quæ est media pars, sit centrum; partes autem libræ utrinque à trutinâ productæ fiunt lineæ à centro circuli, quem describunt. Hinc redditur ratio, cur libræ majores exactiùs examinent pondera, quàm minores. Etenim quò longiùs diametri partes à centro absunt, eò velociùs moventur. Centrum namque est immobile. Quandoquidem ergo ex majori vehementiâ motus vis moventis, quod est pondus, distinctiùs cognosci potest, quum in motu languidiori ob tarditatem sensum non perspiciatur; utique exactiùs longè ponderum examen à majori, quàm à minori librâ institui potest: ut *Arist. d.l.* non immeritò dicat: *In magno librili idem pondus magnitudinem reddit aspectabilem* Confer *Alex. Piccol. in d.l. Arist. & Henricum Monanthonium super b.l.*

F

Supereſt ſuperficies curvilinea miſta, quæ inæqualiter diſtat à mediâ comprehenſi ſpatii. Hujus loci ſunt figuræ ovales, lenticulares, & ſimiles: quæ quò ſunt circulo ſimiliores, eò perfectiores.

Cap. 9. Planimetria gibborum.

Adhuc fuit ſuperficies plana: ſequitur gibba, qua inæqualiter intra ſuos terminos interjacet.

Eſtq; ſphærica, vel varia.

Sphærica ſuperficies eſt, quæ undiq; æqualiter diſtat à centro. Genetiſ ejus ita habet: Fit converſâ ſemiperipheriâ circa manentem ſuam diametrum, quæ axis ſphærici dicitur. Sphæricam ſuperficiem imitatur ſpharoides.

Varia ſuperficies eſt, cujuſ baſis eſt peripheria, latus, rectâ à termino verticis in terminum baſis tendens.

Eſtq; conica, vel cylindracea.

Conica eſt, quæ à ſubjectâ peripheriâ æqualiter ſaſtiatur ad verticem. Si igitur à ſublimi puncto ad ſubjectam peripheriam ducantur duæ lineæ collaterales, deſcribent ſuperficiem conicam.

Conicam æmulatur ſuperficies, quæ dicitur conoides: quæ eſt parabolica, vel hyperbolica.

Parabo-

Parabolica fit conversione parabola circa suam axem.

Hyperbolica fit conversione hyperbola circa suum axem. Estq; figura similis pileo.

Cylindracea est, quæ à subjectâ peripheriâ ad sublimem aequalem & aequidistantem peripheriam aequaliter erigitur.

Cap. 10. Stereometria.

Satis de superficie; sequitur corpus; cujus Geometria dicitur Stereometria, item Profundimetria, Altimetria, & Solidimetria.

Corpus est solidum latum & altum: cujus diameter dicitur axis, axisque termini poli.

Ejus termini sunt superficies.

Corpus est planum, vel gibbum.

Corpus planum est, quod comprehenditur à superficiebus planis; quæ hîc $\epsilon\delta\pi\alpha\varsigma$, hedra, dicuntur.

Estq; pyramis, vel pyramidatum.

Pyramis est corpus planum à basi rectilineâ ad verticem usq; aequalibus triangulis fastigiatum.

Estq; aquitermina, vel inaquitermina.

Pyramis aquitermina est, quæ à quatuor trigonis isopleuris comprehenditur: unde tetraëdron ordinatum vocatur.

Pyramis inaquitermina est, quæ quatuor trigonis non-isopleuris continetur.

*Pyramidatum est corpus planum à pyramidi-
bus comprehensum.*

Estq; prisma, & polyedrum mistum.

*Prisma est pyramidatum, cujus duo opposita
plana sunt aequalia, similia & parallela, reliqua
parallelogramma.*

Prisma est pentaëdrum, aut pentaëdratum.

*Pentaëdrum est, quod quinque hedris compre-
henditur.*

*Pentaëdratum est, quod è pentaëdri est com-
positum.*

Estq; hexaëdrum, aut polyedrum.

*Hexaëdrum, quod sex hedris quadrangulis
continetur.*

Estq; parallelipedum, aut trapezium.

*Parallelipedum est, cujus opposita plana sunt
parallelogramma.*

Estq; vel rectangulum, vel obliquangulum.

*Rectangulum parallelipedum est cubus, vel ob-
longum.*

*Cubus est rectangulum aequalium hedrarum:
unde isoëdrum vocatur. Comprehenditur enim
à sex quadratis æqualibus, solidis angulis inter
se compositis.*

Oblongum est rectangulū inaequaliū hedrarum.

*Obliquangulum parallelipedum est, quod he-
dri obliquangulis comprehenditur.*

Estq; vel rhombus, vel rhomboïdes.

*Rhombus est, cujus basis est à rhombo; rhomboi-
des, cujus basis à rhomboïde. . .*

Hexaë-

Hexaëdron trapezium est, cujus hedra neque parallela, neq; aequales sunt.

Pentaëdratum polyedrum est, quod pluribus, quàm sex hedris inaequalibus comprehenditur.

Sic de prismatic: nunc de polyedro misto, quod est pyramidatum, pluribus quàm sex hedris, aequalium inter se terminorum, constans. Componitur è pyramidibus vertice suo in centro coëuntibus.

Estq; vel triangula, vel quinquangula basis.

Triangula basis polyedrum mistum est octaëdron, vel icosaëdron.

Octaëdron est polyedrum mistum, quod ab octo triangulis solidis comprehenditur.

Icsoaëdron est polyedrum mistum, quod à viginti triangulis solidis comprehenditur.

Polyedrum mistum quinquangula basis est dodecaëdron, quod à duodecim-quinquangulis aequalibus solidis comprehenditur.

Adhuc de corpore plano: nunc de gibbo, quod comprehenditur à superficie gibbâ.

Estq; sphaera, vel varium.

Sphaera est solidum rotundum: aliàs globus dicitur: cujus geodæsia est quasi cubatura quædam, ut antea geodæsia circuli fuit ejusdem quadratura. Nam ut 21 ad 11: sic cubus diametri ad sphæram se habet. Sphæræ scilicet habent triplicatam rationem suarum diametrorum. Sphæræ proprietates admirandæ sunt quinq;. 1. Quo-

cunq̃ue motu moveatur globus, eandem sui generat in sensu speciem: alia figuræ non item. II. Super uno puncto in gyrum motus, loco eodem fruitur semper; quod & pyramidi evenit, sed circuli ratione. III. Idem globus si mutet locum, aliam à se figuram describit in aëre, quippe columnarem. Simul verò lineam actu creat, quæ in ipso non est, nisi in potentiâ, super planitie, quâ labitur, simul solum corporum pro basi punctum habet: quod est maximè admirabile, quo fiat modo, ut quod non est, super eo solidum quiescat corpus. IV. Uno eodemque motu movetur duobus motibus contrariis, sursum ac deorsum: si spectes circumferentiam. Excipe cælum. Globum æneum aut rotam intellige. Horum enim alia quoque sit contrarietas: quippe divergens naturalis est, subiens verò non-naturalis. Quare uno motu duos efficit motus contrarios in corporibus, quæ contingit. V. Cum sit unum corpus continuum, ejus tamen partes alia aliis celerius moventur. Celerius autem duobus modis intelligitur: aut cum in breviori tempore tantundem æquè spatii occupatur, aut cum in eodem tempore plus. Quæ igitur ad ambitum partes sunt, plus evadunt spatii, quàm quæ ad axem. *Scal. ex. 30.*

Gibbum varium est, quod comprehenditur à superficie variâ, & basi circulari.

Estq̃ conus, aut cylindrus.

Conus

Conus est solidum varium, à conicâ superficie & basi comprehensum.

Cylindrus est solidum varium, quod à cylindraceâ superficie & oppositis basibus comprehenditur.

Talis est liber primus Geometriæ, sine iconibus, quas vide apud Ramum, Ryffium, & in Elementalî nostro Mathematico. Author autem sum Geometriæ studiosis, ut istiusmodi figuras in chartis effingant, ut moris est, vel in pulvere, consimilive objecto.



G E O M E T R I Æ

LIBER SECUNDUS.

Continens

TRIGONOMETRIAM ASTRONOMICAM.

Cap. I. Membrâ trianguli
solvendi.

EXposita est Geometria theoretica & pura: sequitur practica & media, seu relata ad certum objectum mensurabile, vocaturq; Trigonometria relata seu media.

E 4

Estq; hac Trigonometria, vel Astronomica, vel Geodatica. Adrian. Metius trigon. p. 1.

Trigonometria Astronomica est doctrina de solutione (sive resolutione) triangulorum.

Solutio triangulorum est quasi alicujus in triangulo sive lateris, sive anguli inventio Sicut in regulâ autem è tribus numeris datis invenitur quartus: ita hîc è tribus datis quibuscunq; vel angulis, vel lateribus reliqua latera incognita investigantur.

Ea tradit partes, species, & ipsum canonem trigonometricum seu modum solutionis.

Partes sive membra trianguli sunt duo, latus & angulus. Adrian. Romanus in canon. triang. spheric. Triangulum enim est figura tribus lateribus tres angulos comprehendens.

Membrorum istorum occurrunt affectiones, & distinctio.

Membra trianguli triplicem habent affectionem, videlicet quadrantalem, majorem, & minorem.

Affectio quadrantalis est, dum membrum (sive latus id sit, sive angulus) quadranti aequatur: i. e. si contineat gradus 90.

Affectio major est, dum membrum quadranti præstat: ut si sit 100 graduum.

Affectio minor est, dum membrum quadranti cedit: ut si sit 60. grad.

Distinctio membrorum triangularium sic habet:

bet: Membra triangularia sunt, vel homogenea, vel heterogenea.

Homogenea membra sunt latera inter se, & anguli inter se comparati.

Heterogenea membra sunt angulus & latus ad se invicem relata: id quod fit adjacendo, vel opponendo, vel interjacendo.

Adjacere sibi invicem in triangulo dicuntur duo membra heterogenea, nempe latus & angulus, cum latus anguli crus est: opponi dicuntur, cum latus anguli crus non est: interjacere in triangulo dicitur angulus inter duo latera, si ea anguli crura sint, & latus similiter interjacet inter duos angulos, si ii ad utramq; ejus constituti sint extremitatem. Distinguuntur (ut hoc repetamus) latera trianguli in crura, & basin. Crura sunt duo latera angulum aliquem comprehendentia. Basis est latus angulo oppositum, quem propriè subtendere dicitur. Semper autem latera majora majores angulos, minora minores, æqualia æquales subtendunt.

Oppositiones illa sunt congrua, vel incongrua.

Congrua oppositiones sunt, dum membra sibi invicem opposita, sunt ejusdem inter se affectionis: cum diversæ, dicuntur incongrua.

F s

Cap. 2. Species triangulorum solvendorum.

Species trianguli solvendi ita habent: Triangulum est rectilineum, vel sphericum.

Triangulum rectilineum est, cujus tria latera sunt linea recta.

Sphericum est, cujus tria latera sunt segmenta, sive arcus circulorum; minora nempe semicirculo.

Triangulum sphericum est aliud legitimum, aliud licentiosum. Cl. Adrian. Romanus. pag. 48. canon. Geomet.

Triangulum sphericum legitimum est, quod tribus constat lateribus, tres angulos sphaericos constituentibus.

Estq; aliud congruum, aliud incongruum.

Triangulum legitimum congruum est, in quo oppositio incongrua nulla est: incongruum, in quo unica est.

Utrumq; est, vel quadrantale, vel non-quadrantale.

Quadrantale triangulum est, in quo unicum tantum membrum quadranti aequale est.

Estq; vel rectangulum, in quo quadranti aequatur angulus: vel quadrantaliterum, in quo quadranti aequatur latus.

Non.

Non-quadrantale est, in quo nullum membrum quadrantiaquale est.

Sequitur triangulum sphericum licentiosum, quod non constat tribus lateribus tres sphaericos angulos constituentibus.

Estq; ambituosum, vel strictum. Adrian. Romanus can. Geom. pag 51.

Ambituosum est, cujus ambitus integro circulo actu aequalis est: strictum contra.

Cap. 3. Comparatio Trigonometrica.

S*equitur modus solutionis, isq; tum generalis, tum specialis.*

Solutio generalis est comparatio trigonometria & cyclometria: anguli scilicet & laterum trian-
guli, cum circuli quadrante. Ea sic habet. Circu-
lus constat gradibus 360. Gradus hi vocantur
circumferentiales. Sed quatuor anguli circa cir-
culi centrum, quod est in concursu diametro-
rum, etiam totidem continent gradus, videl. 360.
Et hi gradus vocantur angulares. Hujus enim
spatii ad quatuor rectos, & totius circuli arcus
ad totam circumferentiam, eadem est propor-
tio: ut probari potest ex ultimâ sexti Euclid. Re-
giomont. de triang. l. 1. prop. 21. Eapropter ampli-
tudo anguli ejusque colligitur ex amplitudine

arcus oppositi: qui si sit 36 graduum, & angulus oppositus continebit totidem. Et angulus quidem rectus est, cujus amplitudo est quadrans circuli, sive 90 graduum. Obtusus est, cujus amplitudo est arcus quadrante major. Acutus est, cujus amplitudo est arcus quadrante minor: ideoque hic habet complementum, id nempe, quod ipsi ad 90 grad. deest. Hic autem diversa est ratio trianguli sphaerici, & rectilinei. Trianguli namque rectilinei tres anguli æquantur semper duobus rectis, id est, 180 gradibus: quod supra generaliter fuit pronuntiatum de triangulo rectilineo. At trianguli sphaerici tres anguli sunt duobus rectis majores & quatuor rectis minores. *Regiom. l. 3. de triang. prop. 49.* Id sic demonstratur. Sit triangulum rectilineum quodcunque. Accipe itaq; circinum, & pedem unum fige in angulo recto: ex isto puncto duc integram circumferentiam, sive magna sit, sive parva, non refert. Dehinc arcam seu portionem circumferentiae duabus lineis comprehensam metire. Videbis enim trianguli rectanguli cathetum & basin includere quadrantem. Sin minus, non erit angulus rectus. At si sit triangulum sphaericum, sic procedendum est. In angulo, cujus amplitudinem investigare cupis, fige pedem circini, & ex eo tanquam polo describe circumferentiam. Hic oportet crura trianguli sphaerici prolongare, ut contingant circumferentiam, sive

five arcum. Hâc ratione arcus interceptus inter duo crura mensurat istum angulum. In triangulis autem rectilineis nullâ crurum continuatione opus est. *Regiom. l. 4. de triang. prop. 34. & l. 5. p. 4. Adrianus Metius tom. 2. Instit. astron. pag. 29.* Adde, si placet, nostrum *elementale Mathematicum* pag 100. 101.

Cap. 4. Solutio triangulorum specialis per Canonem Geometricum.

Solutio specialis est vel uniformis, vel multiformis. Illa communis, hæc propria est.

Solutio uniformis est, quâ triangula tam spherica, quàm plana solvuntur per canonem Geometricum.

Canon Geometricus est Canoniarum explicatio: aliâs dicitur canon ad triangula: Adrian. Roman. in canon. triang. spheric.

Canonica sunt tabula sinuum, tangentium & secantium.

Earum consideratur tùm fabrica, tùm usus.

Fabrica earum apud alios est alia. Hâc de re consule Regiomont. de triang. Compendium canon. Adriani, & tabulas Clavii. Has ad manum habere oportet cum, qui triangula solvere in votis habet.

Usus tabularum est duplex: Nam in iis I. Cujuslibet arcus dati, semicirculo minoris Inqui-

ritur sinus, tangens, secans. II. Cujusvis sinus, tangentis, secantis datae arcus investigatur.

Primus modus fit per lateralem tabula ingressum, secundus per arealem. Hic notetur, quod antea dixi, canonis dispositionem aliis aliam placere: nobis commodissima videtur, quam habet *Clavius*, itemque *Bartholomaeus Pitiscus*. Ibi radius habet partes 10000000: hic 100000.

Lateralis ingressus est talis: Ingredere tabulam, quaerendo in vertice ejus gradum propositum, in latere sinistro minutum, descendendo, si arcus propositus fuerit minor quam 45 grad. contra in dextro latere ascendendo, si propositus arcus 45 excesserit: quibus repertis offendes in propriâ quavis columnâ sinum, tangentem, & secantem, tum arcus tui propositi, tum complementum ejusdem ad quadrantem. Arcus quidem propositi in sinistrâ paginae columnâ: complementi verò in dextrâ facie, ubi minuta ascendunt. Quod si detur arcus quadrante major, velisq; ejus sinum, tangentem & secantem, auferes propositum arcum à semicirculo, & cum residuo isto tabulam ad eundem modum lateraliter intrabis.

Arealis tabula ingressus sic habet: Intra tabulam areatim, propositum sinum, item tangentem vel secantem inter areales columnarum numeros investigando. Sic graduum & minutorum numeri, qui ad latera convenientia sese offerunt,

offerunt, desideratum arcum exprimunt. Quod si datus sinus præcisè non reperiatur, accipien-
dus erit proximus. Idem de tangentibus & se-
cantibus iudicium esto.

*His ita positis & cognitis vide an triangulum
sit rectilineum, vel sphericum. Si sphericum, an sit
rectangulum, vel obliquangulum.*

*Solutio trianguli rectanguli sic habet: Aut ba-
sis anguli recti, aut crus ejus alterutrum, aut an-
gulus acutus quivis inveniendus est. Invenitur
autem per regulam auream; ita tamen ut ad di-
visionis molestiam evitandam primo loco po-
natur radius vel 100000, vel 10000000 par-
tium. Plura vide apud Romanum, Clavium, Pi-
tiscum & Metium.*

*Solutio trianguli obliquanguli perficitur vel per
reductionem ad rectangula, vel sine reductione.*

*Reductio est expedienda per demissionem arcus
perpendicularis à vertice trianguli in oppositam
& subjectam basin. Atque arcus iste perpendicu-
laris cadit, vel intra, vel extra triangulum, ad
partem nempe basis continuatam, dislocans
triangulum obliquangulum in duo rectangula.
Notâ itaque rectangulorum solutione, non i-
gnorabitur solutio obliquangulorum. Quando
autem perpendiculum intra, quando extra ca-
dat, docet Regiomont. de triang. l. 1. p. 8.*

*Solutio sine reductione sua habet problemata:
de quibus Metius tom. 2. Inst. Astron. pag. 106.*

Solutio trianguli rectilinei est vel rectanguli, vel obliquanguli.

In rectangulo inveniri debent aut crura, aut basis anguli recti, aut anguli.

Obliquangulum solvitur vel per reductionem ad rectangulum, vel sine eâ. Vide Metium.

Cap. 5. Solutio triangulorum rectilineorum per circinum & regulam.

Solutio triangulorum multiformis, est vel rectilineorum, vel curvilineorum. Illa plana, hæc spherica plurimum vocant.

Solutio triangulorum planorum mechanica est, beneficio circini & regula. Ea sic habet: Fabrefiat semicirculus in 180 part. divisus: item linea in 100 vel 1000 partes divisa. Semicirculus applicetur triangulis, & numerabis gradus in eo, adeoque amplitudinem anguli illius scies. Eodem modo poteris excitare angulum cujuscunque amplitudinis. Jam si latus aliquod contineat 300 partes, per expansionem circini illas cognosces in lineâ partium.

Cap. 6.

Cap. 6. Solutio triangulorum sphæ-
ricorum per planisphærium
seu astrolabium.

*Solutio triangulorum sphæricorum haberi potest
per planisphærium sive astrolabium: cujus fa-
bricam & modum tradit excellentissimus Mo-
tius tom. 2. Inst. Astron.*



G E O M E T R I Æ

L I B E R T E R T I U S ,

C o n t i n e n s

T R I G O N O M E T R I A M G E O D A T I -
C A M M E T R I C A M S E U A G R I -
M E N S O R I A M .

*E*xplicata est Trigonometria Astronomica: se-
quitur Geodatica; eaq; tum Metrica, tum Or-
ganica.

*Metrica docet trianguli aream investigare: &
dicitur vulgò agrimensoria, latè accepto voca-
bulo. Quem enim Latini vocant agrimenso-
rem, Germani vocant ein landmesser.*

Ea est vel simplex, vel comparata.

*Simplex est, qua docet cujusq; figura aream in-
venire.*

Ea tradit mensuras, mensurarum equationem, & mensurationem ipsam.

Mensura est instrumentum, quo utuntur Geodætae, seu agrimensores. Solent enim in dimensione agrorum mechanicè metiri latetæ; rarò geometricè; quoties nempe latera sunt impendià magna. Quemadmodum autem linea recta rectas metitur: ita Geodætæ superficies per superficiem, corpora per cubum metiuntur. Sicut enim linea dicitur 100 palmorum, in quâ linea unius palmi centies continetur: ita superficies 100 palmorum dicitur, in quâ quadratum, ejus latus palmo æquale est, centies continetur: & corpus 100 palmorum dicitur illud, quod complectitur 100 cubos, quorum quilibet habet latus unius palmi: quod de reliquis mensuris, ut pede, passu &c intelligendum quoque est. Quamvis autem mensuræ istæ materiales variant pro nationum & territoriorum varietate: tamen Geodætæ in seqq. fermè conveniunt.

Mensura est consideranda quoad species, & adjuncta.

Species mensura ita habent: Mensura est minor, vel major.

Mensura minor est, qua perfecti corporis humani mensuram non superat, atq; ab ejus fermè partibus est petita: ut

I. *Granum hordeaceum, principium mensuræ.*

II. Di-

II. *Digitus*, latitudine 4. granorum.

III. *Uncia*, seu *pollex*: ein $\frac{1}{3}$ digiti.

IV. *Palmus minor*: 4. digit.

V. *Spithama*, seu *palmus major*: 3. palm. minores: seu 12. digit.

VI. *Pes*: palm. minor. 4. digit. 16. pollic. 12.

VII. *Cubitus*, seu *ulna*: sesquipedem continet: sive 24 digit. sive palm. 6.

VIII. *Gressus*: mensura 2. pedum cum semisse.

IX. *Passus*: est gressus duplicatus, continens pedes geodæticos 5.

X. *Orga*: ped. 6. seu cubit. 4.

Mensura major est, qua è minoribus mensuris est composita, & staturam hominis superat: ut

I. *Pertica*, seu *virga*: quæ apud Romanos pedum 10 erat, & dicebatur decempeda; apud artifices 16. ped. item 12. ped.

II. *Stadium*: mensura 125 pass. sive 625 ped.

III. *Milliare Germanicum* est passuum 5000, duarum hor. iter. *Milliaria Gallica & Italica*, leucæque *Hispanicæ* ad illud reducuntur. Vide *Hondium in præfat. Atlantis minoris*.

IV. Maxima denique mensura est, quæ habetur in *semidiametro terra*.

Adjuncta harum mensurarum sunt, quod usurpantur vel simpliciter, vel comparatè.

Simpliciter quidem, quando solam longitudi-

nem notant. Itailarum usus est in mensurandis lineis: ut in mensurandis rerum distantis, idque vel sursum, vel deorsum, vel antrosum, vel transversim collimando: altitudinibus item & profunditatibus, radiis cum directis, cum transversis accommodatis: & communiter notantur lineolâ — vel sic L.

Copulata mensura prodeunt ex multiplicatione: ac tunc notant vel superficies, vel corpora.

Superficies notant mensura, qua ex unicâ produciuntur multiplicatione: ut jugerum, & huba.

Jugerum est terra portio, quam quis colere queat à matutino ad meridianum tempus. Sic dictum à jugo; quod par seu jugum boum tantum possit arare dicto temporis spatio. Germ, ein morgenland/oder juchart.

Huba continet xxx jugera; quot scilicet agricola quotannis colit. Germani vocant, ein hube lands / darinnen ist winterfeld / sommerfeld / vnd brachfeld.

Mensura, qua notant corpora, è duplici multiplicatione prodeunt: illarumque usus est in mensurandâ corporum crassitie & profunditate. Hinc vocantur mensura solida. e. g. si nomines pedem unum, vel denotas solam longitudinem, & dicitur pes simplex, sicque notatur pes — vel L: vel superficiem notas, & dicitur pes quadratus, ex unâ scilicet numeri multiplicatione in seipsum factus; ut si pes simplex sit 4, quadratus erit 16: sic notatur

notatur †: vel denique solidum notas, latitudinem simul & profunditatem; & *pes corporis* si-
ve *solidus* vocatur, ex duplici multiplicatione
alicujus numeri proveniens; ut pes quadratus si
sit 16, solidus erit 64: Nam $4 \left| 16 \right. \text{faciunt}, \frac{16}{4} \left| 64 \right.$

Primum Germani agrimensores vocant *ein vorgehenden schuh* / pedem porrectum; secundum
ein trummen schuh / pedem contractum; tertium
ein creutzschuh. Idem judicium esto de reliquis
mensuris, puta decempedis, quod sint triplices.
Petr. Ryff. in Geod.

*Sequitur mensurarum æquatio, qua est vel ho-
mogenea, vel heterogenea.*

*Homogenea est, quando mensura magna resol-
vitur in suas partes: ut pes continet 64 granas
16 digitos; 12. uncias; 4 palmos 1 $\frac{1}{3}$ spithamas.*

*Hâc de re vide emblemata cribratum in Geodæf.
Ryff.*

*Heterogenea est, quâ pretium & valor mensu-
rarum indicatur: ut apud quosdam ulna valet*

$\frac{16}{75}$ *crucigeris: decempeda 1 flor. jugerum 30
flor. huba 300 flor. Sed hoc pretium aliis in lo-
cīs aliud est, & fermè pendet à liberâ conven-
tione contrahentium.*

*Mensuratio ipsa est, quâ magnitudo mensura-
tur cognomine mensura genere ad habendam*

aream. Est enim axioma geodæticum hujusmodi: *Omnis magnitudo cognomine mensura genere mensuratur.* Sic lineæ lineis mensurantur: v.g. si in concreto quærat, quanta sit longitudo pontis alicujus, id explorabitur per lineam rectam, quæ æquet longitudinem pontis. Superficies verò superficiebus; ut est pes quadratus, jugerum &c. Solida solidis, ut in nostro usu sunt dolia, modii. Est & alterum axioma geodæticum: *Qualibet mensura in cognominem mensuram multiplicata, ejusdem nominis quadratam parit: multiplicata autem per heterogeneam, gignit oblongum, à majore mensurâ denominatum.* Si enim mensuræ istæ sumantur pro superficiebus, duplices sunt. Aut enim pro quadrato sumuntur, aut pro oblongo. Pro quadrato sumitur mensura, quæ in seipsum ducitur, seu multiplicatur: ut si pedem in pedem multiplices, producet pes quadratus. Pro oblongo autem, quando minor mensura ducitur in majorem: seu, quando è mensuris inter se multiplicandis altera est alterius pars, tunc factum ex multiplicatione est oblongum: ut, si duos pedes ducas in tres, aut si quinque pedes ducas in perticam, fiet inde oblongum.

Mensuratio ista fit vel per reductionem, vel sine reductione.

Mensuratio per reductionem fit, quando figura inordinata reducuntur ad ordinatas.

Ordinata

Ordinata hic sunt quatuor, triangulum, quadratum, oblongum, & circulus.

Trianguli geodesiam abstractam vide supra lib. 1. Geom. c. 6.

*Quadrati geodesia hac est: Area quadrati cognoscitur è multiplicatione unius lateris in alterum, sive, quod idem est, unius lateris in seipsum: ut si in aliquo dato quadrato singula latera quinos pedes contineant, duc γ in γ : & 25 erit area. *Clav. l. 4. Geom. pract. c. 1.**

Oblongi, quod alterâ parte est longius, geodesia hac est: Area oblongi cognoscitur è multiplicatione unius lateris in alterum: ut, si unum latus contineat 3. pedes & alterum 5. pedes vel decem pedes, 3 duc in 5. Si itaq; campum aliquem quadratum vel oblongum metiri jubeamur, mensuranda erunt duo latera per aliquam mensuram famosam sive notam. Utuntur autem agrimensores funiculis è stupâ vel pilo confectis. Sed illi humidi extenduntur, sicci contrahuntur. Nos itaque præferimus decempedas & catenulas.

Circuli geodesia est supra l. 1. Geom. c. 8. tradita.

*Mensuratio sine reductione est, quando cujuslibet figuræ aream investigamus juxta specialia theorematata: de quibus *Clavius l. 4. Geom.* & nos in *Elementali Mathematico à pag. 88. ad 108.**

Talis est agrimensoria simplex: sequitur comparata, quâ una figura in alteram resolvitur, ut circulus in quadratum, vel contra. Hic præcipua problemata sunt:

I. Dato circulo æquale quadratum invenire. Divisâ diametro in 14 partes æquales, undecim ex illis erunt latus quadrati circulo æqualis: intellige æqualitatem non-exactam. Et è converso: diviso latere quadrati in 11 partes æquales, & additis 3, erit diameter circuli quadrato æqualis.

II. Datis multis circulis, siue aequalibus, siue inaequalibus, unum illis æqualem invenire. Sumtis eorum semidiametris fiat unica diameter.

III. Circulum duplicare. Circumscribe minori, quem duplicabis, quadratum: quadrato circumscribe circulum, qui duplo major erit minori.

IV. Circulum mediare. Hic modus est priori contrarius. Hic enim quadratum inscribitur circulo, hoc modo: Circinus apertus continet latus quadrati inscribendi circulo.

V. Triangulum æquilaterum in parallelogrammum redigere. Divide triangulum in duas æquales portiones, & resultabit triangulum.

VI. Triangulum in quadratum redigere. Extende mechanicè tria latera, ut fiat una continua linea, quam divide in 4 partes æquales.

Plura tibi suppeditabunt libri geodætici. Nobis propositum est, methodum accuratam, aut certè

certè accuratè proximam Mathematophilis
commonstrare.



G E O M E T R I Æ

L I B E R Q U A R T U S .

C o n t i n e n s

T R I G O N O M E T R I A M G E O D Æ -
T I C A M O R G A N I C A M .

Trigonometria Geodatica organica est, quæ or-
gana seu instrumenta artificialia proponit.

*Instrumentorum consideratur numerus, & de-
lectus.*

*Numerus est ferme innumerus. Sunt enim ab
aliis artificibus alia excogitata instrumenta.
Præcipua sunt radius Geometricus, quem vulgò
vocant baculum Jacobi, de quo Ramus & Ryff.
Speculum visorium, scala altimetra, annulus A-
stronomicus, asser Geodaticus, quadratum, de quo
Clavius in Geom. practicâ & Waserus in A-
rith. quadrans & planispharium seu astrola-
bium.*

*Delectus est unius, duorum, vel ad summum
 trium instrumentorum præ reliquis usus. Nos bre-
 viter agemus de quadrante & astrolabio.*

*Quadrantis consideratur tum fabrica, tum
usus.*

G

Fabrica est varia. Vide Clav. Geom. pract. l. 1. Santbechii observat. & alios.

Ufus quadrantis est in Geodesiâ & Astronomiâ. Perficitur autem vel scientificè, vel populariter. Scientificè vel per numeros, regulam nempe auream, vel per tabulas sinuum. Populariter fit sine omni supputatione: quâ de re vide M. Francisci Ritteri instructionem instrumentalem quadrantis novi. Hæc non possunt percipi sine schematum appositione. Ablegamus itaq; lectorem ad Clavii l. 2. Geom. pract.

Astrolabium est instrumentum summæ admirationis & utilitatis: aliàs planispharium.


Estq; catholicum, seu universale; vel particulare.

Catholicum, quod ad cujuslibet loci elevationem est accommodatum. Hic omnium optimum judicamus, quod ab eminentissimo Mathematico Gemmâ Frisio est elaboratum: qui germanam ejus fabricam, usumque multiplicem vivis depinxit coloribus.

Astrolabium particulare est, quod ad certam determinatamq; poli elevationem est determinatum. Ufus utriusq; est tam in Geodæticis, quam in Astronomicis. Vide Clavii libros de Astrolabio, & Johannis Krabbe Astrolabium.

Ita expeditimus admirandorum Geometricorum methodum, quam hoc typo delineamus:

Geomo-



FINIS GEOMETRIÆ.



ADMIRANDORUM MATHEMATICA- CORUM

LIBER QUARTUS,

Continens

COSMOGRAPHIAM
methodicè propositam.

M*athematica specialis pura per Deigratiam est absoluta: sequitur specialis media, quæ partim est Physica, partim Mathematica. Vocavimus quidem Arithmeticam relatam, & Geometriam mediam, sed alio sensu. Nam Arithmetica media est, quæ demittit se ad objectum concretum numerabile: sic Geometria media, quæ se demittit ad objectum concretum mensurabile, sed sine corporis vel qualitatis naturalis mentione: id quod hîc fit.*

Mathematica specialis media est, vel corporis, vel qualitatis. Quam utramq; perpendit ratione quantitatis.

Corpus consideratur, vel in genere, vel in specie.

Corpus

Corpus in genere considerat Cosmographia. Nomen corpus hic ponitur ἡμεῖς, pro nomine mundus. Mundus autem consideratur vel collectivè, vel distributivè: id est, universim & sigillatim καὶ μίαν. Universim in Cosmographia. Itaque

Cosmographia est sphaera mundi scientia. Hæc differt à Cosmologiâ, quæ est pars Physices, tractans de mundo, in quantum est corpus naturale. At Cosmographia tractat de mundo, quatenus est corpus mensurabile.

Sphaera mundi est vel vera & realis, vel representativa.

Realis sphaera mundi consideratur quoad figuram, & coordinationem partium.

Figura mundi est circularis. Hic Cosmographi varias colligunt rationes, quibus astruunt rotunditatem τοῦ πᾶντος.

Coordinatio partium est vel similis, vel dissimilis.

Coordinatio similis vocatur continuitas, quâ partes similes ita uniuntur, ut extrema sint unum.

Estq; vel longitudo, vel latitudo. Utraq; est in circulo θέσις, adeoque variat, ut in Astronomiâ & Geographiâ videbimus. Hinc est τὸ Ἀντε & Post.

Coordinatio dissimilis vocatur contiguitas, secundum quam partes dissimiles habent suam

extrema simul. Atque hinc aliæ partes dicuntur superæ, aliæ inferæ. Nam τὸ infra & supra per se, τῇ φύσει, non est in circulari figurâ, sed tantum ὁσόν, sicut ὁ Ante & Post.

Sphæra mundi representatitia est instrumentum globi, in quo tota mundi machina unâ cum singulis partibus & motibus est adumbrata.

Estque vel perennis, vel temporarii motus.

Sphæra motus perennis est, quæ occultis rotis veluti animata & pondere vivo librata nunquam deficit.

Duo sunt, quæ in scholâ Mathematicâ verè numerantur in apotelesmatis admirandis, quadratura circuli, de quâ supra in Geometriâ; & motus perennis, sive perpetuum mobile. Fit enim globus, in quo singulæ universi partes (quas quidem Mathematici considerant) ita adumbrantur, ut moveantur indefinenter orbes cœlestes, terra autem stet immota. Tale instrumentum confecit *Archimedes*. Tale habuit *Sapor* rex Persarum. Talia hodie fiunt ab ingeniosissimis artificibus.

Sphæra motus temporarii est, quæ ad certum tempus movetur, quo elapso oportet artificem redintegrare laborem in rotarum rectificatione, & ponderum dispositione. Hujusmodi instrumenta passim sunt obvia.

In utraq;


*In utraq; oportet considerare tūm fabricam
tūm usum.*

Hæc duo in cujusque instrumenti spectan-
da sunt historiâ, fabrica, inquam, & usus.

Hæc sunt generalia. & summa Cosmogra-
phiæ capita; ubi paucissimis verbis plurima.
proposuimus, fundamenta scilicet

Astronomiæ & Geogra-
phiæ.

FINIS COSMOGRAPHIÆ.





ADMIRANDORUM
MATHEMATICO-
RUM

LIBER QUINTUS,

Proponens

Uranoscopiam libris quatuor meth-
odice comprehensam.



URANOSCOPIÆ

LIBER PRIMUS,

Qui vocatur

SPHÆRICA SIVE SPHÆRA.

Cap. I. Uranoscopia definita
& distributa.

Consideravimus corpus in genere: nunc con-
siderabimus in specie: idq; tum in Uranosco-
piâ, tum in Geographiâ.

Cosmographia generalis est exposita: nunc
exponen-

exponenda specialis, quæ est partim Uranoscopia, partim Geographia. Neque enim Uranoscopia & Geographia sunt partes Physicæ, ut docet *Clar. Timplerus in Physicis*: sed sunt Mathematicæ disciplinæ concretæ. *Keckerm. in præcognit. philos. item in System. Astronom. & Geograph.*

*Uranographia est rerum caelestium, in quantum mensurabiles sunt & mensurativa, scientiæ eodemque sensu Uranoscopia, & Uranologia dicta est. Cl. Timplerus in Physicis tractat Uranoscopia, tanquam essentialem ejus partem. Sed errat. Physica enim agit de cælo, quoad substantiam, id est, materiam & formam, quoad qualitatem, nempe lucem, & quoad relationem ad elementa & elementata. Sed Uranoscopia considerat cælum, quâ mensurabile, & mensurativum. Hic itaque oportet distinguere inter rem consideratam, & modum considerandi. Illa materiæ, hic formæ habet locum. Est autem modus considerandi duplex in Uranoscopiâ, qui indicatur voculâ *quâ*, sive quatenus: quæ est specificativa, vel, ut aliis placet, reduplicativa. Hem, inquit aliquis, quàm absurda crepas! Si duplex est modus considerandi, duplex forma. Si duplex forma, duplex disciplina. Sed bona verba quæso! Hic enim Uranoscopia (quæ aliàs synecdochicè vocatur *Astrographia*) consideratur ut totum collectivum, sicut ipsa philosophia.*

Uranographia est vel Astronomia, vel Astrologia.

Vulgus hæc duo vocabula confundit. Artifices autem quàm accuratissimè distinguunt. *Peucer. de divin. gen. pag 644. edit. Wechel. in 8.*

Astronomia est scientia de motu & mensurâ corporum caelestium.

Estq; absoluta, vel relata. Keckerm. l. i. Astron. c. i.

Astronomia absoluta est, qua tractat de motu in se spectato.

Estq; vel sphaerica, vel theorica planetarum.

Sphaerica est doctrina de primi motus phaenomenis in sphaerâ caelesti.

Motus corporum caelestium duplex est, primus & secundus. Ille dicitur diurnus, & communissimus; hic periodicus & proprius. Hinc manavit distinctio inter primum mobile, & secunda mobilia.

Sphaera caelestis est vel archetypa, vel ectypa. Illa est vera, hæc representativa.

Cap. 2. Primum mobile.

Sphaera caelestis archetypa est ipsum corpus caeleste à Deo productum: aliàs dicitur orbis caelestis.

Hic acerrimè disputatur de existentia orbium caelestium, realisne illa sit an imaginaria.

Quibus.

Quibusdam & ἀστρολόγοι, & ἀφιλόσοφοι videtur statuere diversas cōcamerations ita dispositas, ut una alteram capiat, ut in capris & ovis videre est. Nos in medio relinquimus, & retinemus hypotheses, quæ ab artificibus afferuntur, docendi discendiq; causâ.

Estq; vel prima, vel secunda.

Sphæra prima vocatur primum mobile.

Decem sunt distincti orbes, excepto cælo empyræo, quod vocant. Ptolemaici novem duntaxat agnoscunt, rejectâ sphærâ nonâ, quam Alphonsini, & nos illos secuti, probant.

Primum mobile est sphæra decima, omnium amplissima, terrenum globum superans 1960, motu suo rapidissimo inferiores orbes secum rapiens 24 horarum spatio ab ortu in occasum, circuli adumbrata:

Theoremata:

1. *Subiectum primum primum motus est primum mobile, subiectum autem secundarium sunt orbes reliqui.* Hæc de re notentur hæc similia. Sicut in globo musca, in navi homines ambulantes, in rotâ vermiculus, duplici moventur motu: ita res se habet cum orbibus cælestibus. Cogitemus, globum, navem & rotam moveri ab ortu in occasum; muscam, homines, & vermiculum ab occasu in ortum:

2. *Motus primus est omnium evidentissimus.* Hunc enim motum lippi & tonsores vident & dijudicant. Reliqui autem motus sunt latentes

res, cognititantum artificibus per instrumenta
& rationes.

3. *Motus primus est omnium velocissimus.*
Absolvitur enim 24 horarum spatio. Hinc Græ-
cis dicitur *νοχθημέριος*, q. d. nocti-diurnus.

4. *Motus primus discitur adminiculo sphaera
armillaris pertusa, qua certis quibusdam circulis
constat.*

Circuli isti serviunt demonstrationi motus
primi. Itaque *πρώτος*, primario, referuntur ad
primum mobile; *δευτερος*, secundario, ad orbis
inferiores. Eorum quidam sunt reales, ut zo-
diacus, & horizon sensibilis, alii imaginarii & in-
tentionales, qui nonnisi mente designantur.
Concipiuntur autem in concavâ, non in con-
vexâ cæli superficie.

*Circulorum caelestium considerantur partes, &
species.*

Partes sunt communes, vel propria.

*Communes sunt, quas habent cum sphaeris sive
orbibus communes.*

Suntq; axis, & polus.

*Axis est linea recta per medium orbem trans-
iens.*

Polus est extremitas axis.

Polus est Septentrionalis, vel Meridionalis.

*Polus septentrionalis est, circa quem calum
convertitur ad septentrionem.*

*Dicitur arcticus, q. d. ursalis: quia adumbra-
tur in*

tur in octavâ sphærâ per extremam stellam ursæ minoris, quæ dicitur *polaris*, nautis, *der leitstern*. Polum itaque oportet concipere non extra, sed intra orbes, prope hanc stellam.

Polus meridionalis est, circa quem calum volvitur ad meridiem.

Dicitur *antarcticus*. Nobis Europæis, item Asiaticis & Africanis non apparet, sed Americanis, qui habitant ultra æquinoctialem. Est enim infra nos.

Partes propriae sunt gradus, & minuta: de quibus supra in Arith. l. 3. & Geom. l. 1.

Species circulorum sequuntur.

Cap. 3. Horizon.

Circuli sunt majores, vel minores.

Circuli majores sunt, qui calum dividunt in duas aequales partes.

Suntq; exteriores, vel interiores. Illi dicuntur externi & mutabiles, sed immobiles: hi interni & immutabiles, sed mobiles.

Exteriores sunt, qui in sphærâ armillari & in globo exteriorè occupant locum. Dicuntur mutabiles, quia mutantur ἡμεῖς, quoties nempe locum mutamus. Dicuntur immobiles, quia sphærâ motâ ipsi non moventur. Respectu totius cæli & terræ unus quidem est horizon, &

unus meridianus, sed respectu regionum & urbium sunt variabiles.

Sunt q₃ horizon & meridianus.

Horizon est circulus major, conspicuam calis partem ab inconspicua dividens. Latinis dicitur finitor. Terminat enim visum nostrum.

Horizon consideratur quoad puncta sive polos, divisiones suas, & usum.

Puncta horisontis duo sunt, verticale & pedale.

Verticale est, quod in medio cali apice vertici hominis respondet: ab artificibus Arabico vocabulo appellatur Zenith, rectius Senith.

Pedale punctum est, quod verticali diametraliter oppositum est: Arabicè Nadir.

Divisiones horisontis dua sunt. Principio enim horizon vel secat, vel non secat aequatorem.

Horizon aequatorem secans est, qui cum aequatore facit angulos.

Est q₂ vel rectus, vel obliquus.

Horizon rectus est, qui rectam facit sphaeram.

Horizon enim rectus aequatorem secat ad angulos rectos. Proinde sphaera recta est, quæ utrumque polum in horizonte habet conspicuum. Talem sphaeram habent ii, qui exactè medii sunt inter septentrionem & meridiem, ut nonnullæ gentes Æthiopiarum.

Horizon obliquus est, qui facit sphaeram obliquam.

Sphaera

Sphæra obliqua est, quæ unum tantum polum conspicuum habet, eumque elevatum supra horizontem. Hic enim horizon cum æquatore constituit angulos obliquos. Ista poli elevatio alibi minor, alibi major est. Sed nunquam complet integrum quadrantem, siue nonagesimum attingit gradum. Talem sphæram obliquam habent omnes, quorum habitatio vel ad Australem, vel ad Septentrionalem mundi partem declinat.

Horizon æquatorem non secans est, qui cum æquatore nullos facit angulos.

Quando igitur polorum unus vertici incumbit, constitutio sphære vocatur parallela, & *horizon parallelus*. Hic horizon & æquator unum constituunt circulum. Et ista poli elevatio atque depressio exactè est 90 graduum. Talem horizontem habent, qui directè sub polis habitant: si modò ibi aliqui habitant. Videntur enim ista loca intolerabili frigore damnata esse. Si qui tamen hic habitant, illis stellæ, quas vident, nunquam occidunt.

Deinde horizon est rationalis, vel sensibilis. Ille universalis, hic particularis dicitur.

Horizon rationalis est, qui calum dispartit in duo equalia hemisphæria.

Dicitur rationalis, quia non acie oculorum, sed rationis designatur in cælo.

Horizon sensibilis est spatium terra, circulari

ambitu definitum, quod in campo patenti oculorum acies circumcirca assequi potest.

Ejus circumferentia est 34 plus minus milliarium Germanicorum: diameter 11. vel 9: semidiameter 5 cum semisse, vel 4 mill. Germ. cum semisse.

Usus horizontis continetur his theorematibus.

1 *Horizon est meta stellarum orientium & occidentium.* Ortus namque stellarum est earum supra horizontem ascensus; & occasus est earundem infra horizontem descensus. Hinc quædam stellæ sunt ἀφαιεῖς, quæ nunquam infra horizontem descendunt, ut ursa minor & major. Aliæ ἀφανείς, ut canopus, reliquæque antarcticæ. Aliæ deniq; ὑπ᾽ ἄλληλοι, quæ oriuntur & occidunt, ut 12 signa, quorum sex semper sunt supra, & totidem infra horizontem.

2 *Horizon sphaeram dividit in rectam, obliquam, & parallelam: ut modò expositum est.*

3 *Horizon ostendit locum Solis in limbo.*

4 *Horizon servit computanda elevationi poli unà cum meridiano. Vide cap. seq.*

5 *Designat cardinem punctumq; orientis & occidentis.*

Cap. 4. Meridianus.

Meridianus est circulus major exterior per polos mundi, & loci cujusq; verticem transiens,

iens, horizontemq; in duobus oppositis punctis, meridiei & septentrionis interfecans.

Ejus occurrit cum distinctio, tum usus.

Distinguitur meridianus in universalem, & particularem.

Meridianus universalis est unus, & is quidem immutabilis, in mediâ cali parte.

*Meridianus particularis est mutabilis : ita ut mutanti locum versus orientem vel occidentem, alius atque alius occurrat meridianus. Tot ergo sunt meridiani, quot puncta verticalia. Astronomi secuti Ptolemæum istis regionibus & urbibus novum assignant meridianum, quorum punctum verticale à proximo loco seu puncto verticali, distat gradibus: ut ita totum cælum habeat meridianos 36. Geographi autem, ut exactiùs possint locorum intervalla computare, constituunt meridianos 180, per quos terram dividunt. Singulos nempe meridianos ducunt per singulos oppositos gradus æquatoris. Quidam tamen Geographi numerant meridianos 90. Primum constituunt supra insulas fortunatas sive Canarias. Veteres enim putabant hunc esse terminum mundi habitabilis, qui Græcis dicitur *οὐρανός*. Astronomi pauciores habent meridianos; quia tot numerant, quot sunt diversa initia & diversi fines dierum & noctium. Si quis enim proficiscatur ab ortu in occasum per milliaria 75 sub æquinô-*

ctiali (nam uni gradui cælesti in terris respondent 15 mil. Germ.) jam reperiatur novum meridianum, ita ut Sol ibi penè dimidiâ horâ seriùs oriatur, quàm eo in loco, unde profectus est. Ita patet, quæ sit causa hujus varietatis. Astronomi scilicet circulos cælestes accommodant ad suum usum, spectantes ortum & occasum siderum; Geographi ad suum usum, spectantes situm & distantiam urbium & regionum.

Usus, sive officium, meridiani, his continetur theorematibus:

1 *Meridianus dividit calum, atq; adeo diem & noctem in duas partes aequales.*

Dicitur enim meridianus, quasi *medidianus*: quia Sol perveniens ad circuli istius partem superiorem facit meridiem; sicut facit mediam noctem, perveniens ad ejus partem inferiorem. Unde fit ut pars diei antemeridiana sit æqualis pomeridianæ; & pars noctis ante mediam noctem sit æqualis illi, quæ est post mediam noctem.

2 *Altitudo Solis reliquarumq; stellarum, item earum distantia à puncto verticali numeratur in meridiano.*

3 *Meridianus designat cardines & puncta septentrionis & meridiæ.*

4 *In meridiano numeratur elevatio poli, adeoque latitudo loci. Nam elevatio poli & latitudo loci numero seu quantitate graduum semper*

conve-

conveniunt. Utraque igitur sumitur ex meridiano, hâc ratione: ut nimirum *elevatio poli sit arcus meridiani inter polum & horizontem interceptus: latitudo vero loci arcus ejusdem meridiani inter punctum verticis & æquatorem interceptus*. Clarius: Latitudo loci est arcus meridiani, numeratus à vertice deorsum ad æquatorem. Hæc latitudo necessariò est æqualis elevationi poli. Quoties enim polus elevatur gradibus decem vel 20, toties totidem gradibus à vertice recedit æquator. Latitudo loci igitur nihil est aliud, quàm distantia alicujus loci ab æquatore, seu mediâ istâ cæli lineâ. Itaque si quis quærat, quot gradibus Herborna distet à medio cæli, vel terræ, pergatque versus septentrionem, facillè id cognoscet ex elevatione poli supra horizontem. Tot enim gradibus à medio cæli, adeoque terræ (hæc enim illi commensuratur) abest Herborna, quot gradibus polus ejus supra horizontem elevatur.

Cap. 5. Æquator.

Sequuntur circuli interiores, qui iidem sunt ubiq; locorum.

Hi sunt immutabiles & invariabiles: sed tamen mobiles, quia cum ipsâ spherâ circumvolvuntur. Pinguntur in ipsâ globi chartâ. Horizon & meridianus variantur pro circumstantiâ

locorum. Tot enim sunt horizontes, quot. in terrâ regiones, urbes, & hominis positus. Meridiani etiam multi: ita ut quælibet urbs, quæ ab alterâ distat versus ortum & occasum 75 miliaribus, novum habeat meridianum. Sed de his tale nil est cogitandum. Unicus enim est æquator, unicus Zodiacus, reliqui; circuli omnes sunt unici.

Circuli interiores sunt principales, vel minus-principales.

Principales sunt, qui majorem in Astronomiâ usum præstant. Sunt q̃, Æquator & Zodiacus.

Æquator est circulus exactè medius inter polos mundi, celum in duas æquales partes, septentrionalem & meridionalem, dissecans: unde & æquator dictus est. Aliàs æquinoctialis, quia Sol ad ipsum pertingens, diem nocti æqualem facit. Græcè ἰσημερινός, & ἰσωνύχτιος.

Theoremata ejus sunt:

1 *Æquator est circulus præstantissimus. Est enim mensura motus primi. Singulis enim horis oriuntur nobis de isto circulo gradus 15. Quum autem rectum sit mensura & regula obliqui, omnis motus irregularis ad æqualitatem æquinoctialis circuli reduci & examinari debet.*

2 *Æquator in celo transit cingulum Orionis, sinistram alam Virginis, & viam lacteam.*

3 *Æquator spatia singulorum dierum, horarum, &*

rum, & reliquorum temporum, quæ Sol in Zodiaco incedens efficit, metitur.

4 Ostendit æquinoctia : quæ sunt illis ipsis diebus, quibus Sol hunc circulum attingit, juxta versum:

Libra, Ariesq; parem reddunt noctemq; diemq;.

5 Ab hoc circulo computantur declinationes stellarum versus meridiem & septentrionem.

6 In Geographiâ hic circulus est primarius. In eo enim numeratur longitudo locorum. Proinde facit ad imponendas globo civitates, & ad inveniendas locorum distantias.

Cap. 6. Zodiacus.

Zodiacus est circulus interior, latus, & obliquus, via planetarum perpetua. Contra naturam circulorum est, quod sit latus. Circuli enim reliqui sunt ἀπλάεις. Est etiam obliquus. Nam oblique cælum inter polos mundi secatur, & à mediâ cœli linæ, hoc est, æquinoctiali, duobus in punctis seu locis declinat. Latitudo ejus est 16 graduum. Dicitur est ἀπὸ τῶν ζωδίων. Latini signifer.

Theoremata:

1 Zodiacus obliquo suo ductu efficit vicissitudines temporum anni. Si enim Sol & reliqui planetæ non moverentur oblique, eadem foret to-

tius anni qualitas: id quod generationem rerum sublunarium præpediret.

2 *Zodiacus in calo decimo est originaliter & primario, ejusq; signa vocantur δωδεκάμηνη: in sphaerâ octavâ secundario, ejusq; signa sunt ipsa constellationes.*

3 *Poli zodiaci à polis mundi & æquatoris hodiè distant gradibus 23. & minutis 28. Vocantur poli ecliptica. Tempore Ptolemæi distabat gradibus 23 & minutis 52. Qualis autem est distantia polorum zodiaci à polis mundi, talis est maxima Solis declinatio, quâ Sol recedit à mediâ cæli lineâ. Quia enim Sol non discedit ab Eclipticâ, necessum est declinationem ejus convenire cum distantia polorum zodiaci à polis mundi.*

4 *Zodiacus dividitur quoad longitudinem, & latitudinem. Quoad longitudinem dividitur in gradus 360 communiter ut alii circuli: & singulariter in 12 dodecatemoria sive signa: signum in gradus 30. Luna enim 12 quotannis conficit lunationes, i. e. duodecies suum cursum absolvit. Luna autem spatio 30 dierum cursum suum conficit semel, ut binæ oppositiones & conjunctiones ejus cum sole intra id tempus propemodum elabantur. Secundum latitudinem dividitur in 16 gradus: videl. 8 versus meridiem, & 8 versus septentrionem. Ptolemæus definivit latitudinem zodiaci 12 gradibus,*

bus, quia sex duntaxat gradibus observavit planetas evagari versus meridiem & septentrionem, excepto sole. Sed recentiores observarunt, planetas longius evagari. Est itaque ἀπορον in scholâ nostrâ, si quis dicat, planetas evagari extra zodiacum, & cum reliquis stellis misceri.

5 *Media zodiaci linea dicitur Ecliptica.* Hæc est propriissima & regularissima zodiaci pars. Sub hæc Sol perpetuò movetur, ita ut ejus centrum ne latum quidem unguem discedat ab illâ. Dicitur ecliptica: quia Sol & Luna Eclipsin patiuntur, quando sub hæc lineâ vel conjunguntur, vel diametraliter opponuntur.

6 *Beneficio zodiaci calum dividitur in duodecim regiones, & ita inveniuntur loca omnium stellarum.* Oportet enim videre in quâ quælibet stella sit regione.

Cap. 7. Coluri.

Fuerunt circuli majores interiores principales: sequuntur majores interiores minores principales, qui vocantur Coluri.

Coluri sunt circuli ducti per utrumque mundi polum. Sic dicti sunt, q. d. imperfecti & mutili. Imperfecti enim apparent omnibus terræ habitatoribus, exceptis iis, qui sub æquinoctiali habitant,

Colurus est vel æquinoctialis, vel solstitialis. Numerari quidem possunt coluri 180, qui singuli per utrumque mundi polum ducuntur: ita ut illi integri nunquam cernantur, sed eorum partes aliæ lateant infra horizontem, aliæ verò semper sint supra eum. Sed artifices duos duntaxat numerant, qui eclipticam in quatuor puncta cardinalia distinguunt, quibus quatuor anni tempora respondent. Sunt enim duo puncta æquinoctialia, & duo solstitialia.

Colurus æquinoctialis est, qui transit per puncta æquinoctialia: initium videl. Arietis & Libræ. Hinc æquinoctium vernum, & autumnale, juxta versum:

Lambert, Gregori, nox est æquata diei.

Colurus solstitialis est, qui transit per puncta solstitialia: initium nempe Canceri & Capricorni. Hinc solstitium æstivum & hyemale, de quo versus:

Vitus cum Luciâ dant duo solstitia.

Cap. 8. Circuli minores.

EXposuimus circulos majores: nunc exponemus minores, qui calum dividunt in partes inæquales: quum per ejus centrum non transeant. Dicuntur *Paralleli*, quia si ad æquatorem referantur, ab eo æquidistant.

Circuli

Circuli minores sunt vel intermedii, vel extremi. Illi interiores, hi exteriores dicuntur.

Circuli minores intermedii sunt duo tropici, qui determinant puncta solstitialia, Solisq; metas versus septentrionem & meridiem præbent. Sic dicti, quòd ubi Sol ad illos pertingit, cursum suum reflectat, & se ad nos convertat, vel à nobis divertat.

Suntq; duo, unus Cancræ, alter Capricorni. Distant utrinque ab æquatore gradibus 23 cum semisse: quæ est maxima Solis declinatio versus meridiem & septentrionem. A se invicem autem distant gradibus 47: quæ est amplitudo zonæ torridæ.

Tropicus Cancræ, sive æstivus, est, quem Sol designat tempore solstitii æstivi; quando scil. dies est longissimus, nox verò brevissima. Dicitur etiam tropicus septentrionalis: quia sol eo tempore, quo hunc circulum describit, est maximè septentrionalis & nobis verticalis, adeoque altissimus, ita ut radii ejus perpendiculariter ferantur in terram.

Tropicus Capricorni, sive hyemalis, est, quem Sol designat tempore solstitii hybernæ; quando scil. dies est brevissimus, nox verò longissima. Dicitur etiam tropicus meridionalis, quia sol eo tempore est maximè meridionalis, & valde humilis, ita ut ejus radii ferantur in terram obliquè.

Circuli minores extremi sunt duo polares, quos

H

*poli Zodiaci circa polos mundi quotidianâ circum-
volutione designant.*

Duplices in cælo concipiendi sunt poli, ex-
actè medii, qui sunt *poli mundi*, seu *æquatoris*, &
extremitatibus filorum æneorum in globo &
sphærâ armillari ostenduntur: & *poli Zodiaci*, cir-
ca quos planetæ moventur, quosque designant
hi circuli polares.

Suntq; duo, Arctici & Antarcticus. Distant
autem poli Zodiaci à polis mundi 23 gradibus
cum semisse, sive 30 minutis, quæ constituent
dimidium gradum. Ab æquatore verò distant
polares circuli gradibus 66 cum semisse: à tro-
piciis 43 gradibus. Quilibet autem polaris distat
à mundi polis gradibus $23\frac{1}{2}$. Transeunt enim
polares circuli per polos Zodiaci.

*Circulus arcticus est, qui describitur circa po-
lum arcticum: & per medium ferè caput majoris
ursæ transit. Sic dictus ἄρκτος τὸν ἀρκτῶν, ab ursis.*

*Polaris antarcticus est, qui describitur circa po-
lum antarcticum, sive meridionalem.*

Atque hi duo polares vocantur immutabi-
les, quibus alii addunt polares mutabiles infini-
tos, qui tantâ distantîâ describuntur circa polos
mundi, quanta est polorum elevatio supra ho-
rizontem: ut si elevatio poli Herbornæ sit 51 gra-
dum, circulus polaris mutabilis transibit per
illum gradum. Usus horum circulorum est,
osten-

ostendere stellas perpetuæ apparitionis, vel occultationis. Quidquid enim stellarum est intra circulum polarem mutabilem supra horizontem, hæc nunquam horizontem subeunt: prout quidquid est stellarum intra alterum circulum polarem mutabilem infra horizontem existentem, illæ nunquam ascendunt. *Franciscus Barotius.*

Docent hoc in loco quidam de *zonis & climatis*. Sed perperam. Non enim zonæ & globi pertinent ad mensuram globi cælestis cognoscendam, sed ad explicandam mensuram globi terrestris. *Keckerm. l. 1. Astr. c. 3. pag. 53. 54.*

Cap. 9. Sphæra nona.

Fuit *sphæra prima*; sequitur *secunda*, qua *rapi-*
tur à primâ. Sphæra prima vocatur *primum*
mobile, sequentes sphære, vocantur *orbes infe-*
riores, & *secunda mobilia*, numero novem.

Sphæra secunda est vel ævasp ☉, *stellarum ex-*
pers, vel *trasp* ☽, *stellata*.

Sphæra ævasp ☉ *est nona*; quam docendi di-
scendiq; causâ retinemus. Ab artificibus voca-
tur *cælum crystallinum*.

Ejus theoremata sunt:

1 *Sphæra nona motus est duplex; communis &*
extraneus, sive accidentarius, quo 24 horarum

H 2

spatio ab ortu in occasum rapitur à sphaerâ decimâ: & proprius, quo tardissimè renititur primo mobili ab occasu in ortum.

2 *Motus sphaera nona fit super polis Zodiaci.*

3 *Motus sphaera nona est tardissimus.* Centum enim annis vix uno progreditur gradu, quod ita collegerunt artifices. Timarchus, qui vixit tempore Alexandri Magni, observavit Pleiadas distare 20 gradibus à puncto æquinoctii vernali. Postea tempore Domitiani Imperatoris observatum est, easdem Pleiadas ab æquinoctio verno distare gradibus 24. Ab Alexandro autem usque ad Domitianum sunt anni 400. Hinc concluderunt artifices, quod motu nonæ sphaeræ Pleiades intra spatium 400 annorum ab æquinoctio verno retractæ sint per gradus 4, & ideo sphaeram nonam singulis centenariis annis uno gradu esse promotam. Sed posterioribus annis hæc observatio non usquequaque congruere visa est. Nam ab Alexandro Magno usque ad Domitianum sunt anni 400, quibus annis sphaera nona retraxit Pleiadas 4 gradibus. A Domitiano ad nostrum tempus sunt anni 155; quibus Pleiades promotæ sunt gradibus paulò plus 19, ut jam sint in 24 gradu tauri plus minus. Ita nimirum pluribus quam uno gradu intra 105 annos sphaera nona progressa fuisset. Iccirco necoterci quidam Astronomi docuerunt, sphaeram nonam tantum 44 minutis, uno anno progredi.

4 *Perio-*

4 *Periodus, quâ absolvitur motus sphaera nona, vocatur annus Platonius, & magnus: qui secundum Alphonsinos continet 49000, quadraginta novem annorum millia: secundum Copernicum 25816, vicies quinquies mille octingentos sedecim annos.*

5 *Ufus sphaera nona est, ut per eam salvetur tertius motus, qui deprehenditur in orbe octavo. Observarunt enim artifices, stellas fixas triplici moveri motu. 1. ab ortu in occasum. 2. ab occasu in ortum. 3. versus septentrionem & meridiem. Primus motus est primi mobilis, secundus est sphaeræ nonæ; tertius est sphaeræ octavæ; quem motum quidam vocant motum trepidationis. Hâc ratione artifices è varietate motuum collegerunt varietatem sphaerarum. Adrian. Motus l. 1. c. 2. hypoth. 2. de sphaer.*

Cap. 10. Sphaera octava.

Sequitur sphaera ὀκταστή, stellifera, eaq; tum fixarum, tum erraticarum stellarum.

Stellarum fixarum sphaera est ordine octava. Vocatur orbis ὀκταστής, & plurimarum stellarum. Nam sphaera quælibet infra octavam est orbis unicæ duntaxat stellæ.

Sphaera octava consideratur vel absolute in se vel relate ad stellas sunt.

H 3

Absolutè & in se consideratur, quoad centrum, distantiam à terrâ, & motum.

Centrum habet idem cum mundo: ideoque à terrâ, quæ est centrum (scil. opticè considerata) mundi, undiquaque æqualiter distat.

Distat à terrâ semidiametrus terræ 2081. Continet autem semidiameter terræ milliaria Germanica 860.

Motus sphaera octava est vel externus, vel internus. Ille dicitur communis, accidentarius, & violentus; hic proprius & periodicus.

Motus externus est vel velocior, vel tardior.

Motus velocior est diurnus, quo sphaera octava super polis mundi 24 horarum spatio à primo mobili circumagitur ab ortu in occasum. Hunc motum possumus ad sensum deprehendere.

Motus tardior est, quo sphaera octava à sphaerâ nonâ trahitur ab occasu in ortum.

Ex hoc motu effectum est, ut stellæ fixæ simul omnes loco suo sint motæ, atque adeò Zodiaci signa non sint amplius in istis spatiis cæli posita, in quibus antè fuerunt. Ita v. g. stellæ Arietis, exceptis duabus prioribus in cornu ejus, mutarunt antiquam suam sedem, & occuparunt illud spatium, quod antè occupabant stellæ constituentes signum Tauri, & sic deinceps. Atque hæc est prima mutatio. Est & altera in eo, quòd loca Solis altissima, quæ vocant *apogæa* in octavâ sphaerâ, longius progressa sint. Nam

Ptole-

Ptolemæi tempore apogæum fuit in 9 gradu Gem-
minorum, hodie est in 2. vel juxta Copernicum
in 7 gradu Cancr. *Tycho Brahe* colligit sphæ-
ram octavam quotannis hoc motu retrahi 1. gr.
25. m.

Motus internus est proprius sphæra octava,
quam Aristoteles vocat primum mobile, & cæ-
lum primum. Tum enim ignorabantur nona &
decima sphæra.

*Motus ille proprius vocatur motus trepidatio-
nis, fitq; à septentrione in meridiem super Arietis
& Libra principium. Vocatur etiam motus acces-
sus & recessus: quia per hunc motum fit, ut stel-
læ fixæ à meridie in septentrionem, & rursus à
septentrione in meridiem producantur. Hic
motus trepidationis fit super circulos duos,
quorum poli sunt initia Arietis & Libræ. Causæ
recepti hujus motus sunt quatuor. 1. Quia stel-
larum fixarum progressio est inæqualis, aliàs
scil. tardior, aliàs celerior. 2. Quia stellæ fixæ
modò versus orientem, modò versus occiden-
tem, modò versus meridiem, modò versus se-
ptentrionem promoventur. Nam stellæ, quæ
fuerunt vicinæ æquatori longius inde recesser-
unt versus septentrionem, & contra quæ lon-
gus abfuerunt ab æquatore, propius accesse-
runt ad eundem. Multa exempla hujus muta-
tionis collegit Ptolemæus. Illustre est, quod
traditur de stellâ polari, quæ est extrema in cau-*

dâ Cynosuræ. Hæc enim stella tempore *Hipparchi* philosophi, qui ante natum Christum vixit annis 126, distabat à vero polo mundi & æquatoris 12 circiter gradibus, hodiè autem ab eodem polo 4 duntaxat gradibus distat. Idcirco octo gradibus versus polum recessit, à meridie ad septentrionem per motum trepidationis.

3. Quia anticipant æquinoctia & solstitia. Sol enim non est eodem in gradu Arietis & Libræ, itemque Cancri & Capicorni, ubi olim fuit, tempore æquinoctii & solstitii. Intersectio æquinoctii verni, id est, primus gradus Arietis, est constans in orbe decimo, ubi oportet imaginari istos circulos. Sed Sol istam intersectionem non æccedit sub eadem stellâ sphaeræ octavæ. Ingressio enim Solis in primum gradum Arietis non semper mansit sub stellâ primâ arietis, sed ab illâ recessit, ita ut hodie Sol faciens æquinoctium vernale non consistat sub primâ Arietis stellâ. Mechonis namque Attici tempore, qui ante Alexandri mortem vixit annis 108, prima stella arietis fuit eo ipso in loco, ubi se intersectant Zodiacus & Æquator, ubi in globo est picta nota Arietis. Postea Hipparchi tempore, qui vixit 100 annos post mortem Alexandri, conspecta est eadem prima stella arietis 4 gradibus ab intersectione vernâ: Ptolemæi tempore 6: nostro tempore eadem stella ab eodem loco distat gradibus 26 & minutis 34 juxta observationem

tionem excellentis Astronomi *Werneri*. 4. Quia mutata est maxima Solis declinatio ab æquatore, atque adeò variata distantia punctorum solstitialium à punctis æquinoctialibus. Hæc distantia paulatim decrevit tempore Ptolemæi, ac mutatione suâ effecit insignes differentias umbrarum, variavit ascensiones signorum, ac distantiam polorum mundi à polis Zodiaci, punctorumque æquinoctialium; denique effecit, ut dierum quantitas sit variata, & hodie difficile inveniri possit præcisa anni quantitas. *Keckerm. l. 1. Astr. c. 6.*

Atque hæc est nobilissima sphaericæ doctrina de motu: quam paucis sic repetimus. Motus cæli est vel *rectus*, vel *transversus*. *Rectus* est proprius primi mobilis, quo illud 24 horarum spatio super polis & axe mundi circumvolvitur. *Transversus* est, quo cælum circumvolvitur super axem & polos tales, qui declinant ab axe & polis mundi, eosque transversè secant. Ex hic est vel *ex adverso*, vel *ex latere*. *Motus ex adverso* est, qui diametraliter opponitur motui recto, & fit ab occasu in ortum. *A latere* motus transversus est, qui fit à septentrione in meridiem & contra. Dicitur motus trepidationis. Motus transversus ex adverso est vel *uniformis*, sphaeræ nonæ; vel *varius*, septem orbium planetarum. Summa: Omne corpus simplex, quod movetur pluribus motibus, unum habet per se & internè,

alterum ab alio & externè. At oſtava ſphæra eſt corpus ſimplex, & movetur pluribus motibus. Ergò ſupra ſe habet alias ſphæras, à quibus circumagatur.

Cap. II. Stellarum fixarum hiſtoria.

Sphæra oſtava abſolutè fuit conſiderata: velare conſideratur quoad ſtellas fixas.

Hæ ſtellæ dicuntur fixæ, non quòd ſint immobiles, ſed quia tardiffimo motu feruntur, & invariabilem ad ſe invicem ſitum habent: aliàs *inerrantes*. Eam ob cauſam Aſtronomi orbes inferiores referunt ad ſuperiores. Quia enim ſtellæ fixæ conſtantioſiorem habent motum, iccirco artifices ſtellas fixas fecerunt normas erraticum: ita ut Solem, Lunam, cæterosq; planetas compararint ad locum & ſitum ſtellarum fixarum, & diligenter conſiderarint, ſub quâ ſtellâ Sol hoc vel illo tempore fuerit poſitus. Sic faciliùs potuerunt Solis motum computare. Discernuntur autem fixæ ab erraticis ſcintillatione. Stellæ enim fixæ ſcintillant ob nimiam diſtantiâ, quâ ſit ut debilem ad oculos transmittant imaginem. *Ariſt. 1. poſt. anal. c. 7.* Planetæ verò ſunt propiores, ideoque ſtabiliorem oculis inſnuant imaginem, & non videntur tremere ſive irrepidare.

Stel-

Stellarum fixarum considerabimus distinctionem, & affectiones.

Distinguuntur in formatas, & informes.

Veteres numerarunt stellas fixas 1022. Sed avorum nostrorum memoriâ Americus Vesputius, & alij, qui in Americam navigarunt, versus meridiem plura sidera observarunt. Plura etiam observavit eminentissimus Tycho Brahe suis instrumentis. Est & hodie nonnemo, qui numerat x i planetas. Ægyptii inter veteres Astronomos fuere diligentissimi. Apud eos enim magna fuit planities, & serenitas: quia non pluit.

Stella formata sunt, quæ certas representant imagines:

Suntq; vel recens observata, vel olim quoque nota.

Recens observata ab India perlustratoribus sunt quadam meridionales, è quibus illustriores sunt numero octo: Columba Nox, Hydrus, Avis Indica, Gius, Phoenix, Indus pavo, Triangulum Australe, Chamæleon. In recentioribus globis addunt 1. Indum, scil. virum. 2. Toucan, avem. 3. Dorado, piscem. 4. Piscem volentem. 5. Nubeculam majorem. 6. Nubeculam minorem. 7. Apim Indicam.

Olim nota fuerunt 1022, quas certis asterismis, seu constellationibus expresserunt Phœnices; ut est in historiis. Tales asterismi sunt numero 48.

Hic observa, nautas & agricolas aliis nominibus insignire stellas.

Distinguuntur ista stella ratione imaginum, & magnitudinis.

Ratione imaginum sunt vel media, vel extrema.

Stella media sunt, qua in Zodiaco visuntur. Dicuntur signa γὰρ ἱερόχνη. Suntque duodecim, hoc ordine:

1	2	3	4	5	6
Sunt	Aries,	Taurus,	Gemini,	Cancer,	Leo, Virgo,
7	8	9	10	11	
Libra,	Scorpius,	Arcitenens,	Caper,	Amphora,	
12					
Pisces.					

Hi versus ordinem signorum ob oculos ponunt, & oppositionem signorum. *Ordinem:* quia Aries est Zodiaci principium. Quamvis enim circulus neque initium, neque finem habeat: tamen melioris doctrinae causâ statuendum est certum initium. *Oppositionem:* quia Aries Libræ opponitur, & sic consequenter. Continent in se stellas 346.

Signa illa quinque modis dividuntur:

1 *Sunt sex septentrionalia, quæ primo versu: & totidem meridionalia.*

2 *Signa sunt ascendentia, in quibus planeta ad septentrionem ascendunt, ut Capricornus, Amphora seu Hydria, Pisces, Aries, Taurus, Gemini: vel*

ni: *vel descenduntia*, in quib. descendunt à septentrione versus meridiem, ut Cancer, Leo, Virgo &c.

3 *Sunt verna*, ut Aries, Taurus, Gemini: *aestivalia*, ut Cancer, Leo, Virgo: *autumnalia*, ut Libra, Scorpius, Arcitenens: *hyberna*, ut Capricornus, Amphora seu Hydria, Pisces.

4 *Ratione effectuum dividuntur in quatuor trigona sive triplicitates*. Nam x i i in quatuor tempora perfectâ resolutione distinguuntur. Sunt igitur *signa ignea*, quorum operationes sunt calidæ & siccæ, Aries, Leo, Arcitenens. Sunt *terrea*, quorum effecta sunt frigida & sicca, ut Taurus, Scorpius, Capricornus. Sunt *aërea*, quorum effecta sunt calida & humida, ut Gemini, Libra, Aquarius. Sunt denique *aquæa*, quorum effecta sunt humida & frigida seu phlegmatica, ut Cancer, Virgo, Pisces.

5 *Sunt cardinalia, communia, vel fixa*. *Cardinalia*, in quibus Sol constitutus inchoat quatuor anni quadrantes, ut Aries, Cancer, Libra, Arcitenens, qui & Sagittarius. *Communia*, quæ communem habent naturam cum signo antecedente & consequente, ut Gemini, Virgo, Sagittarius, Pisces. *Fixa*, in quibus Sol constitutus fixam adfert aëris mutationem, ut Taurus, Leo, Scorpius, Aquarius.

Stella fixa extrema sunt, quæ sunt extra Zodiacum.

Eæq; vel Septentrionales, vel Meridionales,

H 7

Septentrionales asterismi sunt numero 21: continentq; stellas 350. Suntq;

1. 2. 3 4 5 6

Ursa, deinde Draco, Cephens, Bootesq; Corona,

7 8 9 10 11

Hercles, & Lyra, Olor, tūm Cassiopeia, Perseus,

12 13 14 15 16

Auriga, Anguitenēs, Serpēs, Aquila, atq; Sagitta,

17 18 19 20

Pegasus, Hinnulus, Andromeda, Delphinq;

21

Trigonum.

Ex his Ursa minor & major, & circumjacentes anguinæ sunt perpetuæ apparitionis; reliquæ per vices sunt apparentes, & latentes.

Meridionales asterismi sunt 15: continentq; stellas 316. Suntque

1 2 3 4

Cetus, & Eridanus, Lepus, & nimbosus Orion,

5 6 7 8 9

Sirius, & Procyon, Argoratiū, Hydra, Craterq;

10 11 12 13 14 15

Corvus, Centaurus, Lup⁹, Ara, Corollaq; Piscis.

Quidam addunt Canopum.

Atque hic sunt perpetuæ occultationis, Canopus, Corona Meridionalis, & Eridanus seu Nilus.

Talis est stellarum distinctio ratione imaginum & figurarum: sequitur distinctio earundem ratione magnitudinis; cujus sex sunt gradus. Sunt enim stellæ magnitudinis

Prima,

Prima, numero 15, quæ terram superant centies septies.

Secunda, numero 45, terrâ majores 86.

Tertia, numero 105, terrâ majores 72.

Quarta, numero 477, terrâ majores $55\frac{1}{2}$.

Quinta, numero 217, terrâ majores 31.

Sexta, numero 49, terrâ majores 18.

Atque hæ stellæ distinctis in globo notulis exprimuntur, ut indicat tabella, quæ pingitur in globi dorso, hoc titulo: *tabella visibilis magnitudinis stellarum*.

Tantum de stellis formatis: jam de informibus, quæ Græcis dicuntur *σπογδαίς*, q. d. disseminatæ & sparsæ: ex quæ sunt innumeræ. Plura de his apud Wittekindum, Frischlinum, & Alexandrum Piccolomineum.

Cap. 12. Stellarum fixarum affectiones.

Exposita est stellarum fixarum distinctio: deinceps exponentur affectiones earundem.

Affectiones stellarum fixarum considerantur ratione motus secundi, vel primi.

Ratione motus secundi stella referantur vel ad Eclipticam seu Zodiacum, vel ad Æquinoctialem.

Dum referuntur ad Eclipticam, sunt duæ affectiones, Longitudo, & Latitudo.

Longitudo stella est ejus distantia in Zodiaco ab Arietis principio, seu primo gradu, in consequentiam signorum numerata.

Astronomi crebrò utuntur his formulis SSS. & CSS: id est, secundùm seriem sive successionem signorum, & contra seriem signorum. Ordo secundùm seriem sive successionem signorum dicitur, quando stella movetur ab occasu versus ortum. Ordo autem CSS. dicitur, quando stella movetur ab ortu in occasum. Latitudo igitur stellæ est ejus distantia à primo gradu Arietis, numerata ab occasu versus ortum. Est, inquam, arcus seu portio eclipticæ inter duos semicirculos magnos comprehensus, quorum alter per principium Arietis, alter per stellam ipsam, uterq; per polos Zodiaci ducitur.

Latitudo stella est ejus distantia ab eclipticâ versus polum meridionalem, vel septentrionalem. Unde & duplex est ipsa, septentrionalis, vel australis.

Ut verò Astronomi omnes stellas, quæ extra Zodiacum sunt, ad eclipticam referrent, & earum situs ritè ordinarent, per utrumque Zodiaci polum, per quæ singula signorum initia duodecim semicirculos, sive sex circulos, duxerunt, quibus omnes stellæ signis Zodiaci includuntur. Quidquid enim stellarum inter duos ab
uno

uno Zodiaci polo ad alterum semicirculis continetur, id uni tribuitur signo. Sed in hâc divisione non acquieverunt, sed ulteriùs etiam per cuiuslibet signi gradus, graduumque minuta similes circulos ductos imaginati sunt, quos appellant *circulos longitudinum*, quòd nempe stellarum longitudines, id est, distantias à principio Arietis ab occasu versus ortum designent. Confinxerunt & alteros, videl. *circulos latitudinum*, qui per longitudinum circulos ulteriùs transversim incedentes, fiunt eclipticę paralleli & à se invicem æquidistantes, per quos designant latitudinem stellarum, id est, distantiam illarum ab eclipticâ versus polorum ejus alterutrum. Quia verò omnes longitudinum & latitudinum circuli non solent pingi in globi superficie, ut ne imagines stellarum obliterentur: eorum loco circuli quadrans ex laminâ æreâ confectus adhibetur, cujus adminiculo longitudo & latitudo stellarum investigatur.

Dum stella referuntur ad æquinoctialem, tres sunt affectiones, ascensio recta, declinatio, & descensio recta; quæ fiunt in spherâ rectâ.

Ascensio recta est, quando major pars de æquatore supra horizontem ascendit sive oritur, quàm de Zodiaco.

Declinatio est recessus cujusq; stella ab æquatore versus alterutrum mundi polum, meridionalem vel septentrionalem.

Descensio recta est, cum major pars æquatoris infra horizontem descendit, quàm Zodiaci.

Æquator dividitur, ut omnis circulus, in 360 gradus, incipiendo ab intersectione vernali, ubi est principium arietis. Per singulos hosce gradus & graduum minuta artifices ducunt semicirculos in mundi polos coincidentes, eosque appellant meridianos. Respondent enim meridianis locorum terrestrium, indicantque quotus gradus in æquinoctiali supputatus ab intersectione vernali, cum proposita stellâ meridianum nostriloci pertranseat. Hi meridiani vocantur *ascensionum rectarum circuli*. Præterea per hos circulos transversim incedunt circuli minores ab æquinoctiali, & à se invicem æquidistantes, qui *declinationum circuli* vocantur. Indicant enim declinationes stellarum. Sed horum circulorum omnium vicem in globo sustinet unus *Meridianus armillaris*. Ascensionem namque rectam sic venabere. Ascensionem rectam stellæ in gradibus æquinoctialis juxta seriem numerorum adscriptam supputa, numerationisq; gradum ultimum meridiano applica, & habebis quæsitum. Declinationem stellæ sic invenies. Declinationem stellæ datam numera in gradibus meridiani ab æquinoctiali versus mundi polos, & ultimus numerationis terminus in globo subjecto verum stellæ locum monstrabit.

*Affectioes stellarum ratione motus primi sunt,
quando*

quando stella referuntur vel ad horizontem tantum, vel ad horizontem & punctum verticis, vel ad circulos positionum in 12. cali domiciliis.

Quando referuntur ad horizontem, affectiones dua sunt, ortus & occasus.

Ortus & occasus non solum stellis fixis tribuuntur, sed etiam planetis, & quibuslibet cæli punctis. Quia verò stellæ fixæ sunt planetarum regulæ, & evidentius notari possunt, quàm cæli puncta, ideoque has affectiones illis tribuimus.

Ortus & occasus est duplex, vel Astronomicus, vel Poëticus.

Ortus & occasus Astronomicus consideratur ratione aquatoris, vel horizontis.

Ratione aquatoris est ascensio & descensio obliqua: ubi inquirimus cum quibus gradibus aquatoris stella orientur, vel occidant.

Ascensio obliqua est arcus æquinoctialis ab æriæ initio usque ad gradum æquinoctialis, qui cum stellâ horizontem obliquum ascendit.

Descensio obliqua est gradus æquinoctialis descendens vel occidens in horizonte obliquo.

Ratione horizontis inquirimus quâ horâ dies, quove horizontis loco stella orientur & occidant. De his vide Adrian. Metium l. 2. Inst. Astron. c. 5. & tabulas ascensionum.

Ortus & occasus poëticus est, qui fit habitâ ratione vel horizontis, vel radiorum Solis.

Ratione horizonis est tùm Cosmicus, tùm Acronychus. Et uterq; dicitur verus.

Ortus Cosmicus, qui & matutinus interdum dicitur, est, quando stella unà cum Sole vel paulò post, supra horizontem emergit.

Occasus Cosmicus est, quando stella infra horizontem occidit, sole ex adverso oriente.

Ortus Acronychus, aliàs vespertinus, est, quando stella supra horizontem, sole è regione infra horizontem decumbente, asurgit.

Occasus Acronychus est, quando stella unà cum Sole occidit.

Ratione radiorum Solis est ortus & occasus Heliacus: aliàs apparens.

Ortus Heliacus est, quando stella, qua antea ob viciniam Solis non conspiciebatur, apparere incipit: unde dicitur emergio.

Occasus Heliacus est, quando stella, qua antea ob majorem Solis ab eà distantiam conspiciebatur, jam apparere desinit.

Est autem hæc de ortu & occasu poëtico doctrina notanda in lectione poëtarum, qui aliquem diem descripturi, solent istius descriptionis argumentum petere ex nobilis alicujus stellæ comparatione ad Solem, ut videre est in *Calendario poëtico*, ut vocatur. Et verò Solis efficacia diversimoda est, pro diversis stellis, quæ cum illo oriuntur vel occidunt. Ceterùm stellæ i. magnitudinis emergunt è radiis solaribus, quando

12 gra-

12 gradibus à Sole recesserunt: stellæ 2 magnitudinis 13 gradibus, tertiæ 14, quartæ 15, quintæ 16, sextæ 17, minutissimæ autem stellæ 18 gradibus. Quando enim Sol tot gradibus infra horizontem est depressus, minutissimæ stellæ videri possunt, quia vespertinum crepusculum tunc finitur, nisi plena sit luna. Tunc enim minutissimæ stellæ aspectum nostrum fugiunt. Plura pete ex illustrissimi Josephi Scaligeri super Manlium commentariis.

Stellæ ad horizontem & punctum verticis referuntur secundum Azimuth, & Almucantarath: ut artifices appellant Arabicis vocabulis.

Azimuth sunt circuli verticales, per quos distantia cujusq; stellæ à quatuor mundi sive horizontis plagis cognoscitur.

Almucantarath sunt circuli altitudinum, per quos stellarum altitudo supra horizontem cognoscitur.

Astronomi ex puncto verticali, sive zenith cujusq; loci, imaginatione concipiunt circulos per singulos in horizonte notatos gradus transcurrentes, quibus distantiam cujuslibet stellæ à quavis horizontis plagâ inquirunt, & vocant circulos verticales, sive *Azimuth*. Hos præterea circulos transversim intersecant *circuli altitudinum*, sive *Almucantarath*, per quos altitudinem sive stellarum supra horizontem elevationem metiuntur. Horum primus idemque maximus

est horizon ipse, ultimus atque minimus, qui vertici proximè accedit, ut in *Astrolabio* est ἀφθάλμωφάρης. In globo autem horum circulorum vicem supplet quadrans circuli in meridiani circuli Zenith hærens, qui appellatur *quarta altitudinum*. Vide hæc de re *tabulas altitudinum*.

Ad extremum stella referuntur ad duodecim cali domicilia. Sunt autem domicilia nihil aliud, quàm latiora cæli spatia, totius globi partes duodecimæ, in quibus stellæ considerari solent. Distinguuntur per sex circulos positionum, qui variant apud authores. Duo autem modi sunt certiores. I. *Regiomontani*, qui ab horizonte ortivo exorsus, progrediendo per hemisphærium subterraneum, totum æquinoctialem ordine in 12 partes æquales distinguit, atque per has singulas partes, perque communes horizontis & meridiani intersectiones 6 circulos ducens (quos positionum circulos appellat) Zodiacum totumq; cælum in 12 domos divisit: ubi meridianus 10 & quartæ domui, horizon primæ & septimæ initium dat. II. *Campani*, qui non æquinoctialem, sed circulum verticalem per orientem, occidentem, punctum verticis, punctumque huic oppositum incedentem in 12 partes æquales secant, circulis positionum per easdem horizontis & meridiani intersectiones deductis.

Cap. 13.

Cap. 13. Globi fabrica.

Fuit *sphæra archetypa*, sequitur *ectypa*, sive artificialis, item *calum representativum*.

Sphæra illa ectypa est instrumentum, in cuius convexâ superficie stellarum asterismi, qui sunt in sphæra octavâ, & circuli primi mobilis exprimuntur: adeoque est analogica cæli imago.

Cælum est individuum. Individua cognoscenda sunt sensu. Sensus requirit moderatam sensibilis distantiam: quæ cum immanis sit inter oculos & cælum, nosque cælum ascendere non possumus, artifices excogitarunt globum, qui eruditè ab artificibus vocatur *calum representativum*; quod repræsentat partim decimam, partim octavam sphæram.

Sphæra illa est vel armillaris, vel globus: cuius utriusque vicem supplet Planisphærium, seu Astrolabium. Nobis est animus describere globum. Sphæra armillaris est solidum pertusum, globus cælestis est solidum convexum: in illâ sunt tantùm lineæ, sive armillæ, in hoc etiam asterismi.

Globi consideratur tum fabrica, tum usus. Nam hæc duo oportet adnotare in quovis instrumento.

Fabrica globi spectatur in partibus: quæ sunt continentæ, & contenta.

Partes continentes sunt, quæ recipiunt ipsam spheram; veniuntq; nomine Alvei.

Alveus est pedimentum, in quo sphaera volvitur.

Ejus partes tres sunt. I. Basis, sive statumen, in quo est compassus cum lingulâ magneticâ, cujus adminiculo globus rectè statuitur versus septentrionem. II. Columna in quibusdam sex, in aliis quatuor. III. Circulus ligneus latus, qui dicitur horizon, per quem sphaera dividitur in duo hemisphaeria, sive duas medietates, adeoq; ortus & occasus siderum investigatur.

Horizon distinguitur in tres oras: I. Prima est intima versus globum, divisa in gradus 360, insignita 12 signis cælestibus, addito planeta cujusque signi naturæ cognato. II. Media, in quâ 12 menses, additis Calendis, Nonis, Idibus, & septem literis alphabeti, quæ designant numerum aureum, & denique præcipuis festis. Observa nonnullorum globorum horizontibus inscribi triplex Calendarium. 1. Julianum, antiquum. 2. Gregorianum, novum, quo Gregorius XIII. Papa conatus est restituere æquinoctia & solstitia ad eas sedes, quas obtinuerunt tempore concilii Niceni. 3. Scaligerianum, quo æquinoctia & solstitia reducuntur ad eas sedes, quas obtinuerunt tempore nativitatis Christi. III. Extima, quæ dividitur in 32 partes pro numero ventorum. Et hæc distributio nautis inservit,

servit, qui cælum & mare in 32 ventos, plagas & regiones dividunt. Globus enim tribus potissimum subservit artificibus, Astronomis, Geographis, Nautis. De usu ejus in re nauticâ scripsit Robertus Goës Anglus.

Partes contenta veniunt nomine sphaera.

Suntq; ista partes vel exteriores, vel interiores.

Partes exteriores sunt Meridianus, Horarium,

& Quadrans altitudinis.

Meridianus est æneus, vel ligneus: in quo sunt poli mundi sive æquatoris, & quatuor quadrantes, quorum singuli habent gradus 90.

Horarium est circellus horarius; qui dividitur in 24 partes sive horas, ita ut utraque 12 hora respondeat meridiano. Index horarius inseritur polo, qui indicat horas moto globo. Quadrans altitudinis fit ex laminâ æreâ secundum globi gibbositatem. Infigitur meridiano, ut possit pro verticali puncto cujusque loci mutari. Dicitur aliàs quarta altitudinis. Alii addunt semicirculum positionis, qui est exemtilis, servitque distinctioni cæli in 12 domicilia. Addunt & gnomonem seu annulum sphaericum, cujus beneficio lineam meridianam, locum Solis, & elevationem poli investigant; qui quum parum certitudinis habeat, alii utuntur ejus loco Astrolabio.

Partes interna sunt depicta in ipso globo.

Ista pictura sunt vel circuli, vel stellarum imagines.

Circuli sunt vel proprii primi mobilis, vel sphaera octava.

Proprii primi mobilis sunt decem illi supra expositi; quorum nomina artifices fermè apponunt, ut sine ullâ difficultate cognosci possint. Notetur hoc in loco, istos circulos imaginandos, esse in cælo decimo. Exprimuntur autem in globo, quia sub istis circulis directè moventur stellæ octavi cæli, & illis mediantibus distinguuntur.

Circuli proprii octava sphaera sunt circuli longitudinis & latitudinis stellarum fixarum: qui non pinguntur in globo, sed finguntur.

*Circuli longitudinis sunt numero 180. Nam Astronomi Zodiacum dividunt in 12. signa, quæ designant per 12 semicirculos sive sex integros circulos transeuntes per polos Zodiaci. His spatiis includunt singulas stellas. Vide supra c. 12. Non contenti hæc Zodiaci distinctione, porrò per singulos Zodiaci gradus imaginantur similes circulorum ductus, quos *circulos longitudinum* appellant, quibus nempe longitudinem stellarum, id est, distantiam earum à principio arietis, numerando ab ortu versus occasum inquirunt.*

Circuli latitudinis sunt itidem 180, qui transversim ducuntur per circulos longitudinum, versus utrumque polum: unde sunt septentrionales, & meridionales, quibus indicatur latitudo stella-

stellarum, id est, distantia ab eclipticâ. Vide supra c. 12.

Stellarum imagines in globo pictæ sunt 48: quibus adduntur nomina.

Cap. 14. Globi usus.

Globi usus consistit in ejus rectificatione, & stellarum cognitione.

Rectificatio globi hac habet theorematâ. 1. Elevatione poli, sive distantia loci à septentrione, petatur è tabulis latitudinum: in quibus situs locus non occurrat, assume elevationem loci proximi. 2. Dirigatur adminiculo Compassi ad plagam Septentrionalem. 3. Quæraturnumerus mensis & diei. 4. Locus Solis petatur ex Ephemeridibus, puta, excellentissimorum Mathematicorum, Antonij Magini, & Davidis Origani. 5. Noteitur hora; idque beneficio Compassi, vel automati pulsantis, vel aliorum instrumentorum. 6. Cognitâ horâ index horarius applicetur isti horæ.

Cognitio stellarum est, tum earum distinctio, tum affectionum earum observatio.

Distinctio stellarum gubernatur his theorematibus:

1. Discernantur stellæ fixæ ab erraticis. Fixæ scintillant, id est, crispant lumen: planetæ non.

Et hi apparent inferiores, itemq; uni stellæ modò propiores sunt, modò ab eâ remotiores.

2. Discernantur à se invicem planetæ. *Sol* & *Luna* omnibus noti. *Venus* omnium stellarum & maxima, & splendidissima est, ita ut sola stellarum umbram mittat. Conspicitur interdum de multo die, neque lunæ propinquitate obscuratur, sed in ipsius contactu lucidior apparet. Vesperī sequitur Solem, & dicitur *Hesperus*, manè anteit, & vocatur *Phosphorus*: adeoque comitatur Solem, à quo nunquam ante vel retrò digreditur plus 48 gradib. *Jupiter* Veneri est similis, sed minùs splēdēns, nec Solem semper comitans. *Mars* rubens micat, & plurimùm (unus planetarum) scintillat. *Saturnus* magnitudine æqualis videtur Marti, sed minùs splēdēdus, plumbeiūq; coloris. *Mercurius* Soli est propinquus, nec ab eo ultra 28 gr. divagatur. Cæterum ex Ephemeridibus loca planetarum colligi possunt, & ita in cælo notari.

3. Stellarum fixarum nota *differentias* & *configurations*. *Differentia* sunt quatuor. Differunt enim 1. *Magnitudine*: ut sunt stellæ 1. 2. 3. 4. 5. 6. magnitudinis. 2. *Colore*. Quædam videntur albæ, quædam pallentes, quædam plumbeæ, quædam aureæ. 3. *Splendore*. Quædam plurimùm, quædam mediocriter, quædam parùm splendent. 4. *Scintillatione*. Nam aliæ frequentissimè scintillant, ut Procyon; aliæ rarissimè, ut *Regulus*:

Regulus: quædam mediocriter, ut pes & humerus Orionis. *Configurationes* ita habent: In Orione sunt tres stellæ, quæ ita rectam lineam constituunt, ut videatur *Cingulum*: Hædi sunt duæ stellæ parvæ ita conjunctæ, ut una *stella* videantur *oblonga*: Hyades faciunt *triangulum*: Ursæ major *currum* exprimit cum temone inflexo; ubi à duabus posterioribus rotis ad stellam polarem duci potest perpendicularis linea: Delphinus formam *crucis minoris*, & quatuor lucidiores stellæ in Pegaso *crucis majoris* exprimunt: Pleiades se habent ad oculum Tauri, ut *pulli ad gallinam matrem*: Corona gnosia *circulum* refert. *Æquator* per cingulum Orionis decurrit, & æquatorem perstringit via lactea. Zodiacus è motu Solis & Lunæ cognoscitur. Et quia Luna singulis mensibus percurrit 12 signa, è Calendario pete signum, in quo moratur. Hæ sunt rationes pervestigandi stellæ. Consultissimum tamen fuerit, ex Astrolabio vel Globo ad proprium tempus rectificato stellæ cognoscere. Oportet enim situm stellarum in globo, accommodare ad firmamentum. Quæcunque enim in parte globi illas invenies, in eodem quoque cæli loco illas investigabis: ubi cum primis observabis 12 semicirculos, quibus 12 signa designantur.

Affectiones stellarum observabis juxta seqq. problemata:

I 3

1 *Ascensionem & descensionem rectam venari.* Fac sphaeram rectam, id est, talem, in qua uterque polus horizonti incumbat. Tunc admove stellam sive gradum, cujus ascens. & descens. quæris, horizonti orientali, & deprime aliquantulum infra horizontem. Deinceps vide, quot gradus orientur in Zodiaco inde à principio Arietis cum gradibus in Æquatore, quos gradus numera, & habebis quæsitum.

2 *Ascensionem & descensionem obliquam invenire.* E sphaerâ rectâ fac obliquam, hoc est, eleva polum supra horizontem. Deinde admove stellam horizonti occidentali, & numera gradus, qui simul cum istâ stellâ orientur in æquatore, & factum erit quod erat faciendum.

3 *Ortum matutinum cosmicum indagare.* Quære locum Solis, quem cretâ insignitum admove parti horizontis orientali, & vide quæ stella oriatur cum Sole cosmicè.

4 *Occasum matutinum cosmicum invenire.* Quære locum Solis, quem eleva supra horizontem ad Orientem, & è regione videbis, quæ stella infra horizontem occidat, circa signum oppositum: ut si Sol hodie oriatut, cum 8 gr. Cancrî, cum admove ortivo horizonti, & videbis è regione occidere stellas Sagittarii.

5 *Ortum vespertinum Atronychum invenire.* Quære locum Solis, ex Ephemeridibus vel Calendario, eumque cretâ notatum demerge infra horizon-

horizontem occidentalem, & è regione videbis in parte orientali stellas orituras.

6 *Occasum vespertinum Acronychum invenire.* Quære locum Solis, quem demerge infra horizontem occidentalem, & videbis quæ stellæ occidant cum Sole.

7 *Ortum Heliacum matutinum invenire.* Locum Solis cretâ notato, & ad horizontem orientalem devolvito, & circello sume gradus 13 vel 14 meridiani. Circelli extensi ad totidem gradus pedem unum fige in loco, quem cretâ notasti, & alterum pedem quaquaversum extende. Hæc quas stellas circinus apertus contingit, illæ manè oriri possunt ante Solem.

8 *Occasum heliacum matutinum invenire.* Ita occidunt omnes stellæ, quæ interdum videri non potuerunt.

9 *Ortum heliacum vespertinum scire.* Procede ut problem. 7.

10 *Occasum heliacum vespertinum invenire.* Extende circellum ad 12 gradus, & unum pedem fige in loco Solis cretâ notato, & altero pede stellas designa.

11 *Longitudinem stella scire.* Vide an illa stella sit septentrionalis, vel meridionalis. Quadrantem altitudinis admove polo Zodiaci, vel septentrionali, vel meridionali, prout stella est. Postea fac ut quadrantis directio attingat stellam, cujus longitudinem quæris. Tum numerum in

Zodiaco gradum, quem altera extremitas quadrantis tanget. Dehinc numera à principio arietis usque ad illum gradum, quem quadrans altitudinis per stellam illam transiens, in eclipticâ notat.

12 *Latitudinem stella indagare.* Fige quadrantem altitudinis in polo Zodiaci, & admove eum stellæ, cujus latitudinem quæris. Tum enim tot gradus, quot sunt à Zodiaco usque ad stellam versus sept. vel merid. faciunt latitudinem stellæ.

13 *Altitudinem stella scire.* Quadrantem altitudinis admove polo horizontis, sive puncto verticali, & per centrum stellæ, usque ad horizontem demitte, & ab horizonte usque ad stellam istam quadrantis gradus numera.

14 *Declinationem stella inquirere.* Quadrantem altitudinis adfige ad polum mundi, ut transeat per centrum stellæ ad æquatorem.

Numera gradus quadrantis ab æquatore ad stellam, & factum erit quod erat faciendum.

U R A.



URANOSCOPIÆ

LIBER SECUNDUS,

Qui dicitur

THEORICA PLANETARUM.

Cap. I. Planetarum numerus.

EXposita est sphaerica: nunc exponenda Theorica Planetarum.

Sphaerica doctrina, ut rectè monet Cl. Metius, de primo mobili multum habet certitudinis, & magnâ parte ab artificibus est absoluta. Doctrina autem theorica ita involuta est adhuc, ut ista Africa Copernicum, aut Tychonem alterum expectet Proconsulem. Nos methodum illius perspicuè & trademus.

Theorica Planetarum est altera pars Astronomia absoluta de motu secundo Planetarum.

Suprà diximus mobilia esse prima, vel secunda. Secunda sunt *ἄστροι*, ut cælum nonum, vel *ἰράστροι*; & hæc stellarum fixarum, vel erraticarum. De stellis fixis egimus. Jam de errantibus.

Estque communis, vel propria.

Theorica communis agit de Planetis in genere; hoc modo.

I 5

Planeta est stella harena in aliquo orbe infra sphaeram octavam, in Zodiaco semper vagans variè.

Planeta considerantur quoad sphaeras, & affectiones seu proprietates suas.

Sphaerarum considerabimus tum numerum, tum partes.

Numerus eorum est septenarius; qui exprimitur hoc versu memoriali,

Post SIM SVM sequitur, ultima Luna subest. i. e.

Saturnus, Jupiter, Mars, Sol, Venus, Mercurius, Luna. Nomina, fateor, non usque adeò Christianis auribus grata, ut *Calvinus in Jobum* & *Casmanus in Astrol.* docent. Sed retinenda: quia recepta in Scholis. Plato & veteres philosophi Venerem & Mercurium fecerunt Sole superiores. Sed minùs rectè. Quum enim Sol longiori tempore suam periodum conficiat, utique superior erit Venere & Mercurio. Hoc argumento etiam docetur sphaeram Mercurii esse inferiorem sphaerâ Veneris. Quidam è recentioribus gloriatur se adminiculo certorum instrumentorumprehendisse adhuc 3 planetas, ita ut in universum sint undecim.

Cap. 2.

Cap. 2. Orbes sphaerarum planetariarum.

Partes sphaerarum vocantur orbes planetarii. Omnis enim planeta suos habet orbes. Sphaerae planetarum vocantur etiam orbes, sed orbes *φύσες*, sive naturales. Ita singuli planetae habent singulos orbes, qui sunt in caelo revera. Sed orbes hoc in loco sunt imaginarii, *νόητοι*, secundum *hypothesin*, seu *positionem*.

Orbes sunt simplices, vel mixti.

Orbes simplices sunt Concentricus, & Eccentricus.

Orbis concentricus est, qui habet idem cum centro mundi centrum.

Eccentricus est, qui diversum à centro mundi habet centrum. Hic orbis ab una parte magis appropinquat centro mundi, ab altera magis recedit. Cum enim planetae modo sint propiores terrae, modo remotiores, & in aliis Zodiaci partibus moveantur velocius, in aliis tardius, oportuit assumere hunc orbem. Sic v. g. Sol tempore hyberno est vicinior terris, tempore aestivo remotior. Ita Sol in medietate Zodiaci meridionali velocius movetur, videlicet diebus 178, horis 20, scrup. 12: in medietate autem septentrionali tardius, puta diebus 188, hor. 8, minut. 12.

Orbis eccentricus habet nodos, epicyclum & aquantem.

Nodi sunt, puncta seu loca, quibus eccentricus transit per Eclipticam. Omnis enim eccentricus deflectit ab eclipticâ, eamque intersecat; ut una pars versus meridiem, altera versus Septentrionem deflectat. Dicuntur autem nodi, quia ibi eccentrici planetarum & Zodiacus sive Ecliptica veluti vinciuntur, Ptolemæo *συνδτομῆς* dicti.

Nodus alius est ascendens, alius descendens.

Nodus ascendens est, quo planeta ascendit à meridie versus septentrionem: & vocatur caput draconis. Quia enim polus septentrionalis est supra caput, idèò planetæ dicuntur *ἄνω ἵμῶς* ascendere, quando moventur in Septentrionem.

Nodus descendens est, quo planetæ descendunt versus meridiem: & vocatur cauda draconis. Intersectio illa propemodum refert draconem, qui oblongo capite acutiori, ventre amplo, & caudâ paulatim attenuatâ pingi solet. Cùm verò animalia, quæ ad nos accedunt, caput nobis obvertant; quæ verò recedunt à nobis, caudam ostendant; idèò planetæ ad nos accedentes dicuntur progredi ad caput draconis, contrà verò à nobis recedentes, dicuntur progredi per caudam Draconis. Omnium autem planetarum nodi sunt fixi & immobiles, exceptâ Lunâ.

Epicy

Epicyclus est orbiculus eccentrico inhaerens in supremâ superficie, deferens ipsum planeta corpus. Planeta enim quilibet in magnâ suâ sphaerâ sic imaginandus est moveri, ut non inhaereat magno alicui orbi, sed epicyclo, quem sibi inhaerentem secum circumducit eccentricus. Planetæ enim sæpe majores, sæpe minores, apparent etiam tùm, quando versantur in locis, vel altissimis, vel humillimis. Quando sunt in imâ parte epicycli terræ sunt viciniore, ideoque majores, quàm cùm sunt in summâ parte. Ideò inventus est epicyclus.

Æquans orbis est circulus, qui juxta eccentricum describitur è puncto superiori & diverso. Animadvertuntur enim planetæ in motu æquabili, qui eandem semper absolvit periodum, nunc tardius, nunc citius procedere. Hos motus æquos ostendit æquans. Ideò excogitatus est. Hunc orbem habent omnes planetæ, excepto Sole & Lunâ.

Orbes mixti sunt, qui partim concentrici sunt, partim eccentrici. Hi aliâs vocantur diffformes, ut superiores uniformes. Habent enim duplicem superficiem, unam concentricam, alteram eccentricam. Dicuntur etiam deferentes.

Orbes mixti sunt deferentes, vel apogai, vel perigai. Illi sunt, in quibus circumvolvitur apogæum, quod est locus longissimè remotus à terrâ. Hi sunt, in quibus circumvolvitur peri-

gæum, quod est locus terræ proximus. Dicitur enim apogæum, q. *ἀπὸ τῆς γαίης*. Plinio *absis*, Arabibus *Aux*, & punctum supremum: sicut contra perigæum, *ὀππὸς τοῦ αὐγίου*, & *ima absis*. Est autem orbis apogæi supremâ parte strictior, infimâ crassior; contra perigæi orbis superiori parte crassior, inferiori verò strictior. Denique orbis perigæi & apogæi moventur ad motum sphaeræ nonæ, qui *motus augium* ab artificibus vocatur.

Cap. 3. Affectiones planetarum.

Sequuntur planetarum affectiones, & ea quidem tum prima, tum orta.

Affectio prima est motus.

Motus est; secundum quem planeta certo temporis intervallo absolvit periodum suam, nunc tardius, nunc celerius procedendo.

Est q. vel medius, vel verus, vel apparens.

Motus medius est, quo concipimus planetas uniformiter, aequalibus nempe temporibus aequaliter moveri: Ex hoc motu medio Astronomi colligunt motum verum per tabulas αὐτομάτης, hoc est, per additionem & subtractionem.

Motus verus, qui & ipse apparens, est, quem anomalum maximè reverâ planeta extra conceptum Astronomicum in calo obtinent. Quia terra re-

ra respectu aliorum planetarum est instar centri, ideò motus appatens coincidit cum vero, exceptâ Lunâ. Ea enim cum sit homillima, terra non potest esse ejus centrum. Ideò motus verus ab apparente distinguitur. Motum verum venandi ex Ephemeridibus.

Affectiones orta sunt vel ratione circulorum, vel ratione orbium suorum, vel ratione 12 signorum.

Ratione circulorum sunt vel ratione Zodiaci, vel Æquatoris.

Ratione Zodiaci est tùm longitudo, tùm latitudo planeta.

Longitudo est ejus progressus in Zodiaco è signo in signum: ut si quæram, quanta est longitudo Solis, idem est, ac si quæram, in quoto Zodiaci signo est Sol.

Latitudo planeta est ejus ab eclipticâ recessus, versus meridiem, vel septentrionem: unde & ipsa duplex, meridionalis, & septentrionalis.

Ratione Æquatoris est declinatio, qua est ejus recessus & distantia ab æquatore.

Est q̃ septentrionalis, cum recedit versus septentrionem; vel meridionalis, cum ab æquatore recedit versus meridiem.

Ratione orbium est ascensio & descensio; qua est ratione vel eccentrici, vel epicycli.

Respectu eccentrici ascensio est, quando planeta ex perigæo ascendit in apogæum; descensio contra.

Respectu epicycli ascensio est, cum planeta ex parte inferiori epicycli movetur versus superiorem; descensio contrà.

Ratione duodecim signorum est aspectus seu configuratio, quæ est planetarum habitudo, quâ operationes suas vel adjuvant, vel impediunt. In Ephemeridibus dicitur συζυγία, conjugatio. Hujusmodi aspectus sunt numero quinque, ut jam patebit: è quibus sextilis & triangularis sunt felices & benigni; quadratus & oppositio, mali: conjunctio indifferens, bona, cum boni planetæ conjunguntur, mala, cum mali.

Aspectus planetarius est vel rectus, vel collateralis.

Rectus est, quo se planeta aspiciunt secundum rectam lineam.

Estq; vel conjunctio, vel oppositio.

Conjunctio est, cum versantur in eodem signo. Conjunctio magna dicitur, quando tres superiores planetæ, Sat. Jup. Mars, conjunguntur. Hæc enim conjunctio res magnas portendit.

Oppositio est, quando planeta versantur in oppositis signis. Vocatur etiam aspectus diametralis, quum planetæ à se invicem remoti sunt sex signis: ut si Sol sit in Ariete, & Luna in Librà.

Collateralis aspectus est, quando planeta se respiciunt lineis collateralibus.

Estq; vel sextilis, vel quadratus, vel trinus.

Sextilis, ἑξαγωνικός, sexangularis, est, cum planeta

etiam à

neta à se invicem distant sextâ Zodiaci parte, id est, duobus signis, sive gradibus 60. Ita Sol in Ariete intuetur Lunam, quæ est in Geminis.

Quadratus, τετραγωνος, quadrangularis, est, cum planeta à se invicem distant quartâ Zodiaci parte, i. e. tribus signis. Hoc modo Sol in Ariete aspicit Lunam in Cancro.

Trinus, τριγωνος, triangularis, sive triquetrus, est, cum planeta à se invicem distant tertiâ Zodiaci parte, h. e. quatuor signis. Ita Sol in Ariete intuetur Lunam in Leone.

Computum horum aspectuum vide in Ephemeridibus planissimè traditum.

Atque hæc est doctrina de affectionibus planetarum, quam vulgò sic proponunt in Scholis. Sex sunt classes harum affectionum. Nam planetæ sunt

I. *Directi*, cum moventur SSS: *retrogradi*, cum CSS: *stationarii*, cum lentè incedunt.

II. *Tardi*, cum sunt in apogæo: *veloces*, cum in perigæo.

III. *Ascendentes*, cum moventur à perigæo versus apogæum: *descendentes*, contrà.

IV. *Aucti lumine*, cum à Sole discedunt: *minuti lumine*, cum ad Solem accedunt: *combusti*, quando radiis solaribus tacti fugiunt aspectum nostrum.

V. *Orientales*, cum sunt in nostro hemisphærio: *occidentales*, cum sunt in hemisphærio an-

tipodum: & utrique vel *matutini*, vel *vesper-*
tini.

V I. *Amici* vel *inimici* inter se, secundum
quinque aspectus.

Cap. 4. Eclipsis.

EXpedita est theoricæ planetaria communis:
Expediendâ est propria, de singulis planetis in
specie.

Planeta est vel princeps, vel minùs princeps.

*Planeta princeps est tùm Sol, tùm Luna. Hi
duo planetæ in sacris vocantur luminaria ma-*
gna, non ὄντως, sed φαεινότερος, καὶ ἡμῶν, δέξας.

*Sol & Luna considerantur communiter, vel
singulariter.*

Communiter iis accidit Eclipsis.

Eclipsis est radiorum, præcipuè solarium, exclu-
sio, qua sit corpore opaco interposita.

Estq; universalis, vel particularis.

Eclipsis universalis est, qua conspicitur ab o-
mnibus hominibus in hemisphærio illo habitan-
tibus, ubi contingit. Hæc solum Lunæ com-
perit.

Particularis est, qua in aliquibus duntaxat
climatibus apparet. Hæc tùm Soli, tùm Lunæ
accidit.

Estq; totalis, vel partialis.

Totalis,

Totalis, quando totum luminare eclipsin patitur.

Eaq; fit aut cum morâ, eaque modò maximâ, modò minimâ, modò mediocri, aut sine morâ.

Partialis eclipsis est, cùm pars quadam luminâris obscuratur.

Estq; dimidiata, vel non dimidiata.

Dimidiata est, quando de luminari sex obscurantur digiti. Digitus hoc in loco est duodecima pars luminaris. Itaque partialis dimidiata est, quando obscuratur dimidium luminare.

Non dimidiata est major, vel minor.

Major, quando majus segmentum, sive plures quàm sex digiti obscurantur.

Minor, quando minus segmentum, sive pauciores sex digitis obscurantur.

*Theoremata de Eclipsibus tùm *ἡλιέων*, tùm *μήσεων* sunt:*

1 Eclipsis fit, cùm tria corpora in rectâ lineâ constituta sunt, videl. Sol, Luna, & Terra: id est, quum Sol & Luna diametraliter, sive secundum rectam lineam, vel opponuntur, vel conjunguntur.

2 Omnis eclipsis fit in Zodiaco, & quidem in nodis, vel propè nodos, intra tamen terminos eclipticos.

3 Nodi hîc dicuntur puncta, in quibus se intersecant via Solis, & via Lunæ, eorumq; figura dicitur Draco. Vide supra c. 2.

4 Nodus Draconis est, vel superior, vel inferior.

5 Nodus superior dicitur *caput Draconis*, & *nodus ascendens*. Estque punctum illud, ubi Luna ab Eclipticâ digrediens (Sol enim semper insistit Eclipticæ) ad verticem nostrum versus septentrionem ascendit.

6 Nodus inferior dicitur *cauda Draconis*, & *descendens*. Estque punctum illud, ubi Luna ab Eclipticâ digrediens Austrum versus descendit.

7 *Termini ecliptici* sunt distantia ab utraque intersectione viæ Solis & Lunæ, tantæ, quantis Eclipses evitari potest. Suntque Septentrionales, vel Meridionales.

8 Elapsis annis fermè 19 Eclipses ad eadem Zodiaci puncta redeunt.

9 Eclipses promoventur è signo occidentali in proximum orientalius.

Cap. 5. Theoria Solis.

Nunc singulariter de Sole & Lunâ agendum nobis fuerit.

Sol est planeta princeps, coloris candidi & rubicundi, calorem vivificum sublunaribus ministrans, motuq; periodico annum describens.

Solis considerabimus affectiones, & oppositum.

Affe-

Affectioes Solis sunt absoluta, vel relata.

Absoluta sunt ejus magnitudo, & motus.

Magnitudo est, quâ Sol major est terrâ centies sexagies sexies; vel ut alii 167. Prior tamen sententia est probatissima. Quando est altissimus, distat à centro terræ mill. Germ. decies centies mille, duodecies mille octingentis sexaginta octo.

*Motus Solis fit in tribus orbibus. I. Est eccentricus, qui corpus solare circumfert (Sol enim non habet epicyclum) & quidem SSS, ita ut unoquoq; die naturali conficiat 59 minuta prima & octo secunda, atque adeò totum Zodiacum peragret dieb. 365. hor. ferè 6. Eccentricus ille nunquam deflectit ab Eclipticâ, sed ab æquatore: & dicitur *declinatio Solis*, quæ si sit maxima, est 23 grad. 30 minut. Propter hunc Eccentricum fit, ut Sol nunc vicinior sit, quando est in perigæo, tempore hyberno, præsertim mense Decembri, nunc remotior à terrâ, quando est in apogæo, quod fit æstate, cum primis mense Junio, quando ingreditur 6 grad. Cancr. Est enim apogæum Solis progressum ex 1 gradu Cancr. in 6, juxta Copernicum, quem tamen refutat *Brahe*. Quum verò Sol moveatur super duobus centris, videlicet super centro mundi, & eccentrici, impossibile est ut regulariter & æqualiter moveatur. Super duobus namque centris fit duplex quoque motus. Super centro itaque*

mundi, i. e. respectu terræ, Sol movetur tardiùs & celerius. *Tardiùs* in signis septentrionalibus, æstate scilicet, ubi consumit dies 186. hor. 8. min. 12. Sub æstate hîc comprehendimus ver, intervallum nempe ab æquinoctio verno ad autumnale. *Celerius* in signis meridionalibus, ab æquinoctio autumnali ad vernum, diebus videl. 178. hor. 21. min. 12. Quod attinet ad intervallum, quo centrum mundi distat à centro eccentrici, illud dicitur *Eccentricitas*, quam mutabilem esse docent Astronômi, ita ut Sol hodie sit vicinior terræ, quàm fuerit tempore Ptolemæi, & quidem miliaribus Germ. novies mille non-gentis, juxta calculum *Melanchthonis in Phisicis*, quem probat *Origanus* c. 1. prog. ad annum 1604. non autem miliaribus vices sexies mille sexcentis & sexaginta, ut *Stefferus* ex sententiâ Copernici docuit. *Scalig. ex. 99. f. 2.* Copernicum refutat. I. *Est deferens apogai.* II. *Deferens perigai.* Animadverterunt enim artifices, apogæum & perigæum quotannis progredi minutis aliquot; ideo hos duos orbes posuerunt, qui moventur ad motum sphæræ octavæ, qui absolvitur 49 millibus annorum.

Affectiones Solis ad nos relata sunt Situs, & Eclipsis.

Situs ortivus & occiduus Solis est locus, quo Sol in celo, qualibet anni parte oritur vel occidit.

Estq; vel mediùs, vel declinans.

Medius

Medius est, cum Sol oritur & occidit medio inter utrumq; polum, sive septentrionem & meridiem, loco: videl. quotannis bis, die æquinoctii verni & autumnalis: unde dicitur ortus & occasus æquinoctialis.

Situs ortivus & occiduus declinans est, cum Sol non oritur medio loco, sed in plagâ vel Septentrionali, vel Meridionali. Dicitur amplitudo ortiva & occidua.

Amplitudo ista est vel æstiva, vel hyberna.

Æstiva amplitudo est, cum Sol oritur & occidit loco Zodiaci ab Æquatore versus septentrionem declinante. Id fit totâ æstate, sed maximè tempore Solstitii: unde dicitur amplitudo solstitialis. Nota, solstitium absolutè positum non significare hybernum, sed æstivum.

Hyberna amplitudo est, cum Sol oritur vel occidit loco Zodiaci ab Æquatore versus meridiem declinante, quod maximè fit circa brumam. Dicitur amplitudo meridionalis.

Eclipsis Solis est aversio radiorum Solarium à nobis propter lunam interpositam inter visum nostrum & Solem.

Theoremata:

1 Terminus eclipticus septentrionalis in Sole est grad. 20. min. 4. meridionalis autem graduum 11. minut. 22. In hac enim distantia Sol potest effugere Eclipsin.

2 Eclipsis Solaris fit in novilunio, seu con-

junctione, non verâ, sed apparente, quando Sol, Luna, & oculi nostri sunt in unâ eâdemq; lineâ rectâ. Hic igitur Luna recedit à loco suo consueto, quæ recessio vocatur *parallaxis*. Tunc enim Luna diametraliter inter Solem & oculos nostros interposita eripit nobis radios Solares: sicuti nempe manus proximè admota oculis altissimos montes eripit è conspectu nostro, aut sicut globus in cacumine ædium positus sæpè nobis aspectum Solis intercipit. Eclipsis itaque non est *Passio Solis*. *Scal. ex. 62. f. 1.*

3 *Eclipses Solares tantum sunt particulares.* Sol enim non obscuratur uno eodemque tempore respectu omnium totius mundi partium.

4 *Eclipses Solares incipiunt ab occasu, & desinunt versus ortum.* Ratio: quia Luna ab occasu versus ortum velocius movetur quàm Sol, ita ut in principio Eclipses Luna parte suâ orientali stringat oram occidentalem corporis Solaris, postea magis & magis subter Solem vehatur, donec in ipso fine Solem relinquat ab orâ orientali.

5 *Totalis Eclipsis Solis est sine morâ: & fit quando conus visionis consistit infra conum umbræ, ita ut conus umbræ includat conum visionis.* Dimidiata fit, quando extrema superficies Lunæ stringit axem conii visionis.

6 *Prædicturus Eclipsin Solarem, introspiciat novilunii tempus, & computet ex tabulis ad eum*

eum usum factis, an Sol & Luna conjungantur in eodem signo diametraliter. *Cl. Origanus* eclipses in aliquot annos computavit.

Sequitur oppositum Solis, videl. Umbra, qua est privatio luminis Solaris.

Umbra est totalis, vel partialis. Quum enim sit privatio, & privatio sit duplex, ἁπλὴ καὶ μετὰ κατὰ, etiam umbra duplex erit.

Umbra totalis est nocturna, orta à Sole infra horizontem demerso.

Umbra partialis est diurna: eαὐτῆς, vel recta, vel versa.

Umbra recta est, qua projicitur in planum horizontis ab umbroso corpore ad angulos rectos finitiori insistente: ut est, quæ projicitur ab homine insistente superfici ei terræ, vel ambulante.

Umbra versa est, quæ projicitur à gnomonibus, qui Soli obvertuntur, & ad planum circuli verticalis angulos rectos constituunt: qualis est quæ projicitur à clavo impacto parieti.

Theoremata:

1 Umbra semper cadit in partem oppositam.

2 Umbra sub ortum & occasum Solis longissima est, meridie brevissima, medio tempore media.

3 Umbra Solis orientalis est æqualis occidentali.

4 Umbra meridiana tempore brumali est

K

longissima. Ratio, quia tùm Sol à verticali puncto longius abest. Æstivo autem tempore brevissima, quia tùm Sol vertici est propior. Verno & autumnali intermedia inter brevissimam & longissimam. Umbrae admiranda collegit exquisitissimè Johan. Wouwerius in libello, cujus hæc est inscriptio: *Dies æstiva, sive pagion de umbrâ.*

Cap. 6. Theoria Lunæ:

Luna est planeta princeps, lumen suum à Sole accipiens, colore vario, effectum frigido & humido. In Scholis eruditè dicunt, Lunam esse speculum à Sole illustratum.

Luna affectiones sunt absoluta, vel relata.

Absoluta affectiones sunt magnitudo, motus, & latitudo.

Magnitudo est, quâ Luna minor est terrâ trietes novies: vel 43 ferè juxta Copernicum. Distat autem à terrâ mill. Germ. 44916: vel juxta Schreckenfuchsum, quem plerique sequuntur, à terrâ usque ad concavum Lunæ sunt mill. Germ. 28369.

Motus Luna spectatur quoad orbes, & periodos suas.

Orbes sunt quinque: videl. I. Eccentricus, qui movetur ab occasu in ortum, & defert epicyclum Lunæ. II. Deferens augem sive apogæum.

III. De-

III. Deferens oppositum angis sive perigæum. Atque hi tres orbes eandem ob causam in Lunâ, ob quam in Sole, excogitati sunt. Est autem Luna quolibet mense bis in apogæo suo, nempe in conjunctione, & bis in perigæo, nempe cùm crescit & decrescit. **IV. Epicyclus,** cui infixum est corpus Lunæ. Causa hujus epicycli assumpti suprâ fuit indicata. **V. Deferens caput & caudam Draconis.** Hic orbis excogitatus est, ut reddi possit ratio, cur eclipses non fiant semper unâ eâdemque in parte Zodiaci: sive cur intersectio eclipticæ non maneat semper unô in loco. Hic orbis est mundo concentricus, id est, movetur super centro Zodiaci, & absolvit suum cursum annis 18. mens. 7. dieb. 12. hor. ferme 5. Hinc nimirum est, quòd eclipses post octodecim annos redeant ad ea signa Zodiaci, in quibus antè acciderunt.

Periodus Luna est vel ratione eccentrici, vel ratione orbium deferentium.

Ratione eccentrici Luna movetur motu regulari spatio dierum 27. hor. 7. min. prim. 43. sec. 7. Hic motus est æqualis & regularis, respectu centri mundi & Zodiaci ex centro mundi descripti, & constituit mensem lunarem periodicum.

Ratione deferentium Luna movetur dieb. 32. hor. 13. min. 14.

Latitudo Luna est ejus deflexio ab Eclipticâ versus meridiem, vel septentrionem: unde alia est

meridionalis, alia septentrionalis. Est autem latitudo maxima 5. graduum. Nam pluribus gradibus Luna nunquam recedit ab Eclipticâ & à Sole versus meridiem, neque septentrionem versus.

Affectiões relata sunt, quando Luna refertur vel ad nos, vel ad Solem.

Affectio Luna respectu nostri dicitur parallaxis, qua est inter verum Luna locum, & apparentem, qui nobis videtur.

Verus stellarum locus deprehenditur, quando lineam è centro terræ ad Zodiacum per centrum stellæ extensam concipimus. Apparens locus est, quem designat linea è superficie terræ ducta per centrum stellæ ad Zodiacum. Spatium inter hæc duo loca vocatur *παράλλαξις*. Quia verò terra respectu stellarum altiorum non habet sensibilem magnitudinem, perinde est, siue illas è centro, siue superficie terræ observes. Nulla enim orietur parallaxis. Sed respectu inferiorum stellarum terra habet suam magnitudinem, puta ratione Lunæ, Mercurii, & Veneris, & etiam Solis, ut *Brabe* docet contra communem opinionem doctorum qui putant parallaxin Solis non esse mutabilem. Hic itaque locum habet parallaxis. Et quò stella est terræ vicinior, eò maiorem habet parallaxin. Hic itaque multum interest, an stellas istas observes è

centro

centro terræ, videl. imaginando, an è superficie, in quâ habitamus.

Affectio Luna quoad Solem est ejus vel figura, vel Eclipsis.

Figura, sive illuminatio, Luna est, diversa ejus ad Solem habitudo. Semper enim dimidius Lunæ globus, is nempe, qui Solem respicit, illuminatur à Sole: altera autem medietas, quæ à Sole averfa est, manet obscura; quia radii solares totum corpus lunare transire nequeunt, nec totum illustrare. Nos autem semper minus medietate illuminatâ de corpore lunari cernimus, ita ut etsi Luna sit plena, tamen ejus tota medietas nobis non appareat.

Estq; figura invisibilis, vel visibilis.

Figura invisibilis est vel κρυψα, vel σκωδ.

Κρυψα est, cum Luna radiis Solaribus tecta non videtur.

Σκωδ est, cum Luna centro Solis directè est subjecta.

Figura visibilis dicitur facies, estq; crescens, consistens, vel decrescens.

Crescens apparet prioribus horis noctis; adeoque est vespertina.

Estq; vel corniculata, vel dimidiata, vel gibbosa.

Corniculata, aliàs falcata, Græcè κρηνηνιδης, apparet quarto à conjunctione die, & crescens cornua projicit versus ortum, decrescens versus occa-

sum. Vulgò hæc facies crescentis Lunæ vocatur *prima quadra*, das erste viertheil.

Dimidiata, διχότομος, dividua, facies est quæ dimidia conspicitur sextâ à conjunctione die. Dicitur *altera quadra*. Et tum à Sole distat quadrante circuli.

Gibbosa, ἀμφιβυγής, tumida, facies est, quæ Luna plusquam dimidia conspicitur. Et tunc à Sole distat quatuor signis: diciturque *tertia quadra* Lunæ crescentis.

Consistens facies est, quando Luna est plena: πῦσιλην ☉. Tum enim Soli opponitur, unde & *oppositio* dicitur, vulgò *plenilunium*, quod fit 15 die à conjunctione, quando Luna distat à Sole dimidio circulo. Atque hæc est *quarta quadra*. Oritur autem plena Luna occidente Sole ex adverso, ita ut Sol in occasu, Luna in ortu videatur. Denique plena luna est pernox, id est, totâ nocte supra, totâ die infraterram est.

Decrescens Luna facies est, cum Luna iterum minuitur lumine: id quod fit ordine inverso, ita ut Luna fiat gibbosa, tum dimidiata, & denique falcata. Postea iterum conjungitur cum Sole, & fit *novilunium*, quod Græcis νεομηνία, Latinis *interlunium*, & *luna silens* dicitur. Tempus autem ab unâ conjunctione ad alteram est dierum 30 ferè. Et si enim Luna motu proprio dies tantum 27. & hor. 13. in suo cursu consumat, tamen antequam Luna ad Solem revertatur, integrum signum

signum Zodiaci Sol emensus est, ut biduo opus habeat, antequam Solem possit assequi, & cum eo conjungi. Schema illuminationis Lunæ hoc esto:

Diemensis. Locus Lunæ. *φάσις.* Irradiatio
in eccentrico.

Primo. In apogæo. Coitus. Nulla.

IV. In mediâ longi- Falcata. Sextilis.
tudinē.

VII. In perigæo. Dividua. Quadrata.

XI. In mediâ lon- Gibbosa. Triquetra.
gitudinē.

XV. In apogæo. Plena. Oppositio.

XIX. In mediâ lon- Gibbosa. Triquetra.
gitudinē.

XXII. In perigæo. Dividua. Quadrata.

XXVI. In mediâ lon- Falcata. Sextilis.
gitudinē.

XXX. In apogæo. Coitus. Nulla.

Eclipsis Luna est privatio luminis solaris mutuatitii in Lunâ, propter diametralem oppositionem terræ inter Solem & Lunam, cujus terræ umbra Luna ingreditur, sive potius effugere nequit.

Theoremata:

I Eclipsis Lunæ tantum fit in oppositione, non quâlibet (singulis enim mensibus fit oppositio) sed diametrali: quum scil. Luna nullam habet latitudinem, id est, evagationem ab Eclipticâ, vel talem, quæ est minor 67 minutis.

K 4

2 Eclipses Lunares sunt universales, i. e. à singulis videri possunt, in quorum horizonte est Luna.

3 Eclipses Lunares incipiunt ab ortu & desinunt versus occasum. Cum enim Luna ab occasu in ortum velocius moveatur motu suo proprio quàm Sol, aut umbra terræ opposita, fit ut in principio obscurationis Luna stringat primò umbram eâ sui corporis orâ, quæ est orientalis, postea verò eam umbram magis ac magis ingrediatur: donec ab umbrâ Orientem versus emergens, relinquat umbram ad occasum.

4 Prædicturus Eclipsin Lunarem cognoscat ex Ephemeridibus locum Solis & Lunæ in oppositione, videatque num diametraliter opponantur sibi invicem hi planetæ.

Cap. 7. Theoria trium superiorum planetarum.

Fuit planeta princeps: sequitur planeta minus-princeps.

Planeta minus-principes sunt reliqui quinque, præter Solem & Lunam: qui considerantur communiter, vel singulariter.

Theoria horum planetarum. Saturni, Jovis, Martis, & Mercurii, multum habet & dubitationis, & intricatæ difficultatis. Ea propter paucis at-

cis attingemus ea duntaxat, quæ sunt utcumque explorata à summis artificibus.

Communiter illis accidunt statio, & longitudo.

Statio est, quâ planeta videntur quasi immoti.

Ab eâ planetæ denominantur stationarii.

Estq; prima, cum planeta è superiori epicycli parte descendit versus ortum, vel secunda, cum ascendit in altero epicycli latere versus occasum.

Longitudo est situs planeta in eccentrico, respectu puncti medii & extremi.

Estq; vel media, vel extrema.

Longitudo media est punctum eccentrici, in quo planeta habet distantiam à centro mundi mediam.

Longitudo extrema est, vel longior, vel propior.

Longior, cum planeta habet maximam à centro mundi distantiam in apogæo.

Propior, cum habet distantiam minimam à centro mundi in perigæo.

Singulariter consideratur horum planetarum distinctio.

Suntq; vel superiores, vel inferiores.

Superiores sunt Saturnus, Jupiter, Mars. Hi dicuntur heterodromi, quia diverso motu, imparique tempore sua conficiunt spatia. Habent quinque orbes, quos supra percensuimus.

Saturnus est planeta supremus, colore plumbeo, effectus frigidus & siccus, terrâ major 91, absolvens

motum suum annis 30. Apogæum ejus hodie est in 27. gr. Sagittarii, perigæum in 27. Geminorum.

Jupiter est planeta Saturno proximus, maximè lucidus, virtutis temperata, terrâ major 95, absolvens periodum suam 12 annis.

Tres sunt planetæ benignissimi & lucidissimi, Sol, Jupiter, Venus. Et Jupiter quidem tam splendidus est, ut sæpè ab inperitis confundatur cum Venere & Sirio, unde in Scholis vocatur *fortuna major*. Sphæra ejus minor est sphærâ Saturni, sed corpus ferè quinquies majus est corpore Saturni, ita ut nullus planeta sit major Jove, quàm Sol. Cardanus contendit, Jovem esse terrâ majorem 108. Sed communis sententia tenet 95. Apogæum illius hodie est in 6. g. Libræ: perigæum in 6. Arietis.

Mars est planeta Jovi proximus, colore rutilanti & flammeo, effectus calidus & siccus, terrâ major semel cum $\frac{1}{3}$, Zodiacum percurrens annis 2. Apogæum ejus est in 27. gr. Leonis, perigæum in 27. Aquarii.

Cap. 8. Theoria duûm inferiorum planetarum.

I*nferiores planeta sunt Venus & Mercurius. Dicuntur hemodromi, quia simul currentes pariter feruntur.*

fermè tempore suum conficiunt cursum, & fermè Soli tanquam Regi adsunt, Venus ut ancilla, Mercurius ut cancellarius. Superiores enim planetæ cum Sole conjuncti, velut venerabundi abscedunt à Sole ad altissimam sui Epicycli partem.

*Venus est planeta luminis splendidissimi, virium temperatarum, proximum à Sole locum tenens, terrâ minor 27, motum suum absolvens 365 dieb. hor. 5. minut. 49. vel ut Plinius vult, diebus trecentis duodequingenis, scil. 17 diebus ocys Sole. Hodie illius apogæum, ut & Solis, est in 7 gr. Cancr. Interdum verò apparet, interdum disparet. Quum apparet, vel antecedit Solem, nempe manè, & dicitur *Phosphorus*, *Lucifer*; vel sequitur, nempe vespere, & dicitur *Hesperus*, *Vesperrugo*. Quum disparet, jungitur Soli, ejusq; radiis occultatur.*

Mercurius est planeta parvum albicans, virtutis varia, magnitudine suâ aquans 22 terræ partem, motum suum absolvens, ut Venus, diebus 365. hor. 5. min. 49. Motus ejus admodum variat, maximamq; partem ignoratur. Quum enim rarò recedat à radiis Solaribus (comitatur enim Solem circa vel infra 18 grad. nunc sequendo, nunc præcedendo) motus ejus ab artificibus non potest constanter cognosci per certa instrumenta. Habet septem orbes: videl. quinque supra enarratos, & duos eccentricos eccentrici singulariter

Satis de theoricâ planetariâ, quam diligenter pertractarunt, & schematis illustrarunt *Münßerus in Organo Uranico, Purbachius, & Reinhold. in theor. planet.*



U R A N O S C O P I Æ

LIBER TERTIUS,

Qui vocatur

C O M P U T U S .

Cap. I. Computus generalis.

Exposita est *Astronomia absoluta*; deinceps exponetur *relata*, qua tractat de motu siderum respectu temporis.

Consideravimus I. 1. & 2. *Uranoscopix* motum stellarum absolute; hic considerabimus eundem relate, quoad temporis distinctionem.

Hac *Uranoscopia* pars dicitur *Computus*: Vocabulo illatino, sed tamen significante.

Computus est tùm generalis, tùm specialis. Et enim distinctio temporis consideratur vel communiter, vel particulariter.

Computus generalis agit de distinctione temporis in partes communiter consideratas.

Partes

Partes temporis sunt minores, vel majores.

Partes minores sunt Hora, & Dies.

Partes majores sunt Mensis, & Annus.

Hæc est delineatio computi generalis, qui explicat generales istas temporis partes, horam, diem, mensem, & annum. Sic autem explicat, vel certè explicare debet, ut non definiat, sed methodum duntaxat præmonstret, quam deinceps observare oporteat in enarratione computi particularis.

Cap. 2. Hora naturalis.

Computus specialis sequitur, de distinctione temporis in species juxta varias notiones.

Estq; Astronomicus, vel Politicus.

Computus Astronomicus agit de temporis distinctione naturali. Tempus consideratur bifariam, *quæritur, & dicitur*, h. e. secundum naturam & institutionem. Quæ verò est ratio generis, eadem & specierum. Idcirco quemadmodum tempus est vel naturale, vel civile: ita hora, dies, mensis, annus dicitur alius naturalis, alius civilis. Tempus naturale consideramus in Computo Astronomico, civile in Politico. Atque hæc observatio magnam lucem adfert huic nobilissimæ doctrinæ Computisticæ, uti vocant.

Temporis naturalis partes sunt minores, vel majores: ut patet è cap. 1.

Partes minores sunt hora & dies naturales.

Hora naturalis est vel æqualis, vel inæqualis.

Hora æqualis est vigesimaquarta pars diei.

Græcis dicitur *ἡμέραν*, æquinoctialis, æquidialis, parilis, immutabilis, & vulgò naturalis. Hæc hora perpetuò ejusdem est quantitatis, quia 35 gradus de æquatore semper tanto temporis spatio supra horizontem ascendunt, & infra eundem descendunt, ita ut prima diei hora hñc sit sumenda ab ortu Solis, & ultima cum ejus occasu terminanda.

*Hora naturalis inæqualis est duodecima pars diei: aliàs *ἡμέραν*, temporalis, artificialis, mutabilis, & planetaria.* Dicitur inæqualis, non quòd uno in loco horæ ejusdem diei sint inæquales: sed quia horæ diurnæ cum nocturnis, vel æstivæ cum hybernis collatæ sunt inæquales. Sumunt enim incrementum & decrementum cum ipsis diebus, quorum sunt partes: ut si dies sit prolixior nocte, horæ quoque diurnæ prolixiores fuerint nocturnis. De his intelligendum est dictum Christi Johan. 10. *Nónne 12 hora sunt diei?* Item illud Act. 3. *de horâ tertiâ.* Hujusmodi horas antiqui habuerunt usque ad annum à nato Christo 300. Itaque rectè monent Chronologi, quidquid de horis legitur ante id temporis, in historiis sacris & profanis, id omne de horis hisce inæqualibus intelligendum esse. *Cosm. Astrol. part. 2, c. 2.*

Cap. 3.

Cap.3. Dies naturalis.

Dies naturalis est longior, vel brevior.

Dies naturalis longior est spatium 24 horarum: quo totus circulus æquinoctialis circumvolvitur, & unicus Zodiaci gradus. Græcè $\nu\chi\theta\acute{\eta}\mu\epsilon\sigma\omicron\nu$, ἡμεροῦν $\lambda\epsilon\theta$ & eleganter sanè: vulgò legitimus, & Astronomicus, item naturalis simpliciter, & perpetam artificialis.

Dies naturalis brevior est mora Solis supra horizontem: vulgò artificialis, imò & naturalis simpliciter.

Hujus considerabimus partes, oppositum, & species.

Partes sunt tres. I. Manè, cùm Sol centro suo est in ortu, supra horizontem emergens. II. Meridies, cùm Sol centro suo attingit meridianum. III. Vespera, cùm Sol centro suo attingit horizontem occidentalem. Alii faciunt partem diei duplicem, videl. meliorem, puta tempus antelucanum; & deteriore, tempus pomeridianum. Alii diem dispescunt in quatuor quadrantes, qui sunt, Rubens, Splendens, Urens, Tepens. Romani sex diei solidas partes constituebant, hoc ordine. 1. Diluculum, seu crepusculum matutinum. 2. Manè, sive auroram. 3. Ad meridiem. 4. Meridiem. 5. De meridie. 6. Supremam diem, vesperam: ut diligentissimè explicant Matth.

*Beroaldus in Chronico, & Henischius in comment.
in Sph. Procli.*

Oppositum diei hujus est Nox. Ejus partes sunt tres. I. Crepusculum, quo Sol infra horizontem est demersus nondum 18 grad. II. Media nox, cum Sol centro suo attingit meridianum antipodum. III. Diluculum, cum Sol 18 grad. distat ab horizonte orientali. Alias faciunt 6 noctis partes hoc ordine. 1. Primam facem, seu crepusculum vespertinum. 2. Concubium. 3. Noctem intempestam multam sive silentem. 4. Mediam noctem. 5. Gallicinium. 6. Conticinium. Sed hæc pertinent ad computum politicum.

Species diei hujus sequuntur. Dies hic est nocti vel aequalis, vel inaqualis.

Dies nocti aequalis est semper in sphaera recta: in sphaera obliqua bis tantum, nempe in æquinoctio verno & autumnali. Illi enim, qui habent sphaeram rectam, habent perpetuum æquinoctium: quia cum qualibet medietate Zodiaci oritur medietas Æquatoris.

Dies nocti inaqualis est, vel major, quando Sol signa septentrionalia percurrit; vel minor, cum Sol est in signis meridionalibus. Dies longissimus in hac sphaera obliqua est, cum Sol ingreditur principium Cancris, brevissimus cum principium Capricorni. Quod major etiam est elevatio poli, id est, quod propius ad septentrionem acceditur, eo longiores sunt dies æstivi, & minores

res

res hyberni; & contrà quò magis à septentrione receditur, eò minores sunt dies æstivi, & longiores hyberni. Quò enim magis elevatur polus, eò majores fiunt arcus circulorum. *Kecker. Syst. Astr. l. 2. c. 3.*

Cap. 4. Mensis naturalis.

Majores temporis naturalis partes sunt *Mensis, & Annus, naturales*. Septimana non est hujus loci, quia non tam naturâ, quàm instituto Dei (ut patet è Gen. 2. v. 3. Deut. 16. v. 9.) 7 dies conficiunt septimanam.

Mensis naturalis est, vel Lunaris, vel Solaris. Ille primariò, hic secundariò dictus.

Mensis Lunaris est spatium, quo Luna 12 Zodiaci signa percurrit.

Estq; triplex. I. Periodicus, sive peregrinationis, & peragratiõis, cum Luna ab eodem Zodiaci puncto digressa, ad idem redit dieb. 27. hor. 7. min. prim. 43. secund. 7. II. Synodicus, sive conjunctionis, quo Luna à Sole digressa ad eum redit, dieb. 29. hor. 12. min. 44. III. Illuminationis, seu Apparitionis; qui mensis est intervallum à primo Lunæ conspectu ad ultimum ejus conspectum. Estq; fermè dierum 28. Dico fermè: quia Luna interdum ipso novilunii die nova apparet, interdum secundo, nonnunquam tertio, plerumque tamen quarto.

Mensis Solaris est naturalis Solis transitus à signo ad signum.

Estq; aequalis, vel inequalis.

Æqualis est duodecima pars anni: videl. dierum 30. hor. 10. min. 30. Hoc enim spatio Sol percurrit signum motu medio. Huic Astronomi nomen indiderunt à 12. signis, & vocarunt nomine Taurionis, Capricornionis, Virginionis, & sic deinceps.

Inaequalis est spatium temporis, quo Sol conficit signum vero motu.

Cap. 5. Annus naturalis.

Annus naturalis est vel usitatus, vel inusitatus.

Annus usitatus est, vel Solaris, vel Lunar.

Annus Solaris est intervallum temporis, quo Sol motu proprio 12. signa percurrit.

Estq; tropicus, vel sideris. Copernicus l. 3. revolutionum c. 13.

Annus tropicus est intervallum temporis, quo Sol ab æquinoctio verno digressus ad idem redit. Dicitur aliàs vertens: item temporalis, quia distinguit 4. tempora: item Alphonsinus, quia in tabulis Alphonsinis usitata est hæc anni quantitas: Tropicus, à duobus Tropiceis, punctis scilicet solstitialibus & brumalibus, sed imprimis solstitialibus,

talibus, seu tropico æstivo. Sunt enim Astronomi, qui hujus anni vertentis initium à solstitio sive initio æstivo sumserunt. Sed rectiùs faciunt illi, qui ab æquinoctio verno sumunt, quia mens Martio magna est rerum omnium mutatio. Estque dierum 365. hor. 5. min. prim. 49. secund. 16, si sit æqualis. Est enim etiam inæqualis. Illum Sol metitur motu æquali, seu medio, hunc vero seu apparente.

Anni vertentis seu tropici quatuor sunt partes.

I. *Ver*, ab æquinoctio verno ad solstitium, sive à primo gr. Ar. ad Cancr. II. *Æstas*, à solstitio Cancr. ad æquinoct. Libræ. III. *Autumnus*, ab æquinoctio Libræ ad brumam in Capricorno. IV. *Hyems*, à solstitio Capric. ad æquinoct. Aricr. in quo, ut annus incipiebat, ita desinit.

Annus sidericus est spatium temporis, quo Sol discedit ab aliquâ stellâ fixâ, & ad eandem redit. Cogita, Solem esse sub stellis fixis, ideoque ab his ad illum recta ducenda est linea. Estq; dierum 365. hor. 6. min. prim. 9. secund. 23. Ejus ratio est exactior, quàm tropici: quia loca stellarum fixarum sunt constantiora. Distinguitur à quibusdam in æqualem, & inæqualem, sed male. Rectè enim Copernicus. l. 3. revolut. c. 13. sidericum annum vocat æqualem, κατ' ἐξοχήν, & taxat Ptolemæum, quòd annum sidericum neglexerit, ostenditque causam, cur annus vertens ante Ptolemæum longior fuerit, & post eum

multiplici differentiâ factus sit brevior: diciturque, nullam esse altam, quàm quòd veteres cursum Solis non compararint ad stellas fixas, adeoque nullum constituerint annum sidereum, sed contenti fuerint anno vertente, periodum motus solaris definientes æquinoctiorum duntaxat & solstitionum intervallis. Gratias itaque ingentes debemus Copernico, qui constitutione anni siderici magnam Chronologiæ lucem intulit. Inter stellas autem fixas, annotante Copernico d. l. artifices spectant primam stellam Arietis, tanquam terminum valde notabilem, ut jam annus sidereus sit, eùm Sol à primâ stellâ Arietis digressus ad eandem revertitur.

Annus Lunaris est intervallum temporis, quo Luna Soli duodecies conjungitur. Quantitas ejus est dierum 354, hor. 8, min. prim. 48, sec. 36. Est igitur annus Lunaris minor Solari undecim ferme diebus. Propriissimè quidem loquendo annus Lunaris est spatium, quo Luna absolvit cursum suum peragrato toto Zodiaco, quod fit diebus 27. hor. 7. min. prim. 43. sec. 7. Sed jam usus obtinuit, ut Lunaris dicatur annus, qui Solari est 11. diebus minor.

Annus institutus est tum reliquorum præter Solem & Lunam planetarum, tum stellarum fixarum. Hâc de re legatur Macrobius l. 2. de somnio Scipionis c. 12. ubi octo annorum genera statuit, nempe 7 Planetarum, & stellarum fixarum.

rum. Circumvolutio interim principum Planetarum, Solis & Lunæ, facit annum usitatum.

Anni Planetarum reliquorum sunt,

1. Saturninus, qui est annorum solarium 30.
2. Jovialis, qui est solarium 12.
3. Martius, qui est dierum 687.

4. 5. Veneris & Mercurialis, ejusdem cum Solari dimensionis.

Annus stellarum fixarum est Platonicus ille, de quo l. 1. Spher.

Cap. 6. Hora nationalis.

Satis de Computo Astronomico, adeoque de distinctione temporis naturali, siue Astronomica: jam de computo Politico, adeoque de distinctione temporis, quæ pendet ab instituto Dei & hominum. Voco hunc computum politicum, latè accepto vocabulo. Propono siquidem etiam ea, quæ à Deo fuerunt instituta in politiâ Mosaicâ. Sacra ista voco politica: quia politiam Ecclesiasticam esse scio. Sicut autem supra dixi, *hora naturalis, dies naturalis, & sic deinceps: ita hîc dico hora nationalis, dies nationalis, & sic consequenter.* Trado namque talem temporis distinctionem, qualem quæque natio sibi constituit.

Computus politicus est vel uniformis, vel multiformis.

Computus politicus uniformis est, qui tradit temporis distinctionem arbitrariam seu nationalem primam sive simplicem.

Prima temporis politici distinctio est temporis, vel minoris, vel majoris.

Tempus politicum minus est tùm hora, tùm dies politicus seu nationalis.

Hora nationalis apud Chaldaeos prima fuit ab ortu Solis, à meridie apud Arabes, ab occasu apud Judaos, à mediâ nocte apud Romanos & nos hodie. Judæi autem peculiariter habuerunt horas simplices, & compositas; hasque majores & minores, ut annotant Beroaldus in Chronico, & Perkinsus in Prophetica. Hora minor continebat duas horas simplices. Ita horæ minores compositæ 12, continebant 24 simplices. Hora composita major erat quadrans sive quarta pars diei artificialis ut vocant. Quatuor ergo erant cujusque diei artificialis quadrantes seu horæ, singuli que quadrantes tribus constabant horis, quarum ab ultimâ nomen sortiebantur. Primus quadrans, seu prima hora major, ab aurorâ ad horam tertiam dicebatur hora tertia; secundus à tertiâ ad sextam dicebatur sexta; tertius à sextâ ad nonam dicebatur nona hora; quartus à nonâ ad occasum Solis dicebatur vespéra. Hæc notanda sunt, ut Marcus conciliari possit cum Johanne. Nam Marcus c. 15. v. 25. dicit, Christum

stum crucifixum esse horâ tertiâ: at *Johannes* scribit Christum crucifixum esse horâ sextâ.

Cap. 7. Dies nationalis.

Dies nationalis consideratur quoad initium, & species suas.

Initia dierum nationalium discere est ex his versibus:

Atticus occasum spectat, Babylonius ortum:

Nox media Ausonii, media at lux per placet,

Umbis:

Graci manè diem capiebant Solis ab ortu;

Vespere Judai, scrutantes sidera cali,

Dum Sol in medio fulget nitidissimus orbe:

Christicola incipiunt medio sub tempore noctis.

Sicut autem inceperunt, ita etiam finierunt, ab occasu scil. ad occasum, ab ortu ad ortum, à mediâ nocte ad mediam noctem, à meridie ad meridiem.

Species dierum nationalium varia sunt. Variè namque dies suos distinxerunt variæ gentes, pro ratione judiciorum, sacrorum, &c.

I. *Judai habuerunt festos dies octo. Danam in explic. Decal. ad 4. præc. 1. Est Pascha, quod fuit duplex, aliud legitimum & vetus, aliud judiciale & novum. Legitimum & vetus illud celebrabatur lunâ 14, id est, in plenilunio, quod proximè sequitur æquinoctium vernum. Hoc iterum fuit duplex; videl. bovis & arietis, quod die Jo-*

vis & Veneris comedebatur. *Deuter. 16. vers. 3. 2. Chron. 35. v. 7:* itemque agni, quod comedebatur die Sabbathi. Illud prius comedit Christus cum discipulis. *Matth. 26. v. 17. Marc. 14. v. 12. Luc. 22. v. 17.* Hoc ipse peregit in arâ crucis. *Johan. 18. v. 28.* Hanc distinctionem olim amplexabar, eam doctus à præceptore meo Cl. V. *Hugone Brouthono Anglo*, qui me ita docuerat respondere Judæis, qui contendunt, Christum anticipasse Paschatisterminum, adeoque non observasse legem. *Judiciale.* Pascha fuit institutum tempore Eleazari. Nunquam autem celebrabatur diebus Lunæ, Mercurii & Veneris, juxta canonem **כד** *Bedu.* Verùm accuratior nunc temporis videtur sententia illustrissimi *Josephi Scalig. in lib. de emend. temp. & Dn. Bezae ad c. 26. Matthai:* quos vide. Non enim video, quomodo probari possit, Pascha bovis & arietis die Jovis fuisse celebratum, id quod supponit *D. Brouthonus.* Vide quæ hæc de re scribit *Bucerus* ex *Paulo Burgensi* enarrat. in *Matth. cap. 26. v. 1. 2. Pentecoste. 3. Scenopegia*, sive Tabernaculorum. 4. *Festum tubarum.* 5. *Solennitas reconciliationis*, sive festum expiationis. 6. *Festum dedicationis*, sive *Encania*, quod festum institutum est non à Deo, sed à *Juda Machabzo*, 1. *Mach. 4. v. 59. 7. Sabbathum. 8. Novilunia.*

II. *Romani habuerunt ferias proprias, & communes. Feria propria erant, vel familiarum, quæ à singu-*

à singulis familiis celebrabantur, ut Claudiarum, Corneliarum, Scipionum, Lucullorum: *vel singulorum*, ut *ῥοῖθλια, γαμήλια, ὀνομαστήρια*. *Feria communes erant*: 1. *Stativa*, seu anniversariae, quæ certis statisq; diebus recurrebant, ut Agonalia, Carmentalia, Lupercalia, Quirinalia, Terminalia, Floralia, Robigalia. 2. *Conceptiva*, quæ quotannis à sacerdotibus concipi solebant in dies commodos, ut Paganalia, Sementina, Compitalia. 3. *Imperativa*, quas consules & prætores pro arbitrio indicebant. De his accurate discribit *Henischius super Sphar. Procli*.

III. *Christianis hi sunt dies festi*: 1. Dies dominicus, de quo *Apocal. 1. v. 10. & 1. Cor. 16. v. 2*. 2. Natalis Domini. 3. Pascha. 4. Festum ascensionis. 5. Pentecoste. Pontificii plura habent, partim ridicula, partim superstitiosa; quæ distinguunt in mobilia & immobilia. Mobilia vocant, quæ non incidunt in unam eandemque diem, ut Septuagesima, Quadragesima, Rogationis, Pascha & Pentecoste. Reliqua illis sunt immobilia, ut festum Michaëlis. Cæterum de Paschate notetur, illud esse triplex, *Nicaenum, Dionysianum, & Gregorianum*. *Nicaenum* est, quod celebratur eo tempore, quod determinatum est à concilio Nicæo. Magnæ enim circa nascentis Ecclesiæ initia agitatae fuerunt controversiæ, de optimo tempore celebrandi Paschatis. Aliud tempus observabat Ecclesia Romana, aliud Ecclesiæ

L

Asiaticæ. Illa videri voluit sequi traditionem Petri & Pauli: hæ traditionem Johannis Evangelistæ, quem in Asia docuisse & mortuum esse constat. Hæ concertationes sopitæ sunt decreto concilii Nicæni, & damnati Orientales sive Græci, qui Pascha celebrabant uno eodemque cum Judæis die, Pascha nempe *σαυωτοσµου*, cum Romana Ecclesia, sive Latini & Occidentales celebrarent *ἀναστάσεως*. Atque hoc vocatur Pascha Nicænum. Secundum Pascha est *Dionysianum*, quod celebratur eo tempore, quod Dionysius Exiguus, Abbas Romanus, determinavit; vulgò vocatur Pascha veteris Kalendarii. Tertium Pascha est *Gregorianum*, quod celebratur juxta modum novi Kalendarii. Sed de his infra.

Cap. 8. Septimana.

Majus tempus politicum est septimana, mensis nationalis, & annus nationalis.

Septimana est systema septem dierum. Simpliciter dico septimana, non autem septimana nationalis: quia, quod & supra monui, omnis septimana est arbitraria seu nationalis. Voluntamen nonnulli, etiam naturalem eam esse, eò quod quatuor mensis septimanæ congruant cum Lunæ phasibus. Luna siquidem septem prioribus diebus corniculata apparet; septimo die

die ostendit dimidium orbem, decimo quarto est plena; iisdemq; vicibus decrescens totum mensem in septimanarum veluti articulos distinguit.

Septimana initia aliis gentibus alia fuerunt & sunt; Hebræis dies sequens Sabbathum, Christianis dies Dominicus, ut è Kalendaris videre est, Turcæis dies Veneris, Judæi dies septimanz sic vocabant: 1. 2. 3. 4. 5. 6. 7 Sabbathi. Christiani vocant 1. 2. 3. 4. 5. 6. 7 Feriam. Astronomi insigunt nominibus Planetarum, ut dies Solis, Lunæ, &c.

Cap. 9. Mensis nationalis.

M*ensis nationalis est vel simplex, vel mistus. Simplex est solaris, vel lunaris.*

Mensis nationalis solaris est, qui æqualiter suis diebus distributus est. Omnes Orientales, qui usurparunt annum imperfectum, hujusmodi mensibus sunt usi.

Mensis lunaris est, qui numeratur à Luna, vel conjunctione cum Sole, vel à primâ Luna apparitione. Sic Athenienses numerabant menses suos à conjunctione Solis & Lunæ. Judæi & aliæ gentes orientales menses suos numerabant à primâ seu novâ Lunæ facie. De mensibus Judæorum duo notanda veniunt: 1. Nomina. Nam ante exilium, Babylonicum aliter deno-

minarunt menses, ac post illud exilium, ubi pleraque nomina Chaldaica retinuerunt. 2. *Ordo*. Is enim est duplex: *Ecclesiasticus*, qui procedit à Nisan; & *Politicus*, qui à Tisri. Ille Martio & Aprili, hic Septembri & Octobri respondet. Et ille quidem nobis videtur naturalis, eò quòd mundus eo ipso sit conditus. Vide quæ hæc de re disputavimus pag. 180. *Element. Astr.*

Mensis mistus è Lunari & Solari est *Julianus*, quem constituit *Julius Cæsar*. Hic inæqualiter in dies est distributus. Interdum enim dies 30. interdum 31. semel 28. dies habet. Neque etiam hoc proprium habet, ut sub ejus principium Sol intret signum novum Zodiaci. His mensibus utebantur Romani, eosq; distinguebant in Kalendas, Nonas, & Idus: & hodie utimur iisdem. Plura hæc de re vide apud *Scalig. de emend. temp.* *Jacob. Christman in Alpheranum*, *Paul. Eberum in Kalendar. Henisch. in Sphæ. Procli, & alies.*

Cap. 10. Annus nationalis.

Annus nationalis, aliàs civilis, politicus, & positivus, maximè discrepat apud nationes ab anno naturali sive caelesti, ita ut eo sit major vel minor, atq; ad eò vel additione, vel subtractione indigeat, ut congruere possit cum caelesti. Causa hujus varietatis est, quia vèteres gentes veram anni

anni quantitatem non habuerunt cognitam.

Annus politicus est, vel Solaris, vel Lunar.

Solaris est, qui magis ad motum Solis accommodatur.

Estq; perfectus, vel imperfectus.

Annus perfectus Solaris est spatium dierum 365, cum sex horis, siue quadrante diei.

De hoc anno sequentia sunt theoremata.

1 Dicitur annus perfectus, non quod exactè congruat ad annum naturalem, sed quod proximè ad eum accedat, usuiq; politico magis sit accommodatus, quàm alii.

2 Dicitur Julianus; quia Julius Cæsar hujus anni rationem instituit. Pleræque enim gentes ante Cæsarem habebant annos Lunares, h. e. mensurabant annos suos ad motum Lunæ, & novilunio; quæ ratio mensurandi anni fuit inconstans & lubrica, utpote ejus regula, motus videlicet Lunæ, variabilis & inconstans. Et novilunia, termini istorum annorum, modò citius, modò tardiùs apparent. Huic malo ut medicinam faceret Cæsar, post patras de hostibus suis victorias ante Christum natū annis 54, suscepit consilium de constantiori anni ratione, quæ non solum ad motum Lunæ, sed etiam Solis esset accommodata. Magnis itaque sumptibus ex Ægypto Romam advocavit præstantissimos Mathematicos, in quibus fuit *Sosigenes*, ejus operâ potissimum annus fuit reformatus. Huic

sententiæ subscribunt plerique Chronologi, excepto Josepho Scaligero, qui l. 2. de emend. temp. inter alia sic ait: *Usum anni Solaris edito Caesaris, scientiam autem antiquorum traditioni debemus.* Verùm hoc non fit verisimile, mihi quidem. Si enim habuerunt præci hujus anni rationem, cur non usi sunt, cum sit omnium exactissima, & accommodatissima?

3 *Annus Julianus constat diebus 365. hor. 6: quâ de re versus,*

L X V, tria C C C, sex horas, continet annus.

4 *Hos dies Caesar divisit in 12. menses. Ante Cæsarem mensis nomen respectu Lunæ denominabatur; verùm ille menses civiles à motu Solis denominavit.*

5 *Epocham hujus anni statuit in solstitio hyberno: vel quia tum temporis Sol ad nos redit, vel ob alias politicas rationes.*

6 *Quia verò sex hora supererant, jussit illas Julius quatuor annis in unam summam colligere, ut facerent diem integrum, quem quarto quoq; anno inseri jussit Februario, qui pauciores habebat dies, quàm reliqui. Noluit enim ullas horas in anno esse residuas propter civilem usum, voluitq; annum quartum continere dies 366.*

7 *Ne verò Lunationum atque noviluniorum ratio negligetur, Julius aureum numerum suo Kalendario inseruit. Aureus iste numerus sic dicitur, quia cum Ægyptiis & Græcis jam antè usitatum*

usitatum notis aureis in suo Kalendario pingi curavit, ut esset index Noviluniorum perpetuò currentium & recurrentium.

8 *Hanc anni & Kalendarii rationem propter inastimabilem commoditatem & dexteritatem non solum Romani, sed extera pleraq; nationes acceperunt.* Romani quidem ideò, quia ante Cæsarem Kalendarium à Pontificibus adeò erat corruptum, ut miserabilis fuerit constitutio anni, quem Pontifices in gratiam & commodum publicanorum, fœneratorum & mercatorum pro libitu decurtabant & promulgabant; reliqui verò, videl. Græci, Europæi, & Asiatici, receperunt ob summam rei præstantiam, & insignem utilitatem.

9 *Verùm ut nihil est in rebus humanis perfectum, ita temporis progressu & certissimâ observatione inventum est, hoc quoq; Cæsaris inventum suos habere navos.*

10 *Navus præcipuus est, quòd Cæsar suo anno plus tribuit.* Assignavit enim dies 365. & hor. 6. integras, quum assignare debuerit dies 365. hor. 5. min. prim. 49. Itaque plus tribuit, quintam fermè horæ partem, atque ita quarto quoq; anno mensi Februatio plus inseruit, quàm oportebat. Hinc fit ut æquinoctium vernum nunc incidat in 10. vel 11. Martii, cum Cæsaris tempore inciderit in 24. Martii, atque ita diebus integris 14. à vero die decesserimus: quod idem

cogitandum est de solstitio hyberno, quod tempore Cæsaris & nati Christi incidebat in 26. Decemb. cum hodie incidat in 12. Decemb. Atque ita omnes dies recesserunt à loco, in quo fuerunt tempore Cæsaris. Si igitur mundus adhuc per aliqua secula duraret, nullâ interveniente Kalendarii correctione, futurum esset, ut æquinoctia & solstitia semper retrocederent, atque ita feriæ hybernæ irreperent in æstatem, & æstivæ in hyemem, adeoque festum nativitatis incideret in festum Johannis Baptistæ. Mathematici verò habent infinitum, h. e. volunt ita comparatas esse suas observationes, ut in iis semper verum deprehendatur in omnia secula.

II *Alter error, qui irrepfit in Kalendarium Julianum, est, quòd Noviluniorum indices à tempore Cæsaris recesserint 3. dierum spatio.* Cujus rei hæc est ratio: Novilunia nunquam redeunt in eundem diem, in quo fuerunt anno præcedenti, sed in alium ab illo longè remotum, diebus circiter undecim. Huic malo ut mederentur artifices post Cæsarem, ita statuerunt rationes suas, ut post 19 quemque annum Novilunia pristinam in suo cælo sedem recuperarent. Postea verò diligenti observatione compertum est, 19. illos annos quâdam particulâ majores esse, quàm quantum novilunia ad recuperandam pristinam suam sedem requirant, ita ut post 300 annos Novilunia à suo numero retrorsum uno die

die proreperint, adeoque citius incidant, quàm in Kalendario annotatur. Quapropter nisi hic Noviluniorum numerus post exactum 300 quemque annum transferatur, fallax inde Noviluniorum in Kalendario index existeret.

12 *Duas igitur ob causas magni & crassi errores in Kalendarium irreperunt. 1. Quia neglecta fuit quinta hora pars, quâ Julianus annus cursum Solis excessit. 2. Quia post 300 quemque annum exactum, novilunium fuit uno gradu translatum. Totius fermè anni ratio duas istas ob causas fuit immutata, adeoque celebratio Paschatos, aliorumque festorum, quæ à Paschatos termino dependent.*

13 *Hinc paulò post Apostolorum tempora diuturnum certamen ortum est inter Orientales & Occidentales Ecclesias de tempore Paschali. Occidentales volebant Pascha celebrari Dominicâ, quæ proximè sequeretur Pascha Judaicum. Orientales contendebant eodem cum Judæis die celebrandum esse, lunâ 14. in ipso plenilunio, quod vel in æquinoctium vernalis incidit, vel illud proximè sequitur. Duravit hæc acerrima & minùs necessaria contentio usque ad annum Christi 328, quo tempore in Concilio Nicæno fuit directis per Constantinum Magnum, & Occidentales, in quibus rixosissimus ille Papa Victor erat, palmam obtinuerunt, Orientalibus sive Græcis damnatis, qui Quartil-*

decimani sunt dicti. August. de hæresibus. Sic autem fuit à patrib. illius Concilii definita controversia ut constituti sint tres canones: 1. Vigessimus primus Martii habeatur pro æquinoctio verno. Constituerunt itaq; operâ & consilio Astronomorû æquinoctium vernû in 21. Martii. 2. Plenilunium observetur, quod vel in ipsum æquinoctium vernum incidit, vel proximè illud sequitur. 3. Dies Dominica, qua illud plenilunium proximè sequitur, sit ipsa dies Paschatos. Hoc sine jussu non vilunium aureo notari numero, qui in universum esset decemnovenarius, sic ut ad 1. diem Martii ternarius ascriberetur, ad tertiam Martii undenarius, ad quintam decemnovenarius, & sic deinceps.

14 *Sed à tempore Concilii Nicani valde mutatum est æquinoctium vernum, & integris diebus X. retrocessit: novilunia verò retrocesserunt plus quàm 14. diebus. Quum itaque hodie celebremus Pascha juxta præscriptum Concilii, quatuor vel quinque septimanis seriùs celebramus, quàm celebrare debebamus. Celebramus enim perinde ac si æquinoctium adhuc incidere in 21. Martii, & perinde ac si novilunia cum aureo numero congruerent, cum tamen minimè congruant.*

15 *Hujus tanti erroris emendationem Papa aliquot hiæce proximis 200 annis moliti sunt, sed nemo id perfecit, donec tandem anno 1582 Gregorius*

gorius XIII. operâ cujusdam Lili Medicina Doctoris reformationem Kalendarii instituit, qui æquinoctium vernum reduxit ex 10. Mart. ad 21. Mart. in quo fuit tempore Concilii Nicæni. Id autem fieri non potuit, nisi in Kalendario omitterentur & eximerentur dies X. Quare anno isto 1582 D. Lilius elegit mensem Octobrem, tanquam Papæ illius natalem, atque omisit dies 10, ita ut cum numerandus esset dies 5, Octobris, numeratus fuerit dies 15.

16 Hæc reformatione Pontificii aliquid certè præstiterunt, sed plenè reformatum Kalendarium necdum dederunt. Ut enim alia omittam, hæc præcipuè adhuc desiderantur. 1. Quia Lilius nondum accuratè ostendit, quantum illud sit, quod horis 6. minus est in anni verâ ratione, si-ve quotâ horæ parte Julius Cæsar justam anni quantitatem excesserit. Nam quod ante diximus, quintâ horæ parte quantitatem anni excessisse, id tantum ex qualicunque Astronomorum calculo asseverant, exactissimus autem illius excessus calculus adhuc latet. Si enim ostenderent illum excessum tot annis constituere tot vel tot dies, illos detraheremus, & Kalendarium uteremur reformato. 2. Isti dies excedentes non fuerunt computandi à tempore Concilii Nicæni, quod integris annis 328 à nato Christo celebratum est, sed à tempore Julii Cæsaris, quo istud Kalendarium fuit inchoatum, vel saltem à tem-

pore nativitatis Christi. 3. Nondum condiderunt veras tabulas Canonum Astronomicas. 4. Nondum ostenderunt veras sedes æquinoctiorum. 5. Nondum dederunt præcisam mensium magnitudinem. Vide hæc de re *Mastlinum contra Clavium*, item *Butingium* pag. 193. & 499. Optandum itaq; foret, ut Principes Christiani præstantissimos quosque Mathematicos convocarent, & veluti synodo habitâ corrigerent doctrinam Astronomicam tot mendis fœdatam miserè.

Sequitur annus Solaris imperfectus, qui est spatium 365 dierum sine adjectione 6 horarū, sive sine quadrante diurno. Dicitur aliàs vagus & æqualis. Vagus, quia ob neglectum quadrantem diurnum, intra 120 annos epocha sive initium hujus anni recedit à cursu solari per mensem integrum, & nisi quædam insertio fieret intra annos 460, initium hujus anni totum annum Julianum pervagaretur. Dicitur *æqualis*, quia XII. mensibus æqualibus, scil. 30 dierum constat: qui menses simul sumti constituunt dies 360: quibus adjiciunt quinque dies, quos vocant *ἐπιμέρους, adjectitios*. Fuit hujus anni forma olim usitata Ægyptiis, Syris, Hebræis, Persis, omnibusque orientalibus, quia ad usum popularem erat accommodata, & forma Juliani anni ignota. Alii verò aliter dies illos quinque inferebant, unde velut diversa anni forma fuit visa.

Persæ

Perſæ à veris principio hunc annum inchoabant, Ægyptii ab ortu caniculæ, Hebræi veteres ab æquinoctio autumnali. Hic controvertitur, an Hebræi veteres uſi ſint anno Solari, an Lunari? *Scaliger ſub finem l. 3. de emend. temp.* multis argumentis probat, Hebræos veteres uſos eſſe anno Solari imperfecto. Conſule *Cafman. part. 2. Aſtrol. c. 5. & Wolphii Chronologiam.*

Sic de anno Solari: ſequitur Lunaris, cuius ratio ad motum Luna refertur. Annus Lunaris propriè eſt menſis, quod paulò antè monuimus; quali utebantur Ægyptii, quo Luna curſum ſuum abſolvebat 28 dierum ſpatio. Hinc nimirum fit quòd in hiftoriâ Ægyptiorum, tam multa annorum millia numerentur. Sed hîc annus Lunaris aliter accipitur.

Annus Lunaris eſt perfectus, vel imperfectus.

Perfectus eſt, qui conſtat duodecim periodis Lunaribus; cuius initium ſumitur à Librà.

Hoc anno 1. *Chaldaei* uſi ſunt, qui menſem Synodicum definierunt diebus 29. hor. 12. minut. 44. ita ut quantitas anni fuerit dierum 354. hor. 8: adeoque ſolari fuerit minor diebus 10 & hor. 21. quibus triplicatis proveniunt dies 32. hor. 15. ex quibus diebus tantum detrahebant, ut poſſent tertio quoque anno menſem facere, quem intercalarent. 2. *Judæi* eodem uſi ſunt, poſtquam *Babylonem* deportati ſunt, cùm an-

tea Solaribus usi essent. In eo tamen differebant à Chaldæis captivi Judæi, quòd fixam habuerint intercalationem sive interpositionem, nempe mensem *Adar*. Nec alio adhuc Judæi utuntur anno, quàm tali. 3. *Athenienses* quoq; hâc anni formâ sunt usi. 4. *Romani* sunt usi inde à Numa Pompilio Rege secundo, qui eum instituit, usq; ad Julium Cæsarem. 5. *Arabes* hodie utuntur anno Chaldæorum & Hebræorum Lunari, sed ingeniosissimè per scrupulorum interpositionem correcto: quâ de re *Scalig. l. 2. de emend. temp. & Christman. supra Alphraganum.*

Annus Lunaris imperfectus est duplex. Nam vel ad luna cursum novilunius incertis descriptus est; quo olim Græci rudiores ante Hipparchum usi sunt; fuitque totus annus dierum 362: vel anni veri Lunaris numerum dierum non aequat: quo anno usi sunt Romani à Romulo inde usque ad Numam. Ille constabat mensibus 10. & diebus 104. instituyente Romulo. Ad Lunarem verum reducitur intercalatione 51 dierum.

Cap. II. Computus politicus. multiformis.

T*Raditus est computus politicus uniformis, de distinctione temporis nationalis primâ: sequitur multiformis, de distinctione temporis nationalis orâ.*

lis ortâ sive compositâ, quæ simplicibus & primis illis temporis intervallis combinatur.

Estq; Epochæ, Intercalatio, & Periodus.

Epocha est certum initium, unde anni numerantur: Arabicè æra, ut docet Christmannus pag. 361. comment. in Alphraganum Arabem Astronomum.

Epocha est universalis, vel particularis.

Epocha universalis est, quâ integra utantur gentes.

Estq; vel sacra, vel profana.

Epocha sacra est vel Christianorum tantum, vel Judaorum tantum, vel Christianorum & Judaorum simul.

Epocha Christianorum est vel primaria, à nativitate Christi annis 1612: vel potius 1614, juxta Temporarium & Scaligerum, qui demonstrant duos annos desiderari in communi consuetudine numerandi à Christi nativitate, ita ut hoc anno 1612. numerandus sit 1614. vel secundaria, à passionē Christi, annis ab hinc 1572: item epocha Nabonassaris, & epocha mortis Alexandri Magni.

Epocha Judaorum tantum est varia: videlicet à conditu mundi ad diluvium, ad divisionem, ad natalem Abraham, ad conditum templi prioris &c. de quibus omnibus in Computo Judaico agitur. Cum primis observant æram ab exilio Franciæ, Hispaniæ, & Portugalliæ,

Epocha Christianorum & Judaorum simul, est vel princeps, à condito mundo; quæ est maximè controversa; præsertim Judæi à Christianis maximo annorum numero distant; vel minùs princeps; ut à diluvio, ab exitu Israël ex Ægypto, ab extructo templo Salomonis, ab ejusdem templi destructione, à destructione urbis ultimâ, quâ hodie Judæi tanquam familiarissimâ utuntur. Hæc fusè quidem persequi animum induxeram (nam hujus loci est Chronologia, quam vocant) sed à proposito me retraxit rei prolixitas.

Epocha profana est Græcorum, vel Romanorum.

Græcorum est ab initio Olympiadum. Olympias erat ludus gymnicus, sive bellicus ab Hercule anno mundi 2746, in honorem Jovis Olympii institutus; postea ad tempus intermissus, & rursus in usum revocatus per quendam Iphitum anno mundi 3196: ut computat David Origanus part. 1. Ephem. c. 1. Hic ludus celebrabatur quinto quoque anno. Idcirco Olympias per metonymiam erat spatium 4 annorum ab uno ludo ad alterum. Cæterùm magna est controversia, quonam anno mundi coeperint Olympiades. Vide libros Scalig. de emend. temp. & Chronicon Eusebii ejusdem.

Epocha Romanorum numerabatur ab anno urbis condita.

Particularis Epochæ est, quâ utuntur Imperatores,

tores, Papa, Reges, Urbes. Nam illi numerant annos ab initio imperii, & foundationis.

Intercalatio est insertio temporis minoris in tempus majus, ad temporis rectificationem.

Est q³, vel princeps, vel minus princeps.

Princeps intercalatio est vel Bisextilis, vel Epactarum.

Intercalatio bisextilis est, qua in anno Juliano fit. Cùm enim annus constet diebus 365. & 6. horis: sex illæ horæ quarto quoque anno collectæ faciunt diem, qui inseritur Februario. Tres igitur anni vocantur communes, quartus bisextus: quia dies sextus Kal. Mart. quarto quoque anno bis erat numerandus. Germ. Schaltjar/ q. d. Schalljar/ scilicet annus, quia unus dies veluti ascendit. Münsterus. pag. 12. organi Uranici. Joban. de Sacro Busto in Computo. Origanus pag. 17. Ephem. Siuckius in prognost. an. 1582.

Intercalatio epactarum est, quando inseritur 13 mensis. Epactæ enim sunt dies 11, quibus annus Solaris superat Lunarem. Annus enim Solaris communis est 365 dierum: Lunaris autem 354. Quia enim excessus iste in immensum crescere potuisset, constitutus est terminus, ultra quem Epactæ non extenderentur. Ideò artifices statuerunt, ne numerus epactarum excederet dies 30. Hinc ergo quando ad numerum 30 dierum pervenitur, instituitur intercalatio, & fit annus embolismalis 13 lunarium mensium, Quod au-

tem ultra 30 Epactas relictum est, id reservatur, & anni sequentis Epactis adjungitur. *Origanus Eph. pag. 23.*

Intercalatio minus princeps est dierum epagomenon. Dies epagomeni dicuntur, qui in explendis deficientibus annorum spatiis apud quascunque gentes adjecti sunt.

Sequitur periodus, qua est circumvolutio aliquamulorum annorum, velut in circulum rediens.

Estq; primaria, vel secundaria.

Primaria est, cum annorum extrema revolvuntur ad idem principium, ut Solis & Luna cursus aquetur.

Estq; vel Solaris, vel Lunaris.

Periodus Solaris est respectu anni Solaris perfecti, vel imperfecti.

Respectu anni solaris perfecti seu Juliani cyclus Solaris est minor, vel major.

Cyclus Solaris minor est revolutio 28 annorum, quibus mutatio litera Dominicalis in circulum redit. Dicitur Solaris, non quod motum Solarem indicet, sed quod ejus beneficio literam Dominicam, quæ indicat diem Solis, cognoscamus.

Theoremata.

I Cyclus Solis invenitur, si annis Christi addantur 9, & productum dividatur per 9. Residuum

duum erit cyclus Solaris. Si nihil remanserit, cyclus est numerus 28.

2. Ordo literarum Dominicalium continetur hoc versu memoriali:

Filius Esto Dei Calum Bonus Accipe Gratis.

Sicut enim septem sunt dies septimanæ, ita & septem literæ Dominicales, quarum una semper attingit diem Dominicam.

3. Ratio venandi literam Dominicalem ex hac tabellâ peti potest:

1.	2.	3.	4.	5.	6.	7.	8.	9.	10.
G	E	D	C	B	G	F	E	D	B
F				A				C	
11.	12.	13.	14.	15.	16.	17.	18.	19.	20.
A	G	F	D	C	B	A	F	E	D
		E				G			
21.	22.	23.	24.	25.	26.	27.	28.		
C	A	G	F	E	G	B	A		
B				D					

4. Semper litera Dominicalis anni posterioris est, quæ in ordine præcedit Dominicalem anni prioris.

5. Quilibet annus hujus periodi initium sumit à Januario.

6. In anno communi est unica duntaxat litera Dominicalis: in bissextili duæ sunt, quarum prior à principio anni ad diem 14. usque Febr. usurpatur: altera à dicto termino ad finem usque anni se extendit.

7 Periodus literarum dominicalium gignitur, si 7. multiplicentur per 4. Sunt enim 7. literæ Dominicales.

Major cyclus Solaris est annorum 532. Vulgò vocatur Dionysianus; quia eum instituit Dionysius Exiguus Abbas Romanus, anno Christi 577. Dicitur cyclus & periodus magna, quia 19. cyclos minores complectitur. Usus ejus est idem, qui cycli minoris; nempe ostendere rationem annorum bissextorum, feriarum hebdomadalium, & festorum Christi. Ad exquisitissimum opus Scaligeri, Chronicon videl. Eusebii correctum, nominatim l. 1. canonum isagogicorum.

Periodus anni Solaris imperfecti est, vel Hebraica, vel Ægyptiaca.

Periodus Hebraeorum est revolutio 120 annorum: quâ revolutione peractâ mensem unum intercalabant, & ad principium legitimum vocabant. Hanc periodum vocabant Seculum.

Ægyptiaca est annorum 1460 aequalium: quâ nempe periodo anni Ægyptiaci primus mensis ad ortum Caniculæ revertebatur, unde & Annus Cynicus Magnus dicitur.

Periodus Lunaris est, vel in annis solaribus respectu Luna, vel respectu ipsorum annorum Lunarium.

Estq; Cyclus vel perfectus, vel imperfectus.

Cyclus

Cyclus Lunaris perfectus est, vel Arabicus, vel Græcus.

Periodus Arabica est revolutio 30 annorum Lunarium, in quâ revolutione 12 dies sunt intercalares. Hâc utuntur Arabes, ut ne noviluniorum indices antevertant ipsa novilunia. Estque valde exacta, Eam ob causam Gregorius XIII. in reformatione Calendarii, repudiato numeri aurei usu, ad novilunia & plenilunia indaganda XXX. numeros epactales adhibuit imitatione Arabum.

Cyclus Lunaris Græcorum dicitur decennovenalis, estque 19 annorum revolutio periodica, quâ lunationes, id est, novilunia, plenilunia, & quadratura ad sua redeunt principia. Novendecim enim annis caput Draconis periodum suam complet. Inventus est hic cyclus à Metone, Paulaniæ filio, unde & annus Metonicus dicitur. Veteres namque omnia referebant ad Lunam, credebantque omnium motuum Lunarium diversitatem spatio 19 annorum in suum redire circulum. Sed falsi sunt. Posteriores enim Mathematici deprehenderunt intra annos 19, lunationes anticipare integrâ horâ & 30 minut: ut si fiat hodie conjunctio Lunæ cum Sole in principio Arietis, in ipsâ meridie, post elapsos annos 19 eadem conjunctio in principio Arietis accidet sesquihorâ ante meridiem. Orig. pag. 17. Dicitur vulgò hic cyclus aureus numerus, quia

Athenienses cum aureis numeris in foro præfigebant, quod idem Romani postea fecerunt, qui aureis numeris postea novilunia indicabāt. In Ecclesiā magnus fuit hujus aurei numeri usus, quia omnes conjunctiones & oppositiones, ac omnia festa mobilia per hunc cyclum dirigebantur. Aureus iste numerus sic invenitur: Adde annis Christi unitatem, & summam divide per 19, residuum ostendet aureum numerum; si nihil restet, 19 erunt. Quod si accidat, ut quandoque accidit, ut aureus numerus non monstret novilunia, plenilunia atq; ætates Lunæ, epactæ hunc usum præstant. Epactas sic venari docet Scaliger: annos cycli lunaris multiplica per 11, & divide per 30, residuum dat epactas lunares.

Periodus anni lunaris imperfecti tantum fuit, in usu apud Græcos: fuitq; vel Tetraëteris, vel Ostaëteris.

Tetraëteris est intervallum 4 annorum Græcorum inter duas conjunctiones lunares interjectum.

Ostaëteris est intervallum octo annorum.

Secundaria periodus dicitur Indictio, quæ est spatium 15 annorum. Hanc excogitasse scribitur Augustus Cæsar anno tertio ante Christum natum, ut indicium esset subditis, quando tributa persolvenda essent. Nam sub finem primi quinquennii aurum erat afferendum Romam
ad do-

ad dominationis typum: in fine secundi indictmentum erat argentum, ad militum stipendia: in fine tertii ϵ s & ferrum ad armorum-reparationem. Unde instituerunt Romani, ut nullum privilegium, nullaque conventio scriptis mandata esset stabilis, nisi haberet annum indictmentis notatum, & hoc, ne tributorum solvendorum memoria laberetur. Incipiebat autem cyclus Indictionis mense Septembri, & quidem 24 illius mensis die, tempore Augusti, ut rectè tradit Origanus pag. 22. Et hinc probamus, Christum non Decembri, sed Septembri mense natum fuisse. Scaliger tamen contendit, initium Indictionis esse à mense Januario, & cœpisse tempore Constantini Magni, postquam dimissum est Concilium Nicænum, anno Christi 328. Cæterum indictio sic invenitur: annis Christi adde 3. & productum divide per 15: residuum est annus cycli indictmentis: si verò nihil remanet, agitur annus ultimus cycli, nempe 15.

Hæc est delineatio *Computi Ecclesiastici*, ut vocarunt primitus, non quòd totus computus sit Ecclesiasticus, sed quia bona illius pars pertinet ad Ecclesiam. Secutus hîc sum præstantissimos artifices, *Joseph. Scalig. in lib. de emend. temp. & in Chronic. Euseb. Origanum, item & Keckermannum*: quibus adde *Chronicon Beroaldi, Henischium in Proclum, Chronologiam Wolphii, Casmanni Astrologiam*, & alios innumeros,



URANOSCOPIÆ

LIBER QUARTUS,

Qui dicitur

ASTROLOGIA.

Absoluta est *Astronomia* tribus libris: restat *Astrologia*, quam hoc quarto expeditè trademus. Keckermannus noster *Astrologiam* facit peculiarem disciplinam, sed quâ ratione cogente ductus, non video.

Astrologia est pars *Uranoscopia*, explicans rationem res futuras ex astris præcognoscendi, quatenus astra à Deo sunt condita & posita signa rerum humanarum. Dicitur aliàs ἀστρολογία, ἡ ἐγὼ γινώσκω δι' ἀστρολογίας, & *astrologia* judiciaria, quæ apud plerosque malè audit. Sed superstitionem illam & planè impiam nos hoc in loco non intelligimus hoc *Astrologia* nomine; verùm sobriam & moderatam, ut explicat *Peucerus* in *comment. de divin. gen.* Cæterùm discrimen inter *Astronomiam* & *Astrologiam* notum est.

Astrologia judiciaria est vel *Apodictica*, vel *Contingens*.

Apodictica, aliàs certa, est, quæ rem unam atq; eandem suâ naturâ citra aliquam ambiguitatem prædicat. Hæc prognosi Mathematici nostri sine ullo errore prædicunt *Eclipses* futuras.

Contin-

Contingens, aliàs incerta & verisimilis, Astrologia est, qua contingenter, verisimili quâdam conjecturâ indicat rem futuram.

Estq, communis, vel propria.

Communis est vel Observatrix, vel Thematica.

Observatrix est, qua colligit canones de harum vel illarum stellarum influentiis: unde & Canonica dicitur.

Thematica est, qua docet erigere figuram, sive schema cali.

In erectione schematis duo consideranda sunt, ordo domiciliorum, & inscriptio.

Inscriptio varia est; cum primis tamen tres illius modi laudantur: quorum primus fit juxta præscriptum Johannis Regiomontani; secundus juxta Campanum & Gazulum, de quo utroque Cl. Metius tom. i. instit. Astron. c. 10: tertius fit in Astrolabio, de quo Johan. Krabb. in suo Astrolabio.

Astrologia propria, aliàs critica, est vel Catholica, vel Genethliaca.

Catholica est, qua prædicit eventus universales, pertinentes ad totas provincias sive gentes; cujusmodi sunt bella, fames, pluvix, siccitates.

Hac format, prognostica, vel idiomatica, vel symptomatica.

Idiomatica sunt, qua prædicunt horum vel illorum incolarum studia & mores in communi.


M

Symptomata sunt, qua prædicunt accidentia insignia; ut morbos, sterilitatem, & similia.

Genethliaca Astrologia est, qua prædicat hominis temperamentum, & similia. In hac per sæpe peccatur à multis gravissimè. Sicque breviter adumbravi methodum Astrologiæ, cujus peculiaria præcepta occurrunt apud Origanum, & alios scriptores. Non debui illa minutatim persequi in hoc compendio. Si enim id fecissem, quartus hic Uranoscopiæ liber antecedentes tres suâ mole superasset. Paucis itaque hisce methodum Uranoscopiæ proposuimus, quam hanc synopsin ob oculos ponimus:

SYNO-

SYNOPSIS URANOSCOPIÆ.



FINIS URANOSCOPIÆ.

Sympt
in signia;

Genet
minis te
sæpe pec
viter ad
peculiar
& alios
persequi
quartus
tres
hi:



ADMIRANDORUM
MATHEMAT-
CORUM
LIBER SEXTUS,

Proponens

Geographiam quatuor libris meth-
odicè expositam.



LIBER PRIMUS
GEOGRAPHIÆ,
In quo
GEOGRAPHIÆ GENERALIS PARS
PRIMA SEU ABSOLUTA.

Cap. I. Geographiæ definitio
& divisio.

EXposita est Uranoscopia; sequitur Geogra-
phia, qua est scientia de mensurâ sphaera ter-
restris.

M 2

Sphæra terrestris est, vel archetypa, vel ectypa. Illam Geographiæ pars primaria, hanc secundaria explicat.

Sphæra terrestris archetypa est globus ex aquâ & terrâ constans.

Physicus de terrâ & aquâ distinctim tractat, tanquam de duobus diversis elementis. Geographus conjunctim duo ista corpora considerat, velut unam mundi partem sphæræ cælesti oppositam. Quum enim terræ pars alia extra aquas elata emineat, alia infra aquas depressa latitet, terra non potest unum globum perfectè constituere sine aquâ. Quid? Globus terrenus est centrum mundi, ex quo omnes lineæ versus circumferentiam cæli ductæ sunt æquales. Non posset autem esse centrum, si sola terra consideraretur, propter inæqualem partium situm, quarum alix extra aquas, alix infra aquas sunt. Neque hoc modo jus suum detrahitur *Nautica*, quam dicunt *Hydrographiam*: quia illa distinctè de mari docet, illudque certis plagis & lineis distinguit. *Dn. Timplexus* hanc doctrinam facit partem Physicæ. Sed tenendum, Geographiam non tractare de globo terreno, quoad qualitates & virtutes naturales, sed tantum quoad quantitates, dimensiones & intervalla: *Keck. l. 1. Syst. Geogr. c. 2.* Cæterum sicut sphæra cælestis alia fuit archetypa, alia ectypa: ita & terrestris. Illam vocant *globum realem*, hanc, *representativum*.

Illum

Illum tribus libris explicare fert animus, hunc quarto & ultimo reservare:

Sphæra terrestris archetypa consideratur vel in genere, vel in specie.

Hinc Geographia quam diximus primariam, partes principales duas sunt, una generalis, altera specialis: Hæc Geographiæ primariæ definitio est acroamatica, quia sumpta ex subjecto proprio & adæquato. Illa $\alpha\gamma\tau\ \iota\zeta\alpha\chi\eta\upsilon$ dicitur Geographia, hæc Chorographia. Ptolem. l. 1. Geograph. c. 1. Sicq; artifices distinguunt tabulas siue mapas, in generales & speciales, seu universales & particulares:

Generalis, seu universalis, Geographia pars generalem globi terreni distinctionem proponit.

Estq; iterum, vel absoluta, vel comparata. Illa est prima, hæc secunda.

Absoluta est, qua simpliciter distinctionem globi terreni expendit.

Estq; de globi terreni affectionibus, & distinctione generali absolutâ.

Cap. 2. Geographiæ mensuræ.

Affectiones globi terreni sunt vel prima, vel secunda classis.

Affectiones primæ classis sunt Magnitudo, & Figura.

Magnitudo consideratur hinc ratione dimensionis, cuius occurrunt, tum mensura seu instrumenta, tum species.

Mensura, seu Instrumenta dimensionis Geographica sunt Milliaria, & Gradus. Hinc enim non est agendum de pede, de stadio, de grano &c. de quibus tractavimus supra in Geometricis.

Milliare est vel propriè, vel impropriè dictum.

Milliare propriè dictum est mensura terra, habens 1000 passus: unde etiam dictum est. Continet igitur 8 stadia. Dicitur vulgò Italicum.

Milliare impropriè dictum, est vel Leuca, vel Milliare Germanicum.

Leuca est, vel vetus, vel nova, vel communis.

Leuca vetus habet 12 stadia: id est, milliare propriè dictum cum dimidio.

Leuca nova habet 16 stadia: i.e. milliaria propriè dicta duo. Vulgò vocant milliare Gallicum.

Leuca communis habet 24 stadia: i.e. tria milliaria Italica.

Milliare Germanicum, est commune, mediocre, vel grande.

Commune habet stadia 32, 4000 passus, Italica 4.

Mediocre habet 350 passus.

Grande, quod & Suevicum, Helveticum & Scandicum dicitur, habet quinq; millia passuum.

His

His addunt leucas Anglicanas & Hispanicas.
Memoriæ causâ notentur hi versus:

Quattuor ex granis digitus componitur unus.

*Est quater in palmo digitus, quater in pede
palmus.*

*Quinq; pedes passum faciunt, passus quoque
centum*

Viginti quinq; & stadium dant, sed miliare

Octo facit stadia, duplatum dat tibi leuca.

*Gradus est mensura, quam Geographi petunt
à calo, & accommodant ad sua milliaria, hoc
modo:*

Milliaria Germanica communia 15: medio-
cria 12: grandia 10, uni gradui respondent.

Milliaria Gallica communia 25: magna 20:
uni gradui conveniunt.

Milliaria Italica 60, uno gradu continen-
tur.

Milliaria Anglicana totidem, vel ut nonnul-
li volunt, 50.

Leucæ Anglicanæ 20: Hispanicæ $17\frac{1}{2}$ gra-
dum unum efficiunt.

Leucæ horariæ seu horæ itineris 20, unum
grad. efficiunt. *Gerhardus Mercator in Atlante
minori. Keckerm. l. 1. Geogr. c. 4.*

Cap.3. Ambitus globi terreni.

Fuerunt mensura magnitudinis, sequuntur species, secundum quas magnitudo est, vel simplex, vel composita.

Magnitudo globi terreni simplex est vel perimenter, vel diameter.

Perimeter est linea circularis superficiei globi terreni circumquaque obversa: Græcis περιμετρα, Latinis ambitus, & circumferentia dicitur. Ambitus terra est mill. Germ. 5400. Hoc sic probatur. 1. Circa globum terrenum ducatur maximus circulus. 2. Circulus continet gradus 360. 3. Unus circuli gradus continet 500 stadia. 4. Stadia 32. constituunt milliare Germ. commune. Et sic uni gradui respondent 15 mill.

Germ. cum $\frac{5}{8}$: quod ex divisione 500 stadiorum in 32. patet. Et verò experientia testatur his in locis, quæ 15. milliaribus versus ortum, vel occasum in globo terreno à se invicem distant, tantam accidere in dierum & nocturnum quantitate mutationem, quanta uni gradui in cælo respondet. His præmissis, multiplica 360 per 15, & producentur mill. 5400, quæ indicant quantitatem perimetri globi terreni. Si itaque tabularius quotidie conficiat mill. Germ. 4: poterit spatio 3. annorum & 260 dierum circumire totum

tum globum terrenum, pedestri itinere, si non obstarent aquæ. Divide enim 5400 per 4. & provenient dies 1350; qui divisi per 365 dant 3. annos, & dies 255. Veteres hæc de re non unam habuerunt sententiam, ut explicant *Conimbr. l. 2. de cal. c. 44. q. 1. artic. 1. Ponceus de dimens. terra. Lucas Gauricus in Geographiâ. Alium modum investigandi ambitum terræ tradit Metius Instit. Astron. l. 4. c. 1.*

Cap. 4. Diameter terreni globi.

Diameter terra est linea recta à summâ ejus parte per centrum usque ad imum extensa: aliâs dicitur crassities terræ, item profunditas.

Estq; mill. Germanicorum 1718 $\frac{2}{11}$ Hoc sic probatur: Diameter tertiam circuli partem, & tertiæ paulò minùs septimam comprehendit. *Archimed. de dimensione circuli, c. 3.* Pro septimâ illâ, cui patum deest, sumatur septima integra, quasi diameter tertiam circuli partem & tertiæ partem septimam capiat. Ideoq; quàm proxima proportio perimetri ad diametrum est tripla sesquiseptima, quemadmodum 22. se habent ad 7: ita ut si circumferentia alicujus circuli facta sit in 22. partes æquales, diameter ejus con-

M 5

tineat ejusmodi partes ferè 7. Quare cognita terræ circumferentiâ, diametrum ejus sic eliciemus: circulus 22. mil. continet diametrum 7. mil.

Ergo circulus 5400 mill. habebit diam. $1718\frac{2}{11}$ mill. Hæc de re sunt hi versus memoriales:

Circuitus circi per septem multiplicetur:

Per duo viginti productum deinde secato.

Hinc numerus, Quotiens qui dicitur, est diameter.

Alii sic eliciunt: Circumferentia dividatur per $3\frac{1}{7}$, quæ est proportio diametri ad peripheriam, & quotiens dabit diametrum.

Cap. 5. Area globi terreni.

Composita globi terreni magnitudo est superficies, & soliditas.

Superficies est, vel plana, vel convexa.

Superficies plana est area perimetro inclusa. Ea continet mill. Germ. 2319545: h. e. vices tercentena millia, novendecim millia, quingenta, quadraginta quinque. Hoc sic probatur: Plana superficies, seu area circuli ambitus lineâ inclusa, secundum Archimedem ad quadratum suæ diametri habet eam rationem, quæ est 11 ad 14. Et rursus quadratum ad diametri lineam descriptum,

ptum, ita se habet ad circuli aream, veluti 14 ad 11. Quapropter diametri terræ, quæ est mill.

$1718\frac{2}{11}$, quadratum est 2952148, i. e. vicies novies centena millia, quinquaginta duo millia, centum quadraginta octo. Jam sicut se habent 14 ad 11, ita circuli quadratum, nempe, 2952148, se habet ad ejusdem circuli aream. Multiplicetur igitur quadratum illud diametri per 11. Factus erit 3247628: qui divisus per 14, dat 2319548, quæ indicant aream.

Cap. 6. Superficies convexa globi terreni.

Superficies convexa est, quæ totus globus terrenus constat.

Estque mill. Germ. 9277200, i. e. nonagies bis centenarum septuaginta septem millium & ducentorum. Hoc sic probatur: Diameter terræ jam inventa multiplicetur in ambitum terræ: diameter 1718 ambitus 5400: procreabitur dicta superficies convexa.

Omissimus in diametro fractionem $\frac{2}{11}$. Alii statuunt superficiem convexam globi terreni continere milliarum Germ. 9278180, h. e. nonagies bis centena septuaginta octo millia

centum & octoginta. Hoc probant ita: Superficies globi quadrupla est area maximi circuli sphaeræ ejusdem. *Archimedes. l. 1. de sphaer. theor. 31.* Multiplicetur igitur diameter inventa per 4. & factus erit 9278180, quæ indicabunt amplitudinem superficiei globi terreni.

Cap. 7. Soliditas globi terreni.

Soliditas est tota terreni globi moles, tria dimensione constans.

Eaque continet mill. Germ. 2656933936, h. e. vices sexies millies centena millia, quingenties sexagies novies centena millia, triginta tria millia, nongenta triginta sex. Hoc sic probatur: Corpus cubicum constat sex superficiebus planis. Itaque superficies globi terreni multiplicetur per diametri partem sextam, factus ex multiplicatione indicat quantitatem soliditatis, seu totius molis globi terreni. Continet autem superficies terræ milliaria 92781800. Hæc multiplicentur per sextam diametri partem, nempe 286 cum $\frac{4}{11}$ proveniunt milliaria Germanica 2656933936, quæ indicant soliditatem terræ. Alii tradunt soliditatem terræ continere mill. Germ. 2656371600. Hoc sic probant. Semidiameter terræ, videl. 859, multiplicetur in tertiam partem convexæ

convexæ superfici ei ejusdem, videl. 3092400: & proveniet modò indicata terræ soliditas.

Cap.8. Rotunditas globi terreni.

Fuit magnitudo globi terreni, sequitur figura,
qua est ipsa rotunditas.

Rotunditas terræ variis argumentis probari potest, cum primis autem duobus. 1. In eclipsi Lunari umbra terræ est tornatilis sive circularis ex parte quâ globus terrenus à Sole est averfus. Talis autem umbra non provenit, nisi à corpore rotundo. 2. Si terra esset plana, esset vel trigona, vel tetragona, & sic deinceps. Contrarium verò testantur ortus & occasus stellarum, & eclipses quæ uno in loco citius, quàm in altero videntur. Montes altissimos quòd attinet, illi nullam habent proportionem ad totum globum terrenum. Rotunditati igitur illius non officiant, etsi superficiem ejus inæqualem & asperam reddunt. Hoc probatur ex eo: quia in Eclipsi Lunari umbra terræ sic in Lunâ repræsentatur, ut nihil in eâ, quod tumidum sit, ullo modo

appareat, *Motius l.1. inst. Astr. c.1. hy-*

poth. 4. Witkindus spher.

p.93. Keck. l.1. Geo-

graph. c.2.

Cap. 9. Situs globi terreni.

Sequuntur affectiones secunda classis, situs & immobilitas.

Situs globi terreni est, quòd in medio mundi loco sit collocatus, tanquam centrum.

Variis argumentis hoc astrui potest, terram in medio mundi loco esse sitam. Nos unico erimus contenti. Terra est centrum universi. Est igitur medio loco. Consequentia patet: quia hoc est de essentia centri. Antecedens probatur hunc in modum: Triplex est centrum. 1. *Centrum universi*, quod est medium illud punctum à quo omnes lineæ ductæ ad circumferentiam primi cæli sunt æquales. 2. *Centrum gravitatis*, seu *ponderis*, quod est medium punctum lineæ rectæ dividētis corpus aliquod in partes æquæ graves. 3. *Centrum magnitudinis*, quod est punctum medium lineæ rectæ dividētis corpus aliquod in duas partes æquales: ut si conficias globum partim è plumbo, partim è cerâ, centrum magnitudinis erit exactè in medio ipsius globi, at centrum gravitatis erit extra medium, in parte videl. graviore. Videndum itaque, qualem centrum sit globus terrenus. Hæc de re nos ita sentimus: 1. Globus terræ & aquæ consideratur vel absolutè, vel comparatè. Si absolutè consideretur, non est centrum, sed corpus longum,

longum, latum & profundum. 2. Si globus terræ est corpus trinâ constans dimensione, habet centrum. 3. Hoc terræ centrum est duplex, magnitudinis, & gravitatis. 4. Centrum magnitudinis est unum idemque in terrâ & aquâ. Nam terra & aqua constituunt unum globum. 5. Centrum gravitatis, sive ponderis non est unum & idem. Aut enim plus est aquæ, aut terræ. Et rursum, aut aqua major est, aut terra, aut terra æquæ est æqualis. Quidquid horum dicas, globus terrenus semper se habebit, ut globus ex ligno & plumbo confectus. Duo itaque centra gravitatis erunt. 5. Globus terræ comparatè consideratus refertur ad cælum. Et sic habet rationem centri. Centrum intellige non Geometricè, sed Opticè. Centrum enim Geometricè consideratum est indivisibile. Opticè verò fieri potest, ut corpus quoddam, quamvis maximum, tam longè à nobis remotum sit, ut instar puncti appareat. Terra enim à terrâ ad firmamentum usque deprehenditur distantia, ut à terrâ ad firmamentum sint terræ semidiametri $22612\frac{1}{2}$, ut computat Alphraganus, & cum eo alii. Unde per 18, prop. 1. 12. Euclid. totus mundus intra concavum firmamenti contentus, habebit ad globum terrenum huiusmodi proportionem, qualem habent $11562340095703\frac{1}{8}$ ad unitatē: sic ut minima

stellarum fixarum visu notabilium, major habeatur totâ terrâ. Si igitur terra centrum est, utique medio loco est.

Cap. 10. Immobilitas globi terreni.

Immobilitas globi terreni est, secundum quam manet immota: Græcis ἀκίνητος. Hoc probatur è Job. 26. v. 7. Psal. 24. v. 2. Psal. 104. v. 4: ubi Deus dicitur fundasse terram. Deinde terra est centrum, cujus natura est, esse ἀκίνητος. Copernicus, admirandæ eruditionis in Mathematicis, sex hasce hypotheses defendit:

1. Solem esse centrum mundi universale, in medio positum: etiam terra.

2. Terram solummodo esse centrum orbis Luna.

3. Solem esse immobilem.

4. Terram in aëre, non minùs ac planetam in orbe suo, mobilem esse.

5. Spharam octavam immobilem esse.

6. Planetas & terram certis moveri motibus.

Copernico subscribit hodie maximi nominis Astronomus hâc in parte, cujus nomini parco. Sed hæc sententia pugnat è diametro cum S. S. literis, & verò convellit fundamenta Astronomiæ & Geographiæ.

Cap. 11.

Cap. II. Distinctio globi terreni per circulos.

Fuerunt affectiones globi terreni, sequitur distinctio generalis absoluta; eaq; tum prima, tum orta.

Prima est, qua fit per circulos, globum terrenum sine aliquâ collatione diuidentes.

Circuli terrestres sunt, linea rotunda in globi terreni superficie secundum longitudinem concepta. Hi circuli cælestibus $\alpha\beta\gamma\delta$ Obliquis, i. e. directè, respondent, iisque ita directè subjiuntur, ac si cum iis iidem forent. Itaque Æquatorem terrestrem oportet concipere sub Æquatore cælesti, Meridianum terrestrem sub Meridiano terrestri, atq; ita deinceps.

Suntq; alii majores, alii minores.

Majores sunt, qui globum terrenum in duo aequalia spatia dispescunt.

Suntq; vel principales, vel minùs principales.

Circuli principales sunt, vel immutabiles, vel mutabiles.

Circulus immutabilis est unus, videl. æquinoctialis, seu aquator, qui globum terrenum ambit in medio inter duos polos: Germ. die mittellint/ item $\alpha\beta\gamma\delta$ $\epsilon\zeta\eta\theta$, die lini.

Ejus considerabimus situm, & usum.

Situs hic est: Transit per mediam fermè Afri-

cam, Libyam interiorem seu Æthiopiam, Americam, Taprobanam insulam, & Oceanum.

Ufus est: 1. Dividere globum terrenum secundum longitudinem in partem meridionalem & septentrionalem. Populi igitur, qui sub æquinoctiali habitant, in medio mundi habitare dicuntur; quia non declinant versus Sept. vel Merid. 2. Monstrare cardines orientis & occidentis. Ibi enim verissimus est oriens & occidentis, ubi est æquinoctialis.

Circulus mutabilis, seu variabilis, est, qui diversus est hoc vel illo in loco.

Est q, tùm Meridianus, tùm Horizon.

Meridianus, circulus major globi terreni per meridiem ad Septentrionem cujusq, loci ductus: cujus extremitates dicuntur poli. Linea autem à polo ad polum ducta est axis sive diameter terræ.

Ejus occurrit tùm situs, tùm usus.

Situs talis est: Tot sunt meridiani in terrâ, quot sunt differentiz verticalium punctorum, ita ut uno milliari peragrato ab ortu versus occasum, vel contra, aliud existat punctum verticale à priori diversum & quatuor disjunctum ab eo minutis, atque adeo alius meridianus. Ne tamen numerus meridianorum nimis excreceret, Geographi constituerunt 180, eosque globo terrestri ita inscribunt, ut per singulos gradus unius semicirculi æquatoris, itemque per gradus

gradus oppositos ejusdem, meridiani diverſi ducantur, & in polis mundi ſeſe interſequent. Soleo vocare *Vicameridianos*.

Uſus ejus eſt: 1. Numerare in eo locorum latitudinem, & poli elevationem. 2. Inſervire numerationi longitudinis locorum. Veteres enim primum meridianum duxerunt per Inſulas Fortunatas, quæ hodiè dicuntur Canariæ, quæque ſitæ ſunt in Oceano Occidentali ſeu Atlantico intra Æquatorem & Tropicum Cancræ. Ab hoc igitur meridiano Inſularum Fortunatarum procedunt numerando, verſus ortum, per Europam & Africam, indeq; per Aſiam ad extremam uſque Indiam, donec redeant ad primum illum. Si quis igitur v. g. ex Hiſpaniâ in Belgium, è Belgio in Dantiâ, è Dantiâ in Boruſſiam proficiſcatur, ſemper novos acquirat meridianos à meridiano Canarienſi diſtantes certo intervallo graduum, quod intervallum vocatur *longitudo terra:* ut ſi dicas, longitudo hujus loci eſt 39 graduum, hoc vis, tanto intervallo diſtat hic locus à primo meridiano Inſularum Fortunatarum. Primus hic meridianus in globo inſigniter pingitur, reliqui ſimpliciter obſcuris lineolis. Sciendum hîc, recentiores Geographos, accuratiores nempe illos, primum Meridianum ulterius conſtituere in inſulâ S. Michaëlis, quæ eſt una Inſularum Acorenſium, ita ut primus iſte recentiorum Geographorum Meridianus à pri-

mo Meridiano Ptolemæi distet 9 gradibus ulterius versus Oceanum. Tempore enim Ptolemæi Insulæ Canariæ credebantur esse finis mundi. Quum verò hodie America ultra illas insulas detecta sunt, novi meridiani possunt ultra eas constitui. Nihilominus tamen communiter in numerandis longitudinibus Geographi retinent primum Ptolemæi terminum.

Horizon est circulus major terminans visum.

Estq; rationalis, unicus nempe, qui transire intelligitur per mundi centrum: *vel sensibilis*, qui in superficie rotundâ terræ visu determinatâ describitur; estque multiplex pro varietate locorum.

Ejus occurrunt poli, semidiameter, & usus.

Poli ejus sunt punctum verticale, & pedale. Hinc dicunt ea stare ad angulos horizontis, quæ perpendiculariter sunt erecta.

Semidiameter ejus in planitie continet 180 stadia, i. e. 4. mill. Germ. & interdum 5.

Usus ejus est: 1. Monstrare initium & finem dici. 2. Designare ortum & occasum stellarum. 3. Monstrare dies longiores & breviores. 4. Punctum verticale cujusq; loci indicare.

Circulus major minus principalis est Zodiacus, qui in nonnullis globis & mappis pingitur, ut sciri possit, sub quo signo cælesti gentes in terrâ habitent.

*Circuli minores sequuntur, qui ab æquatore
aqui-*

*aquidistant, & globum terrenum in partes in-
quales dispescunt: unde dicuntur aquidistantes, &
paralleli, quia nusquam se intersecant etiam
producti in infinitum, ut meridiani, qui concur-
runt in polis mundi. Ego soleo vocare Vice-
aquatores: quia globum dispescunt in partes,
non quidem æquales, ut æquator, sed in inæ-
quales. Usus horum parallelorum est 1. Distin-
guere zonas, climata, regionum latitudinem,
& elevationem poli. 2. Designare longitudi-
nem & brevitatem diei in quâcunque mundi
parte.*

*Circulus minor, seu parallelus, est vel innomi-
natus, vel nominatus.*

*Parallelus innominatus est, qui lineâ nigellâ
unicâ pingitur. Possunt tot paralleli constitui,
quot meridiani, videl. 180, ita ut ducantur sin-
guli per singulos semicirculi meridiani gradus.
Sed non semper tam multi pinguntur, ut ne
confusio oriatur. Ideò Ptolemæus utrinque ab
æquatore versus meridiem & septentrionem
parallelus hujusmodi intercapedine distinxit, ut
ubi dies per quartam horæ partem crescit, vel
decrescit, novus parallelus ponatur, ita ut dies
longissimus unius paralleli superet diem alte-
rius paralleli quartâ horæ parte. Hodie autem
in plectisque mappis & globis ad distantiam X.
graduum ponuntur: ita ut illi sint minores, qui
polis mundi sunt viciniore, illi majores, qui vi-*

ciniores sunt *Æquatori*. Paralleli itaque sunt circuli minores, *Æquatori* correspondentes, & illius, ut ego voco, *vicarii*.

Parallelus nominatus est qui vel duabus lineolis nigellis, vel rubellâ crassiore pingitur. Ejus usus præcipuus est, distinguere zonas.

Estq, vel Tropicus, vel Polaris.

Tropicus est, qui ab Æquatore distat gradibus 23.

Estq, vel Septentrionalis, vel Meridionalis.

Tropicus Septentrionalis est, ad quem Sol perveniens facit diem longissimum: vulgò tropicus Cancræ. Hic ab æquatore versus Septentrionem vergit, & transit per Asiam Magnam, Sinarum regionem, Cubum insulam, Getuliam, & Atlantem montem Mauritaniz, mare rubrum, seu sinum Arabicum, Arabiam & Indiam utramq;.

Tropicus Meridionalis, aliàs Capricorni, est, ad quem Sol perveniens facit diem brevissimum. Hic ab æquatore versus meridiem vergit, transitq; per Oceanum Indicum seu Meridionalem, Brasiliam regionem Americæ australem, & extremam Africæ oram meridionalem.

Parallelus polaris est, qui respondet polari celesti transeunti per polos Ecliptica, sive Zodiaci.

Estq, Arcticus, vel Antarcticus.

Arcticus est, qui vergit versus polum Septentrionalem: unde & Septentrionalis dicitur, item Urfalis.

Ursalis. Transit per insulæ Islandiæ oram, Meridionalem Norwegiam, Finlandiam, vicinasque insulas Septentrionales.

Antarcticum, q. d. *Contraursalis*, est, qui versus polum meridionalem vergit; unde & meridionalis dicitur. Regionem psittacorum attingit, & reliquas terras pertransit, nondum satis cognitæ.

Cap. 12. Zonæ.

Fuit distinctio globi terreni prima per circulos simpliciter spectatos: sequitur distinctio orta, qua fit per eosdem circulos ad se invicem collatos, atque adeo per circulorum interjecta spatia.

Estque vel per Zonas, vel per Climata hac globi terreni distinctio.

Zona est spatium globi terreni secundum latitudinem duobus parallelis, vel parallelo & polo mundi inclusum. Zona significat Cingulum: quia spatia ista globum cingunt undique instar latiorum cingulorum. De Zonis vulgo docetur in Astronomiâ, & Zonæ dicuntur aliæ cælestes, aliæ terrestres. Sanè pueriliter. Zonæ enim sunt duntaxat terrestres.

Zona est vel intemperata, vel temperata.

Zona intemperata est, qua modum excedit secundum qualitatem primam tactilem.

Estq; vel intemperatè calida, vel intemperatè frigida.

Intemperatè calida, aliàs torrida, & media est, qua sub Æquatore & Eclipticâ duobus tropicis includitur: ita ut medium ejus sit duplex, videl. Æquator & Ecliptica, & extrema itidem duo, Tropicus Canceri & Capricorni. Unde fit ut Sol radios suos perpendiculariter in hanc Zonam spargat. Ita tamen est torrida, ut multis in locis jucundissimè inhabitetur, ut in Taprobanâ, in Javan, & cæteris, ut navigationes testantur. Vide Joseph. à Costâ. l. 2. de naturâ novi Orbis, Leerium, Jovium, & alios. Veteres autem, ut Plinius & Ptolemæus, tradiderunt, eam esse inhabitatam, forsân ideò, quia respectu Solis ad eò videtur torrida, ut sit inhabitabilis. Sed causæ particulares, varii nempe vapores, venti creberrimi, aquæ copia, & alia, effectum causæ universalis aliter disponunt.

In eâ consideramus latitudinem, loca contenta, & proprietates incolarum.

Latitudo, seu amplitudo hujus Zonæ tanta est, quanta est distantia tropicorum utrinque ab Æquatore, nempe graduum 23 cum semisse, qui collecti constituunt gradus 47. mill. German. 705.

Loca sub hâc Zonâ contenta sunt; major Africæ pars, & præsertim ea, quam vocant Mediterraneam, cui præest princeps gentilitii nominis,

minis, *Prestegani*, quòd Persicâ linguâ significat *Apostolicum*, & *Regem Christianum*. Nam **Ἰησοῦν** *Prestegan* Persicè, numero plurali **Ἰησοῦν**: gentilitium est **Ἰησοῦν** *Prestegani*, id est, **Ἰησοῦν**. *Scal. de emend. temp.* Vulgus German. corruptè detorquet nomen, & vocat *Priester Johans land*. Item multæ insulæ Oceani, ut *Javan*, *Taprobana*, sive *Samatra*, & aliæ complures, ut in globo videre est.

Proprietates incolarum in hâc zonâ sunt:
1. Habere sphaeram rectam. 2. Zenith habere sub æquinoctiali. 3. Perpetuum habere æquinoctium. 4. Quatuor habere solstitia. 5. Duas habere æstates quotannis, & duas hyemes, geminum item ver & autumnum. De quibus infra plenius.

Intemperatè frigida est, qua inter alterutrum polarem circum & polum mundi sita est.

Estq, vel Septentrionalis, vel Meridionalis.

Frigida Septentrionalis est, qua inter polum & circum polarem Septentrionalem sita est.

In eâ consideramus magnitudinem, loca contenta, & proprietates.

Magnitudo ejus est graduum 23 cum semisse, sive mill. Germ. $352\frac{1}{2}$.

Loca contenta sunt Grünlandia, Finmarchia, & aliæ regiones. Quamvis enim si absolutè spe-

N

tes, inhabitabilis videri possit, propter intensum frigus (habent enim qui ibi habitant, diem 4. 5. & amplius mensium, ita ut illis Sol tempore æstatis nunquam occidat) tamen ob causas particulares inhabitari potest. Causæ illæ particulares sunt vel naturales, ut firma complexio corporis, vel artificiales, ut pelles, quibus se muniant, & alia. *Proprietates* hujus zonæ infrà occurrunt.

Frigida meridionalis est spatium terra inclusum polari antarctico & polo antarctico,

In eâ occurrunt magnitudo, quæ eadem est cum oppositâ Septentrionali; loca contenta, quæ hodie necdum sunt cognita, unde & in globo vacuum hîc videmus spatium; & proprietates, de quibus infrà.

Zona temperata est, quæ neq; nimis est calida, neq; nimis frigida.

Eaq; vel Septentrionalis est, vel Meridionalis. Hæ duæ zonæ dicuntur temperatæ tres ob causas: 1. Quia radii solares hîc sunt obliqui. 2. Quia calorem à zonâ mediâ, frigus à zonis extremis velat temperamento quodam mutantur. Unde partes viciniores zonæ mediæ seu torridæ, vehementiùs calent, ut Hispania & Italia; viciniores autem zonis extremis vehementiùs frigent, ut Livonia, Borussia, & Suecia. 3. Quia in his zonis temperata sunt intervalla hyemis & æstatis.

Septen-

Septentrionalis est, quæ ab Æquatore in Septentrionem vergit, inclusa Tropico Cancræ, & Polari arctico.

In eâ notamus tria, ut in reliquis: 1. Latitudinem, quæ est grad. 43. quanta nempe est distantia Tropici Cancræ à circulo arctico: qui gradus multiplicati per 15, efficiunt mill. Germ. 645. 2. Loca contenta, quæ sunt, anterior Africæ pars, quæ versus nos spectat usq; ad Atlantem montem, item Europa universa, usque ad insulas arcticas, & denique magna Asiæ pars. 3. Proprietates, quas vide lib. 2. sparsim.

Meridionalis zona temperata est, quæ ab Æquatore declinat versus meridiem, quæq; includitur Tropico Capricorni & Polari antarctico.

In eâ notamus tria: 1. Magnitudinem, quæ est eadem cum zonâ Septentrionali temperatâ. 2. Loca contenta, quæ neque sunt exulta, neque peruestigata. Est autem sub hac zonâ Java major, suntque multa maria. 3. Proprietates, quas spargemus per lib. 2.

Cap. 13. Climata.

Fuit distinctio globi terreni per zonas, sequitur distinctio per climata,

Clima est spatium terra comprehensum inter duos parallelos versus eundem polum ab Æquatore distantes.

Climatum considerabimus proprietates, & distinctionem.

Proprietates climatum hæ sunt.

I. *Climata faciunt ad deprehendendam varietatem in quantitate dierum, inq; ortu & occasu stellarum.* Nam loca sub eodem climate habente eandem dierum & noctium quantitatem, eosdem siderum ortus & occasus; loca verò sub diversis climatibus, diversa habent dierum & noctium intervalla, & diversos siderum ortus & occasus. Sicut igitur zonæ faciunt ad distinguenda diversa globi terreni intervalla, atque adeò diversos terræ habitatores: ita climata servant distinctioni temporis. Quoties enim longissimus dies unius loci à longissimo die alterius loci semisse horæ, i.e. dimidiâ horâ differt, aliud clima constituitur.

II. *Æquator est medium mundi, ita ut sub eo dies semper sint æquales, videl. 12 horarum.* Unde ab æquinoctiali incipiendo, si versus polorum alterum progrediaris, donec dies artificialis maximus sit 12 horarum cum dodrante, i.e. 45 minutis, scias jam te ad primum pervenisse clima, ut veteres computarunt; ad secundum verò, si dies longissimus sit 13 hor. 15 min. ad tertium si 13 hor. 45 min. & sic deinceps, ut semper dies maximus unius climatis superet alterius diem, itidem maximum, semihoræ spatio, id est, 30 minutis seu scrupulis primis horariis. Hinc patet, sub

sub Æquatore nullum esse posse clima. Quamprimum autem ventum est ad tertium parallelum ab Æquatore, tunc jam primum oritur clima, sexto parallelo ab Æquatore secundum, & sic deinceps. Ex his poteris venari elevationem poli cujusque loci, propè exactam. Sic enim sub Æquatore habitantes nullam habent elevationem poli, ubi dies est hor. 12. Ubi verò dies est hor. $12\frac{1}{2}$, elevatio poli est 8 gr. 34 min. ubi dies est hor. 13. 45 min. elevatio poli est 20 gr. 33 min. & sic in horis ad 24, in gradibus ad 90 usque ascendendo.

III. In quolibet climate sunt paralleli tres, quorum duo extremi, primus nempe & tertius, comprehendunt & terminant quodlibet clima. secundus autem per climatis medium transit, unde parallelorum ad climatium ratio est dupla. Climata enim ab invicem semihoris distant, paralleli autem quadrantibus horæ distinguuntur. Cæterum iste parallelus, qui est finis alicujus climatis, is idem est initium sequentis climatis. e. g. primum clima numero sic: Æquator, secundus, tertius parallelus: alterum clima numero sic, 3. 4. 5. parallelus. Quorum itaque clima aliquod fuerit ab Æquatore, tot dimidiis horis longissimus ejus climatis dies superat diem æquinoctialem, qui semper est horarum 12.

IV. Spatia parallelis inclusa sunt inaequalia.

N 3

Quò enim climata sunt viciniora Æquatori, tanquam medio mundi, eò sunt majora. Cæterum Ptolemæus sic tradidit parallelos, ut 38. numeraret utrinque ab Æquatore, nempe 38. versus Meridiem, & totidem versus Septentrionem. Hosque 38 parallelos sic distribuit, ut 24 numeraret per quadrantes horarum; 4 per semisses horarum; quatuor per integras horas, & denique sex per integros menses. Hoc notandum est; quia Geographi sæpe dicunt, novum parallelum poni, quoties dies crescit per horæ quadrantem; item novum parallelum poni, quoties dies crescit vel dimidiâ horâ, vel integrâ horâ, vel toto mense. Primum illud intelligendum est de 24 parallelis, quos veteres ante Ptolemæum habuerunt cognitos; secundum, tertium & quartum de 14 illis, qui veteribus ante Ptolemæum incogniti fuere. Hinc ergo ut in parallelis, ita quoque in climatibus, quæ sunt parallelorum combinationes, est varietas, ut è seqq. patebit.

Distinctio climatum est, vel vetus, vel nova.

Vetus est, vel prima, vel secunda.

Prima est, quæ recepta fuit ante Ptolemæum, quâ quinq., ut vult Rumoldus Mercator, vel septem, ut alii tradunt, climata fuerunt constituta.

Quia scil. veteres terræ partem, quam ipsi putarent tantum habitabilem esse, in climata distinxerunt. Et quidem vetusti illi Geographi ante Ptolemæum constituebant terminum Septentriona-

trionalem in 15 gradu elevationis poli. Hâc de re proponimus sequentem typum.

C L I M A T I S

Primi. Secundi. Terti.

Nomen.	<i>Dia Meroës.</i>	<i>Dia Syenes.</i>	<i>Dia Alexandrias.</i>
Medium, seu Per Meroën, Per Syenem, Per Alexandriam in Ægypto.	<i>modius par- insulam Nili.</i>	<i>civitatem Ægypti.</i>	
Finis.	<i>Parallelus sextus.</i>	<i>Sub octavo parallelo, seu tropico Cancr.</i>	<i>Parallelus X.</i>
Dies longissimus.	<i>Horarum 13.</i>	<i>Hor. 13 $\frac{1}{2}$</i>	<i>Horarum 14.</i>
Amplitudo.	<i>Mill. Germ. 120.</i>	<i>VII. Grad. mil. Germ. 105.</i>	<i>VI. Grad. mil. 90.</i>
Harmonia cum celestibus.	<i>Respondet Saturno.</i>	<i>Soli subjacet.</i>	<i>Marti subest.</i>

Alii sextum clima faciunt *Dia Pontu*, septimum *Dia Borystheni*, octavum *Dia Rhiphaon*. Vide *Lucam Gauricium* hâc de re.

Secunda distributio vetus vocatur Ptolemæica. Ptolemæus novem climata constituit versus Septentrionem, hoc ordine: 1. *Dia Meroës*. 2. *Dia Syenes*. 3. *Dia Alexandrias*. 4. *Dia Rhodu*. 5. *Dia Romes*. 6. *Dia Pontu*. 7. *Dia Bo-*

C L I M A T I S

Quarti.	Quinti.	Sexti.	Septimi.
<i>Dia Rhodu.</i>	<i>Dia Romæ.</i>	<i>Dia Bery-</i> <i>sthenæ.</i>	<i>Dia Riphæon.</i>
<i>Per urbem</i> <i>Rhodium in</i> <i>insulâ Rho-</i> <i>dæ.</i>	<i>Per Romam.</i>	<i>Per ostia Bo-</i> <i>rysthenæ.</i>	<i>Per montes</i> <i>Riphæos.</i>
<i>Parall. XII.</i>	<i>XIV. Parall.</i>	<i>XVI. Parall.</i>	<i>XVIII. Par-</i> <i>allel.</i>
<i>Hor. 14</i> $\frac{1}{2}$.	<i>Hor. 15.</i>	<i>Hor. 15</i> $\frac{1}{2}$.	<i>Hor. 16. & 15.</i> <i>minut.</i>
<i>Mil. Germ.</i> <i>80.</i>	<i>Mil. 70.</i>	<i>Grad. 3. & 45.</i> <i>min. b. e.</i> <i>mil. 57.</i>	<i>Amplitudinē</i> <i>incognitam</i> <i>habuerunt.</i>
<i>Soli subest.</i>	<i>Veneri sub-</i> <i>est.</i>	<i>Mercurio sub-</i> <i>jectum.</i>	

* *rysthenæ.* 8. *Dia Riphæon.* 9. *Dia Danius.* Ac-
que hæc sunt 9 climata Ptolemaica Septentrio-
nalia. Totidem sunt Australia, quibus præponit
vocalam *ἀντ*, ut primum vocetur *Antidia Me-*
roës. 2. *Antidia Syenæ,* & sic deinceps. Vide
schema Appiani de climatibus. Alii è textu Pro-
lemæi eruunt 15 climata: quæ distinctio vocatur
implicita, & prior *explicita.*

Distinctio climatum recentior, est vel imper-
fecta, quâ 19 climata constituuntur; *vel perfe-*
ctior, quâ 48 climata constituuntur, 24 Septen-
trionalia, & totidem Meridionalia *Jacobus Chy-*
næus l. 1. Geogr. c. 10.

Perfecta

Perfecta climatum distinctio est vel certa, vel incerta.

Distinctio certa est, quâ climata distinguuntur ab Æquatore usque ad circulum polarem. Cum enim ultra 70 grad. elevationis poli regiones Septentrionales nunc sint investigatæ, & clima sit spatium terræ habitatæ duob. parallelis comprehensum, in quo longissimus dies crescit horâ dimidiatâ, ideò ab Æquinoctiali ad eum usque terræ locum, ubi dies est horarum 24, quod accidit sub ipso circulo polari, vel non procul ab eo, 24 climata constituuntur.

Distinctio climatum incerta est, quæ fit à circulo polari ad polum. Hæc etiam dicitur *impropria*, quia hîc non horis dimidiatis, sed integris primùm dieb⁹, mox hebdomadibus, & tandem mensibus dies ita augentur, ut sub polo per 6 menses sit perpetua lux, & per totidem menses perpetua nox. Prior itaque climatum distinctio, quam certam diximus, *propria* est. Hîc notetur, triplices in tabulis sive mappis pingi parallelos: 1. Qui latitudinem regionum distinguunt; quique distant, sumto initio ab Æquatore nunc 5, nunc 10 & 15 gradibus inter polarem & polum, propter sphaeræ angustiam. 2. Qui zonarum intervalla distinguunt, quos supra vocavimus *parallelos nominatos*. 3. Qui dictum artificiale differentias indicant, & vocantur *paralleli artificiales*, quos solent mapparum marginibus

per notam numerorum appingere. Hujusmodi parallellos Ptolemæus constituit 21. Sed recentiores 48, ad eam usque terræ tractum, ubi Sol totis 24 horis supra horizontem moratur, parallellos constituunt. Cum enim parallelorum ad climatum ratio dupla sit, utpote cum unum clima duos parallellos contineat, sintq; climata 24, quæ dimidiatae horæ incremento definiuntur, efficitur necessario, quod 48 paralleli constitui debent. Hinc nempe 24 erunt climata versus Septentrionem, quæ sunt principalia, & denominationem à certis locis obtinent, quibus deinde opponi possunt *Anticlimata* versus meridiem. Horum climatum tabulam vide apud *Erasmum Reinboldum, Pencernum, & Dasypodum*.

Nos isthoc diagrammate totum negotium expediemus.*

Hæc climata in nonnullis globis signantur in meridiano æneo, in quo signantur dierum discrimina. 1. Per horarum semisses. 2. Per integras horas. 3. Usque ad polum per integros menses. In tabulis verò universalibus nonnunquam depinguntur ad eum modum, qui est in *tabulâ apud Appianum pag. 30. in Cosmographiâ*.

Coronidis loco notabis duo: 1. *Quomodo scire possis, sub quo parallelo locus aliquis sit situs*. Considera numerum horarum in die longissimo ejus loci.

Clima	1. Ducitur per	2. Est inter parallelum	3. Habet diem lon- gissimum		4. Habet elevatio- nem poli	
			Hor.	Minut.	Grad.	Min.
I.	<i>Sinum maris rubri Australium.</i>	II. & III.	12 ¹		8.	34.
II.	<i>Meroen.</i>	IV. & V.	13.	15.	20.	33.
III.	<i>Syenem sub Tropico Cancr.</i>	VI. & VII.	13.	45.	27.	36.
IV.	<i>Alexandriam.</i>	VIII. & IX.	14.	15.	33.	45.
V.	<i>Rhodom & Babylonem.</i>	X. & XI.	14.	45.	39.	2.
VI.	<i>Romam, Corficam & Hellepontum.</i>	XII. & XIII.	15.	15.	43.	33.
VII.	<i>Venetias & Mediolanum.</i>	XIV. & XV.	15.	45.	47.	20.
VIII.	<i>Podoliam & Tartariam minorem</i>	XVI. & XVII.	16.	15.	50.	33.
IX.	<i>Witebergam.</i>	XVIII. & XIX.	16.	45.	53.	17.
X.	<i>Rostochium.</i>	XX. & XXI.	17.	15.	55.	13.
XI.	<i>Hyberniam & Moscoviam,</i>	XXII. & XXIII.	17.	45.	57.	34.
XII.	<i>Bous castrum Norvegiae & Rigam Livoniae.</i>	XXIV. & XXV.	18.	14.	59.	14.
XIII.	<i>Gothiam.</i>	XXVI. & XXVII.	18.	45.	60.	40.
XIV.	<i>Bergas Norvegiae.</i>	XXVIII. & XXIX.	19.	15.	61.	53.
XV.	<i>Viburgum Finlandiae.</i>	XXX. & XXXI.	19.	45.	62.	54.
XVI.	<i>Arotiam Scotiae.</i>	XXXII. & XXXIII.	20.	15.	63.	46.
XVII.	<i>Ostia fluvii Dalecarliae.</i>	XXXIV. & XXXV.	20.	45.	64.	30.
XVIII.	<i>Innominata loca Norvegiae.</i>	XXXVI. & XXXVII.	21.	15.	65.	9.
XIX.	<i>Alia innominata loca Norvegiae.</i>	XXXVIII. & XXXIX.	21.	45.	65.	35.
XX.	<i>Alia innominata loca Norvegiae.</i>	XL. & XLI.	22.	15.	65.	57.
XXI.	<i>Uteriora innominata loca Norvegiae.</i>	XLII. & XLIII.	22.	45.	62.	14.
XXII.	<i>Albam Russiam.</i>	XLIV. & XLV.	23.	15.	66.	55.
XXIII.	<i>Insulas innominatas.</i>	XLVI. & XLVII.	23.	45.	66.	30.
XXIV.	<i>Aliae ulteriores insulas innominatas.</i>	XLVII. & XLVIII.	24.		66.	31.

~~in die longissimo~~
horarum in die longissimo ejus
leci.

lbei. Tum cogita quot horis ille dies longissimus superet diem æquinoctialem, qui est 12 horarum. Denique numerum horarum, qui est supra 12 horas, quadruplica, & numerus quadruplicatus tibi ostendet, sub quoto parallelo sit iste locus. Verbi gratiâ, Herbornæ dies longissimus est $16\frac{1}{4}$ hor. plus minus. Ergo $4\frac{1}{4}$ horæ sunt supra 12, quas quadruplica (unus enim parallelus ab altero distat per quadrantem horæ) & habebis 17: unde concludes, Herbornam esse circa 17 parallelum. 2. *Quomodo scire possis, sub quoto climate sit locus terra situs.* Duplica numerum horarum, qui est supra 12. Ratio hujus, quia clima continet duos parallelos, & distantia semihoræ facit clima: ut sume $4\frac{1}{4}$ horas, quibus diem æquinoctialem dies longissimus Herbornæ superat, eas duplica, & provenient $8\frac{1}{2}$, unde concludes Herbornam esse sub 9 circiter climate sitam.



G E O G R A P H I Æ

L I B E R S E C U N D U S.

In quo

G E O G R A P H I Æ G E N E R A L I S P A R S
S E C U N D A S E U C O M P A -
R A T A.

Cap. I. Cardines & plagæ terræ.

Fuit hucusq; generalis Geographia pars absoluta seu prima; sequitur Geographia generalis pars comparata seu secunda, quâ orbis terrarum partes certo aliquo respectu inter se discriminantur & distinguuntur.

Distinctio comparata globi terreni fit respectu, vel cali, vel circulorum in globo terrestri, vel ipsarum terra partium inter sese. Keckerm. l. 1. Geograph. c. 9.

Respectu cali distinctio globi terreni est respectu, vel plagarum cali, vel positus cali, vel Solis.

Respectu plagarum cali pars globi terreni est vel cardinalis, vel intermedia.

Cardinalis globi terreni pars est, qua primariam dat denominationem: & vocatur cardo.

Estq; vel Orientalis, vel Occidentalis; Meridionalis, vel Septentrionalis.

Pars, seu cardo, orientalis est, quâ stella oriuntur.

Pars

Pars occidentalis, quâ stella occidunt.

Meridionalis est, in quâ incola Solem culminantem vident.

Septentrionalis, in quâ incola polum arcticum vident: ejusque index est lingula magnetica in compasso. Magnes enim movetur versus polum arcticum, ideoq; rectificationi sphæræ inservit. Huic receptæ opinioni contradicit Doctor Helixæus Röslin in libello suo Germanico, qui inscribitur, Die mitnächtlge schiffahrt; & affirmat, se ex artificibus compassorum intellexisse, quod magnete tingant eam lingulæ partem, quæ in lingulâ directâ spectat versus meridiem, nempe mucronem illius acus.

Theoremata.

1 Orientalis & occidentalis cardines ostenduntur per circulum æquinoctialem. Ubi enim Sol oritur die æquinoctiali, ibi est ortus, ubi autem occidit, ibi est occasus.

2 Orientalis pars interdum dicitur *dextra*, occidentalis *sinistra*: nonnullis verò contrà occidentalis *dextra*, & orientalis *sinistra*: aliis meridionalis dicitur *dextra*, Septentrionalis *sinistra*; & contra aliis meridionalis dicitur *sinistra*, & Septentrionalis, *dextra*. Dextrum enim & sinistrum in circulo non est *quæ*, sed *diu*. Scal. ex. 67. Diversus itaque hominis positus diversam his cardinibus dat denominationem, juxta versus hosce:

N 7

Geographus Boream, sed calis mensor ad Austrum,

Præco Dei Exortum videt, Occasumq; poëta.

Geographi quidem faciem vertunt ad Septentrionem, propter polum arcticum, poëta ad Occasum, propter insulas Fortunatas.

3 Unus idemq; terræ locus potest dici orientalis & occidentalis, meridionalis & septentrionalis. Sic quæ pars nobis est orientalis, antipodibus est occidentalis; & quæ nobis est occidentalis, illis est orientalis. Sic Herborna nostra dici potest orientalis respectu Confluentiæ; occidentalis respectu Marpurgi; Septentrionalis respectu Hanoviæ; meridionalis respectu Sigenæ; h. e. orientior, occidentior, meridionalior & septentrionalior. Interim si non diversas terræ partes, sed cæli positum spectes, dices Herbornam esse septentrionalem.

Intermedia pars est, quæ à cardine declinat,
sive quæ est sita inter duos cardines. v. g. ortum & septentrionem, inter ortum & meridiem; inter occasum & septentrionem, inter occasum & meridiem; vel contrà inter septentrionem & ortum, meridiem & ortum; inter sept. & occas. inter merid. & occas. Propriè hæc pars dicitur *plaga*. Geographi constituunt 12 plagas seu partes intermedias, nautæ 32, pro numero ventorum, ut ex Compasso nautico videre est.

Cap. 2.

Cap.2. Sphæra terrestris, recta, obliqua & parallela.

Sequitur distinctio terra respectu positus calis, quâ terra situs est in spharâ rectâ, vel obliquâ, vel parallelâ:

Rectam spharam habent, qui sunt directè sub Æquatore, in zonâ torridâ. Illi primò habent dies & noctes perpetuò æquales, videl. hor. 12. 2 Omnes stellæ illis pariter oriuntur & occidunt. 3. Quatuor habent solstitia, duo alta, & duo humilia. Illa quidem, cùm Sol est in punctis æquinoctialibus, hæc verò cùm Sol est in punctis solstitialibus.

Obliquam spharam habent, qui ab Æquatore, seu medio mundi declinant versus alterutrum polum. His 1. bis tantum dies nocti est æqualis, sub initium veris & autumnii. 2. Stellæ quædam perpetuò conspiciuntur, quæ sunt polo viciniores; quædam nunquam conspiciuntur, quæ sunt remotiores; quædam inter has sunt mediæ, quæ interdum oriuntur, interdum occidunt.

Obliquam spharam habentes inhabitant zonam vel Septentrionalem, vel Meridionalem. Et Septentrionalem, vel temperatam, sub tropico Canceri, habentq; duo solstitia quotannis, unum altum, alterum humile; vel intemperatam, ut qui sub circulo arctico habitant; & his polus

elevatur 66. gr. 31. minut. & Sole principium Canceri tenente, habet diem 24 hor. & minutum pro nocte. *Meridionalem* verò itidem *vel temperatam* sub tropico Capricorni, *vel intemperatam* sub circulo antarctico, quibus eadem sunt proprietates, quæ fuerunt incolis Septentrionalibus, sed Sole existente in principio Capricorni.

Spharam neutram seu parallelam habent, quæ concluduntur intra circulos polares & intra polos. Illis enim æquator est loco horizontis. Et illi quidem, qui habitant intra arcticum circulum & intra polum, diem habent multorum mensium: qui verò directè habitant sub alterutro polorum, continuum habent diem per annum dimidium, & per alterum annum dimidium, continuam noctem. Illi nempe, qui sub polo Septentrionali habitant, totâ æstate semper habent diem, & nunquam noctem; qui verò sub polo meridionali habitant, totâ hyeme habent diem, & nunquam noctem.

Cap. 3. Distinctio incolarum terræ respectu umbrarum.

Distinctio terreni globi respectu Solis est, quâ incolæ terreni globi distinguuntur secundum umbras à Sole sparsas. Sol enim in diversis terræ partibus diversas spargit umbras. Ratio: quia gnomon-

gnomones, id est, corpora unde sparguntur umbræ, Soli diversimodè obijciuntur in diversis terræ partibus. Cùm enim Sol in Zodiaci lineâ eclipticâ ita decurrat, ut nunquam devertat ad ipsos polos, fit ut triplices spargat radios: 1. *Rectos seu perpendiculares*, cùm est in ipso vertice partium terræ. 2. *Obliquos*, sive à latere incidentes, cùm nempe à verticalibus punctis declinat. 3. *Parallos*, qui æquabiliter in plano horizontis à corpore Solari q. descendant, quando nempe horizonti velut incumbit. *Recti* seu perpendiculares nullam faciunt umbram, quia *αὐτὸς ὁ αὐτὸς* incidunt in superficiem terræ, id est, rectâ in se reflectuntur & reperiuntur. Radii *obliqui*, quia rectè in se non redeunt, ideo umbras in terrâ faciunt, sed diversimodè. Radii *paralleli* *horizontis paralleli* excurrunt sine fine, cùm non incidant in solidum corpus, à quo reflectantur. Nullos igitur in superficie terræ conformant angulos, nec habent proportionem cum gnomone. Hic igitur considerantur radii obliqui, qui cum gnomonibus certâ ratione conveniunt, item paralleli. Considerantur autem hic radii *obliqui* & *paralleli mediani*, h. e. quos Sol spargit in meridie. Et ex his sumitur distinctio habitatorum terræ. Itaq;

Umbra meridiana, sive mediana, aliâs meridionales, incidunt vel à capite, vel à latere.

Umbra incidentes à capite sunt vel bisformes, vel uniformes.

Umbra bifformes sunt, quæ sparguntur in utramque mundi plagam, meridionalem & septentrionalem; diverso tamen anni tempore. Qui igitur his in locis habitant, vocantur ἀμφιότιοι, Biumbres, seu utrinq; umbres; itemq; ἀότιοι, anumbres. Tales sunt inhabitatores zonæ torridæ intra æquatorem & duos tropicos, quibus elevatio poli est minor 24 gradibus. Anumbres sunt, quando Sol illorum verticibus directè incumbit, quod bis fit in anno. Tum enim nullas vident Solis umbras, quia radii in seredunt. Biumbres verò sunt, quando Sol ab eorum vertice digreditur. Et quidem quum digreditur in signa Australia, tum umbræ iis sparguntur versùs septentrionem; quando verò Sol à vertice eorum digreditur ad signa Septentrionalia, tum in meridie umbras spargit versùs planum meridionalem.

Umbra uniformes sunt, quæ sparguntur à Sole ad alterutram tantum mundi plagam; nempe vel ad Septentrionem tantum, vel ad Meridiem tantum. Et hinc dicuntur ἡμιότιοι, alterutrumbres, qui habitant in utraq; zonâ temperatâ. Et illis quidem heterosciis, qui temperatam zonam Septentrionalem inhabitant, intra Tropicum Cancræ & Polarem arcticum, umbræ meridianæ sparguntur versùs Septentrionem: ut sunt Græci, Itali, Galli, Germani, Poloni & Sueci. Illis autem qui habitant in zonâ temperatâ meridionali inter Tropicum Capricorni & Polarem antarcti-

antarcticum, umbræ meridianæ sparguntur versus meridiem. Sic igitur heteroscii sunt omnes illi, quorum elevatio attingit gradus 24, sed non excedit gr. 66. Horum enim verticem Sol in meridie nunquam directè attingit. Nimirum omnia corpora opaca spargunt umbram laminofo corpori adversam. Sole igitur versante in oriente, umbræ sparguntur occasum versus in omni mundi parte; & Sole tenente occasum, umbræ sparguntur in omni parte terræ versus ortum. At nos loquimur de umbris meridianis. Quare quum Sol nobis Septentrionalibus sit meridionalis, h. e. versus meridiem *πρὸς ἡμᾶς* positus, sit ut umbræ meridianæ nobis spargantur ad Septentrionem. Contrà illis, qui habitant versus polum meridionalem, Sol est positus versus Septentrionem, idcirco umbræ ipsi sparguntur in partem oppositam, videl. Meridiem. Illis verò, qui Solem directè habent supra verticem in meridie, ita ut nec ad Sept. nec ad Merid. declinet, nulla est umbra meridionalis.

Umbra meridiana incidentes non à capite, sed à latere, sunt, quæ exporriguntur in plano horizontis, siue terra, ac circumaguntur in orbem circa corpus opacum, siue gnomonicum. Incolæ horum locorum dicuntur *ὀριζιοί*, circumumbres: quia undique circa eos vagatur umbra in infinitum extensa. Tales sunt, qui inhabitant zonam utramq; frigidam, inter polares circulos & po-

los. Horum enim vertices Sol nunquam attingit, sed illis tantum est ad latera, ita ut polum ipsum habeant pro vertice, æquatorem pro horizonte. Sol enim incolis terræ aut est verticalis, aut collateralis: & verticalis, vel directè, vel indirectè. Cæterum illi populi, qui habitant ultra elevationem poli 66 grad. ut *Finmarchii, Grünlandii, &c.* meridianas umbras habent nec ad Septentrionem, nec ad Meridiem, sed in orbem undique volubiles, Sole scilicet in æstivis signis commorante: quod idem intelligendum est de illis, qui habitant ad polum antarcticum. *Lucas Gauricus in Geograph. Keck. l. 2. Geogr. c. 10.*

Cap. 4. Longitudo & latitudo locorum.

Fuit distinctio comparata globi terreni, respectu calis; sequitur distinctio comparata respectu circulorum celestium, Meridiani & Æquatoris; quæ loca globi terreni secundum longitudinem & latitudinem considerantur.

Longitudo terra est vel universalis, vel particularis.

Longitudo universalis est totum spatium, quod porrigitur ab ortu versus occasum, & contrà ab occasu versus ortum.

Est q̃, vel vetus, vel nova.

Longi-

Longitudo vetus est spatium 180 graduum. Ita longitudo terræ illis patuit quantitate semicirculi. Hujus longitudinis terminum constituerunt in metropoli regionis Synarum, ad extremam Indiam, quæ metropolis vocatur Syna, ab insulis Fortunatis distans 180 gradib. in æquatore numeratis, qui faciunt mill. Germ. 2700. Tot igitur milliaribus terram habitatam patere ab Occasu versus Ortum existimarunt.

Longitudo terræ nova est, quæ terra modò ab insulis Canariis ad ortum patet 240 gradibus; qui in Æquatore numerati faciunt mill. Germ. 3600. Sed versus occasum ultra insulas Fortunatas, ad extremam usq; America oram terra patet: ita ut longitudo terræ sit graduum 340. Sed 20 gradus nondum sunt cogniti, qui adhuc desunt ad numerum 360. Ita scil. à recentioribus Geographis 60 gradus in oriente ultra terminum à Ptolemæo constitutum, videl. 180, sunt peruestigati, (nam Scythia extra Imaum montem porrigitur ad gradus 60. ubi est amplissimum regnum Cataim, quod Lusitanis innotuit ratione contractuum) in occidente verè 100. His itaque

180

collectis in unam summam, purà 60 sunt 340,

100

quæ est longitudo terræ universalis.

Longitudo particularis est distantia cujusq; loci in terrâ à primo Meridiano, qui est versus occasum.

Eum Ptolemæus posuit in Insulis Canariis; recentiores Geographi ponunt in insulis Acores. Hæc de re sunt theoremata.

1 Terminus à quo numeratur longitudo loci, est primus Meridianus, sed subjectum, in quo numeratur, est Æquator. Hinc longitudo definitur arcus Æquatoris interceptus inter primum Meridianum, qui est in insulis Fortunatis, & secundum, qui incumbit vertici cujusque loci. Brevius sic: Longitudo est arcus Æquatoris interceptus inter duos meridianos.

2 Loca subjecta eidem meridiano eandem habent longitudinem, i. e. distantiam ab occasu versus ortum.

3 Quò locus aliquis est propior insulis Fortunatis seu Canariis, atque adeò Oceano occidentali, eò minor est ejus longitudo. Cæterùm longitudo locorum præcipuorum per instrumenta Astronomica ab artificibus est investigata, & in certas tabulas relata, quas vocant *tabulas longitudinum*. Urbes autem minùs celebres reducuntur ad urbium primariarum longitudinem. Rationes inveniendi longitudinem tres præcipuas habet *Metius inst. Astron. l. 4. cap. 4.*

Latitudo sequitur, & ea iterum vel universalis, vel particularis.

Latitudo universalis est totum illud spatium,
quo

quo terra patet à Sept.in Merid. & à Meridie in Sept.

Estq; vetus, vel nova.

Vetus est, qua veteribus fuit cognita; videlicet graduum 80, qui faciunt mill. Germ. 1700. Illi enim finem terræ versus Septentrionem constituebant in 63 gr. in insula Thyle, quæ idè poësis dicitur ultima. Eam alii vocant Tylon, alii Tulon. Germ. Tjel Insel. Et alii volunt esse Islandiam, alii Scandiniam, quam posteriorem sententiam amplectitur Ortelius tab. 89. Versus meridiem autem terra veteribus vix ultra 17 gradus fuit cognita, ita ut terminum orbis habitati fixerint in Prasso promontorio Agyssimbæ Æthiopum regionis, quod hodie dicitur Mosambique.

Nova est, qua à recentioribus est detecta.

Estq; vel Septentrionalis, vel Meridionalis.

Septentrionalis terra latitudo navigationibus fuit detecta: 1. ad gradus 17. usq; ad insulam Norwegia Hyellos. 2. usq; ad gradum 73. ad terram Willuchai. 3. ad gradum 80. & 81. Nam Angli duce Hugone Willuchæo pervenerunt ad 73 grad. elevat. poli, unde ille tractus vocatur terra Willuchai. Anno 1596 Guilielmus Barenzonn ab Ordinibus Belgii missus pervenit ad novam Zembiam, h. e. grad. 81. ita ut 9 gradus restent ad Septentrionalis plagæ pervestigationem. Anno 1605 Rex Daniæ misit, qui Grönländiam,

& ulteriora Septentrionis loca pervestigarent.

Meridionalis latitudo est pervestigata per Lusitanos usq; ad 45 grad. nempe usque ad caput Bonæ Spei, quod est extremæ Africæ promontorium. Sed deinceps operâ Ferdinandi Magellani perventum est versus Meridiem usq; ad gradum 52: ita ut ejus terminus sit nova Guinea, quæ an insula sit vel continens, nondum liquet. Est itaque hæc meridionalis pars inter omnes mundi plagas ignotissima. Desunt enim gradus 28. ad pervestigationem ejus, h. e. ad grad. 90.

Ex his efficitur, latitudinem tertę versus Sept. & Merid. hodiè patere ad gradus 130.

Latitudo particularis est distantia cujusq; loci ab Æquatore, versus meridiem, vel Septentrionem, siue versus alterutrum polorum. Terminus itaque à quo numeratur cujusque loci latitudo, est Æquator: subjectum in quo numeratur, est Meridianus. Hinc à quibusdam sic definitur: Latitudo loci est arcus meridiani interceptus inter æquinoctialem & parallelum circum, transeuntem per zenith loci oblatis. Hæc semper est æqualis elevationi poli. Quot enim gradibus vertex alicujus loci distat ab Æquatore, totidem etiam gradibus polus attollitur supra horizontem. e. g. elevatio poli Herbornæ est $51\frac{1}{2}$ grad. Ergò & ejus latitudo, i. e. distantia ab Æquatore siue medio mundi est totidem graduum.

graduum. Ista locorum latitudo ab artificibus est observata per instrumenta Astronomica, & in tabulas relata, quæ vocantur *tabula latitudinum*, è quibus & latitudinem loci, & elevationem poli possumus cognoscere, ita ut loca minus celebria referantur ad celebriora. Inter omnes latitudinum tabulas excellunt, quas corripit Tycho Brahe in *progymnasmat.* & Origanus *part. 1. Ephem. pag. 36.*

Cap. 5. Varietas incolarum terræ.

Superest distinctio globi terreni respectu partium ipsius inter sese.

Est q^{ue}, vel respectu situs, vel respectu distantia.

Distinctio globi terreni respectu situs est, quæ cognoscitur, quomodo diversi terra incola sese ad invicem habeant.

Incola illi inter se collati sunt pericæci, vel antæci, vel antipodes. Si malis dichotomiam, hanc habe: Incolæ terræ inhabitant aut eandem zonam, aut diversam. Si eandem, dicuntur *ὁμόιοι*, q. d. *circumcola*. Si diversam; aut sunt in eodem hemisphærio, & dicuntur *ἄντιοι*, q. d. *anticole*; aut in diversis adversè oppositis, & dicuntur *ἀντιπόδες*.

Pericæci sunt, qui habitant sub eadem paral-

O

Velis & meridianis, sed in punctis parallelorum oppositis, ita ut medius intercedat polus mundi.

Ejus generis sunt, qui eandem zonam temperatam obtinent, & eandem poli elevationem, sed longitudine discrepant, & à se mutuò distant gradibus 180 in parallelo numeratis. His accidunt: 1. Ut eandem cæli & anni constitutionem habeant. 2. Ut iis noctium & dierum intervalla eadem sint, adeoque eodem anni tempore, eodem modo dies & noctes augeantur, minuantur & æquantur. 3. Ut alii ex his ortum versus, alii occasum versus habitent. 4. Ut dies & noctes illis per vices ineant & desinant. Ideò cum illis qui ad ortum sunt, dies illucescit, desinit iis qui sunt ad occasum, & cum iis qui sunt ad ortum, Sol est in meridie supra horizontem, cum iis qui sunt ad occasum, Sol est in medio cæli infra horizontem. Talem situm habent, ad se invicem Insulæ Fortunatæ & Synarum regio.

Antœci sunt, qui habitant sub una Meridiana, sed parallelis diversis, quorum uterq; versus polum ab Æquatore distat æqualiter, sed in diversis mundi plagas. Et his accidunt: 1. Ut longitudine & latitudine terræ convenient. 2. Ut alii arcticum, alii antarcticum polum æquali numero exaltatum supra horizontem cernant. 3. Ut utrisque quatuor anni temporum, crescentium ac decrecentium dierum, ratio sit contraria. Sol enim Borealia signa peragrans, his qui versus

Sept.

Sept. habitant, dies sunt longiores noctibus. Sole autem teneate signa Meridionalia, Antœcis Meridionalibus noctes sunt longiores diebus. 4. Quando Antœci Septentrionales habent ver, Meridionales habent autumnum; & quando Septentrionales Antœci habent æstatem, tunc Meridionales suam habent hyemem. Sicut enim Pericœci habitant in eadem zonâ, ita Antœci in diversis. Et quidem qui habitât medio loco inter Equatorem & Tropicum Canceri, illi singulis annis habent geminum ver, geminam æstatem, geminum autumnum, & geminam hyemem *ferè*. Qui autem spheram ætatem incolunt, ii quotannis plenè habent geminum ver, geminam æstatem, autumnum & hyemem. His enim Sol quotannis bis tangit punctum verticale, & bis ad Tropicos declinat.

Antipodes sunt, qui habitant, quidem sub una Meridiano, sed in punctis ejus oppositis habitant. Dicuntur aliàs *ἀντιχθονες*; & à quibusdâ *ἀντιμοι*, sed malè: quia, ut notat *Gauricus*, Antœci potius dicendi sunt *ἀντιμοι*, i.e. humeris sibi invicè oppositi. Antipodes enim non humeros, sed pedes sibi habent oppositos. Hic cum stomacho commemoro, quod habet *Aventinus l. 3. hist. Bavarica*. Bonifacius Episcopus Moguntinus anno Christi 745 Virgilium Episcopum Salisburgensem tanquam hæreticum accusavit coram Pon-

tifice Zachariâ , propterea quod statueret, esse antipodes. Re tandem ad Bohemorum regem delatâ, & appellatione ad Pontificem factâ, Virgilius damnatus est hæresis. Et nostro tempore quidam Mathemata non docti hanc hæresin audent pronunciare, si quis statuat esse antipodes, quod facillimè probatur, si cogitetur terram & cælum esse rotunda. His accidit: 1. Ut præcisè disjungantur gradibus 180 circuli magni. 2. Ut alii Borealem, alii Australem terram inhabitent. 3. Ut propter contrarium situm etiam anni temporum incipientium & desinentium, crescentium & decrescientium dierum, ortuum & occasuum rationem contrariam habeant. Antipodes inter se sunt Americani & Indi Orientales circa Gangem. Germaniæ nostræ non homines opponuntur diametraliter, sed Oceanus Bassus, ut è globo apparet.

Cap. 6. Distantia locorum.

Distantia locorum est intercapedo inter duo data loca.


Distantia illa investigatur vel scientificè, vel populariter.

Scientificè investigatur tribus modis: I. Aut enim loca differunt solâ longitudine, quæ scil. sita sunt sub uno parallelo, sed diversis Meridianis: adeoque æqualem habent ab Æquatore distantiam

tiam, inæqualem verò ab Occidente. Si itaq; loca data differant solâ longitudine, quare differentiam longitudinis per subtractionem minoris à majore. Cum communi latitudine ingrediere peculiarem tabulam, quæ continet gradus longitudinis extra *Æquatorem*, conversos in milliaria. Invenies milliaria, quæ respondent gradibus datæ latitudinis. Inventa milliaria multiplica per differentiam longitudinis, & habebis quæsitum: *II. Aut loca differunt solâ latitudine*, quæ scil. posita sunt sub eodem meridiano, sed parallelis diversis. Tunc latitudinem minorem à majore subtrahere, & relinquetur differentia duarum latitudinum. Hanc differentiam multiplica per 15, & prodibunt milliaria. Si minuta adhæserint gradibus differentię, pro quaternis minutis pone unum milliare. Sic collectas in unam summam milliaria, ostendent duorum locorum intervallum: ut *Witebergæ* longitudo est 30. grad. & 30 scrup. latitudo 51 gr. $\frac{1}{32}$. Tridenti longitudo est æqualis: sed latitudo 45 $\frac{1}{18}$.


Subtractâ latitudine inferiori à superiori, relinquitur differentia 6 graduum & 34 scrup. Hæc differentia conversa in milliaria, ostendit distantiam brevissimam, id est, per rectam lineam, duorum locorum propositorum, nempe 98 & dimidii milliariil.

Witeb.



Trident.

III. *Aut deniq; loca differunt & longitudine, & latitudine*, quæ sub diversis Meridianis & Parallelis sita sunt, adeoque inæqualem & ab Æquatore & ab Occidente distantiam habent. Hic quomodo sit procedendum, discere è proposito exemplo.



Hic 1. Differentia longitudinis est 10. grad. differentia latit. est 19. grad. Nam Hierosolymorum longitudo est 66. grad. Sabæ longit. 76. Hierosol. latitudo est 32. Sabæ latit. 13. 2. Differentia latitudinis in milliaria commutata, facit mill. 185. 3. Dimidium differentie latitudinis additum ad minorem, dat 23. gradus latitudinis communis, qui in tabellâ cujus ante mentionem fecimus, quæsti dant 13. mill. & 48. min.

48. min. 4. Hæc multiplicata per longitudinis differentiam, efficiunt milliaria 130. & 480 scrup. hoc est, milliaria 138. 5. Uterque numerus differentie longitudinis & latitudinis conversus in milliaria quadratè, id est, in se multiplicatus & postea conjunctus seu additus, dat 100269 (quadratum) cujus latus seu radix quadrata, 316, ostendit locorum datorum quesitam distantiam. *Goclen. l. 2. Cosmograph. c. 18. Populariter investigatur distantia locorum, vel in globo, vel in mappis: quâ de re infra hujus system. l. 4. agemus cum Geo.*



G E O G R A P H I Æ.

L I B E R T E R T I U S.

In quo continetur

G E O G R A P H I Æ P A R T E R T I A, V I D E L. C H O R O G R A P H I A.

Cap. I. Partes terræ minores.

TRadita est Geographia generalis; nunc tradenda est specialis, qua dicitur Chorographia, qua tractat de partibus orbis terrarum in specie.

Partes terra sunt alia minores, alia majores.

Minores terra partes considerantur separatim, vel respectu terra, vel respectu aqua.

Partes separatim consideratae sunt, vel principales, vel minus principales.

Principales sunt numero decem; videl.

I. Continens, quæ est terra continua, quam mare non interluit: aliàs dicitur *terra firma*. Græcè ἡπείρ, *epirus*.

II. Insula, pars terræ circumfluis aquis undique cincta; Græcis νῆσος: *sive insula est sparsa in aquis terra*, ut ait *Guilhelmus Camdenus* Geographus Anglus, qui etiam rectè asserit, insulas ante diluvium fuisse.

III. Peninsula, quæ aquis circumdata, unâ ex parte terræ continenti annectitur: Græcè χερσόνησος. Numerantur autem quinque; Chersonesi celebriores. 1. Peloponesus. 2. Thracia. 3. Chersonesus Cimbrica. 4. Taurica. 5. Aurea, in Indiâ supra Gangem.

IV. Isthmus, est angustum terræ spatium, quo peninsula cum continente cohæret: dicitur Græcè ἰσθμός. Celeberrimus inter omnes isthmus est *Corinthiacus*.

V. Promontorium, mons in mare se extendens. Celeberrimum inter promontoria est *caput Bona Spei*, quod præternavigant illi, qui petunt Indiam orientalem. Germ. ein vorgebirg des meers.

VI. Mons,

VI. *Mons*, tumor terræ altissimus. Exstitisse autem quosdam montes ante diluvium, probatur è *Gen. 7. v. 9.*

VII. *Vallis*, terra depressa & plana, inter duos montes conclusa.

VIII. *Campus*, terræ planities ampla, longè à montibus decurrens.

IX. *Sylva*, pars terræ confita arboribus sponte nascentibus, ubi arbores caduntur. *Lucus* enim servat arbores sacras, & nemus voluptati servat.

X. *Portus*, locus ad mare importandis & exportandis mercibus aptus.

Minùs principales partes sunt quinque:

1. *Collis*, exiguae terræ eminentia, parvus mons.

2. *Saltus*, locus incultus, invius, arboribus hinc inde respersus, pascendis pecoribus opportunus.

3. *Arbustum*, locus paucis parvisque arboribus confitus.

4. *Virgultum*, locus virgis confitus.

5. *Dumetum*, sive *spinetum*, locus dumis confitus.

Partes globi terreni respectu aquarum itidem sunt, vel principes, vel minùs principes.

Principes sunt sex:

1. *Mare*, generalis aquarum collectio.

O 5

2 *Fretum*, mare arctioribus spatii & angustis coarctatum: Græcè *περὶ ρός*.

3 *Sinus*, maris pars sive excursus, quo terra primò angustè, mox latioribus anfractibus dimittitur: Germ. *ein arm des meers*. Sunt autem tres sinus celeberrimi, nempe *Persicus*, *Arabicus*, & *Cassius*. Græcis *πέλαγος*.

4 *Lacus*, locus profundior, aquis è terrâ conbullientibus repletus, hisque perpetuis, ut ex eo promanent flumina & rivuli.

5 *Stagnum*, simile lacui, aquis interdum deficientibus repletum, ut ex eo non promanent rivuli.

6 *Fluvius*, perennis aquarum decursus, ex alto labens in humiliora, à certo fonte seu capite. *Flumen* est ipsa aqua, fluvius est cursus aquæ. *Flumen* est vel *stabile*, quod æquabili fluxu labitur, vel *torrens*, flumen veniens cum impetu. *Amnis* à flumine differt solâ amœnitate. Est enim *amnis* fluvius virgultis, nemoribus & frondibus redimitus. *Gurges* autem est locus in flumine profundior, ubi aqua velut in fossam ruenis impetu, in gyrum fertur. *Ostium* est fluviorum patens exitus, vel in aliud magnum flumen, vel etiam in mare.

Minus principales partes sunt quinque:

1 *Palus*, collectio aquæ promiscuæ in loco uliginoso. Rectius igitur *lacus Maoticus*, quàm *palus Maotica* dicitur.

2 *Rivum*,

2. *Rivum*, aquæ limpidioris angustus decursus, è montibus præsertim & sylvis scaturientis.

3. *Lacuna*, peritus lacus aquæ impuræ & minus utilis.

4. *Cisterna*, aquarum pluvialium collectio.

5. *Piscina*, fossa aquæ, vel naturâ, vel arte facta, fovendis piscibus opportuna. Vide *Appian. l. 1. Cosmograph. Keck. l. 1. Syst. c. 3.*

Cap. 2. Specialis terræ distinctio.

Partes globi terreni majores sunt, in quas terra per se continua certis limitibus distinguitur. Partes illæ sunt vel veteres, vel novæ.

Veteres sunt, quæ priscis nota fuerunt, puta *Europa, Asia, Africa.*

Novæ est tùm *America*, tùm *Magellanica.*

Primitùs tradiderunt tres duntaxat esse partes orbis terrarum, *Europam, Asiam, Africam.*

Sed nos scimus præter tres illas esse quartam, quæ dicitur *novus orbis.* Sunt autem inter recentiores Geographos, qui dicunt quatuor esse

terræ partes, *Europam, Asiam, Africam, Americam.* Sunt qui dicunt quinque esse partes, *Europam, Asiam, Africam, Americam & Magellanicam.* Hæ sententiæ possunt ita conciliari: Posteriores *Americam* strictè sumunt, & *Magella-*

nica contradistinguunt. Priores autem illi *Americam* generalius sumebant, ita ut sub se Magellanitam comprehenderet. Multis placet divisio *Gerhardi Mercatoris*, qui orbem terrarum partitur in tres continentes, unam veteribus cognitam, quæ est Europa, Asia, Africa, alteram *Australi* nondum satis cognitam, quæ *Magellanica* dicitur, & tertiam *Americam*.

Harum partium considerabimus dispositionem, & modum considerandi.

Dispositio talis est: Asia est ad ortum, cui à meridie & partim etiam ad occasum annectitur Africa, ab occasu & septentrione Asiæ adjecta est Europa, paulò ulterius versus occasum America, & denique directè versus meridiem *Magellanica*.

Modus considerationis hoc theoremate continetur: In singulis partibus (nominatim autem veteribus) septem sunt considerata. 1. Nomen. 2. Longitudo. 3. Latitudo. 4. Termini ab Oriente, Occidente, Meridie, & Septentrione. 5. Climata & paralleli. 6. Accidentia. 7. Partes, quæ sunt, regiones, regna, maria, flumina, sylvæ, & montes.

Cap. 3. Europa.

Solent Geographi inter partes orbis terrarum primam numerare Europam, tres ob causas:

1. Quia

1. Quia in eâ habitamus. 2. Q. magis est culta, quàm aliæ partes. 3. Q. magis est celebris rebus gestis Macedonum & Romanorum. Estq; pars orbis veteris, partim Occidentalis, partim Septentrionalis, cis tropicum Canori, intraque circulum arcticum comprehensa.

In ejus descriptione septem occurrunt considerata.

I. *Nomen*; Europa dicta est ab Europâ Tyriâ. *Herodotus* l. 4.

II. *Longitudo*; Incipit ab Hispaniâ extremâ & Oceano Atlantico, & definit ad flumen Tanaim, qui hodiè *Assaw* dicitur. Estq; 60. grad. quorum uni in parallelo transeunte per mediam Europam respondent in terrâ 10. mill. Germ. ut ita longitudo Europæ sit 600 mill. Germ. Alii longitudinem Europæ à fluvio Tanai ad fretum Herculeum computant completi mill. Germ. 760: alii paulò pauciora, videlicet à Compostellâ ad Constantinopolin, mill. Germ. 600.

III. *Latitudo*. A Meridie in Sept. completur grad. 44. incipiendo à Siciliâ, ubi elevatio poli est 80 grad. usque ad Septentrionalis poli plagam eam; in quâ elevatio poli est 80 grad. ita ut habeat in latitudine mill. 666. atque ita sit longior quàm latior. Alii latitudinem Europæ ad 54. grad. extendunt, nempe à Siciliâ usque ad polum ipsum Septentrionalem.

IV. Termina. Terminatur scilicet undique mari. *Gemma Frisius de divisione orbis.* Ab Oriente, quæ Afrix adjacet, terminatur interjacenti mari Ægeo, quod *Archipelago* Itali vocant; item Ponto Euxino, (Itali vocant *mare majus*), Palude Mazotide, & Tanai fluvio. Ab Occidente terminatur freto Atlantico, seu Oceano occidentali. A Meridie terminatur mari Mediterraneo, & freto Herculeo. A Septentrione terminatur mari Britannico, vel ut alii, mari Septentrionali seu glaciali, & Oceano Hyperboreo.

V. Climata & paralleli. Incidit in 4. & 9. clima, inter 10. & 20. parallel.

VI. Accidentia. Est omnium partium orbis terrarum 1. Minima. 2. Dignissima propter octo causas. 1. Propter temperiem aëris. 2. Ob fertilitatem omnium rerum. 3. Ob studium agriculturae, quod in hac terre parte est majus, quam in aliis. 4. Ob populositatem. 5. Propter studium artium mechanicarum. 6. Propter studium artium liberalium. 7. Propter imperiorum magnitudinem & celebritatem. 8. Propter veram religionem.

VII. Partes Europa sunt.

1. *Regiones*, exque continentes, peninsulae & insulae.

Continentes I X. 1. Hispania. 2. Gallia. 3. Germania, 4. Italia. 5. Slavonia. 6. Græcia. 7. Hungaria.

garia. 8. Polonia cum Litvania & Borussia.

> 9. Russia, sub quâ Muscovia.

Peninsula, Norwægia, Suecia, Gothia.

Insula, Anglia, Scotia, Hybernia, vulgò Irlanda, Grinlandia, omnes in Oceano. In mari Mediterraneo, Sicilia, Sardinia, Corsica, Creta, quæ hodie Candia, Majorica, Minorica.

2 Regna decem. 1. Hispanicum. 2. Anglicum, sub quo hodie Scoticum & Hybernicum. 3. Danicum, sub quo & Norwægicum. 4. Suecicū, sub quo Gothicum. 5. Polonicum. 6. Hungaricum. 7. Bohemicū. 8. Germanicum. 9. Gallicum; quibus addi potest 10. Italicum; quamvis id hodie non veniat nomine regni.

Damianus à Goës historicus Hispanicus in Hispaniâ numerat 14. regna: unde *Abraham Ortelius in tab. Europa*: Viginti octo, inquit, in Europâ sunt regna: si scil. quatuordecim ista adjicias, quæ *Damianus* ille in Scholâ Hispanicâ computat. Caput autem Europæ versus occidentem erat Roma, versus orientem Constantinopolis. Atq; hinc Aquila illa biceps, uno capite Ortum, altero Occasum spectans.

3 *Maria* tria. 1. *Oceanus*. 2. *Mare Mediterraneum*, quod ab Hispaniæ extremitate circa Gades ab Occasu incipiens per Meridiem in Septentrionem fertur, ubi deinde Pontus Euxinus dicitur, quamvis nonnulli mare Mediterraneum ex Ponto Euxino profluere existiment.

3. *Balticum*, quod ab Hellesponto Danico & Lubecâ initio factum, per 150 mill. inter Saxoniam, Pomeraniam, Sueciam, Borussia, Livoniam, & opposita Danicæ & Finlandiæ littora, Wiburgum usq; versum Ortum extenditur.

4. *Flumina* præcipua; *Danubius*, qui se extendit ad 300 mill. Germ. & 6 supra Tubingam milliaribus ortus, 60 amnis receptis per Germaniam, Hungariam, Bulgariam, Serviam, Thraciam, septem ostiis in Pontum Euxinum se effundit; *Rhenus*, *Albis*, *Istula*, *Borysthenes*, *Tannus*.

5. *Montes* præcipui; *Alpes*, *montes Pyrenæi*, qui Galliam ab Hispaniâ sejungunt, *Sudetes* (das Böhemische gebirg) *Carpathus*, das Ungarische gebirg.

Plura de Europâ legere est apud *Volaterranum* l. 9. *Münsterum* in *Cosmograph.* *Ortelium* in *Epitome & Theatro*, *Mercatorem*, & *Ptolemaum*, qui l. 2. & 3. *Geograph.* descripsit Europam 10. tabulis sive mappis, incipiendo ab occasu, & progrediendo versus ortum, hoc ordine: 1. *Hybernia*, 2. *Hispania*, 3. *Gallia*, 4. *Germania*, 5. *Rhætia*, 6. *Italia*, 7. *Sardinia* & *Sicilia*, 8. *Sarmatia Europæa*, 9. *Dacia*, *Myria*, & *Thracia*, 10. *Grecia*.

cia,

Cap. 4.

Cap. 4. Asia.

Sequitur Asia, quæ est pars orbis veteris, versus Orientem & Septentrionem longissimè extensa, Europæ proxima & contermina.

In Asiâ septem itidem occurrunt consideranda.

I. *Nomen*; dicta est ab Asiâ palude, vel Asiâ matre Promethei, vel ab Asio heroë.

II. *Longitudo*; ab ortu versus occasum occupat 130. gradus circuli magni, initio factò ab eo meridiano, cujus distantia ab insulis Fortunatis est 70. grad. usque ad eum meridianum, qui ab insulis Fortunatis distat 200 grad. qui gradus 130 in trigésimo parallelo, qui mediam ferè secat, numerati, efficiunt mill. Germ. supra 1300.

III. *Latitudo* ad Austrum se extendit per 70 grad. Europâ vix per 35. Est itaque minor Europâ quoad longitudinem, sed major quoad latitudinem.

IV. *Termini*. Respectu tam Africæ quàm Europæ est orientalis mundi pars. Ab Europâ dividitur fluvio Tanai, itemque mari Euxino & Ægeò; ab Africâ verò determinatur tum fluvio Nilo, tum etiam sinu Arabico, & lineâ, quæ ex hoc sinu in mare Mediterraneum ducitur. Africæ autem adhæret Isthmo 18 mill. Germ. Versus occasum mari Mediterraneo alluitur. Reliquis

partibus ambitur Oceano Eoo, Scythico, Indico.

V. *Climata & paralleli*. Est sub anticlimate & climate primo.

VI. *Accidentia*. Est omnium maxima. Estq; Africâ dignior. Fuit olim dignissima, quia ibi conditus homo, ibi Salvator vixit, ibi pleræque V. & N. Test. res gestæ acciderunt.

VII. *Partes*. Dividitur Asia in majorem & minorem.

Asra minor est Europæ vicinæ, & speciali nomine dicitur Natolia, ἀπὸ τῆς αἰαθλῆς, itemque Turcomannia, quia Turcæ eam hodie totam teneant. Ejus regiones sunt hæ: Cilicia, Pamphylia, Caria, Lycia, Ionia, Lydia utraque, videl. major & minor, Mysia, Æolia, Bithynia, Paphlagonia, Cappadocia, Galatia, Lycaonia, Pisidia.

Asia major dicitur ea pars Asiæ, quæ remotior est ab Europâ versus Orientem, cujus partes præcipuæ sunt: 1. Syria, quæ dividitur in Phœniciam & Palæstinam. 2. Armenia utraque, major, quæ Persis, minor, quæ Turcis patet. 3. Chaldæa. 4. Arabia, quæ triplex, Petræa, Deserta, Felix. 5. Persia. 6. Tartaria. 7. Hircania. 8. Bactriana. 9. Parthia. 10. India, quæ est vetus & nova.

Veteris Indiæ terminus in Oriente fuit Synanum regio. Dividitur in eam, quæ est intra Gangem flu.

gem fluvium, five Occidentalem; & eam, quæ est extra Gangem, five Orientalem.

Novæ Indiæ pars est vel Orientalis, quæ dicitur *superior India*; vel Meridionalis, Chinarum regio, item Iaponia, & aliæ partes à Lusitanis repertæ, quæ *Indiam inferiorem* complectuntur.

Asia etiam dividitur in quinque Imperia, Moscoviticum, Turcicum five Ottomannicum, Persicum, Tartaricum, & Indicum.

Maria ejus sunt Mediterraneum & Oceanus.

Flumina præcipua Euphrates, Ganges, Indus.

Mons maximus, & veluti reliquorum montium in Asia pater, est *Caucasus*, qui alibi alia fortitur nomina, ut modò *Taurus*, modò *Imanus* appelletur.

Atque hæc est Asia, in quâ olim tres monarchiæ fuerunt constitutæ, in quâ fuit omnium gentium origo, & etiam ipsarum artium. Sed hodie est stabulum Turcarum. Unam habet urbem omnium maximam, *Quinsai*. De singulis Asiæ provinciis consule *Maginam*.

Cap. 5. Africa.

Africa est pars orbis veteris, quæ ad Meridiem propemodum tota vergit, & ultra Æquatorem Tropicumque Capricorni sese ex-

tendit, ad elevationem usque poli antarctici 45 grad. vel, ut alii, 35.

In eâ considerantur:

I. *Nomen*; Dictam volunt à quodam Afro; alii ab Ifrico Arabum rege, unde & Ifricia hodie adhuc Arabibus dicitur. Alii volunt compositam vocem ex *α* & *φείνω*, *frigus*, q. d. regio sine frigore. Græcis dicitur Libya. Eam descripserunt *Plin. lib. 5. Volaterranus lib. 9. Münsterius l. 6. Franciscus Alvarez, Ludovicus Marmoleus, Vascus Gama, Petrus Martyr in suâ legatione Babylonica, & omnium diligentissimè Johan. Leo Afer.*

II. *Longitudo*, & III. *Latitudo*. Habet 70 grad. i. e. mill. Germ. 10,0, & in latitudine totidem. Est igitur minor quàm Asia.

IV. *Termini*: Est tota ad Meridiem, & partim ad Occasum vergit, ita ut Æquator mediam Asiam penè secet, & ultra Tropicum Capricorni extenditur gradibus fermè 10. Ut videre est in *Atlante Mercatoris & Theatro Ortelii*. Figura ejus quadrangularis est, et si mucrone versus Meridiem procurrat, qui veteribus planè incognitus fuit. Est quæ península quædam, quæ à Sept. clauditur mari Mediterraneo, ab Occasu Oceano Atlantico & Æthiopico, à Meridie Oceano Indico, ab Ortum mari rubro, ita ut hac parte, quæ ad ortum vergit, Isthmo Asiæ connectatur, Dirimitur ab Europâ freto Herculeo, ab Asia.

Asiâ verò sinu maris rubri, lineâ à mari rubro in Mediterraneum mare extensâ. Hic controversitur, utrùm Nilus Asiâ dividat ab Africâ, atq; adeò an Ægyptus & Æthiopia ad Asiâ potius, quàm ad Africam referri debeant. Nos secuti Ptolemæum, Robertum Sues, & Ortelium, Africæ annumeramus.

V. *Climata & paralleli.* Ultimus ejus parallelus non longè ab Æquinoctiali per extremam Malacæ regni oram ducitur. Occidentalissimus ejus meridianus transit per grad. 52. vel, ut Mercator vult, per 57: & orientalissimus per gr. 196. vel, ut Mercator vult, gr. 178.

VI. *Accidentia.* Est mundi pars valde vasta & inhabitata. Karthaginem olim habuit caput, æmulam Romani imperii. Ecclesiæ ibi olim sub Augustino & aliis DD. frequentes fuerunt. Hodie autem stabulum est Mahometicæ abominationis, exceptâ interiori ejus parte, cui imperat *Præstanes*.

VII. *Partes sunt:*

1. *Regiones.* Dividitur in quatuor partes: 1. Barbariam. 2. Numidiam. 3. Libyam specialiter dictam. 4. Nigritarum terram. *Barbaria* est melior Africæ pars, quæ terminatur mari Atlantico & Mediterraneo, itemque Atlante monte, & denique Barcâ regione Ægypto vicinâ. *Numidia*, quæ & Dactylifera regio dicitur, terminatur ab Occasu, mari Atlantico, à Sept. monte

Atlantico. *Libya specialiter dicta* à Nilo ad mare Atlanticum versus occidentem extenditur. *Nigritarum terra*, sic dicta vel ab incolis nigris, vel à fluvio Nigro, habet à Septentrione Libyam, à Meridie Oceanum Æthiopicum. Alii Africam in 7. partes distribuunt, videl. Barbariam, Numidiam, Libyam, Terram Nigritarum, Ægyptum, Æthiopiam superiorem seu interiorem, & Æthiopiam inferiorem seu exteriorem. Alii sic eam dividunt in 7. partes: 1. Mauritaniam, quæ est Barbaria. 2. Numidiam. 3. Libyam, quæ & Africa in specie dicitur. 4. Cyrenaicam, quæ & Pentapolitana dicitur. 5. Marmaricam. 6. Ægyptum. 7. Æthiopiam. Alii denique Africam dividunt in minorem & majorem; ut minor habeat ab occasu Numidiam, ab ortu Cyrenaicam, in quâ olim fuerunt Karthago & Utica, Major verò sit, quæ à meridie incipiens in occasum protenditur. In medietate Africae situm est Imperium *Præstannis*, vulgò Presbyteri Johannis, de cujus nomine supra l. 3. *Uranosc.* Illius religio magnâ parte communis est cum Christianis. *Michael Neander de divisione orbis terrarum: & Postellus de 12. ling.* Cæterum Africa pars meridionalior, sive extrema, versus meridiem veteribus planè incognita fuit, usque ad annum Christi 1497, quo anno *Vasculus de Gama* auspiciis regis Lusitanie Africam primus circumnavigavit, & extremum ejus ad Meridiem

dicunt promontorium, quod Caput Bonæ Spei dicitur, prætervectus, ad Calcutum pervenit,

2. *Maria* duo præcipua, quæ ex parte tantum ad eam pertinent, nempe Oceanus Atlanticus, & ab alterâ parte mare Indicum.

3. *Fluvius* maximus est *Nilus*, qui omnium fluviorum est rex, ut vocant Geographi. Nam 700 insulas circumfluit. *Diod. Siculus. Johan. Baptistæ Ramnussius, & Hieron. Fracastorius.*

4. *Mons* præcipuus *Atlas*, qui est duplex, unus columnis Herculis vicinior, alter in interiore Libyâ.

Cap. 6. Novus orbis.

Vidimus orbem veterem, perlustramus & novum: qui ipse veteribus fuit cognitus, sed non ita exactè ut nobis. Non enim accedo sententiæ illorum, qui putant, eum veteribus planè fuisse incognitum: quâ de re in utramque partem disputatur à *Jesepho Costâ Jesuitâ l. r. de novo orbe c. 6.* Hodie novus orbis ea terræ pars dicitur, quæ medio ferè spatio inter Hispaniæ Africæq; littora, extremamque Indiam à Septentrione per Oceanum utrinq; affluentem in Meridiem extenditur, sub formâ duarum peninsularum, quæ tenui Isthmo conjunguntur, ita nempe, ut quâ parte *Æquatori* subjacet, vel

non ita longè ab eo abest, coarctetur in angustum. Inde rursus dilatatur, donec pyramidis figurâ in meridiem extensâ complectatur fretum Magellanicû, & alias partes adhuc incognitas. Tota ista continens, etsi non planè sit explorata, major est reliquis quoad partes suas jam cognitatas, ut meritò *novus mundus* appelletur. Totus hic novus mundus hodie circumnavigatur, præter extremum illum tractum, qui Septentrionem spectat. Est incertum, an novus orbis insula sit an continens; quanquam crebrioribus Geographorum suffragiis receptum sit, esse insulam; Jac. Chyneus l. 2. *Geograph.* Hic orbis novus veteri partim obest, partim prodest. Nam ex quo tempore detectus est, omnia sunt facta cariora, majoraque hominibus data luxuriæ & avaritiæ prolectamenta. Deniq; detectus est sub idipsum tempus, quo artes & linguæ in Europâ reflorescere cœperunt, & doctrina cælestis repurgari.

Orbis novi pars alia est perfectè cognita, alia imperfectè: quarum illa dicitur America, hæc Magellanica.

America est pars novi orbis, qua ultra Hispaniam Africaq; occidentalia latera sita extendit se latissimo tractu à Septentrione versus Meridiem, usq; ad fretum Magellanicum.

Ejus consideratur

I. *Nomen.* Dicta est ab *Americo Vesputio*, qui eam non primus quidem invenit, sed tamen magnam

magnam ejus partem detexit. Nam *Christophorus Columbus*, qui vulgò dicitur *Columbus*, primus invenit Americam.

II. *Longitudo*, & III. *Latitudo*. In longitudine complectitur mill. Germ. 750: in latitudine 525, id quod intelligendum est de eâ Americæ parte, quæ investigata est. Nam tota America longè major est. Ejus littora minùs mediterranea adhuc tantùm sunt cognita; ita ut in longitudine dicatur complecti 80 gradus. *Michaël Neander in Geograph.*

IV. *Termini*. Ab Oriente, quâ Europam spectat & Africam, habet Oceanum Atlanticum, ab Occasu mare *Delzur*. Australissimam ejus partem claudit fretum Magellanicum, Borealissima autem ejus pars adhuc est incognita; quia terminatur mari congelato. *Rob. Sues. pag. 43. Geograph.*

V. *Partes*. America distinguitur in duas peninsulas, quarum una est Septentrionalior, altera Meridionalior.

Septentrionalis peninsula (alii faciunt continentem) circa *Æquatorem sita est*, & complectitur *Estotilandiam*, *Terram Laboratoris*, *Novam Franciam*, *Terram Floridam*, *Terram Novam*, *Hispaniolam seu Novam Hispaniam*, & provinciam Mexicanam.

Meridionalis pars sive peninsula America, ultra Æquatorem sita, & à Septentrionali discreta

P

est quodam Isthmo. Illa continet duas nobilissimas regiones, Peru, & Brasiliam. Peru est totius Americæ præstantissima pars, quæ bis in anno frumentum profert, & in quâ tanta fuit initio copia auri, ut domus auro rectæ fuerint, & vilissima quæque vasa supellectilia ex auro fabricata fuerint. Hinc quidam colligunt, Peru esse Ophir, cujus fit mentio in historiâ Solomonis, ita ut sit *מלכות* literarum *אֹפִיר* Ophir, *פֶּרוּ* Peru. Declinat hæc provincia à Meridie versus Occidentem, & reperta est auspiciis Caroli V. anno 1530. Distat à Fortunatis Insulis 70. grad. nec potuerunt adhuc ulteriùs versus Occidentem nautæ progredi.

VI. *Accidentia.* Incolæ in Americâ, qui prope Æquinoctialem consistunt, atrociores sunt reliquis. Ibi enim habitant Cannibales Anthropophagi. Qui verò habitant ultra tropicum Capricorni sunt longè mitiores. *Gemma Fris. de divis. orb. c. 30. Johan. Metellus, Benzo, Leerus.*

Magellanica est pars altera novi orbis versus austrum & polum antarcticum sita.

Hic considerabimus

I. *Nomen.* Sic vocatur à Ferdinando Magellano, qui primus in hanc mundi partem penetravit anno Christi 1520. auspiciis Immanuelis regis Lusitaniz. *Hier. Oserius l. 11. de rebus gestis Immanuelis.*

II. *Par-*

II. *Partes.* Quidam dividunt Magellanicam in duas partes, in continentem Australem, & terram circa polum Septentrionalem omnium minimam. In priori inventa est regio *Psittacorum*, provincia aurifera, regna *Lucas* & *Maledus* intra majorem & minorem *Javam* posita. In posteriori inventæ sunt quatuor insulæ circa polum antarcticum sitæ, ex quibus unam ultra *Lappo-*
niam & mare glaciale polum versus *Pygmæi* habitant, quatuor summum pedes longi. Sed prior illa duntaxat venit nomine Magellanicæ, quæ sita est ultra 53 grad. ab *Æquinoctiali*, ita ut is *Magellanicæ* locus, ad quem *Magellanus* penetravit, nostræ poli elevationi correspondeat. Hujus partes maritimæ, quæ freto *Magellanico* alluuntur, tantum sunt cognitæ.

Et hæc de novo orbe, de quo vide *Tomos illos grandes* quibus collecti sunt authores præcipui, qui de novo orbe scripserunt; ubi meminertis, plaustra sæpe mendaciorum, imò uberem illorum messem occurrere, præsertim in *Jesuitarum relationibus*.



G E O G R A P H I Æ

LIBER QUARTUS,

In quo

ULTIMA EJUS PARS, QUÆ

DICITUR ORGA-

NICA.

Cap. I. Globi terreni fabrica.

Hucusque egimus de globo terreno archetypo, vero, & reali, adeoque de primariâ Geographia parte: nunc paucis agemus de globo terreno ectypo seu representatitio; quem diximus sphæram terrestrem ectypam, cujus doctrina vocatur Organica Geographica, seu pars Geographia secundaria, ita ut illa sit quarta & ultima Geographia pars de spharâ terrestri ectypâ.

Sicut in Astronomiâ opus erat cælo representatitio ob nimiam distantiam cæli realis: ita in Geographiâ opus est terrâ representatitiâ propter nimiam amplitudinem.

Sphæra terrestris ectypa est vel in rotundo gibbo, vel in plano.

Sphæra terrestris ectypa in rotundo, specialiter vocatur globus terrestris; cujus trademus fabricam & usum.

Fabri-

Fabrica globi terrestris consideratur quoad partes, quæ sunt externa, vel interna, ut in globo cælesti. Henisch. in com. super Procl. pag. 226.

Externa pars globi est, vel separabilis, vel connexa.

Pars externa separabilis dicitur alveus globi, qui constat statumine seu basi, & capitulo.

Statumen constat stylobata seu pedimento, & scapo seu pedestali.

Stylobata est, cui compassus est additus pro globi rectificatione.

Pedestale continet quatuor columellas globum sustentantes.

Capitulum est horizon, qui basi est parallelus. Hic vertus est horizon totius mundi & terræ. Nam horizontes particulares, sive mutabiles, in globo non possunt pingi. Hic terram in duo hæmisphæria dirimit, tribusque regionibus sive oris constat. Prima seu intima ora versus globum continet signa cælestia cum planetis familiaribus cuique signo appictis. Secunda seu media, continet Romanum Kalendarium cum aureo numero & festis. Tertia & extrema continet ventos ad minimum 4, ad summum 32: & hæc utilissima est in Geographia ad accuratè distinguendas mundi plagas. Ut enim venti, sic & plagæ à Geographis distinguuntur. Veteres aliter numerarunt ventos, & pauciores illos. Sed hydrographi & nautæ memorant 32, hæc ra-

tione: Alii sunt *cardinales*, alii *collaterales*. Cardinales sunt, qui è quatuor mundi cardinibus spirant, ab Oriente *Subsolannus*, ab Occasu *Favonius*, à Septentrione *Aquilo*, à Meridie *Auster*. Collaterales ventos in pixide nauticâ sic numerant nautæ, ut totum horizontem dividant in partes æquales 32: & sub eâ parte, quæ est ad polum arcticum, collocant *Aquilonem*, in parte autem diametraliter oppositâ *Austrum*; & sic in circulo, linea diametralis ab uno polo in alterum ducitur. Hanc deinde lineam ad angulos rectos intersecant ab ortu æquinoctiali seu exactè medio ad occasum æquinoctialem; ibi ponunt *Subsolannum*, hîc *Favonium*. Deinde in puncto medio inter quoslibet duos horum cardinalium ventorum collocant ventum unum collateralem à cardinali proximum, atque ita jam octo ventos habent. Deinceps iterum puncto medio inter quosvis duos horum octo ventorum adhuc alium collateralem designant, ut fiant 32: ut videre est in *Compasso Nautico*, seu *Quadrato Nautico Gemma Frisii*, in *Cosmograph. Appiani cap. 15.*

Sequitur pars globi externa connexa, quæ ferme est anea.

Estq; major, vel minor.

Major pars est Meridianus; scil. immutabilis & unicus. Mutabiles enim & particulares Meridiani non possunt pingi.

Minor

Minor pars est circulus horarius, qui sectus est in horas 12 diurnas, & totidem nocturnas. In hoc circello est index seu stylus horarius. In quibusdam globis est quadrans altitudinis, de quo supra l. 1. Uranoscop.

Pars globi terreni interna est tùm centrum, quod non apparet; tùm area, quæ variis picturis est insignita.

Pictura illa sunt vel necessaria, vel non-necessaria.

Pictura necessaria est vel Geographica, vel Nautica.

Pictura Geographica est tùm Circulorum, tùm Locorum.

Circulus est major, vel minor.

Circulus major est primarius, vel secundarius.

Circulus major primarius est tùm Equator, tùm Meridianus.

Equator est circulus per medium globi ductus, ad neutrum polorum declinans, in certas decadas graduum distinctus. Prima decas constituitur in primo meridiano. Plerumque lineæ nauticæ ex eo ducuntur, & duæ imagines compassi nautici in eo pinguntur. Ab hoc pendet tota globorum & mapparum distinctio. Nautæ vocant die mitellini; item die lini.

Meridianus est circulus globo terrestri inscri-

ptus à Septentrione ad Meridiem per polos mundi. Contrarius itaq; est Æquinoctiali.

Meridianus in globo pictus (est enim etiam exterior, ut docuimus) est vel primus, vel secundus.

Meridianus primus est, à quo reliqui numerantur tanquam ab initio. Est dimidius circulus, ob maiorem numerandi commoditatem. Ut plurimum habet quinque imagines compassorum nauticorum inscriptas, è quibus dux sunt insigniores. Hic post Æquatorem primas tenet. Ducitur autem hic primus Meridianus & pingitur juxta insulam S. Michaëlis, & juxta insulas Canarias seu Fortunatas, ubi veteres olim finem mundi versus occasum statuebant.

*Meridiani secundi nigellis lineolis pinguntur, & concurrunt ad polos mundi, ducti per Æquinoctialem; ita ut denis quibusque gradibus Æquatoris novus meridianus secundus appingatur, atq; adeò 35 tales Meridiani in globo pingantur. Atque hi meridiani vocantur *circuli longitudinum*, quia situs locorum ab occasu versus ortum determinant.*

Circulus major secundarius est Zodiacus, sive Ecliptica. Circulus hic in quibusdam globis pingitur, ut agnosci possit 1. Ea mundi plaga, super quam Sol directè perpetuò versatur. 2. Quænam terræ loca singulis signis cælestibus respondeant.

Circulus

Circulus minor est, qui globum terrenum dividit in duas partes inaequales: & dicitur parallelus.

Parallelus est vel nominatus, vel innominatus.

Nominatus pingitur lineis rubris.

Estq; vel Septentrionalis, ut Tropicus Cancri, & Circulus polaris Arcticus: vel Meridionalis, ut Tropicus Capricorni & polaris Antarcticus.

*Parallelus innominatus pingitur lineis nigris. Hujusmodi paralleli pinguntur in globo duntaxat 16 per denos quosq; primi meridiani gradus, nempe 8 versus Septentrionem, & totidem versus Meridiem. Plures non pinguntur, ne fiat linearum confusio. Aliàs enim per singulos primi Meridiani gradus potest duci novus parallelus. Hi paralleli vocantur *circuli latitudinum*, quia nempe situs locorum versus septentrionem, vel meridiem indicant: Et sicut meridiani secundi sunt vicarii primi meridiani: ita & hi paralleli seu æquidistantes sunt vicarii æquatoris.*

Sequitur pictura Geographica locorum in globo terrestri.

Locorum consideratur tum inscriptio, tum distinctio.

Inscriptio est, quâ loca imponuntur globo terreno: quæ fit hoc modo. Longitudinem & latitu-

dinem cujusque loci pete è tabulis; cum Meridianum & Æquatorem in gradus distingue; denique gradui longitudinis in Meridiano applica filum, & gradui latitudinis alterum filum in Æquinoctiali. Ubi ista duo fila concurrunt, ibi scribas nomen loci. Eodem modo in globo jam fabricato invenies situm cujusque loci. Si enim habeas longitudinem & latitudinem loci propositi, consimiliter facis duo fila concurrere sive sese interfecare, in quorum intersectione est situs propositi loci, sive ille in globo sit scriptus, sive non. e. g. Herborna in longitudine habet gradus 30, in latitudine $51\frac{1}{2}$. Numera itaque in meridiano latitudinem, in æquatore longitudinem, & utriq; applica filum. Ubi erit intersectio, ibi situs erit Herbornæ.

Distinctio est, quâ loca distinguuntur. Locus itaq; in globo pictus, est vel major, vel minor.

Loca sunt, vel majora, ut regionis, gentis, insulæ, maris, fluminis; vel minora, ut sylvæ, montes, urbes. Et hæc diversis coloribus, majoribus item & minoribus notulis pinguntur.

Tantum de lineis geographicis, sequuntur pictura nautica, seu hydrographica, quæ monstrant, nautis viam.

De quibus hæc sunt theoremata:

1 *Linea nautica vocatur Rhombos, Lusitanico vocabulo, & Latine Rhombus: item linea itineris.*

2 *Linea*

2 *Linea nautica in globo (& in mappis) ostendit itinera maris.*

3 *Estq; recta, vel curva.*

4 *Origo linearum nauticarum est ex compasso nautico; qui alio nomine dicitur Index nauticus, & Quadratum nauticum. Nam exterior illius ora est quadrata, interior totunda.*

5 *Compassus nauticus dividitur in 4 quadrantes, tanquam partes horizontis, quorum quilibet complectitur 90 gradus. Ista enim linea, cui acus magnetica subicitur, est communis intersectio Meridiani & Horizontis; quæ autem hanc lineam secat, est communis intersectio horizontis & orientalis circuli in quolibet loco.*

6 *Singuli hi quadrantes iterum ratione 7 circulorum verticalium dividuntur in octo lineas, unde tandem totus compassus dividitur in lineas 32.*

7 *Hæ 32 lineæ totidem mundi plagas designant, itemq; totidem ventos, quibus nauta ex uno portu in alium navigant. Eam ob causam compassus nauticus pingitur in globis & mappis, nunc in Æquatore, nunc in Meridiano, nunc in nonnullis parallelis, ut monstret plagas mundi & ventos tam cardinales, quàm collaterales, de quibus supra.*

8 *Linea nautica miro flexu per omnes partes globi ducuntur, nec circularem figuram complent. Ratio: quia duntaxat monstrant diversas in-*

tersectiones horizontis & circulorum verticalium.

9 *Linea nautica seu rhombi non sine causa sunt inventa.* Eas Gerhardus Mercator primus in suis globis depinxit, quem postea alii sunt secuti. Hæc autem illarum est necessitas. Itinera terrestria sunt recta, ideoque fiunt per circulos magnos. Sed itinera marina sunt vel recta, vel curva. Recta, quando navigatur vel ab Ortum in Occasum, & contra; vel à Meridie in Septentrionem, & contra. Ibi navigatur per circulos parvos, sive per parallelos Æquatoris: hinc navigatur per circulos magnos. Itinera curva sunt, quando non navigatur directè à cardine ad cardinem, sed à plagis vel ventis intermediis, id quod accidit plerumque. Hæc itinera nec magis circulis sunt similia, nec parallelis; sed faciunt lineas curvas versus omnes mundi plagas procurrentes, quæ dicuntur rhombi, in quibus globis & mappis depinguntur. Rarò igitur marinæ projectiones fiunt per parallelos seu parvos circulos, rariùs per magnos, (quod enim curvum est, non subicitur circulo magno, sed ab eo ad parvum recedit) frequentissimè per rhombos.

10 *In navigandi arte quatuor considerantur:*
 1. Longitudo & latitudo utriusque termini, à quo, & ad quem. 2. Differentia inter longitudinem & latitudinem. 3. Linea venti seu compassi, quæ dicitur *rhombus*. 4. Intervallum itineris marini
 inter

inter duo ista loca, Appian. Cosmograph. pag. 13. Gemma Frisius ibid. Jacobus Chynaus l. 2. Geogr. cap. 23. 24. Robertus Sues Geogr. pag. 130.

Tales sunt pictura globi necessaria: non-necessaria sunt navium, avium, & aliarum rerum, quas vel pictor ad oblectandos oculos, vel author ad commendandum suum artificium adjecit.

Cap. 2. Globi terrestris usus.

Nunc de globi usu videamus, qui est rectificatio ejus, & rectificati tractatio.

Rectificatio globi triplici absolvitur labore, 1. Polus arcticus dirigatur beneficio compassi ad Septentrionem. 2. Elevetur polus. 3. Nomen loci deducatur ad Meridianum. e.g. si velis Herbornæ uti globo, eleva polum ad gr. $51\frac{1}{2}$: & tamdiu circumvolve globum, donec Herbornæ nomen Meridiano subjiciatur.

Tractatio globi rectificati est præcipua, vel minus præcipua.

Præcipua est inventio tum longitudinis, tum latitudinis.

Longitudinem loci in globo invenire. Locum, cujus longitudinem scire cupis, adjuuge ad æneum Meridianum. Deinde signa locum Æquatoris, quem Meridianus in globo pictus per-

transit. Tum numera gradus in *Æquatore* à Meridiano primo usq; ad datum locum; & habebis ejus longitudinem.

Latitudinem loci invenire. Datum locum applica ad Meridianum æneum. Deinde numera gradus, incipiendo ab *Æquatore*, & numerando in eodem Meridiano æneo, donec pervenias ad tuum locum. Quot enim gradibus locus distat ab *Æquatore*, tot graduum est ejus latitudo.

Tractatio globi minus præcipua est inventio distantia. Hæc est minus præcipua: quia datâ longitudine & latitudine loci, viâ Arithmeticâ potest inveniri distantia, ut docuimus suprà l. 2. *Geogr. c. 6.* Hic notandum, nos agere de distantiiis rectis, non autem itinerariis, quæ sunt curvæ, ob montes, aquas, sylvas, & alia impedimenta.

Inventio distantia fit vel per circumum, vel per quadrantem altitudinis.

Per circumum invenire distantiam. Extensi circini pedem unum in uno, alterum in altero pone loco. Intercapedinem inter duos circuli pedes applica ad *Æquinoctialem*, & istos gradus multiplica per 15. Si loca ista non sunt in globo, quære longitudinem & latitudinem utriusq; loci, & per filum nota in globo ceterâ, ut docuimus cap. præced.

Per quadrantem altitudinis invenire distantiam. Applica quadrantem ad loca, quorum distantiam

stantiam quæris, & considera gradus inter duo loca interceptos, quos multiplica per 15 mill. Germ. & si Italica velis, unum mill. Germ. multiplica per 4. Nam 4. mill. Italica constituent unum Germanicum. Quod si non fuerit ad manum globus terrestris, utere cælesti, cui inscribes loca per intersectionem filorum.

Cap.3. Mappæ universales.

EXposita est sphaera terrestris ætÿpa in globo seu rotundo gibbo: exponenda nunc est eadem in plano; quæ terræ repræsentatio fit in tabulis Geographicis; quæ aliàs dicuntur Mappæ, & Chartæ Geographicæ.

Mappa sunt vel universales, vel particulares. Illæ fiunt ut plurimum in plano rotundo, hæ in plano quadrato. Itaque

Mappa Geographica universales sunt, in quibus totus terrarum orbis depingitur in plano rotundo: raro in quadrato.

Fieri non potest ut globi forma in plano exactè exprimatur. Nam quod in globo fuit conjunctum, id in tabulâ extenditur diversâ figurâ. Etsi autem nonnulli totum globum terrenum unâ facie exprimunt: tamen commodior est ratio, ut in duas facies distinguatur: ut videre est in *tab. 1. Atlantis Mercatoris*. Hâc enim ratione majorem habet cum globo convenientiam,

estque velut globus dissectus in duas partes. Et-
 si etiam tabulæ Geographicæ universales à non-
 nullis figurâ cordis humani, ab aliis figurâ qua-
 dratâ, ab aliis formâ leonis, vel virginis expri-
 muntur, variisq; picturis illustrantur: tamen ty-
 rones studii Geographici ab initio minutas &
 simpliciores mappas sibi ponent ob oculos, ut
 ita totius orbis terrarum distinctionem animo
 possint concipere, quales sunt in *Cosmograph.*
Appiani, Münsteri, & Compendio. Ortelii Latine
à Galeo, Germanicè à Levino Hulsius edito. Vastæ
 tabulæ variis picturis repletæ phantasiâ ma-
 gnoperè perturbant.

In mappis universalibus considerabimus fabri-
cam, & usum.

Fabrica consideratur distinctè quoad partes
seu picturas, quæ sunt, ut in globo, vel necessaria,
vel non-necessaria.

Pictura necessaria est vel Geographica, vel
Nautica.

Geographica est circulorum, vel locorum.

Circuli sunt majores, vel minores.

Major circulus est principalis, vel minùs prin-
cipalis.

Principalis, est tum Æquator, ad quem stu-
diosus primò convertet oculos, tanquam totius
tabulæ normam & mensuram, transeuntem per
utramq; faciem; tum Meridianus, qui secundus
est ab Æquatore; & is, vel primarius, qui in ta-
bulâ

bulâ rotundâ ponitur extremo loco circumcirca, in quadratâ ab utroq; latere rectus gradibus graduumque decadibus distinctus; (& hic post Æquatorē est altera norma & mensura tabb.) *vel secundarius*. Hujusmodi Meridiani secundarii sunt multi, intra ambitum primarii Meridiani, per denos quosq; gradus Æquatoris versus utrumque polum ducti, in utraque facie 34, ita ut in quavis facie sint 17. Ita fit ut per Meridianos hosce exprimentur gradus Æquatoris 360, dum nempe quilibet Meridianus continet gradus 10. Initium autem Meridianorum est in facie tabulæ sinistræ. Numerus autem iste Meridianorum in utraque facie circa antarcticum circulum est assignatus.

Circulus major minus princeps in tabulâ pictus, est Zodiacus; qui in quibusdam tabulis exprimitur ornatus causâ, itemque ut ostendat habitudinem Solis & signorum cælestium ad loca terræ.

Minores circuli sunt paralleli Æquatoris; itq; vel nominati, ut duo tropici, & duo polares; qui dividuntur in duas facies: *vel innominati*, qui interdum sunt plures, interdum pauciores, & interdum 5, interdum 10 gradibus disjunguntur. Hic notetur, nonnullos constituere diversos meridianos, & illos, qui incrementa dierum ab aliis distincta habent, in margine signare.

Pictura locorum sunt locorum vel majorum, vel minorum.

Loca majora sunt regiones, insula, maria, flumina, quæ colore & quantitate distinguuntur.

Loca minora sunt montes, sylva, scopuli, & urbes primaria, quæ suis nominibus & turribus insigniuntur.

Sequuntur linea nautica, quæ non pinguntur in omnibus tabulis universalibus.

Pictura non-necessaria sunt varia, puta arviuum, navium, animalium exoticorum; & alia, quæ ex phantasiâ pictoris ad oblectamentum oculorum ponuntur.

Usus mapparum universalium est:

I. *Invenire situm cujusq; loci.* Numerata gradus longitudinis in *Æquatore*, & latitudinis ab *Æquatore* in *Meridiano* primario, atque applicata duo fila, quorum intersectio monstrabit situm. Atque hoc modo locus quilibet tabulæ inscribitur. Si enim habeas *Meridianum* & *Æquatore* accuratè gradibus distinctos, itemq; loci longitudinem & latitudinem, faciliè conficies tabulam, & locos impones. *Appian. part. 1. Cosmograph. pag. 18. 19. Münst. l. 1. Geograph. c. 22. Jacob. Chynaus l. 1. Geogr. c. 20. 21. & Ptolem. l. 1. Geograph. c. ult. Elementale nostrum Mathem. p. 246. & seqq.*

II. *Latitudinem seu declinationem ab Æquatore scire.* Numerare incipe ab *Æquatore* versus polum. Et quot gradibus quilibet locus declinat ab *Æquatore*, totidem etiam gradibus isti lo-

isti loco elevatur polus, ut nempe coincident declinatio ab *Æquatore*, & elevatio poli cujusque loci, utraque in Meridiano numeranda, initio sumto ab *Æquatore*; ita ut cæca linea ducatur à gradu Meridiani ad locum propositum in globo: Germani vocant *blinde ltni*. e.g. Herbornæ elevatio poli est $51\frac{1}{2}$. Itaque incipio numerare hos gradus in Meridiano, initio facto ab *Æquatore*, & à gradu $51\frac{1}{2}$ cæcâ lineâ ductâ versus Herbornam.

III. *Invenire distantiam locorum.* Pedem circini fige in centro seu medio circelli loci unius, & alterum pedem extende ad centrum alterius loci. Deinde circinum extensum applica gradibus circuli alicujus magni, videl. Meridiani vel *Æquatoris* in istâ tabulâ. Hos gradus multiplica in 15. mill. Germ.

Cap. 4. Mappæ particulares.

Sequuntur ultimo loco mappæ particulares, quæ sunt partes terræ representatiivæ.

Earum considerabimus fabricam, & usum.

Fabrica consideratur quoad partes, tum non-necessarias & parergas, ut sunt picturæ navium, avium, titulorum, dedicationum; tum necessari-

as, quæ sunt numero tres, Circuli, Scala milliari-
um, & Pictura locorum.

Circuli in tabulis particularibus exprimuntur
duo, *Æquator*, & *Meridianus*.

Æquator pingitur, vel expresse, vel analo-
gicè.

Expresse ponitur in its tabulis particularibus
tùm, quando loca in mappâ expressa sub *Æquato-
re* vel proximè ad *Æquatorem* sita sunt: ut videre
est in tabulâ *Asiæ*, *Africæ*, & *Americæ*. In tabu-
lâ autem *Europæ* non est *Æquator*, quia nullus
locus in *Europâ* sub *Æquatore* situs est.

Analogicè *Æquator* ponitur in orâ seu margine
tabularum lineis transversis, in quibus numeratur
longitudo. Hæ enim lineæ repræsentant *Æqua-
torem*, sive parallelos *Æquatoris*. In nonnullis
tabulis paralleli in ipsâ arcâ subtilibus distin-
guuntur lineis, ut videre est in *Italiâ Mercatoris*,
Atlant. min. lit. M m m. Pinguntur nonnun-
quam quinis, nonnunquam denis gradibus.
Rariùs etiam in mappis pinguntur illi paralleli,
qui distinguunt differentias horarum diei arti-
ficialis. Quando autem pinguntur, in margini-
bus appinguntur. Cæterùm hæ lineæ transver-
sæ vocantur *scala longitudinis*, quæ est superior,
vel inferior.

Meridianus pingitur itidem, vel expresse, vel
analogicè.

Expresse pingitur *Meridianus* in illâ tabulâ, in
quâ

quâ pinguntur insula Canaria. Causa è superioribus non potest esse non cognita.

Analogicè Meridianus ad marginem tabularum pingitur lineis erectis, ascendensibus & descendensibus, in quibus numeratur latitudo, seu elevatio poli. Hæ lineæ vocantur scala latitudinis. In iis enim assignantur termini, quousque scilicet elevatio poli se in istâ regione extendat. Præterea in quibusdam tabulis solent reliqui Meridiani, in quibus non fit numeratio, subtilibus lineis per mediam tabulæ aream à Septentrione in Meridiem duci. Vide modò laudatam Italia tabulam in Atlant. minore. Et hi Meridiani incurvati pinguntur, quia in diversis terræ tractibus diversimodè inclinant.

Circuli reliqui minores, nempe Tropici & Polares non ponuntur, nisi in illis particularibus tabulis, quarum loca ad hos circulos sita sunt.

Scala miliarium appingi solet adscripto titulo.

Estq; vel simplex, quando unius generis miliaria ponuntur, ut magna tantum, vel mediocria tantum, vel parva; vel composita, quando ista miliaria exprimuntur tribus areolis, quarum illa est longior, quæ continet miliaria magna.

Pictura urbium ita expedienda est, ut circulo addatur turris, & in medio circuli sit centrum.

Ufus tabularum particularium:

1 *Gradus longitudinis invenire*. In scalâ longitudinis, quæ respondet *Æquatori*, numera gradus, & vel lineale, vel cæcam lineam, vel filum extende ab illâ lineâ ad locum datum.

2 *Gradus latitudinis, seu elevationem poli invenire*. In scalâ latitudinis, quæ correspondet *Meridiano*, numera gradus, à quibus duc lineam ad propositum locum.

3 *Situm urbis invenire*. Si scias elevationem poli, illam quære in scalâ latitudinis, & è regione graduum elevationis poli in arcâ invenies nomen tuæ urbis. Quod si urbs non sit expressâ, memineris regulæ: *Urbes parva ad magnas, minus celebres ad celebriores revocantur*. Itemq; si scias longitudinem propositi loci, itemq; latitudinem, per intersectionem filorum invenies situm: eodemque modo tabulam particularem conficies, ut cap. præced. monuimus de mappis universalibus. Si enim filum applices ad gradum longitudinis, & alterum filum ad gradum latitudinis, ibi, ubi se ista fila interfecant, urbem invenies, si tabula confecta est; vel pones, si tabula conficienda est. Eadem enim hîc est ratio quærendi, & conficiendi.

4 *Quantitatem seu amplitudinem regionis scire*. Gradus in scalâ latitudinis & longitudinis ostendunt, quousque elevatio poli in istâ regione se extendat. e. g. in tabulâ *Italiæ Mercatoris* in scalâ latitudinis sunt assignati 38 grad. primò.

Hîc

Hic incipit Italia. Circa medium sunt 42. grad. Circa finem 46. Ibi enim definit Italia.

5. *Distantiā locorum invenire.* Hoc fit tribus modis: 1. Pedem circini inferas uni urbi, & alterum pedem extendas usque ad alteram urbem; deinde circulum extensum applica gradibus circuli alicujus magni in istā mappā, nempe Meridiani vel Æquatoris, & gradus multiplica per 15, vel minuta per partes unius. milliarii minutis analogas. Sed facilius hoc expedies duobus seqq. modis. 2. Filū extende à centro unius loci ad centrum alterius, & intercapedinē transfer ad scalam milliariam. Quod si filum excedat scalam milliariam, toties repete extensionem ad scalam, donec ad finem fili pervenias. 3. Per circinum id sic efficies. Extende circinum ab uno loco in alium, & intercapedinem examina ad scalam: vel accipe mensuram scalæ circino, eamque secundam lineam rectam à loco ad locum transfer. Sed hic *αὐτοψία* est optima magistra, & plus uno die, erudit, quàm decies repetitæ præceptiones, ita ut hic locum habeat illud *πολυπύκνωτον*; *Notitia intuitiva est instar definitionis.*

Hæc est admirandorum Geographicorum (qui enim neget hæc esse in gradu summo *admiranda*, quæ hætenus proposui?) summa: ubi secuti sumus Geographos præstantissimos, *Ortelium*, *Mercatorem*, *Chynaum*, recentiores, &


Ptolemaum, Melam, Miñsterum & Appianum,
 veteres. In methodo facem nobis alluxit πολλῶν
 ἀνδρῶν αἰώνων *Keckermannus*. In controversiis
 decidendis secuti sumus *Ortelium in Theatro,*
& Mercatorem in Atlante, quibus duobus ope-
 ribus an ab initio mundi similia (nam paria
 non sunt) visa sint, valde dubito. Quod
 superest, brevem totius Geographiæ
 ἀποσημείωσιν tabellarem
 proponimus.



Geogra-

Definitio. L. I. c. 1.

Geographiæ



361

Pe
ve
ar
de
&
ri

ADMIRANDORUM
MATHEMATICA-
CORUM

LIBER SEPTIMUS,

Proponens

Opticam quatuor libris methodicè
comprehensam.

LIBER PRIMUS

OPTICÆ,

De

VISIBILI ET VISIONE
IN COMMUNI.

Cap. I. Opticæ definitio &
divisiq.

Absolvimus scientias Mathematicas medias,
qua tractant de corpore, jam veniemus ad
Mathematicas medias, qua tractant de qualitate.

2

Qualitas est, vel princeps, vel minùs princeps.

Qualitas princeps est, vel visibilis, vel audibilis.

De qualitate visibili tractat Optica, de audibili Musica. Illi primum damus locum ob primatatem (sicut in Scholis loquimur) objecti. Statuimus enim, visum longo intervallo præstantiorem esse auditu.

Optica est bonè videndi scientia. Latinis Perspectiva dicitur, in singulari & plurali numero, à perspektando: Arabibus doctrina de aspectibus.

Ejus partes duæ sunt, Communis & Propria, seu generalis & specialis.

Pars communis est, quæ communia (ut vocant) scientia explicat.

Communis scientia Optica sunt, visibile, & visio in communi.

Cap. 2. Radius.

V*isibile est omne id, quod radiat per medium. Visibile habet communes affectiones, & species.*

Communes affectiones visibilis sunt duæ; Radiatio, & Radiatio per medium. E modò datâ definitione & visibilis constat duas hasce esse visibilis affectiones, radiare, sed per medium.

Radiare est per radios sui speciem diffundere
secun-

secundum figuram opticam. In hac definitione duo occurrunt explicanda, quid sit *Radius*, quid item *Figura optica*.

Radius est species intentionalis à puncto visibilis emanās. Aliàs dicitur *linea radialis*, *linea incidentia*, *linea extensionis forma*, *linea multiplicationis forma*, *linea diffusionis forma*, *linea luminosa*. Non autem est linea mathematica, sed physica. Illa latitudinis est expers, hæc sensibilis & aliquâ latitudine prædita, adeoque corporea. Licet enim oculis non judicetur, nullius lineæ formæ percipiatur, neque etiam tactu deprehendatur, ideoque corporis expers planè judicetur: attamen quia habet actum formæ corporeæ, non immeritò linea physica & corporea dicitur. *Arist. 2. Phys. c. 2. Alhaxenus 16. prop. 4. Vitello 3. theor. 2.* Facit enim angulos cum objectorum corporum superficiebus, quibus incidit. Facit, inquam, angulos vel rectos, vel obliquos. Ita tamen radius est linea physica, ut in medio illius mente concipienda sit linea Geometrica, cui aliæ omnes lineæ Geometricæ sint parallelæ. Propriissimè itaque radius dicitur species intentionalis rei visibilis in directum porrecta, ita tamen ut unus radius unius puncti tantum deferat speciem. Lux enim minima incidit in punctum physicum, quod est sensibile, & respondet Geometrico puncto, quo Geometrica linea terminatur. Geometrica ista linea vocatur *linea fiducia*, dicitur *augentini*.

Radii, sic definiti, considerantur proprietates, & species.

Proprietates radii sunt Velocitas, & Finitio.

Velocitas est, quâ radius fertur in instanti.

Hæc velocitas motus cujusque naturalis celeritatem vincit, ipsarumque cogitationum celerissimam mobilitatem equare videtur. Stellæ enim v. g. videntur brevissimo tempore, *ex 1^o rui.* Causa hujus velocitatis est lumen, quod est radii vehiculum. Lumen enim in instanti movetur. Itaque

Visibile radiat radio velocissimo. Lucret. 1. 4.

Ptol. 2. Catoptrorum. Alhaxenus 42. prop. 2.

Vitello 53. & 54. theor.

Finitio est, quâ radius terminatur. Omnes enim res naturales finitæ sunt. Infinitio autem Mathematica cadit in res abstractas. *Arist. 3. Phys. acroas.* Itaque

Visibile radiat radio finito. Radius ille finitus consideratur quoad medium, & duo extrema. Medium est proportionalis distantia inter visibile & visorium seu visivum. Extrema duo sunt, radiatio longinquior, & radiatio propior. Nimiâ quidem longinquitate visibilium punctorum species hebescent, disturbantur, aliò dissipantur, intermediisque umbris permiscuntur. At radiatione propinquiore crassæ, turbidæ, & confusæ species ad oculum deferuntur, quæ in ærem paulò longiùs diffusæ attenuantur, purificantur,

ficantur, & in ordinem adducuntur, obque tenuitatis moderationem videndi sensum læcesunt: non secus ac florum odores è brevi intervallo multa crassa & fæculenta secum ad nares deferunt, quæ eosdem insuaves reddunt, è mediocri autem & longinseulo intervallo advolantes, fæculentis crassisque partibus decidentibus, puriores sincerioresque effecti nares suaviùs feriunt. *Plutarch. 8. quæst. 1. Symposiacûn, Albaz. 37. prop. 1. Vitell. 15. prop. 3. Risner. 1. Opt. thes. 7:*

Species radii sunt, quòd alius sit rectus, alius obliquus.

Radius rectus est, qui ad angulos aequales incidit: adeoque est omnium fortissimus. Aliàs dicitur radius incidentia, & radius perpendicularis.

Radius obliquus est, qui ad angulos inæquales incidit: dicitur radius obliquationis.

Estque vel minus, vel magis obliquus.

Minus obliquus est, qui ad angulos minus inæquales incidit: magis obliquus contrà.

Radius radio per se nihil præstat. Est enim una omnium radiorum natura, licet luminoso-
rum corporum radii sint sensiliores reliquorum corporum radiis. Veruntamen radiorum è visibili in objecta rectus vel obliquus casus facit, ut radius radio sit præstantior fortitudine. Nam radius perpendicularis fortissimus est. Ratio: quia vis radii recti angulorum æqualitate:

Q 3

congregatur. Virtus autem unita est fortior dispersâ. Obliquus verò radius tantè est fortior, quantò minùs obliquus, quoque perpendiculari est propior. Ratio hujus debilitatis in obliquo radio est: quia angulorum inæqualitate dissipatur vis. Atque hinc fit ut motus naturales, qui sunt perpendicularibus lineis, item radii Solis existentis in apogæo, projectiones deniq; & impulsiones perpendiculares sint fortiores obliquis, & ex obliquis sint fortiores, qui perpendiculari propiores. Atque hinc redditur ratio varietatis, quæ est in diversis anni constitutionibus, in zonis differentibusq; climatis.

Cap. 3. Figura Optica.

O*ptica figura est, quæ à basi in mucronem fastigiatur.* Dicitur figura Optica: quia illi propriè non potest convenire nomen alicujus figuræ Geometricæ, nec trianguli, nec pyramidis, nec conii, idque ob infinitam basis suæ varietatem. Aristoteles tamen vocat pyramidem *s. prob. 15. scilicet.* *Alhaxenus* item & *Virello* docent, visionem fieri secundum pyramidem, cujus vertex sit in oculi centro, basis in visibili, & vocant *pyramidem radialem*. Sed nos generali vocabulo uti sumus.

*Figura optica est vel linea, vel triangulum,
vel*

vel mista conis superficies, vel pyramis, vel conus.
Radiatio quælibet fit secundum figuram à basi
(quæ est ipsum visibile) in thæronem fastigia-
tam. Hanc vocamus figuram opticam, cujus
species subjunximus.

*Linea optica est, secundum quam radiat pun-
ctum.* In hac lineâ opticâ tanquam naturali ac
sensili figuram opticam geometricis lineis com-
prehensam, animo complecti oportet. Dicitur
aliàs *linea radialis.*

*Triangulum opticum est, secundum quod ra-
diat linea recta.*

*Mista conis superficies optica est, secundum quam
radiat periphæria.*

*Pyramis optica est vel radialis, vel illumina-
tionis.*

*Pyramis radialis est, secundum quam radius
linea recta è visibili rectilineo.*

*Pyramis illuminationis est, secundum quam ra-
diat corpus luminosum: ita ut ejus vertex sit pun-
ctum corporis luminosi, basis autem superficies
corporis objecti, vel illuminati.*

*Conus opticus est, secundum quem fit radiatio
circuli.*

Ex his patet, non simpliciter esse verum, sed
secundum quid, quod vulgò dicunt Optici, vi-
sionem fieri secundum pyramidem: quodque
Euclides 2. hypothesis Opticæ supponit, figuram à
radiis ab oculo effusis comprehensam, esse eo-

Q 4

num, qui verticem habeat in oculo, basin in extremis rerum visarum. Cæterum opticæ figuræ mutuis basibus & verticib. innumerabiles sunt inter radians & radiatum. Visibilia enim quælibet opposita, inter sese mutuò radiant & radiantur, speciesque cujuslibet puncti unius est in quolibet puncto alterius. Unde fit, ut visibile alterum fiat basis opticæ figuræ cujuslibet puncti (tanquam verticis) alterius: cumque innumerabilia sint uniuscujusque visibilis puncta, innumerabiles figuras opticas mutuarum basium & verticum inter opposita visibilia creari est necesse.

Cap.4. Medium.

Sequitur Medium, quod est corpus pellucidum radiis pervium: Græcis διαφανές, Latinis translucidum, pellucidum, perspicuum, & diaphanum. Quod Græci vocant διαφάνειαν, Latini diaphanitatem.

Medium est vel subtile, ut aër, vel crassiusculum: & hoc, vel magis, ut vitrum, crystallus, glacies, cornu, & gemmæ quædam; vel minus, ut aqua.

Theoremata de Medio sunt:

1 Medium est spatium perspicuum inter visibile, & visum. Et hoc est medium negationis, non autem participationis.

2 Medium

2. *Medium salvâ naturâ suâ radios speciesq; visibilium recipit, & immutatos eosdem oppositis corporibus reddit.* Tria asseruntur hoc theoremate, quæ distinctè videbimus. 1. *Medium sine sui mutatione recipere species atq; radios.* Nam medium non patitur à speciebus visibilibus, sed alterum extremum. Obijciunt, color & lux modum excedentes tingunt & medium & oculum. Respon. Hæc tinctura & immutatio brevis est, & non mutat essentiam vel humorum in oculo, vel ipsius medii. 2. *Radios sine sui mutatione transire per medium.* Id docet experientia, & probari potest inductione. Nam neque aër, neque aqua, neque reliqua media immutant radios, sed illi distinctè & sine *alioquin* penetrant per medium. Ita si multis candelis accensis earum lumen transeat per angustum foramen in opacum, singularum lumina in objecto plano distincta & inconfusa, & non-mutata apparebunt. 3. *Medium reddere radios oppositis corporibus.* Nam visibile in oppositum extremum opacum radiat, ita quidem ut è quolibet & visibilis puncto per quodlibet medii punctum in quodlibet oppositi punctum linea recta duci possit. Omne itaque visibile radiat radio recto. Ratio: quia lux fertur secundùm lineas. Obijcis; suprà radium fuisse distinctum, in rectum & obliquum. Resp. Omnis radius est rectus in figurâ qualibet opticâ. Sed ille qui est perpendicu-

Q

laris, καὶ ἰσόχην vocatur rectus. Reliqui etiam recti sunt, sed respectu illius vocantur obliqui; non quod curvi sint, sed ratione ὑπερβολῆς, i. e. casus. Cæterum visibile ita radiat in oppositum quolibet sui puncto in quodlibet oppositum punctum, ut punctum specie puncti, magnitudo specie magnitudinis, linea lineæ, superficies superficiæ, corpus corporis specie radiet, *Risn. 1. Opt. 1b. 4.*

3 Medio opponitur opacum. Opacum est corpus radiis invium, ita ut in ejus superficie radii ac specierum fluxus cohibeantur, ne longius transeant: *Vitelloni 3. secundi dicitur umbrosum.* Hic notetur, τὸ opacum esse ἐκ τῶν πολλαχῶς λεγόμενα. Aut enim Physicè accipitur, aut Opticè. Physicè opacum dicitur, quod licet sit solidissimum & maximè compactum, influentiis tamen cælestibus transitum præbet, & hoc modo perspicuum dicitur quadantenus. Opticè verò opacum dicitur, quod radiis non præbet transitum, licet præbeat eundem cælestibus influentiis. Itaque quod quidam Optici tradunt, omne corpus perspicuum, & nullum esse in rerum naturâ corpus opacum; non intelligendum est de diaphanitate opticâ, quæ in medio, & opacitate, quæ diaphanitati opticæ opponitur, sed de raritate, cujus nullum in mundo corpus est experts. Atque hoc est quod lib. 1. disputavimus de minimo naturali. Hoc velim notari contra eos, qui non

non possunt capere, quomodo ignis sit in ferro candente, lux Solis in aëre, calor cordis in reliquis membris.

4 *Corporum perspicuorum tres sunt classes.* Prima classis est aër, qui propter λεπτότητα subtilissimamq; partium tenuitatem non radiat, aut certè non efficaciter, adeoque nec oculos la-cessit. Secunda classis est aqua, limpida scilicet. Tertia classis reliqua, ut lapis specularis, vitrum, crystallus, glacies, alumen, cornu, gemmae quaedam, humores denique & tunicæ, è quibus oculus contextus est. Aër non terminat visum: Multò minùs igitur orbes cælestes, qui sunt aëre superiores, & quia superiores, subtiliores. Aqua verò & reliqua diaphana visum terminant imperfectè. Opaca eum terminant perfectè.

5 *Visibile est densius medio.* Si enim sit æquè perspicuum, radiandi efficaciam caret. Sic aëreum in aëre, aqueum in aquâ, crystallinum in crystallo non radiat differenti sensiliq; radiatione. Sed aqua in aëre, & crystallus in aquâ radiat: quia hæc differunt gradibus perspicuitatis.

6 *Sola superficies videntur.* Ratio: quia illæ solæ efficaciter radiant. Et verò superficies terminant corpora; hæc itaque per illas videntur.

7 *Aër non videtur nisi colore alieno.* Sic sunt quædam animalia, quæ non videntur nisi colore alieno; quia scil. sunt aëri similia. Talis est po-

Q 6.

lypus, qui piscatur assumpto colore proximorum saxorum.

Cap. 5. Lux.

Adhuc communes Visibiles affectiones fuerunt, sequuntur species.

Visibile est per se, aut per accidens.

Visibile per se est, quod per sese radiat, seu, quod solo visu percipitur, seu, quod in se causam habet cur radiet. Hoc si sit splendidum, 1. Lædit visum, juxta illud: Sensibilia excellens, lædit sensum, ut Solis jubar, fulgor, colorum claritas. 2. Occultat quædam, quædam illustrat. Ita Sol luce suâ obfuscat lumen stellarum, sed inferiora illustrat: & Luna plena occultat stellas, à quibus distat uno gradu, sed sublunaria collustrat. Et color splendidus obscuriori proximo officit, ut apparet in gemmis, si applicentur pannis luculentorum colorum.

Visibile per se est vel primum, ut Lux, vel secundarium, ut Color. Alhazenus, Vitello, & reliqui Optici statuunt viginti duo visibilia, quæ hoc ordine commemorantur: Lux, Color, Remotio, Magnitudo, Situs, Corporeitas, Figura, Continuitas, Separatio seu divisio, Numerus, Motus, Quies, Asperitas, Lenitas, Diaphanitas, Densitas, Umbra, Obscuritas, Pulchritudo, Deformitas, Confusio, Diversitas. Ex his duo sunt visibilia per se,

per se, Lux, & Color. Nullum enim visibile præter lucem & colorem solo visu comprehenditur. Sicut enim solo auditu sonus, solo odoratu odores, solo gustatu saporis percipiuntur: ita solo visu lux & color. Luci autem subsunt quatuor, *diaphanitas, densitas, umbra, obscuritas.*

Lux est visibile per se, primò præcipueq; radians: aliàs lumen. Optici hæc duo docent esse *ἰσχυράμειζα*, neque curant scholasticam illam distinctionem inter lumen & lucem. Est autem natura lucis magis admirabilis, quàm explicabilis. *Risn. 1. Opt. l. 13.* Quæritur enim, *utrum lux sit alba, an ipse albor: utrum cum aëre permisceatur: utrum primò per se videatur: utrum sit corpus, vel aliquid è corpore emanans.* Ego sic sentio: Ad 1. Lux condensata est alba, & simplex non est albor ipse, sed actus visibilitatis. Ad 2. Cum aëre non permiscetur. Ad 3. Per se videtur, & primò. Ad 4. Lux non est corpus. Ratio: quia uno velut momento diffunditur, & medium penetrat. Penetratio autem corporum non datur. Sed nec est aliquid corporis, quod nempe emanat è corpore. Sed est *prima physicarum formarum forma*, & formarum caelestium diffusio: ita ut per naturam corporeæ formæ in inferiora corpora se insinnet, eademq; illustret, modo soli ipsius architecto cognito. Plura in hanc sententiam vide paulò infra cap. 9.

Lux consideratur in se, vel oppositè.

27

Lux in se consideratur vel formaliter, vel subjective. Ibi absolute, hîc relate.

Formaliter, dum consideratur extra subiectum: idque juxta hæc theoremata.

1. *Lux congregata est fortior dispersa.* Itaq;

Idem lumen fortius illuminat spatium conclusum parvum, quàm magnum. Sic idem sonus odorque in loco concluso & minori fortiores sunt, quàm in aëre liberiori.

2. *Lumen non impeditum per medium ei proportionē respondens diffunditur temporis puncto.* Omnium specierum visibilium hoc est proprium, diffundi in momento; maximè tamen primarii visibilis, luminis scilicet, judicatur proprium.

3. *Lux est vel prima, vel secunda.* Lux prima est, quæ secundum radiorum directionem projicitur, & efficit secundam. Lux secunda est, quæ fit è diffusionē lucis primæ. Sic lux per fenestram incidens in cubiculum, dicitur prima, in angulis verò cubiculi, quò à luminoso rectè pertingere nequit, dicitur secunda. *Vitello 4. definit. 2. Petzennus* ad eundem fermè modum *14. prop. 1.* definit lucem primariam, quæ radiosè procedit à luminoso: secundariam verò vel accidentalem, quæ est à latere extra radiorum incidentiam, ac obliquè in omnem partem mediū se diffundit. Ego hæc de re ita sentio: Lux consideratur vel formaliter, quatenus est forma formarum:

marum: vel subjectivè, quatenus est in subjecto, seu in luminoso. Et posteriori hoc modo alia est prima, alia secunda.

Lux subjectivè consideratur, vel in luminoso, vel in illuminato. Luminosum est veluti terminus à quo, illuminatum est veluti terminus ad quem. Illud est τὸ δεικνόν, hoc propriè dicitur objectum. Illud est materia in quâ, hoc materia circa quam. Sol, luna, stellæ, cometæ, ignis, lucernæ, sunt corpora luminosa: aër, & reliqua corpora sublunaria sunt illuminata. Et luminosum est vel cæleste, ut sol, luna, stella; vel elementare: & hoc est vel elementum, ut ignis in suâ sphaerâ; vel elementatum, ut ignis focalis seu usualis, candela, &c. His præmissis subjungemus theoremata de luce subjectivè consideratâ.

1 *Luminosa cælestia novis luminibus radiis, lucis recentibus indefinenter radiant.* Inter arcanas quæstiones physicas est, quomodo imagines rerum possint conservari in memoriâ, cum subinde spiritus animales intereant, alterentur, & novi generentur? Ad hanc quæstionem respondent Physici: imagines propagari de spiritu in spiritum. Sic inter arcanas quæstiones opticas est, an lumen corporum cælestium semper sit idem, an verò alterum in alterius lumen deinceps succedat? Sunt qui prius asseverant. Ego posterius statuo, & dico ab astris nova

lumina perpetuitate quâdam, sine ullâ interruptione, indefinenter, in momento denique manare. Si enim claudas fenestras, protinus tenebris nigrescet aër in cubiculo: quibus apertis idem clarescit. Lumen sanè non manet idem, sed primum quodque perit, & aliud atque aliud à Sole continenter fluit. Non manet, inquam, idem, identitate numericâ. De genericâ enim & specificâ luminis identitate hîc non disputamus. In luminibus & flammis, quæ humido pingui aluntur & sustentantur, res caret omni difficultate: *Arist. 2. meteor.*

2. *Lux fortius illuminat objectum propinquius.* Agens enim tantò fortius agit, quantò patienti fuerit propinquius. Ergo & opacum propinquius illuminatur fortius remotiori. Itaq;

Opacum eâ sui parte copiosius & fortius illuminatur, quâ radium perpendicularem excipit. Quia nempe ea pars luminoso propinquior est. Brevissimæ enim minimæq; distantiae mensura est ipsa perpendicularis. Quia reliquæ lineæ omnes ab eodem puncto ad planam, vel convexam superficiem eductæ sunt longiores. Atq; hinc dependet maxima pars physicarum prædictionum, quæ è cælestium corporum motibus desumuntur. Tantò enim majorem vim radios atque adeò lumen ipsum in hanc inferiorem naturam habere credendum est, quantò radios æctiores magisque ad perpendiculum vertici nostro

noſtro emiſerint. Hinc deprehendi poteſt, quantam quiſque planetarum virtutis ſuæ particulam pro ſuo à terrâ intervallo, proque radio- rum ac luminis rectitudine in elementa & ele- mentata quolibet tempore infundat. Ita Solis in apogæo radii ad terram emiſſi ſunt humiliores iis, quibus Sol propior terram complectitur: quod notatu digniſſimum eſt.

3. *Lux per anguſtum foramen incidens, quæ lon- gior eſt, eſt latior.*

4. *Si lux per anguſtum foramen in locum tene- broſum incidat, repræſentabit in objectâ papyro al- bâ, quacunq; forinſecus rectè affluunt.* Sed ita, ut viſibilium ſpecies appareant verſæ. Admiran- dum hoc eſt, facile, & utile magiſterium, de quo *Riſnerus 1. Opt. 19.*

5. *Radii ab eodem luminofi puncto longius con- ſtinuati apparent paralleli.* Dico apparent; ſed non ſunt. Ratio: quia, ut eſt in elementis Geo- metricis, duæ rectæ ab eodem puncto eductæ nunquam poſſunt fieri parallelæ. Itaque

Radii ab eodem Solis puncto emiſſi, apud terram non ſunt reverâ paralleli.

6. *Corporis luminofi radii ſunt luminofi, h. e. lineæ lucidæ.*

7. *Luminofum ſphæricum majori ſui ſegmento illuminat punctum longinquius pluribus radiis & copioſius, quàm punctum propinquius à minori ſe- gmento.* Hoc theorema non repugnat theor. 2.

Et si enim punctum longinquius pluribus radiis illuminatur: tamen & loci longinquitate & casus radiorum obliquitate vis luminis infringitur & debilitatur, quæ è breviori intervallo est fortior. Brevioribus enim radiis major virtus à luminoso emanat.

8. *Luminosum sphaericum illuminat alterum sphaericum eo vel aequale, vel majus, vel minus. Si æquale, illuminat ejus dimidium. Si minus, illuminat plus dimidio. Si majus luminosum illuminat, minus dimidio. Clarius: Luminosum sphaericum illuminat sphaerici æqualis dimidium: minoris plus dimidio: majoris minus. Hoc videre est in sole, lunâ, & terrâ. Sol enim illustrat tertiam. Sol est major terrâ, Illuminat igitur terram plus dimidio.*

9. *Luminosum sphaericum sphaerici minoris & propinquioris plus illuminat, quàm remotioris. Ex hoc theoremate perspicuum est, partem terræ à sole illuminatam, pro solis à terræ centro remotione & propinquitate imminui & augeri; minorem sole apogæo, majorem perigæo: in interjectis ac mediis locis mediocrem.*

10. *Si sphaericum luminosum illuminat sphaericum, extremis longissimusq; radius à majori ductus tangit minus: ut si lineam ab extremitate corporis solaris αβς. εβθς ducas ad terram, tanget illa utrumque.*

Cap. 6.

Cap. 6. Umbra.

Consideravimus lucem in se: jam considerabimus oppositè.

Oppositum lucis est umbra. Hic mirabile est, quod annotant Optici: Umbra scilicet à luce & aboleri, & procreari. Cum enim corpora opaca luminis radiisq; transitum sensilem præcludant, fit ut radii terminis opaci corporis incidentes & ultra id in directum porrecti, spatium quoddam obscurum & lumine privatum terminent atque abscindant. Ea lucis imminutio & absentia dicitur umbra.

Umbra occurrunt proprietates, & species.

De proprietatibus umbra sunt theorematas:

1 *Umbra terminatur lucis radiis.* Quia enim umbra est defectus & absentia lucis; terminus igitur umbræ est luminis radius. Terminus autem ille seu finis umbræ exactè sciri non potest. Itaque observationes, quæ colliguntur è proportionem umbræ ad gnomonem sive corpus, non sunt exactæ, licet error iste sensum fugiat.

2 *Umbra proficitur in partem luci oppositam.* Ratio hujus: quia umbra fit corporis opaci interpositione inter luminosum & illuminatū. Sic gnomonum umbræ sole oriente tendunt occasum versus ad punctum eclipticæ, puncto ejusdem, cum quo sol oritur, è diametro oppositum,

3 *Umbra retinet figuram sui opaci.* Ratio, quia radii corporis luminosi opacum undique tangentes, & ultra id excurrentes umbram definiunt. Umbra ista figurata ab opaco varias induit figuras, pro superficie, quibus incidit, varietate. Si enim umbra lineæ rectæ in sphaericum incidat, est sphaerica: si in superficiem angulosam, est angulosa ipsa.

4 *Umbra sequitur motum sui opaci, & luminosi.*

5 *Umbra multiplicata est umbrosior.* Ratio: quia quælibet minuit aliquid luminis. Hinc aqua clara radios solis oblique excipiens, apparet nigrior, propter umbras superiorum aquæ partium super inferiores proximas ad fundum usque deinceps projectas. Alii contra putant, umbram ab umbrâ non augeri perpetuò, sed suppressi potius & occultari.

6 *Opaci tot sunt umbra, quot sunt opposita luminosa:* ut unum opacum tribus candelis oppositum tres reddit umbras.

7 *Umbra lucis propioris est densior, remotioris tenuior.* Ratio, quia illic est major imminutio & privatio lucis, hîc minor.

8 *Umbra opaci luminoso equalis, est opaco aequalis: minoris minor: majoris major.* Itaque

Si diameter sphaerici luminosi sit æqualis diametro opaci sphaerici, umbra erit *κυλινδροειδής*: si major, *κωνοειδής*: si minor *κωλοειδής*. *Κυλινδροειδής.*

Φοειδής est, quando columnæ specie diffunditur
Κωροειδής, quum metæ spargitur formâ in cuspi-
 dem desinentis: *Καλαθειδής*, quum turbinis spe-
 cie diffunditur.

9 *Umbra opaci tantò minor est, quantò subli-
 mius est lumen.* Sic umbra solaris minor est lu-
 nari. Ita sese habent umbræ, quæ in horizontis
 planum ab opaco ipsi rectè insistente projiciun-
 tur. At verò si in planum horizonti perpendicu-
 lare ab opaco eidem plano rectè infixo jacten-
 tur, contrarium. Quamdiu enim vertex opaci
 inter suum planum horizonti perpendiculare &
 rectam à centro mundi per luminarium centra-
 ductam includitur, major est solaris umbra lu-
 nari. Quod si idem vertex eandem rectam tan-
 git, radiusque umbram terminans, centralis est,
 umbra solaris æquatur lunari: si jam dictam re-
 ctam transibit egrediturque, umbra solaris mi-
 nor est lunari. Quamvis enim luna sit inferior
 sole: suâ tamen supra horizontem altitudine so-
 laris radii sublimitatem tùm assequi, tùm supe-
 rare potest. Quamobrem jactabit umbras aliàs
 majores, aliàs æquales, aliàs minores solaribus.

10 *Opaci propioris luminoso umbra minor est.*
 Ratio hujus est: quia quantò opacum est lumi-
 ni propinquius, tantò radius per verticem opaci
 umbram terminans est sublimior.

11 *Umbra suo opaco modò æqualis est, modò
 brevior, modò longior, pro diversâ luminosi alti-*

tudine. Quando enim radius umbram definiens æquat duos angulos, alterum ad verticem opaci, reliquum ad terminum umbræ in objecto plano, erit umbra æqualis opaco. Hinc patet causa, cur sole 45 gradibus supra horizontem elato, umbra æquetur suo gnomoni. Hinc nata est ratio metiendi altitudines rectè & ad perpendicularam insistentes plano horizontis, vel plano ad horizontem perpendiculari. e.g. sit baculus altus 8 ped. qui projiciat umbram æqualem, idem 8 ped. & turris eodem tempore projiciat umbram 20. ped. Hinc infero, umbram turris esse turri æqualem, & colloco in regulâ aurêâ 8 dant 8. quid dabunt 20. Quòd si radius luminosus umbram circumseribens, dictos angulos fecerit inæquales, erit umbra tantò minor, quantò angulus altitudinis fuerit major.

Species umbra sequuntur. Est autem umbra vel totalis, vel partialis. Quia umbra est privatio, eodem modo dividitur ut privatio, quæ est ὀλική, vel μερική.

Umbra totalis venit nomine tenebrarum. Nox enim nihil est aliud, quàm umbra terræ. Hinc *Basilius:* οὐχ ἔστι σκίασμα γῆς ἀπὸ κυρτοῦ οὐρανοῦ ἢ λίου γινόμενον. Et *Homerus* noctem vocat ὄψειαν, non quòd cursu sit acuta aut velox, sed quòd ejus figura in acutam desinat lineam. Noctis enim umbra extremitate in mucronem terminatur. *Wouwerius de umbrâ.* Solet hîc disputari, utrum

trēm tenebræ videantur? Stoici id affirmarunt, *Plutarch. de placitis philos. c. 25.* Sed privatio non cadit sub aspectum; imò nullo sensu percipitur. Ubi verò nulla est substantia, ibi privatio intelligitur. Privatio enim est substantiæ, vel etiam accidentis, negatio: ut silentium vocis, cæcitas visus, inane corporis. Non enim sentimus inane tangendo, sed ubi nullum tactui corpus occurrit, vacuum animo concipitur. Vacuum hic accipimus populariter, non physicè. Sic nec silentium audimus, sed quando nihil audimus, silentium intelligimus. Eodem modo cæcorum, nudorum, & inermium non est sensio, sed sensus negatione noscuntur. Ergo tenebræ non videntur, nisi absentia lucis. Porro tenebræ ita sunt lucis integra privatio, ut in iis quantumvis crassæ reliquæ luminis dispersæ videantur. Homines enim & bruta in tenebris ambulantes sentiunt quædam lucis vestigia. Præsertim si quis in tenebris, etiam crassissimis, paulò diutius versetur, videbit eas discuti. Et feles, nycticoraces, lupi, mores, in tenebris acutum vident. Hinc *Plotinus* statuit, nullum locum omni luce esse casum, & habere semper aliquid lucis secundariæ.

Umbra partialis γὰρ ἡ εἰρημὶν dicitur umbra, cujus distinctionem, & magisterium considerabimus.

Distinctio est, quæ alia recta, alia versa dicitur.

Umbra recta est umbra opaci perpendicularis, plano terrestri aut ipsi parallelo in eodem plano vel parallelo extensa: aliàs dicitur umbra extensa, quia extenditur in plano terrestri, aut ipsi parallelo. Si enim umbrosus corpus ad angulos rectos finitori insistat, projicit umbram in planum horizontis, quæ vocatur recta: ut si baculus insistat terræ plano, vel asserti terræ parallelo, sive horizontaliter, ut vocant, erecto.

De hac est theorema:

Umbra inæqualium & parallelorum, terminata eodem radio, diversis & aequè altis sunt proportionales altitudinibus. Hinc in promptu est facilissima dimensio eorum altitudinum, quarum in plano umbras metiri licet. Erecto enim scipione datæ altitudini parallelo, radius luminosi per utriusque vertices in planum objectum incidens constituet duo triangula æquæangula & lateribus proportionalia. Hæc ratione Thales dimensus est pyramides Ægyptias. Sicque architecti arborum, ædificiorum & turrium altitudines metiuntur: & nonnunquam, si nulla sit umbra rei mensurandæ, scipionem infigunt plano terræ & oculum admovent scipionis basi quàm propinquissimè, ut radius opticus per erecti scipionis & propositæ altitudinis vertices pertranseat.

Umbra versa est umbra opaci paralleli plano terrestri in planum ipsi terrestri perpendiculare projecta.

projecta. Clariùs: Umbra versa est, quæ projicitur à gnomonibus, qui Soli obvertuntur, & ad planum circuli verticalis angulos rectos constituunt. Hujusmodi umbras jactant brachia hominis erecti extenta: talis est umbra styli in cylindro horario, in horariis orientalibus, occidentalibus & aliis: item bacilli, vel clavi cujuslibet infixi ad angulos rectos parieti, aut muro, qui plano terrestri sit perpendicularis.

Cap. 7. Umbræ magisteria.

Magisterium umbra est vel externum, vel internum.

Magisterium umbra externum est, quod umbra in aliis scientiis extra Perspectivam peperit.

Estq; Geodaticum, Astronomicum, Geographicum, & Architectonicum.

Geodaticum magisterium ita habet: Umbra est opaco vel major, vel æqualis, vel minor. Vide cap. anteced. theor. 11. & theor. de umbr. rect. ibidem. Sicut igitur sese habet una umbra ad altitudinem notam: ita & altera umbra se habebit ad altitudinem ignoram. Deinde in quadrato Geometrico unum latus vocatur umbra recta, alterum latus umbra versa: quâ de re sic habet. Sicut est umbra recta ad suum gnomonem: sic est gnomon quilibet ad suam umbram versam;

R

ut ^aL sit gnomon cum umbrâ rectâ, ^bT^c sit gno-
^cmon cum umbrâ versâ. Dico: Sicut e i umbra
recta se habet ad eâ gnomonem: ita gnomon
b-c ad umbram versam, quæ spargitur à b ver-
sus d. Recti enim sunt anguli ad e & c. Et è
converso: Ut est stylus ad umbram suam ver-
sam, sic est umbra recta ad suum gnomonem.
Atque hinc umbra versa nomen invenit, quòd
cum rectâ collata verso & contratio sese habeat
modo. Sub eâdem enim luminosi supra terrestre
planû altitudine crescit, & decrescit cum illa cre-
scit. Sic antemeridiano tempore umbra recta ob
augescentem Solis altitudinem decrescit, versa
crescit: in ipso meridie illa brevissima est, hæc
longissima: pomeridiano autem tempore recta
propter decrescientem Solis altitudinē augescit,
versa decrescit & imminuitur. Itaq; sub duabus
Solis altitudinibus, quæ circuli quadrantem, sive
gradus 90 complent, umbra recta (gnomonib.
æqualib.) erit versa alterius, & contrâ. Sic quan-
ta est umbra recta 10 gradib. Sole supra horizō-
tem elato, tanta erit umbra versa dum Sol 70
gradibus attollitur: & è contrario, umbra versa,
Sole 10 gradibus exaltato, monstrat umbram
rectam, quando Sol 70 gradibus supra terram
elevatur. Sic licet ex umbrâ rectâ versam, & con-
trâ colligere. Et hæc est causa, quòd Geodætæ
in re-

in reducendis punctis umbræ versæ ad puncta umbræ rectæ jubeant 144 perpetuò dividi per puncta umbræ versæ reducenda. Quia enim in lateribus scalæ geodæticæ, quam vocant altimetram, angulum rectum continentibus, inque 12. æquales partes sectis, unum umbræ rectæ, alterum umbræ versæ est attributum; et quia, ut modò diximus, ut umbra recta est ad suum gnomonem, sic stylus ad umbram versam, & inversè, ut umbra versa ad suum stylum, sic gnomon ad umbram rectam: sic ut in regulâ aurcâ 12. secundum tertiumq; locum obtineat, (cùm uterque gnomon in 12. part. sit sectus) qui duodenarius juxta regulam in se multiplicatus procreat 144: hic per partes umbræ versæ à regulâ dioptræ in scalâ altimetram abscissas, divisus, exhibet in quoto partes umbræ rectæ. *Risner.*
2. Opt. 35.

Astronomicum magisterium est multifarium:
Nam

1 Umbra monstrat rationem Eclipsæ, tam Solarium, quàm Lunarium. Umbræ enim vis ad Mercurii usque globum transcendit. Nam terra in medio collocata, umbræ suæ cuspide ultra Lunam pertingit. Atque hinc eclipsis Lunæ. Mercurius verò & Venus non obscurantur, quia à Sole nunquam digrediuntur; unde & ejus satellites vocantur, *Cic. 2. de nat. deorum*. Nam Venus citra quinquagesimum, Mercurius citra tri-

gesimum gradum comitatur Solem, i. e. Mercurius plus unius, Venus plus duorum signorum intervallo, ut Cicero ait, à Sole non discedit. Sed umbra non semper Lunæ affert deliquium. Ratio: quia Luna obliquato suo motu, paulumque relictâ Eclipticâ, Solis orbitâ, jam ad boreales Zodiaci partes, jam in austrum divertit, & præter duos, hosce motus in latitudinem quoque progreditur, unde Apulejo *multivaga*, & veteribus *trivia* dicta fuit. *Apulej. de deo. Socrat. Varro l. i. de ling. lat.* Quòd si hâc ratione cursus suos non obliquaret, sæpius illi laborandum esset. Nam ita in latitudinem progressa, umbram terræ evitat: quum ab Eclipticâ quinque gradibus utrinque, i. e. decem, secedere possit, & hoc modo umbram faciliè effugiat. Atque hæc vera est causa, cur singulis mensibus Luna non deficiat in oppositione. Non enim fit diametralis oppositio. Quoties autem Luna in signorum articulis, sive intra dimidium umbræ extensæ spatium deprehenditur, luce viduatur. Id autem diu non potest durare, quum Luna in oppositione altissimum obtineat locum, adeoque velocissimo feratur cursu. Solaris autem eclipsis fit, quando Luna Soli conjungitur.

2 *Umbra est aliqua via in mutandis hominum, gentium, & rerum publ. conditionibus.* Hoc theorema est Astrologicum, pendetque à primo illo. Sol enim & Luna maximè influunt in hæc inferi-

inferiora, nominatim quando eclipsin patiuntur. Hinc est illa umbræ potentia: quia scil. Sol & Luna alterant humores corporis, adeoque hominis temperamentum. Quam verò anima plurimum sequatur temperamentum corporis, alia atque alia in principibus & subditis existunt studia, ac proinde inducuntur mutationes integrarum sæpè Rerump. *Ptolem. sent. 24-96. Firmicus l. 2. Mathes.*

3 *Umbra nos docuit magnitudinem Solis & Luna.* Cum enim tres umbrarum sint species, *κυλινδραιοειδής*, quando luminosum est æquale opaco, *κωνοειδής* quando sphaerici luminosi diameter est major diametro opaci, & denique *καλαθοειδής*, quando luminosum opaco minus est: & deficiente Lunâ, non columnæ, neq; turbinis specie cernatur umbra, sed planè mucronis, seu conî, figurâ; certâ ratione collectum est, Solem magnitudine terram superare. Neque enim hæc umbra projicitur, nisi corpus opacum sit luminoso minus. Et nisi Sol magnitudine excederet omnia corpora terrestria, non contraherentur eorum umbræ Sole toto supra terram erecto. Minuuntur autem rerum umbræ, idcircoque nec minor, nec æqualis, sed omnino major. Si enim minor esset, rerum umbræ majores essent. Si verò par ejus magnitudo, umbræ semper æquales & sibi similes spargerentur. Falsus ergo Epicurus, qui Solis magnitudinem judicio

oculorum metiebatur. Falsas Anaximander, qui Solem terræ æqualem statuebat. *Cleomedes l. 2. Meteorol.* Præterea hinc Lunam Sole minorem discimus. Neque enim noctis metam incurrere posset, nisi Solis major esset magnitudo. *Basil. homil. 6. hexaëm.* Terram verò Lunâ majorem eâdem ratione asserimus. Umbra enim terræ tegit Lunam in Eclipsi, & quidem mucronis effigie. Unde certò constat, Lunam magnitudine terræ superari. Omne enim corpus, quod umbram projicit acuminatam, majus est eo corpore, quod hâc umbrâ obductum continetur. Unde omnino terram Lunâ majorem esse concludimus. Imò verò ex eâdem umbrâ colligimus, diametrum terræ sese habere ad diametrum Lunæ, ut sese habent 17 ad 5; quod eâdem eclipsæ ratione constat. *Ptolem. l. 5. c. 6.* Hinc manifestus Parmenidis error, qui Lunam & Solem æqualis magnitudinis statuit. *Plutarch. de placit. philos. & Anaximandri opinio falsa, qui Lunam decies & novies terrâ majorem asseruit. Stob. eclog. Physf.*

4 *Umbra docuit altitudinem Solis.* Vide *Risnerum l. Opt. 34.* Item *tabulas gnomonicas Purbachii.* Docuit item eccentricorum varietatem. Vide *ibid.*

5 *Temporis rationem umbra docet.* Hinc veteres ante horarum usum ex umbræ solaris incremento & decremento partes diei planè distinxerunt.

stinxerunt: Hinc proverbium: *Decempes umbra grata*: quā instantis cœnæ tempus significabatur. Et etiamnum hodie ex umbræ solaris accretione & imminutione de tempore ipso vulgus judicat.

6 Ex umbrâ rectâ æquinoctiali & meridiana, gnomoneq; notis, altitudo poli investigari potest & æquinoctialis ipsius. Imò ex umbrâ rectâ meridiana, sole etiam extra æquinoctiorum puncta versante, elevatio poli cognosci potest: & contrâ ex elevatione poli ipsa umbra meridiana recta.

Geographicum magisterium, quod umbra peperit, continetur his theorematibus:

1. Umbra docuit climata & parallelos constituere: ut patebit è sequentibus.

2. Terram esse sphaericam umbra docet. Cū enim umbra corporis sui figuram examussim exprimat, in eclipsi aërem Lunæ umbra terræ faciat circulum à lucidâ parte distinctum; certo iudicio colligimus, rotundam esse terræ superficiem, tanquam in speculo redditam imaginem. *Ptolem. μεγαλ. συντάξ. l. 1. c. 4.* Non itaque terra similis est tympano, ut Leucippus, non cylindro, ut Anaximander, neque scaphæ, ut Heraclitus dicebat, similis: neque cava & rotunda, ne aqua effluat, ut Democritus agebat; quâ ratione & Solis orbem cavum statuebat. Anaximander, ignem orbiculo continentem, eumque

tanquam è gùtture prominentem: neque plana & lata, ut putabat Empedocles oculorum secutus iudicium, neque pyramidi simili. *Plutarch. de placitis phil. Stob. eclog. phys.*

3 *Umbra docuit, terrenum globum in medio universi situm.* Ratio: 1. Quia umbræ gnomonum in æquinoctiis in eandem incidunt lineam. 2. Quia eclipses in locis Soli non objectis terrâ extra medium positâ appaterent.

4 *Umbra docuit, magnitudinem globi terrestris.* Eratosthenes hunc modum ita descripsit: Constituit Alexandriæ gnomonem ad horizontis planum perpendicularem. In solstitio verò hyberno die mediâ duos diffundi radios à duobus Solis punctis observavit, unum per Syenem, qui cùm sit perpendicularis, ad centrum usque terræ produxit; alterum verò per verticem gnomonis, quem in Alexandriâ crexerat, umbram versus Septentrionem spargentis. Atque ita ex ratione gnomonis ad umbram collegit, angulum sub gnomone & radio comprehensum esse partem quinquagesimam quatuor rectorum. Sed angulus iste æqualis est, qui gnomone Alexandrino ad centrum usque continuatur, & æqualis angulo, qui in centro terræ continetur, radio per Syenem dimisso. Quare & hic angulus quinquagesima pars quatuor rectorum. Spatium igitur circuli inter Alexandriam & Syenem, sui ipsius circuli quinquagesima

firma pars est. Intervallum autem harum urbium æquare 5000 stadia, compertum est dimensione. Maximus itaq; circulus terrenus in suo ambitu est ducentorum quinquaginta duorum millium stadiorum. *Cleomed. l. 2. meteorol. Martian. Capell. philol. l. 6. Plin. l. 2. c. 108.*

5 *Terram puncti instar obtinere comparatione universi, docet umbra.* Umbra enim pari semper vertigine cum Sole circumfertur, ejusque itinera paribus conficit spatiis, semperq; ad eundem cuspis umbræ centro Solis è diametro opponitur. Rectè enim linea sive axis umbræ, à solis centro per centrum terræ ad extremum umbræ sese extendit. Adde, gnomonum umbras in horologiis æqualiter circa gnomonas, ut umbram terræ circa terram à Sole circumduci. Ad extremum cum vertices gnomonum in horologiis ad Solis sphaeram habeant centri rationem, & in quavis terræ parte horologia erigi possint, totius terræ molem ad Solis globum centri rationem habere certum est. *Ptolem. l. 1. $\mu\epsilon\tau\epsilon\omega\rho\omicron\upsilon\lambda\omicron\gamma$.*

6 *Umbra locorum intervalla computare docuit.* Umbra nempe in eclipsi Lunæ ex horarum discrimine: unde & Eratosthenesprehendit Syenem & Alexandriam Ægypti, eidem meridiano subjectas.

7 *Umbra incolas universi distinxit, illis nomina imposuit, adeoque terra zonas, climata & parallelos assignavit:* id quod th. 1. dictum. Nam

R 5

subjecti zonæ torridæ dicuntur ἀραι. Nam meridie ipsorum verticibus Sol incumbit, ut nullas possint jactare umbras. Cùm verò Æquator Zodiacum duas in partes æquales dividat, quarum illa meridionalis, hæc septentrionalis, Sol per utramque decurrit. Sed cùm partem septentrionalem transit, umbræ sparguntur in austrum, cùm verò alteram occupavit, in Aquilonem procurrunt. Ab hac igitur geminâ umbrâ iidem, qui sub Æquatore habitant, ἀμφιόσιοι dicuntur. Qui autem sub Tropicis habitant, tempore solstitii Solem vertici imminentem habent, reliquo tempore ab ipsis declinat, atque adeò umbras in partem oppositam spargunt: in septentrionem scil. qui sub tropico cancri, & in austrum, qui sub tropico capricorni habitant, hinc ἀντίοσιοι appellati. Qui temperatas inhabitant zonas ἐτρεόσιοι dicuntur. Cùm enim Sol ad eorum verticem non pertingat, in unam tantùm plagam projiciunt umbras. Zonæ denique frigidæ inhabitatores ὀρείοιοι vocantur, eò quòd Solis incerto in orbem motu umbra illis circumagatur. *Cleomed. l. 1. Strabo l. 2. Plin. nat. hist. l. 2. c. 73:* qui sic docuerunt de terræ incolis. Paulò aliter nos suprâ l. 1. *Geogr. cap. 3.*

Architectonicum umbra magisterium habet, duo theoremata:

- 1 Umbra peperit εἰς ἡλικίην καὶ σκιαγραφίην, id est, pi-

est, *pietura rationem*. Hominis namque umbra viam & januam arti aperuit; quam lineis circumductam ad totius corporis perfectionem sequebantur. Nudis hisce & rudibus primordiis magna ars cœpit. Solent etiam pictores præstantissimi luminum umbrarumque rationem suis inculcare discipulis.

2. Umbra peperit *οὐραγραφία καὶ ἰχνογραφία*, duas Architectonica partes primarias. Sciagraphia est, quâ architecti extructuri aliquid, animo præconciipiunt molem & intra se formant, adeoque futurum opus adumbrant. Ichnographia est areæ jacentis descriptio, futuri operis specimen exhibens: quæ majorem operi conciliat symmetriam & concinnitatem, necnon facit ne aliquid superflui ingenti sumtu sine usu pereat. Hoc enim cum primis incumbet architecto, ut cum extruendum opus suscipit, quanto id sumtu futurum, ostendat. Quâ de re lex fuit lata Ephesi, ut refert *Vitruvius l. 10*. Si enim plus consumtum erat, quàm indicasset, pecuniâ ipsius perficiebatur. Utinam hæc lex hodie postliminio revocaretur! Non tot ridiculæ extruerentur ædes.

Cap. 8. Gnomonica.

Vidimus umbra magisteria externa, in aliis scientiis Mathematicis: nunc videbimus magisterium internum, in Opticâ.

Magisterium umbrae Opticum est vel Catoptricum, vel Gnomonicum.

Catoptricum est, quo umbra ostendit inventionem speculorum, de quibus infra l. 3.

Gnomonicum est, quo umbra peperit eam Optica partem, qua dicitur Gnomonica.

*Gnomonica est pars Optices de fabricâ horologiorum solariorum, sive sciatericorum: sic dicta à gnomone, quia τὸν οὐρανὸν ὁρᾷ, i. e. solariorum rationem perquirat, discriminatisq; umbris horas gnomone seu veruto pernotat. Gnomon enim est stylus horizonti, seu plano terræ ad angulos rectos insistens. Non itaque de horologiis sonantibus & automatis tradit gnomonica: sed eorum doctrina dicitur *horologiographia mechanica*, sicut gnomonica dicitur *horologiographia Optica*.*

Gnomonica partes duas sunt, communis, & propria.

Communis tradit partes horologiorum sciatericorum, & communes affectiones.

Partes sciatericorum sunt Index seu Stylus, & Linea horaria.

Communes affectiones sunt situs, & ordinatio.

Situs est, quo sciaterica sive sciateria variant respectu superficierum, quibus inscribuntur.

Situs est respectu vel horizontis, vel meridiani, vel quatuor cardinum.

Ordinatio.

Ordinatio est, quâ stylus ordinatur ad superficiem.

Pars propria Gnomonica agit de variis sciatericorum speciebus.

Sciatericum est, vel nocturnum, vel diurnum.

Nocturnum est, vel lunare, vel fiderale.

Diurnum (& hoc propriè dicitur solarium) est vel fixum, vel mobile.

Fixum est, vel in plano, vel in rotundo.

In plano est vel jacens, quod dicitur horizontale, vel erectum; & hoc ratione suiipsius, vel quatuor mundi cardinum.

Erectum ratione suiipsius est vel verticale, vel inclinatum; & hoc 1. supinum, vel primum, 2. Æquinoctiale, vel Polare.

Ratione quatuor cardinum est Orientale, Occidentale, Meridionale, & Septentrionale: ex quibus Meridionale & Septentrionale est, vel directum, vel declinatum, & utrumq; vel dextrum, vel sinistrum.

Fixum in rotundo est, vel in rotundo perfecto, ut in globo concavo; vel in imperfecto, in concavo vel cylindri, vel coni in versi.

Sciatericum mobile est vel nobilius, ut annulus, & cylindrus in convexo; vel ignobilis, ut quadrangulum & quadrans.

Hæc horologia sciaterica sunt, vel antiqua, quæ continent horas 12 inæquales, vel Babylo-

nica, quæ indicant horas ab ortu Solis, cujus modi usitata sunt in Oriente; *vel Italica*, quæ horas complectuntur ab occasu Solis; *vel Astronomica*, quæ horas notant à meridie usque ad mediam noctem. Singula persequi minutatim non fert ratio hujus compendii. Vide hæc de re *Clavius & Metium l.5. tom.1.*

Cap.9. Color.

HActenus de primario visibili per se, Luce nempe, & ejus opposito, Umbrâ: sequitur secundarium visibile per se, Color.

Color est visibile per se, lucis ope radians. Æquè intricata est colorum philosophia Optica, atque fuit lucis, ut videre est apud *Scalig. ex. 325.* Nos paucis perstringemus. Quæ sit coloris essentia, è datâ definitione constat. Color est visibile per se, quia non radiat per aliud, Est autem visibile per se secundarium: quia in luce, tanquam primario visibili, radiat, sinq; speciem diffundit. Lux itaque venit in compositionem coloris, non ut materia, sed ut actus: quæ tamen lux visum non laceffit, neque reipsâ radiat, nisi à luce extrinsecus accedente excitetur. Hinc *Vitello* Opticorum ille antesignanus 1. *th. 3.* ait, colorem esse lucem quandam incorporatam corporib. mixtis. Ex quo fit, ut pro lucis elementis permistæ
copiâ

copia ac quantitate, color alius alio sit laetentior, licet pari eodemque externæ lucis splendore in medium radient: & sic quoque à pictoribus alii colores plus, alii minus lucis in sese continere dicuntur. Quid verò? An etiam lux est in colore nigro? Omnino. Lux enim, neque alba est in se, neque albedo: quippe in aëre quoque videretur, & visum terminaret. At non videtur, nisi propter subiectum & missionem. Quid igitur lux? Actus quidam visibilitatis: qui etiam in nigro esse queat. Non enim est niger color, ut tenebræ, sed actu quiddam. Tenebræ verò privatio, nec videntur. Niger color est aliquid, & per se videtur: habens in se lucem, id est, actum visibilitatis. Cæterum ista lux in colore non potest actu videri, nisi cum eâ, quæ extra est immista, per conjunctionem uniat. Nec propterea lux in misto simul est & actus & materia, sed actus tantum. *Scal. ex. 325. f. 3.*

Color est, vel extremus, vel medius. Ille simplex, hic mixtus dicitur.

Color extremus est, qui extra omnes reliquos est.

Estque albor, aut nigror.

Albor est, qui recipit omnes colores.

Nigror est, qui in se continet omnes colores. Album & nigrum sunt opposita. Et quidem Aristoteles, aliique bene multi putant, opponi ut habitum & privationem: ita ut alii statuunt, ni-

grum esse privationem albi; quia habet proportionem tenebrarum: alii contrà, album esse privationem; quia recipit omnes colores. Quod autem recipit, privatum est. Sed utrumlibet dixeris, ἀφαιρέσειν dixeris. Nam ex habitu & privatione nihil potest componi. Nos dicimus: Albor est in potentiâ colores omnes: nigror omnes colores continet. Item albor est color extremus plus lucis habens: nigror est color extremus minus lucis habens, & umbræ plenior: ideoque à Plutarcho *umbrosus* appellatur. Dicimus igitur, esse adversa: quia uterque est quid positivum. Alii sic definiunt: albedo est color congregans visum; nigredo, disgregans.

Colores medii sunt, qui interjacent inter extremos: suntque numero 36. è quibus tres sunt luentiores, puniceus, viridis, purpureus. Dicuntur medii: intellige medium participationis, non negationis. Scaliger ex. d. f. 9. septem nobiliores recenset colorum species: Sunto, inquit, nobiliores: albus, flavus, ruber, purpureus, viridis, caruleus, niger. Ad quos omnes, tanquam ad capita ceteri sunt reducendi.

Cap. 10. Visibile per accidens.

ATque hac de visibili per se: visibile per accidens est, quod per aliud radiat: seu, quod videtur

videtur per lucem & colorem: seu quod pluribus sensibus percipitur. Aristoteles & ejus sequaces sensilia communia quinque recensent, *magnitudinem, figuram, motum, quietem, numerum*. Horum enim quodque non visu tantum, sed aliis etiam sensibus, absque visu sentitur. Sic figura in luce, visu; in tenebris autem, vel etiam oculis clausis, tactu percipitur: magnitudo & numerus tactu & visu: motus & quies omnibus, præterquam gustatu, percipiuntur. Sed Optici visibilia per accidens viginti numerant. Vide suprâ c. 5. Nos secuti Risnerum, ad duo referimus, hoc modo:

Visibile per accidens est, vel magnitudo, vel locus.

Sub magnitudine continentur octo: Figura, Corporeitas, Pulchritudo, Deformitas, Lenitas, Asperitas, Consimilitudo, Diversitas.

Sub loco continentur septem: Distantia seu remotio, Situs, Continuitas, Separatio seu divisio, Numerus, Motus, Quies.

Reliqua quatuor, Diaphanitas, Densitas, Umbra, Obscuritas, luci tanquam principi per se visibili subsunt.

Cap. II. Visionis natura explicata.

*S*atis de visibili: jam de visione in communi.

Visio est receptio speciei visibilis in oculum.

Est receptio, Græcis ἐμπλοισις, εἰδύλων, *incidentia imaginum*. Statuimus enim, visionem fieri καὶ εἰσπομπήν, ἐμπλοισιν, καὶ εἰδοισιν; quod Latini artifices vocant, *immissivè*. Ratio: 1. Quia reliquæ sensationes eodem fiunt modo: ita ut Philo Judæus rectè dicat, αἰσθησις ὡσεὶ εἰδοισις λέγεται. 2. Quia species per angustum foramen in locum obscurum incidens in oppositâ chartâ albâ apparet. Errant itaque qui cum Euclide, Stoicis & Ptolemæo defendunt τὴν ἔκχυσιν, *effusionem*, sive ἐκπομπήν, *emissionem*, sive ἔκρυσιν, *effluentiam* radiorum ab oculis. Objiciunt, iætericos videre flavum in oculo colorem, ubi nullum sit medium inter colorem & oculum; proinde visionem fieri per emissionem. Respon. Iætericorum hæc est hallucinatio. Vitiosus enim color in oculo tingit speciem visibilem intromissam. Errant etiam, qui cum Pythagora & Platone τὴν ἐμπλοισιν, τὴν ἔκρυσιν complexi sunt. Pythagoras vocavit ἀντανάκλασιν, *mutuam reflectionem*; Plato συναύγλαιαν, *splendoris concursum*. His enim obstat, quòd visio fit in momento. Recipit igitur oculus speciem visibilis, è cujus similitudine, quam cum visibili habet, intellectus de ipso visibili judicat. Neque enim visibile videtur per speciem, sed species visibilis. Si enim visibile videretur, esset plura visibilia, cum à pluribus eodem temporis puncto percipitur. Non visibile recipitur in oculum, sed species ejus, & hæc videtur. Itaq;

Ad

Ad visionem duo requiruntur, visorii incolumitas, & applicatio activorum ad passiva.

Organi visorii incolumitas requiritur: quia unumquodque recipiens recipit secundum modum receptivitatis suæ. Quale igitur recipiens, talis receptivitas. Hic notetur, oculo clauso fortiores fieri radiorum collectionem in altero oculo. Interim duobus oculis similiter motis una visibilis, oculo majoris, species percipitur.

Applicatio activorum ad passiva est speciei visibilis in oculum receptio, tribus constans membris; angulo visionis, axe optico, & diametro oculorum.

Angulus visionis est angulus verticalis figura optica in oculo existens. Estq; paulò minor recto, si sit maximus; sed acutorum maximus est: ut si in campo patenti circumcirca videas, visio usquequaq; porrecta erit circulus, cujus centrum est oculus, (hinc oculus in Astronomicis habetur pro mundi centro) peripheria horizon visus, diametri verò rectæ intersectæ crura anguli maximi visionis, qui ferè comprehendit quadrante horizontis. Dico ferè: quia certa visio, ut scenographi docent, fit, quando visus eodem è loco uno intuitu aliquantò minùs quadrante peripheriæ illius complectitur, cujus centrum est oculus. Alioquin à peripheriâ, quæ major est quadrante, radii extra centrum visus concurrentes ampliorem quidem recto com-

prehendunt angulum, sed visionem minùs certam reddunt. Maxima itaque figura optica, vertice in centro oculi, est penè rectangula, id est, 90 graduum. Hic visionis angulus potest gradibus minui usque ad minimum, quo nempe diviso, nulla visio fit amplius. Atque hæc causa est, quòd corniculari seu *contactus angulo* nil possit videri. Visio enim fit radiis & lineis rectis. Angulus verò cornicularis constat lineâ rectâ & obliquâ. Ideoque sub eo nihil cernitur. Hinc etiam patet, in visibili requiri magnitudinem, ut videatur. Sic millesima milii pars non cadit sub aspectum, separata à milio; sed conjuncta cum eo videtur. Hinc denique constat, visionem perfectam fieri radiis perpendicularibus ad oculi superficiem, ut ita figura, situs, color, & ordo visibilis ritè percipiantur ab oculo. Radiis enim obliquis species visibilis indiscriminatim & imbecilliter, prout radius est vel magis, vel minùs obliquus, apprehenditur: sed radiis rectis species visibili planè similis cernitur. Soli namque recti rectè penetrant. Rectè igitur Optici: *Perpendicularis*, inquit, *ad oculi superficiem potentissimus est & efficacissimus ad visibilem speciem dispositè ordinateq; glaciali representandum, obliquis omnibus ad idem superficiæ oculi punctum inflexis, visibilemq; speciem debilem & imbecilem glaciali (sic vocant pupillam oculi) offerentibus.* Ex hisce radiis perpendicularibus tota visibilis

libilis species conflata in opticam figuram ad oculi superficiem erigitur atque clauditur: posthabitis obliquis radiis, qui vel inter perpendiculares interjecti opticaque figurâ comprehensi ad visionem nonnihil conferunt: vel ipsos perpendiculares intersecant, extraq; figuram opticam afferunt speciem inordinatam. Præterea si optica figura una est, etiam una species visibilis ab oculo percipitur. Ratio hujus: quia in uno nervo optico communi ambæ species receptæ conjunguntur, unaque efficiuntur. Nervus enim opticus communis reliquos duos, qui ab eo in oculos protenduntur, sub suo quasi habet imperio. Denique oculus ideò globosus est, ut quam celerrimè hinc inde moveri, res se majores contueri, multasque & diversas uno aspectu comprehendere posset, hæcque ratione figura optica ordinata fieret.

Axis opticus est radius transiens per omnia centra tunicarum oculi, ad medium gyrationis concavi nervi, super quem compositus est oculus. Aliàs vocatur axis pyramidis radialis; axis figura optica; axis radialis; axis pyramidis visualis; axis pyramidis visionis; axis visionis, & axis visualis. Quòd si hujusmodi axes optici concurrant, faciunt axem communem in medio.

Diameter oculorum est recta connectens centra oculorum. Euclides vocat ἀπέχουσα τῶν ὀφθαλμῶν, distantiam oculorum.



LIBER SECUNDUS

OPTICÆ.

De

VISIONE SIMPLICE.

Cap. I. Visio distincta.

Adhuc pars Optica communis est tradita: sequitur propria, de speciebus visionis.

Visio est vel simplex, vel composita.

Visio simplex est, qua fit à solo incidentia angulo. Angulus incidentiæ est, qui comprehenditur à radio incidentiæ. Clarius: Visio simplex est, quâ res ipsa, & non imago rei (ut in compositâ) videtur.

Estq; aut confusa, aut distincta. Illa dicitur visio per simplicem aspectum, hæc per diligentem intuitionem.

Visio simplex confusa est, quâ visibile totum simul videtur indistinctè in instanti: ita ut prius comprehendat visibile, quàm visibilis speciem.

Visio distincta est, quâ visibile videtur distinctè per radium seu axem perpendicularem. Quò itaq; radii sunt remotiores ab axe perpendiculari, cò minùs certa est visio.

Visionis

Visionis distincta proprietates sunt: 1. Fieri in tempore, sed minimo. 2. Fieri per partes. Nam nullum visibile totum videtur. 3. Fieri per discursum syllogisticum. 4. Comprehendere visibilis formam. 5. Duobus fermè stadiis terminari. 6. Generale prius percipere, quàm speciale. 7. Antea visa quàm nunquam visa prius comprehendere.

Utraq; visio, tam confusa, quàm distincta, est vel vera, vel falsa; idq; per singula visibilium genera, quæ reducemus ad septem classes: 1. Lucem. 2. Colorem. 3. Magnitudinem. 4. Figuram. 5. Locum. 6. Numerum. 7. Motum: dicturi de veritate & falsitate visionis in singulis. Hallucinationum enim hæc plena sunt omnia. Si malis divisionem bimembrem, hanc habe: *Visio est visibilis, vel per se, ut lucis, & coloris; vel per accidens, ut magnitudinis, & loci.*

Cap. 2. Optica lucis.

Visio lucis habet seqq. theoremata.

1. *Visibile majus officit minori:* ut lux Solis occultat stellas: sed tempore eclipsæ solaris stellæ videntur ipso meridie, itemque videntur de præalto specu: quia Solis lux vehemens illic non ingreditur.

2. *Umbra major officit minori:* ut umbra so-

laris lunari, lunaris umbræ Veneris & Jovis. Quatuor enim isti planetæ umbram faciunt, ita ut lunaris interdiu non appareat, neque umbra Veneris lunâ noctu lucente. Ubi verò luna latuerit, Venus umbram jaculatur. Item si tres isti planetæ lateant, Jupiter umbram facit. *Scalig. exerc. 62.*

3 *Lux vehemens multa visibilia ostendit, quæ debilis occultat: & Debilis lux multa ostendit, quæ vehemens occultat:* ut, scripturas & sculpturas subtiles lux vehemens ostendit, debilis occultat; contrà lux Solis vehemens stellas occultat, quas lux Lunæ debilis ostendit.

4 *Lux temperata ex sese est visibilis.* Ratio quia debet esse proportio inter sensum & sensibile, adeoque visorium & visibile. Jam verò in oculis germana quædam & temperata lux est ingenerata, quæ externam protinus amplexatur. Lux igitur maxima turbat visum, & debilis non laceffit visum, adeoque officit visibili. Lux enim debilis non potest educere species.

5 *Umbra videtur privatione primæ lucis, secundâ tamen præsentē:* e. g. Si radius Solis per unicam fenestram illuminet domum, extra radium videbis umbrationem loci, h. e. privationem primæ lucis solaris.

6 *Positi in tenebris videmus ea, quæ sunt in luce: sed in luce positi non videmus ea quæ sunt in tenebris.*

nostris. Admirandorum apotelesmatum magisterium peperit hoc theorema.

7 *Aqua limpidissima apparet tenebrosa. Ratio; quia prima superficies obumbrat secundam, & secunda tertiam, & deinceps ad fundum.*

8 *Si Sol, vel. candela, irradiet puncta nigella parietis albi, umbra vicini parietis apparebit: si puncta nigerrima fuerint, videbuntur foramina, unde tenebra egrediantur: at si totus paries fuligine atrâ sit repperfus, tenebra perpetua apparebunt.*

9 *Si Sol radiet per foramen in vitream fenestram umbrosa domus, umbra ad fenestram apparebit, licet sit solida lux, qua apparet.*

Cap.3. Optica coloris.

Color variatur quatuor modis:

1 *Ratione lucis & umbra: Sic tempore eclipsis Solaris omnia apparent crocea: lux è vino ardenti & sale repræsentat facies veluti mortuorum, si alia lux abfuerit: anatum & pavonum colla alio atque alio ad lucem situ mutant colores: illustres matronæ æstate febris nigris ventum facientes apparent candidiores: pannarii & sericarii primò exigui coloris, & pretii promunt, post pretiosius, tandem pretiosissimum, ut ex istâ comparatione emtor justè pre-*

S

tum auctum esse judicet. Nam colotes luculentiores vel obscuriores fiunt, consentaneis vel dissentaneis aliis juxta se positis. Usq; adeò verum est illud Logicorum: Contraria juxta se posita clariùs elucescunt.

2 *Pro varietate mediis, per quod transit.* Sic videmus lucem per fenestras vitreas coloratas similiter colorari.

3 *Pro lucis distantia.* Sic alba eminùs visa videntur minùs alba, nigra nigriora.

4 *Ex oculi debilitate.* Sic quibus oculi sunt veterinosi & arquati, omnia videntur lutea: si humor densus & niger medium pupillæ occupat, omnia muscis plena videntur.

Cap. 4. Optica magnitudinis.

Visio magnitudinis habet hæc theoremata:

1 *Si ad visibile propius accedas, videbitur augeri.*

2 *Si visibile augetur, videbitur propius accedere.* Sic Solis aucta magnitudo majorem ejus diametrum nobis exhibet: ita ut hinc multi velint concludere, Astrologos recentiores errare, qui docent, Solem ad nos propius accessisse.

3 *Æquales magnitudines inæqualiter distantes videntur inæqualiter.* Et hoc dicitur *judicium distantia.*

4 *Visibile videtur proportionaliter angulo visionis:*

frons: æquali videl. angulo videtur visibile æquale: majore majus: minore minus. Et hoc dicitur Opticis iudicium angulare.

5 *Æqualium videtur propinquius majus, & certius: quia videtur majore angulo.*

6 *Lux ignem noctu major apparet: itemq; interdum è loco umbroso & tenebroso. Nam interdum majore luce coëscet.*

7 *Noctis sub lucidâ & crepusculo videtur visibile majus. Sic cùm radius ab arboris vertice per hominis caput radiat, homo videtur æqualis arbori. Sic lapides arboribus æquales in Polonia sunt visi.*

8 *Magnitudo perpendicularis videtur suis terminis: Sic linea videtur punctum; superficies lineæ; corpus superficies.*

9 *Æquali angulo visa videntur æqualia.*

10 *Si duo visibilia æquidistantia videantur, id apparebit majus, quod videtur radio perpendiculari, minus, quod obliquo. Ratio; quia majore angulo videtur, quod videtur radio perpendiculari; tantoque minus apparet, quod videtur radio obliquo, quanto major obliquatio erit. Angulus enim fit minor.*

Cap. 5. Optica figuræ.

V. *Isa figura sequentem habet veritatem & hallucinationem:*

1 *Omnis circulus maximus in planum projectus, videtur linea recta: minores vero, quæ majori sunt propiores, eò magis ad lineas rectas accedunt: quæ vero ab iisdem sunt remotiores, & polo ejus propinquiores, eò magis incurvantur, & à lineâ rectâ recedunt.* Sic in gnomonicis circuli horarii non lineis circularibus sive curvis, sed rectis in planâ superficie depinguntur: v. g. æquinoctialis in cælo à circulis horariis in 24 partes æquales distinguitur. Sic & superficies in terrâ ei respondens in totidem partes æquales per eosdem circulos distinguenda est. Reliquæ vero quæ ab æquinoctialis superficie magis recedunt, eò etiam distantias horariorum circulorum à se invicem inæqualiores nanciscuntur.

2 *Rectilineum verè videtur oculo ad centrum posito.* Ratio: quia radii ex omnibus partibus consimiliter radiant in oculum.

3 *Linea curva eminè visâ videtur recta: rectangulum, polygonum & circulare: circulare ellipticum: turres rotundæ, quadratæ.*

4 *Rota & mola eminè videntur oblonga.* Ratio: quia axis visionis neque est æqualis radio rotæ, neque perpendicularis plano rotæ. Hoc quotidie observare licet in curribus celeriter motis.

5 *Puncta in re celeriter motâ videntur peripheria, linea circuli: ut in trocho pectorum videre est,*

6 *Spha-*

6 *Sphæra eminens visa videtur plana: ut Sol, Luna, & reliquæ stellæ.*

7 *Si oculus propius accedat, videtur plus videre, & tamen minus videt.*

8 *Lux per angulatum foramen longius continuata rotundatur. Ratio: quia lux per se figuræ est experta, tanquam primum visibile. Figuratur itaque medio spatio, per quod transit. Ita si transeat per angulatum foramen, quodlibet luminosi punctum irradiat quodlibet medii punctum. Fit igitur hoc ipso, ut radii statim in perimetri & angulorum transitu, postque intersectiones ipsas radio rectius incidenti appropinquare incipientes, paulatim in rotundationem conglobentur, lumenque longius continuatum tandem in orbem colligant. Alii hanc reddunt rationem: Lux rotunda est. Perfectissimum enim, ajunt illi, corpus perfectissimâ prædictum est figurâ, qualis est rotunda. Quum itaque lux transit per angulatum foramen, angulatam assumit figuram in foramine, quam, tanquam peregrinum habitum, exuit remotior facta, longiusque à foramine continuata.*

Cap. 6. Optica loci.

Visio loci habet hæc theoremata:

1 *Qualis est situs radiorum, talis videtur*

S 3

visum visibilibus: sic conjuncta videntur separata, si radiis separatis videntur: longinqua videntur propinqua, si radiis propinquis videntur: antica, postica: directa, obliqua: dextra, sinistra: sublimia, humilia: quæ scilicet talibus radiis videntur.

2 *Disjuncta propter distantiam videntur conjuncta*: sic horizon videtur peripheriæ terræ conjunctus.

3 *Visa pluribus interpositis videntur longinquiora*. Sic ex plurimis interpositis usque ad horizontem, & nullis ad meridianum, distantia illic major apparet, tamen sit eadem. Sic enim in Astronomicis observationibus oculus pro centro mundi ponitur.

4 *Obliqua valde distantia videntur directa*.

5 *Obliqua visio debilitat speciem*.

6 *Dextra longinquiora videntur sinistra, & humilia longinquiora videntur sublimia*.

7 *Parallela eminens visa videntur concurrere*.

Cap. 7. Optica numeri.

Visio numeri continetur his theorematibus:

1 *Numerus videtur per discretionem visibilibus*.

2 *Visibile simplex videtur geminum, si videatur vel altero oculo directe, altero oblique: vel*
com.

compressi altero oculo; vel ebrio aut furioso: vel variato velociter situ, sic fallacia militaris ad initia sylvarum subito egressu & regressu è paucis militibus multos repræsentat.

Cap. 8. Optica motus.

Optica motus sequuntur ultimo loco, quorum hæc sunt theorematas

1 *Motus videtur ex comprehensione visibilis diverso loco moti. Sive totum mobile moveatur, ut totus homo, sive partes, ut in motu circulari videre est.*

2 *Motus differentia comprehenditur à differentia loci & temporis. Est enim motus pro differentia loci, rectus vel obliquus, sursum vel deorsum, dextrorsum vel sinistrorsum: pro differentia, tardior vel velocior.*

3 *Quies comprehenditur, cum visibile quiescit eodem loco sensili tempore.*

4 *Umbra videtur ad motum corporis moveri.*

5 *Velociter in orbem motum videtur quiescere: ut trochus, & Sol, quem visus noster judicat stare, nec progredientem animadvertit: qui tamen ab extimo cælo raptus conficit uno horæ scrupulo milliaria Germanica 4542: sive leucas Gallicas 9084.*

6 *Tardiùs motum videtur quiescere: ut stellæ*

S. 4.

fixæ propter motus sui tarditatem videntur quiescere.

7 *Luce debili quæta videntur moveri, mota quiescere*: ut quæta arbor vicina nemori primò conjuncta videtur; deinde cum accedis, remota; atque ita ad accedentem videtur accedere. Contrà modicè motum animal videtur quiescere.

8 *Distantia intemperata facit proportionem motuum videri*. Sic viator videns Lunam ante se diutius, putat secum proportionali motu videri: quum proportio hîc nulla sit.

9 *Tardius motum inter velocissimè mota videtur velocissimè aliorum moveri*; ut Luna inter nubes velocissimè motas videtur velocissimè aliorum moveri.

10 *Celeriter naviganti, & obliquè intuenti remotiores in ripâ arbores, videntur aliorum moveri*.

11 *Sapius sese convertenti omnia moveri videntur*. Ratio: quia spiritus optici vehementius agitati motum suum retinent.

Cap. 9. Optica reliquorum visibilium per accidens.

A*tque hæc sunt Optica visibilium per se, & per accidens: & visibilium per accidens, tum magnitudinis, tum loci; unde videntur per lucem & colo-*

& calorem in conformat a reliqua visibilia per accidens, nondum exposita; videl.

I. *Lævitas & asperitas.* Illa ex æquabili planitie, hæc ex inæquabili situ, item ex umbris eminentium partium in humiliores projectis. Quo in genere hallucinatio est frequens. Noctu enim aspera videntur lævia, & contrà: ut cum à capillis nigris lotis sit reflexio lucis, videntur læves, cum sint asperi. Sic versicolors vestes propter distantiam videntur complicatæ.

II. *Continuatio & divisio:* quæ utraque apprehenditur è loco partium. Unde hallucinatio est plurima. Sic noctu in tabulis lineæ obscuræ, vel hedræ in parietibus videntur scissuræ & divisiones: item fortis umbra dividens lucem videtur parietem dividere. Sic capillo adhærente vitrum videtur fractum: quia parvitas non attenditur.

III. *Pulchritudo & deformitas.* Pulchritudo quidem percipitur ex gratâ speciei, quæ lux est, itemque è figurâ partium & decorâ symmetriâ. Illo modo Sol, Luna, stellæ omnes, color viridis & roseus videntur: hoc modo oculi amygdalinâ speciei oblongi pulchriores rotundis. Turpitudine autem videtur per privationem pulchritudinis, ubi error contingit è luce: ut facies lentiginosa in debili luce obliquè visa videtur pulchra; & sic obliqua Luna pulchrior apparet occultis maculis,

IV. *Similitudo & dissimilitudo*: quæ percipiuntur ex communi visibilium qualitate.

Ad hanc Opticæ partem referenda est *Scenographice*; quæ *Plinio* l. 35. c. 10. dicitur *diagraphice*: *Aristoteli* l. 8. *polit.* c. 2. *graphice*: & à Philosopho refertur ad præcipuam juventutis institutionem. De hac opticâ elegantem libellum scripsit *Federicus Commandinus*. Vide opera *Alberti Dureri* pictoris exquisitissimi, qui magno suo merito Germaniæ nostræ Apelles audit. Suppeditabit & nonnulla hanc in sententiam *Petr. Gregor. syntax. art. mirab.* l. 31.



LIBERTERTIUS

OPTICÆ.

De

CATOPTRICA,

adeoq; de visione compositâ reflexâ.

Cap. I. Obliquationis ratio.

Visio simplex ejusmodi est: composita restat exponenda, in quâ duo radii concurrunt in diversâ superficie; unus incidentiæ, alter obliquationis: unde vocatur *radiatura geminata*.

Visionis composita occurrunt partes & species.

Partes

Partes visionis sunt radius obliquationis, punctum obliquationis, perpendicularis obliquationis, imago, & planum.

Radius obliquationis est; quo species ad oculum obliquatur à diversâ superficie: puta speculo: aliàs dicitur radius seu linea reflexionis, item refractionis.

Punctum obliquationis est idem cum puncto incidentiæ. Incidit enim v. g. punctum in speculum, & ibi obliquatur.

Perpendicularis obliquationis est recta per punctum obliquationis in diversam superficiem, id est, obliquativum.

Imago est, per quam visio composita facit visibile. Visio namque composita videt visibile per imaginem, ut stellam ante ortum, numum vel annulum in aqua demersum: id quod simplex non potest.

Theoremata de imagine sunt:

1 Imago in composita visione facit basin conditioni optici, ut visibile in visione simplici. Quod enim in visione simplici est v. visibile, hoc in composita est imago.

2 Imago est extra locum visibilis; & quidem aliàs in concursu obliquationis cum perpendiculari incidentiæ: aliàs pond obliquativum: aliàs in eo: aliàs inter ipsum & oculum: aliàs in oculo: aliàs pond oculum. Tribus primis locis videtur imago: duobus ultimis non videtur.

3 *Imago videtur moveri aut quiescere pro visibilis motu aut quiete.*

4 *Si obliquativum est figurâ & qualitate varium, imago varia & vario loco redditur.*

5 *Veritas composita visionis est exigua: hallucinatio ferè est perpetua. Planum composita visionis continet quatuor puncta: visibilis: incidentia: imaginis: oculi: Diciturque illud spatium, in quo peragitur.*

Cap.2. Modus reflexionis.

Visionis composita species sequuntur. Est autem visio composita reflexa, aut refracta.

Visio reflexa est visio composita in idem medium: cujus theoria dicitur *κατοπτρική*, quam vocem Latini suam fecerunt, & *Catoptricam* dixerunt. Hæc igitur Opticæ pars tractat de iis, quæ videntur *κατ' ἀνάκλασιν*, per reflexionē. Cæterum *κατοπτρική* est inventum umbræ. Cùm enim in fonte pellucido, lævi saxo, aut quâvis aliâ splendidâ materiâ prisce nōmines suas imagines viderent, capti hujus rei miraculo specula invenerunt.

In visione reflexa consideratur tūm modus reflexionis, tūm reflexivum.

Reflexio est radiorum non penetrantium corpus densum, ab eodem in eandem, unde de venerunt partem,

partem, reverberatio, qua facit angulum duplicem, incidentia scilicet & reflexionis.

Angulus incidentia est angulus comprehensus à radio incidentia & communi sectione. Communis sectio est diversarum superficierum.

Angulus reflexionis est, qui comprehenditur à radio reflexo, & communi sectione ejusdem reflexivi. Quum enim v. g. à pariete vel homine in speculum incidit radius, sit radius atque adeò angulus incidentiæ: quum porro reflectitur ille radius à speculo in oculum, sit radius & angulus reflexionis. Itaque.

1 *Angulus incidentia semper est æqualis angulo reflexionis.*

2 *Si radius reflexivo perpendiculariter incidat, reflectitur in seipsum: si verò obliquè, ad obtusum angulum.*

3 *Lux reflexa, quæ & secunda, fortior est primâ: ut probatur per organum sive instrumentum, quod Optici vocant, reflexionis: de quo Rish. 1. Opt. 24. Ex his facillè responderi potest ad quæstionem, quâ ratione specula imagines nostras reddant? Pythagorici statuebant, corporum nostrorum figuras in speculis conspici, acie oculorum in se reflexâ. Ferri enim visum tanquam in æs, & simulac incidit in spissum illud & politum, statim in se resultare. Plutarchus de Philos. placit. l. 4. c. 14. Plato verò in Timæo lucem sive ignem radiis oculorum emis-*

sum, & cum Solis vel cuiusq; ignis lumine mixtum atque unum, suâ & externâ facultate effigere; ut quæcunque offenderit, conspiciamus. Stoiei videndi causam referunt ad intentionem aëris fracti, & radios ex oculis profilientes, qui cum læve aut lucidum corpus offenderint; redeunt ad facies suas, & quod attigerunt in speculo, exprimunt. Empedocles autem asserit, imagines in speculis reddi per figuras à corporibus profluente, speculo illapsas: periti verò igne sive lumine ex speculo emissio, objectumque aërem, in quem effluente istæ incidunt species, retorquente. Democritus verò & Epicurus simulacra in speculis cerni, cum promanante à nobis imagines illis illis reflectantur. Euclides demonstrat, visum fieri per radios emanantes ad res conspectas. Portenta opinionum sunt quæ à datis theorematibus, & definitione reflexionis refutari possunt.

Cap. 3. Speculorum varietas.

Reflexivum est, quod reflectere potest. Nam desinentia in *ivum* notant potentiam activam. *Scul. de caus. l. l.*

Estq; vel asperum, vel politum.

Reflexivum asperum est, quod reflectit tantum lucem & colorem: aliàs dicitur reflexivum superficiæ asperæ: ita lux secunda seu reflexa est, quæ ab aspe-

ab aspero reflectitur, ut in angulis ædium. Nam lux prima est, quæ per fenestram ingressa illustrat domum: secunda est, quæ cernitur in angulis & parietibus.

Reflexivum politum, seu politæ superficiet, est, quod reflectit etiam imaginem seu figuram, præter lucem & colorem; dicitur q̃, *speculum*. Itaq; Reflexivum politum est densum, & lævigatum. Nam hæc duo requiruntur ad speculi essenti- am, densitas, ut reflectat, & lævor, ut imaginem veluti pingat.

Speculum est naturale, vel artificiale.

Speculum naturale est tum animatum, tum inanimatum.

Speculum naturale animatum est oculus. Præ- elatè enim dixit quicumque dixit: Ut speculum est oculus artis; ita speculum naturæ est oculus. Oculus enim reddit imagines. Nam Dens opti- mus ille naturæ architectus humori crySTALLINO nigrorem quendam adjunxit à tergo, ubi radii, qui per exteriores tunicas & humores transmi- tuntur, sistuntur.

Speculum naturale inanimatum est:

1 *Aër densus & spissus*: ut in parcellis videre est: & Antipheronti ambulanti visa est sua ima- go præire. *Arist. l. de memor.*

2 *Aqua*: ut nos docet canis Æsopicus, qui vi- dit umbram carnis in aquâ.

3 *Sol, Luna, & omnes stella.* Atque hæc est

causa scintillationis stellarum, quòd tanquam specula naturalia radios solares reflectant. Alii hanc scintillationis istius causam esse putant, quòd inter stellas & visum nostrum sint varia media, ut aër, venti, orbes; quæ diversa media vibrationem & crispationem illam causentur, non aliter atque lumen candelæ tremere videtur, si inter illam & oculos nostros sit fumus.

4 *Gemma*: ut smaragdus, & adamas.

5 *Ligna*: ut in ædibus (qui curiosarum mulierum nitor est) tota supellex resplendet, & imaginem reddit; ipsa scamna & tabulata ibi sunt specula.

6 *Marmor, chalybs, & similia*.

Speculum artificiale fit è metallis, lapidibus, & vitro. E metallis, ut auro, argento, ferroque mistis & politis: è stanno item & ære permistis. E lapidibus, ut marmoribus. E vitro denique, quod plumbo argento vivo temperato sublitum, est speculum exquisitissimum; & optimum foret, si malleabile & ductile reddi posset:

quod tempore Tiberii quidam artifex præstitisse fertur, ut refert Plinius, quem

Tiberius unà cum arte
sustulit,

Cap. 4

Cap. 4. Speculorum veritas & hallucinatio.

Speculum artificiale consideratur communiter, vel particulariter. Ibi communes affectiones, hic species occurrunt.

Communiter in speculo consideramus veritatem, & fallaciam.

De veritate sunt theoremata:

1 Si speculum & visibilia situ figuræ, similia sint, imago verior est.

2 Speculum ita statui potest, ut imaginem rei non visa videas, tuam non videas. Hoc Ptolemaeus & Euclides pro summo habent miraculo.

3 Si tria specula equalia constituentur, in medio trium conterminorum quadrati laterum, idem visibile per omnia videri poterit.

4 Si plura specula ita disponantur, ut alteri sit conspectus alterius, omnia implentur: & una imago à vero est, cetera imaginum effigies sunt. Sen. 13. c. l. i. natur. quest.

5 Speculum potest esse instar nuntii. Testatur enim Risnerus 1. Opt. 36. beneficio speculorum quorundam subijci oculis, quæ aguntur in vicinis ædibus, in plateis, quæque omninò Solis radiis in universo mundo collustrantur: certo etiam artificio scriptas literas nocte serenâ plenâ Lunæ sic opponi posse, ut radiis Lunam irradian-

tibus, ideoq; reflexis, videas & legas, quæ Constantinopoli Litterarum tibi nuncientur. Ego hîc *ἐπιχειρῶ* malo, quàm aliquid certi statuere, censeoque naturalia à magicis discernenda.

De fallaciâ speculi sunt theoremata.

1 *Loco differentia in speculis fèrmè videntur eversa: prorsum, rursus; dextrorsum, sinistrorsum; sursum, deorsum; alta profundaque perpendiculariter; obliqua obliquè eversa. Itaque*

Imago varia est pro vario speculi situ. Quia enim incidentia partis dextræ fit in sinistram, dextra videtur sinistra. Qualis enim est incidentia, talis reflexio:

2 *Imago fèrmè assimilatur speculo.*

3 *Si speculum partibus effractis contiguum sit, uno intuente populus videbitur.*

4 *Possunt duo specula ita statui, ut in altero imaginem accedentem, in altero recedentem videas.*

5 *Possunt specula ita contigua statui, ut uno intuente chorea saltantium videantur: item, ut imago volare videatur.*

Cap. 5. Speculum planum.

Species speculi artificialis sequuntur. Speculum Sitq; est regulare, vel irregulare. Speculum regulare est, cuius figura sunt regulares. Differentia hæc

hæc speculi summa est è representatione imaginam, quæ est vel homogenea vel heterogenea.

Speculum regulare est vel planum, vel gibbum, quod & obliquum.

Speculum planum est, quod æqualiter inter suos terminos interjacet.

De hoc speculo sunt theorematà:

1 *Speculum planum reddit mediocria, neq; omnino magna, neq; omnino parva. Quare verò in speculis planis non æqualis faciei, sed minor species referatur, etiam si speculum totâ facie sit majus, ostendit acutè, ut omnia, Scal. ex. 82. §. 4.*

2 *Imago semper videtur post speculum. Est hallucinatio.*

3 *Si vertex montis vel turris incidens in speculum planum reflectatur ad oculum, erit ut reflexio ad suam perpendicularem: sic incidentia montis seu turris ad altitudinem. Euclides 20. th. opt. Hæc geodesia imprimis animadvertenda est, quæ non per fossis montibus illorum perpendiculum perfodit. Potest enim clivus montis, ut quælibet longitudo deprehendi: tumque in duobus triangulis propter æquales rectos & æquales incidentiæ & reflexionis angulos similibus, cum proportionis tres termini noti sint, quartus eruitur. Sicut enim se habent v. g. 28 pedes à speculo ad altitudinem geodætæ ped, 8.*

ita se habebant 35 ped. à turri ad speculum usque ad ipsam turris altitudinem. Hâc ratione veteres deprehenderunt, Pelion altissimū toto terrarum orbe montem 10. stadiis, id est, 1250. passibus altiore non esse. Cleomedes tamen 15 stadiis & montium & marium altitudinem definivit.

Cap. 6. Speculum sphaericum.

Speculum gibbum est, quod inaequaliter inter suos terminos interjacet: dicitur aliàs sphaericum, cujus diameter & centrum est diameter & centrum sphaerae. De hoc sunt theoremata:

- 1 Perpendicularis incidentia transit per centrum speculi.
- 2 Unicum imaginis punctum est in speculo, plurima sunt extra.
- 3 Imago sphaerici è sphaerarum diversarum segmentis compositi est monstrifica. Hæc est hallucinatio: veritas in duobus illis est tradita.

Cap. 7. Speculum concavum.

Speculum sphaericum est, vel concavum, vel convexum.

Concavum habet hæc theoremata:

1 Si oculus ponatur in centro, solus videtur. Itaque tibi cyclops videbere, vel totus oculus. Sic si totum cælum esset speculum, oculus videret se tantum, non autem alias res incidentes in speculum sphaericum.

2 Si oculus ponatur in peripheriâ, vel extra peripheriam, non radians per centrum, non videtur, quamvis alia videantur.

3 Si spectet in quadrantem nihil illic incidens videt.

4 Si oculi aequidistantes à centro, ponantur circa diametrum, vident personam in aëre ante speculum supero inferoq; situ eversam: dextro sinistroq; ut est: minore distantia & imagine. Si ponatur ultra dimidium semidiametri, diametro perpendicularis, fit contrarium. Videtur namque persona supero inferoque situ, ut est: dextro sinistroque eversa: majore distantia & imagine. Intermedio autem loco nihil vident oculi. Itaque

Primo te aspectu antipodem, secundo gigantem, tertio nullum prorsus videbis.

5 Imago lineæ rectæ videtur aliàs recta, aliàs convexa, aliàs concava: convexa convexa, concava concava: aliquando multiplex.

6 Imago ponè speculum sequitur localem differentiam moti visibilis: autè speculum sequitur contrarium.

7 Si obscurum in locum per angustum foramen

in speculum concavum radii incident, situs, color, figurarum longissime se junctarum in albam chartam foramini oppositam eversa reflectentur. Simile quid fuit supra traditum l. 1. c. 5. Sed ibi nuda lineamenta tantum & figura, hic præter illa colores etiam singuli ostenduntur. Consimile fuit speculam, quod Ptolemæus in triumpho Mithridatico portavit; in quo armati exercitus conspiciebantur. Cardanus l. 4. de subtil. tradit, simplici seu plano speculo ad quinque millia passuum castra videri posse: nempe si speculum altissimo loco ad perpendiculum suspendatur, aliudque manū tenens, cujus facies neque prorsus supina, neque ad perpendiculum exquisitè erecta respiciat illius faciem, consim abscedas, alterneq; modò dextrorsum, modò sinistrorsum, donec optatum locum planè aspicias in tuo speculo: tunc illud vix movens à situ videbis quæcunque illic aguntur. Sed impediri facile speculum istud posset missilibus globis machinarum.

Cap. 8. Speculum convexum.

Speculi convexi Optica sequuntur:

1 Imago linea recta videtur aliàs recta, aliàs convexa.

2 Imago non linearis videtur convexa.

3 Si

3 Si visibile, quantum est, videri non possit, aliquando tamen aequalis imago, aliquando major videbitur.

4 Si visibile, quantum est, videri possit, imago distantiaq; minor videbitur.

5 Imago tantò minor videbitur, quantò minores est speculum.

6 Imago tantò major videbitur, quantò visibile est propinquius. Itaq;

Tam longè semoveri potest magnum speculum, & parvum tam propè admoveri, ut æqualis in utroque videatur imago.

Cap. 9. Speculum irregulare.

Sequitur speculum irregulare, aliàs varium, in quo omnia magis varia sunt, ut imago quadruplex, & alia. Dicitur aliàs causticum.

Estq; cylindraceum, conicum, & parabolicum.

Cylindraceum & conicum ferè imitatur affectiones sphaerici convexi.

Parabolicum maximè imitatur sphaericum concavum. Ejus gibbum fit helice conicâ, quæ parabola dicitur circa suum axem conversa.

De tribus hiscè speculi speciebus hæc sunt theoremata:

1 Speculum varium soli oppositum erit, & quidem quod è planis compositum, vehementer, quod

è convexis, vehementius: quod è concavis, omnium maximè.

2 *Concavum sphericum simplex urit, obliquum agrè. Itaque*

E multis concavis compositum urit efficacius.

3 *Compositum è conici segmentis urit vehementer.*

4 *Parabolicum vehementissimè omnium urit.* Tali Archimedes exussit hostium triremes: quod idem postea Proclus Constantinopoli præstitit, ut *Zonaras testatur 3. tom. sue hist.* Hoc admirabile est, quod Perspectivi artifices juxta parabolicæ sectionis lineam aptè in gyrum circumactam, speculum efficiunt, quo propositam quamecunque materiam incredibili ex radiis solaribus calore accendunt. Sed magis admirabile est, quod *Johan. Dee* ex terrædri sectione trigonicâ lineam exhibet, ex cujus formâ circulatâ fieri potest speculum, quod, vel nubibus soli subductis, quoscunque lapides, vel metallum quodcunque in impalpabiles quasi vi caloris maximâ redigere potest pulveres: ut scribit in *præfat. monadis hieroglyphica, & theor. 23. ejusdem.*

Atque hæc est Catoptricæ delineatio, cujus fundamenta utcunq; sunt tradita, quibus jactis faciliè respondebis ad sequentia problemata:

1 Cur in planis speculis fermè pares imagines

nes videantur, in tumidis verò & globosis omnia defectiora, contrà in cavis auctiora.

2 Cur læva cum dextris permutantur?

3 Quando imago eodem speculo se cùm re-
condat penitus, tùm foràs exerat?

4 Cur cava specula, si ex adversum Soli retineantur, appositum fomitem accendant?

5 Cur in uno speculo imagines unius rei plures appareant?

6 Cur speculum in certo loco positum nihil imagnet, aliorum translatus faciat imagines?

7 Si rectum speculum spectes, cur imago tua fiat hujusmodi, ut caput deorsum videatur, pedes sursum?

8 Cur specula quædam falsâ similitudine fœdam reddant faciem, & lacertos supra humanam magnitudinem exurgentes?

9 Cur quædam contuenti plurimas sui offerant imagines, & sæpè eas saltantes?

10 Cur in quibusdam videamus volentem nostram imaginem? Quare verò quædam nobis exhibeant, quæ in vicinis geruntur ædibus, vel in exteris locis, nondum liquet. Unum est, quod monebo: *Euclides in Catoptriciis* tria facit speculorum genera, plana, convexa, & cava. Plana unius sunt generis, sed diversæ formæ. Convexa & concava in speciem pyramidis, sphaeræ, aut columnæ sunt.

T



LIBER QUARTUS

O P T I C Æ,

De

M E S O P T I C A,

adeoq; visione refractâ.

Cap. I. Refractio simplex.

HActenus visio reflexa fuit: refracta deinceps
 Herit; cujus doctrina dicitur *μεσοπτική*, de iis
 quæ videntur *ἡγὰρ διάκλινον*.

*Visio refracta est visio composita in diversum
 medium: aliâs dicitur radiatur a refracta.*

Refractio est vel simplex, vel mixta.

*Refractionis simplicis occurrunt partes, & af-
 fectiones.*

Partes sunt quinque:

1. *Medium diversum, quod differt raritate &
 densitate; ut aër & aqua. Itaque*

1. *Refractivum est radiis incidentibus per-
 vium: sicut reflexivum impervium.*

2. *Refractivum quodlibet est etiam reflexi-
 vum: ut aqua, vitrum, crystallus, &c. refringunt.*

II. *Radii mesoptici: qui vel rectus est, inci-
 dens in mediorum communem terminum seu
 super-*

superficiem, *vel obliquus*, qui in uno medio est rectus, in altero obliquus. Itaq;

Refraction seu fractio est iste à rectitudine discessus, faciens angulum refractionis.

III. *Punctum refractionis, quo radius incidentia infringitur.*

IV. *Perpendiculum refractionis, quod est recta per punctum refractionis perpendicularis refractioni.*

V. *Angulus refractionis, & refractus.*

Angulus refractionis est angulus comprehensus à continuato incidentia radio, & radio refractionis.

Angulus refractus est angulus minor, comprehensus à radio refractionis & perpendiculari. Itaque

Angulus refractionis & refractus non est sine angulo incidentiæ, qui est angulus minor, comprehensus ab incidentiæ radio & perpendiculari. Itaque

Angulus incidentiæ in utroque medio sibi est æqualis: refractionis est minor in medio densiore, major in rariore: refractus sibi semper æqualis.

Affectiones refractionis sunt veritas, & fallacia seu hallucinatio, juxta hæc theorematæ:

I *Visa per multiplex medium videntur majora. Itaque*

Demersa in aquam videntur majora. Sic poma per vitrum apparent majora & formosiora.

Sic literæ minutæ & obscuræ per vitream phialam aquâ plenam majores apparent. Rectè enim Seneca: *Quicquid videtur, inquit, per humorem, longè amplius vero est.* Literæ quoq; per conspicillum visæ apparent majores. Quantò autem densius est medium, tantò magis per ipsum apparet visibile. Sic soni & voces in humidiori loco prolatae gratiores sunt auribus. Eam ob causam Sol videtur major, quum manè per vapores videtur, sed in meridiè minor.

2. *Rei per radios refractos visa certa quantitas nunquam deprehendi potest.*

3. *Res per medios refractos visa extra suum locum apparet.* Hinc quidam sumunt argumentum contra orbes cælestes, & ignem elementarem.

4. *Visa in duobus diversis mediis, videntur fracta.*

5. *Imago videbitur in medio densiore propinquior & major, in rariore remotior & minor.* Sic si piscibus homines videantur, apparebunt remotiores, & minores: quòd si verò hominib. pisces appareant, isti propinquiores & majores videbuntur.

Cap. 2. Mistura refractionis.

Refractio mista est, quatenus aliquando reflexio & refractione miscentur, quo fit ut ejusdem rei

rei duplex videatur imago: aliâs dicitur refractione in mixturâ.

Mixtio reflexionis & refractionis est, vel naturalis, vel artificialis.

Naturalis est in Iride, qua est solaris, vel lunaris, & videtur

1. *In crystallo sexangulâ: quæ in aquâ posita variis modis repræsentat iridem, quod quivis experiundo potest cognoscere. Eodem modo in vitro & gemmis videtur.*

2. *In aquâ: Si nempe in vitream pelvim aquâ plenam speculum immersum. Soli opponatur, is exprimetur. Idem fiet in vitro aquâ pleno seu sphærico quocunque. Atque hæc iridis optica innumerabiles ejus colores, è quib. tres sunt præcipui, punicus, viridis & purpureus, & phænomena repræsentant.*


Artificialis reflexionis & refractionis mixtura fit duobus modis: 1. Si per vitrum in speculum introspiciamus: Hæc enim ratione videntur gemina: quod experiendi facile juxta & jucundum accidet. 2. Si Solem in speculo aqua immerso cernamus: vel in pelvi olei picisve plenâ: ubi pinguis humor minùs facile turbatur, & idè quas recipit imagines servat, ut ait Seneca. Duplex itaq; Solis imago apparet quocunque speculo sub aquâ posito. Prima enim imago fit solâ reflexione ab aquâ: secunda fit primùm refractione ab

aquâ, tùm reflexione à speculo, denique refractione ab aëre. Itaque

Primâ imago fortior per reflexionem: secundâ velut effigies primæ per refractionem & reflexionem, ideoque tot mediis obliquata, debiliior est primâ. Falluntur igitur, qui putant, secundam hanc imaginem esse syderis imaginem, putâ Mercurii, vel Caniculæ, vel Veneris, vel aliûs stellæ Solem comitantis. Imago enim primâ à secundâ semper æqualiter distat, quod non fit de Sole & Mercurio, vel aliis stellis.

Ita absolvimus methodicum admirandorum Opticorum sceleton, quæ faciunt ad rerum abstrusissimarum latentes causas investigandas, nec non confutanda ea, quæ garriunt de apparitionibus animarum, de speculis veneficarum, & aliis ineptiis. Sumus autem sequuti Perspectivos omni exceptione majores, Alhazenum & Vitellonem, in theorematum tractatione; in methodo verò *methodica* Perspectivæ scriptorem Eridericum Risnerum. Jam superest, ut methodi rationem in typotabellari exhibeamus.

TY.



FINIS OPTICÆ.

AD MIRANDORUM
MATHEMATICA-
CORUM

LIBER OCTAVUS.

Musicam quatuor libris pertractatam.
ob oculos ponens.

LIBER PRIMUS
MUSICÆ,

In quo

PARS COMMUNIS MUSICÆ
THEORETICÆ.

Cap. I. Notæ mensurantes
vocem.

Fuit Optica de qualitate visibili: sequitur Mu-
sica de qualitate audibili, qua dicitur sonus
numerosus, & numerus sonorus. Itaq;
Musica est scientia de sono numeroso.

Estq; theoretica, vel practica. Hic latè accipimus vocabulum practica, ut suprà in Arithmeticiis & Geometricis.

Theoretica est, qua bene canendi praecepta tradit.

Ejus partes duae sunt, communis & propria.

Pars communis est, qua tractat de cantus naturâ in genere.

Cantus natura in genere explicatur mensurâ, & sono.

Mensura cantus est ejus per certas notas modoratio.

Nota cantum mensurantes, mensurant vel vocem, vel silentium.

Nota mensurantes vocem, sunt, vel simplices, vel compositae.

Simplices sunt, quae sine alterius jugatione seu collisione ponuntur.

Simplices sunt vel integra, vel fracta.

Integra sunt, quae integris temporibus mensurantur.

Eaq; aut uno constant tempore, aut pluribus.

Qua uno constat tempore, dicitur Semibrevis.

Pluribus temporibus constans, vel duo continet tempora, ut Brevis: vel quatuor, ut Longa vel octo, ut Maxima.


Fracta sunt, quae partibus temporis mensurantur.

Eaq;

Eaę, continent vel secundam partem, & dicuntur Minimę: vel quartam, & dicuntur Semiminimę: vel octavam, & dicuntur Fulsę, aliis Eugaę: vel decimam sextam, & dicuntur Semifulsę, aliis Semifugaę. Hic notandum, puncta notis postposita addere mediam partem temporis supra proprium: ut . post $\overline{\text{H}}$ est monotonium, five $\overline{\text{H}}$: . post $\overline{\text{G}}$ est semitonium five $\overline{\text{G}}$.

Nota composita vocantur Ligatę, de quibus est theorema: Maxima suam quantitatem ubique retinet: reliquę pro fitis varietate quantitatis varietatem sortiuntur. Nam longa cum brevi habetur pro semibrevis: & brevis cum brevi habetur pro semibrevis.

Schema notarum hoc esto:



T ;

$\frac{1}{2}$	Minima.	} Defectus,
$\frac{1}{4}$	Semiminima.	
$\frac{1}{8}$	Fusa.	
$\frac{1}{16}$	Semifusa.	

Cap.2. Notæ mensurantes silentium.

Notæ mensurantes silentium vocantur *pau-
sa: eaq; vel integra*, ut quatuor, duorum,
vel unius tactus; *vel fractæ*, ut semitactus, suspi-
rium, & semisuspirium. De his est sequens
typus.

I	I	I	I				
16	8	4	2	11	2	4	8

Cap.3. Voces.

Fuit mensura cantus, sequitur sonus, qui aliâs
dicitur vox.

Vocis occurrit tum numerus, tum prolatio.

Numerus

Numerus est senarius. Sunt enim sex voces: *ut re mi fa sol la.* Sunt qui addunt septimam *si* sed minùs acutè. Desumpta sunt hæc nomina ex illo hymno:

Ut queant laxis	Rasonare fibris
Miragestorum	Famuli tuorum,
Solve polluti	Labii reatum,
O pater alme!	

Theoremata de hisce vocibus sunt tria:

1 *Vox est superior, vel inferior.* Superior est, quâ cantus descendit, *la sol fa*: inferior, quâ ascendit, *ut re mi.*

2 *Omnes hæ voces tono inter se uno aqualiter distant, præter mi & fa, quæ semitonio.*

3 *Ut & fa molliter, mi & la duriter, reliqua mediocriter sonant.* Itaq;

Ut & sol suavitatem: *re & la* gravitatem: *mi* fletum: *fa* minas innuit.

Alii sic docent. hæc de re: *Ut & Fa* sunt voces *b* molles, quia mollem & effœminatam emittunt sonum: *re & sol* naturales, quia naturalem & mediocrem efficiunt sonum: *mi & la*, *b* durales, quia durum & virilem reddunt sonum. Hæc de re sunt versus:

Ut cum fa mollis vox est, quia cantica molli:

Mi cum la dura est. Nam duras efficit odas:
Sol naturales (quoniam neutras facit) & *re.*

Cap. 4. Claves.

Prolatio, aliàs solmifatio & solmifatio, est, quâ voces efferruntur.

Efferruntur autem mediantibus clavibus, & lineis parallelis.

Claves sunt, quibus cantus veluti reſeratur.

Clavium conſideratur cum numerus, tum diſtinctio.

Numerus clavium eſt ſeptenarius. Sunt enim ſeptem claves, hoc ordine a b c d e f g.

Theorema.

Clavis eſt aliquid aggregatum è literâ & voce. Nam principium clavis eſt litera, finis vox: ut in primâ clave litera eſt A, vox la, mi, re: ut patet ex hoc typo.

A	La	Mi	Re
B	Fa	Mi	
C	Sol	Fa	Ut
D	La	Sol	Re
E	La	Mi	
F	Fa	Ut	
G	Sol	Re	Ut

Hic nota, ð b vocari b mollare: ſed ð B vocari b durale.

Diſtinctio clavium eſt duplex. Nam claves ſunt


1 Signata vel intellecta.

Signata

Signata sunt tres, G C F. quæ distant à se invicem per quintam, ut c d e f g: itemq; f g a b c.

Claves intellectæ sunt quatuor. A B D E.

Alii aliter docent hæc de re, hunc in modum: Claves signatæ sunt quinque, sicut F fa ut c sol fa ut g sol re ut dd la sol: & nonnunquam b. Sed sciendum, F & dd rarissimè poni, & quidem in scalâ compositionis, ut vocant, hoc modo:



Huc pertinent versus:

Linea signata sustentat scilicet omnes.

Et mutuo distant inter se per diapente.

F tamen ab Gamma distinguit septima quamvis.

Huic doctrinæ nos lucem adferimus hoc modo:

Claves sunt signata, vel intellecta.

Signata sunt vel communes, vel propria.

Signata communes sunt, quæ exprimuntur tam in quinque lineis, quàm in decem: suntq; f c g.

Signata propria sunt quæ notantur vel in decem lineis tantum, ut, F dd: vel in quinque lineis tantum, ut b.

B signatur vel ab initio, vel in medio.

Quando signatur ab initio, cantum constituit mollem, cui opponitur durus, qui non habet præfixum b. Mollis dicitur cantus, qui non est adeò gravis, durus contrà. Alii addunt tertium, quem vocant naturalem. Sed sine causâ gravi addunt: quia ille nullam admittit mutationem, ut videbimus cap. seq.

B in medio signatum afficit vocem unicam, quam immediatè præcedit, sequentes non immutat.

II. Capitales, minuta & geminata. Hæc est altera clavium distributio.

Claves capitales sunt numero octo. Sic dictæ, quia capitalibus, ut vocant, id est, grandiusculis literis scribuntur, hoc modo: F. A. B. C. D. E. F. G. Ex his F A B C dicuntur graves, quia gravem sonum respectu reliquarum emittunt. Sed D E F G dicuntur finales, quia omnis cantus regulariter in has claves definit.

Claves


Claves minuta sunt numero septem, a. b. c. d. e. f. g. Dicuntur minutz, quia minusculis, ut vocant, literis scribuntur. Ex his a b c d dicuntur affinales, quia in his clavibus cantus transpositus definit: aliàs dicuntur acuta; quia sonum acutorem omittunt. Reliquæ dicuntur superacuta, quia super acutas ponuntur.

Claves geminatae sunt numero quinq, aa. bb. cc. dd. ee. Sic dictæ, quia duplicatis literis scribuntur. Aliàs dicuntur excellentes, quia omnes alias suo sono transcendunt.

Cap. 5. Scala Musicæ.

S*equuntur linea parallela, quibus voces inscribuntur, ut in cantu ascendamus & descendamus: idq, vel continuè, vel discontinuè.*

Continua progressio est, qua observat naturalem vocum ordinem, ut, re, mi, fa, sol, la: & dicitur cantus naturalis, ut



Discontinua progressio est vocis mutatio.

Vocis mutatio consideratur vel in scalâ Musica, vel in quinq, lineis.

Scala Musica est, qua decem constat lineis, claviumq, differentias proponit.

Estq, triplex, b duralis, b mollaris, & ficta.

Scala b duralis est vocum musicarum progressio, scandens ex a in b duriter, hoc est, per vocem mi.

Scala b mollaris est vocum musicarum progressio, scandens ex a in b molliter, hoc est, per vocem fa.

Scala ficta est, qua in quâcunq; clave admittit vocem peregrinam. Hinc Musica ficta dicitur, quæ per voces fictas modulatur.

Et voces fictæ dicuntur, quæ canuntur in aliquâ clave, in quâ essentialiter non continuantur: nempe ut in E la mi, re in F fa ut.

De triplici

De triplici hæc scalâ talis est typus.

	cc	b		la
	dd			la sol
	ee			sol fa
	bb	b		fa mi
IV. Tetrachordum excellentium.	{ aa	b		la mi re
	{ g			sol re us
	{ f			fa us
	{ e	b		la mi
III. Tetrachordum superiorum.	{ d			la sol re
	{ c			sol fa us
	{ b	b		fa mi
	{ a	b		la mi re
II. Tetrachordum finalium.	{ G			sol re us
	{ F			fa us
	{ E	b		la mi
	{ D			sol re
I. Tetrachordum graviuum.	{ C			fa us
	{ B	b		mi
	{ A	b		re
	{ F			us

Scala b dur.

Scala b. mol.

Scala f. Ha.

Hic notetur quod reman-
sisse in scholâ Latinorû,
quæ profluxit è Scholâ
Græcorum.

*Sequitur mutatio in quinque lineis. Ea fit ob
vorum paucitatem & cantus varietatem.*

*Estque vel mentalis, vel vocalis. Illa dicitur im-
plicita, hæc explicita.*

Utraque fit in cantu molli, & duro.

*In cantu molli fit mutatio in dag: cujus nota
memorialis est dag.*

*In duro fit mutatio in dae: cujus vox memora-
rialis est dae.*



LIBER SECUNDUS.

M U S I C Æ.

In quo

PARS PROPRIA MUSICÆ THEO-
RETICÆ BREVITER EST
DELINEATA.

EXposita est Musica theoretica pars communis:
sequitur pars propria, qua tractat de Musices
theoretica speciebus juxta quatuor voces musica-
les; Discantum, Altum, Tenorem & Bassum.

Musica theoretica est choralis, vel figuralis.

*Choralis est, qua in suis notulis aequalem ser-
vat mensuram: ab authore dicta Gregoriana, i-
tem vetus, & plana.*

Ejus consideratur tum modus, tum usus.

Modus

Modus est ratione notarum, & textus.

Nota plerumq; sunt plena, quatuor inscripta lineis.

Textus est sacer, vel communis. Et uterq; vel rhythmicus, vel solutus.

Ufus ejus est in templo.

Figuralis Musica est, cujus nota inaequales mensuram variant: estque ab authore dicta Ambrosiana, mensuralis item, & nova Musica.



LIBERTERTIUS

MUSICÆ,

In quo proponitur

M E L O P O E I A.

Cap. I. Concordantiæ & Discordantiæ musicæ.

EXposita est Musica theoretica: sequitur practica; eaq; tum vocalis, tum instrumentalis.

Musica practica vocalis dicitur μελοποιία, item contrapunctus, & ars componendi; & quidem ut plurimum contrapunctus.

Contrapunctus est, quo selectimus sonos numerosos certâ mensurâ & proportionē,

Contrapunctus est simplex, vel coloratus.

Contrapunctus simplex est de compositione cantilena choralis.

Contrapunctus coloratus, est de compositione cantilena figuralis.

Ejus tres sunt partes. 1. De concordantiis & discordantiis. 2. De intervallis seu modis musicis. 3. De tonis.

Concordantia apud Practicos celebrantur duodecim .1.3.5.6.8.10.12.13.15.17.19.20.

Suntq; 1. vel simplices, vel replicata, vel triplicata. 2. perfecta, vel imperfecta.

Concordantia simplices, quæ & primaria, sunt. 1.3.5.6.

Replicata sunt precedentibus æquifona duplâ dimensione concepta: ut 8. 10. 12. 13. aliâs secundaria: octava namque unifono, decima cum tertiâ, duodecima cum quintâ, & decima tertia cum sextâ sono coit.

Triplicata sunt 15. 17. 19. 20. aliâs tertiaria. Decima quinta cum octavâ coæquatur sono; decima septima decimæ tertiæ; decima nona quintæ & duodecimæ; vicesima sextæ & decimæ tertiæ æquifona, ut in schemate proposuimus.

	{	Primariæ	1.	3.	5.	6.
Concordantiæ	{	Secundariæ	8.	10.	12.	13.
	{	Tertiariæ	15.	17.	19.	20.

Concordantia perfecta sunt, quæ per se stare possunt.

possunt, id est, ineipere & terminare cantum: ut 2. 5. 8. Hæ ita sunt comparatæ, ut unâ eâdemq; non liceat uti absque medio consonantiæ alterius.

Concordantia imperfecta sunt, qua possunt concurrere in contrapuncto: ut 3. 6. 10.

Discordantia imperfecta sunt novem, videl. 2. 4. 7. 9. 11. 14. 16. 18. 21.

Cap. 2. Modi musici.

Modus est vocum intervallum sive distantia à se invicem: Græcè τῶπος.

Modus est aquabilis, aut dispar.

Æquabilis est, qui eodem gradu est; & dicitur unisonus. Unisonus enim est duarum vel plurium notarum eodem in loco conjunctio, ut si sol sol vel la la in eâdem clave repetatur iterum atque iterum,

Modus dispar est continuus, vel interruptus.

Modus continuus est, vel tonus, vel semitonium.

Tonus est saltus vocis à voce per secundam perfectam potenter sonans: Græcis τόνος.

Semitonium est saltus de voce in vocem, per secundam imperfectam molliter sonans. Fitque solum ex mi in fa proximum, & ex fa in mi proximum. Itaque

In progressu sex vocum proxima quæque à proximâ distat tono, exceptis *mi fa* simul connexis. Illa enim connexio vocatur *semitonium*, item *semitonium minus*. Græcè *ἡμίτονον*.

Modus interruptus est certis intervallis discretus. Estq;

1 *Ditonus*, dura & perfecta tertia: fitq; inter *ut mi, fa la*: adeoque duos habet tonos.

2 *Semiditonus*, intervallum vocis à voce, per tertiam mollem & imperfectam: fitq; inter *re fa, mi sol*.

3 *Dia tessaron*, saltus è voce in vocem per quartam. Estq; inter *ut fa, re sol, mi la*.

4 *Diapente*, saltus vocis à voce per quintam: vulgò *quadrmodus*. Fitq; inter *ut sol, re la, mi mi, fa fa*. Proinde diapente componitur ex tribus tonis, & uno semitonio. Nam

Semitonium diapente est imperfecta sexta, ut, inter *mi ex e la mi*, ad *fa in c sol fa ut*, & contrà. Sed

Tonus diapente est sexta perfecta: quæ fit inter *ut ex c sol fa ut* ad *la in a la mi re*, & contrà.

5 *Diapason*, vocis à voce per octavam distantia. Hinc vocatur saltus per octavam. Fit autem septem modis. A quâlibet enim literâ ad similem sibi fit, ut ab *A* ad *a*, & ab *a* ad *aa*.

Ex his patet, novent esse modos, uttiquet ex cantilenâ: *Tertrini sunt modi, quibus omnis cantile-*

tilena contextitur, scil. Unisonus, Semitonium, Tonus, Semiditonus, Ditonus, Diatessaron, Diapente; Semitoniū cum Diapente, Tonus cū Diapente, Diapason. Diligenter itaq; hi modi cognoscantur. Cognitis enim hisce intervallis; facillimè totius harmoniæ ratio cognosci potest. Sunt autem quatuor modi sive intervalla prohibita, videl.

1 *Tritonus*, qui tres tonos continet: fitque à *fa* ad *mi*.

2 *Semidiapente*, qui graditur à *mi* ad *fa*, continens duos tonos, & totidem semitonia.

3 *Semidiapason*, est octava continens tria semitonia & quatuor tonos, tendens à *mi* ad *fa*:

4 *Disdiapason*, intervallum per decimam quintam: intra quod voci præstituta est meta, extra quam vagari nequit: vel si vagetur, fictitia fit & incondita. Si autem majores quàm diapason occurrant intercapedines, cum prioribus in octavâ æquisonant.

Cap. 3. Toni musici.

S*equuntur toni, quos alii vocant modos. Sed nos secuti præstantissimos artifices distinguimus inter modum & tonum.*

Tonus est octava per vocem affinem mediata.
Itaque

Tonus est regula & dispositio, secundum quam cantus cursum dirigimus. Non enim possumus cantum aliquem ritè moderari & modulari, nisi priùs cognoscamus eum tonum.

Tonus est, vel simplex, vel connexus.

Tonus simplex est legitimus, vel notius.

Legitimus est authenticus, vel plagius. Priscis erant toni quatuor, *πρώτος, δεύτερος, τρίτος, τέταρτος*. Quibus hodie respondent quatuor voces finales, *re, mi, fa, sol*. Quatuor hosce tonos Græci vocarunt *αὐθιγνός*, Latini *heriles* & *clamosos*. Habent enim cæteris majorem, ut ita dicam, authoritatē ascendendi. Latini verò cujuslibet toni ascensum & descensum considerantes, cuilibet subjugalem constituerunt, & hos quatuor vocarunt *πλάγιους*, item *subjugales*, *serviles*, & *similes*. Et hi magis descendunt quàm priores. Hinc octo emerferunt toni, quibus omnis cantilena καὶ ᾠρῶν καὶ θέων regitur. Sed recentiores constituunt tonos legitimos duodecim, sex authenticas, & totidem plagios. Sicut enim sex sunt voces, *ut, re, mi, fa, sol, la*: ita sex toni authenticæ, & totidem plagii. Peregrinis vulgò nominibus gentium appellantur.

Hi toni pro diversitate sex vocum, diversas habent melodias. Nam ut alius tonus est in *ut*, alius in *re*: sic & melodix.

Authenticus clavem finalem in infimâ diapente habet, & dividitur harmonicè. Divisio harmoni-

monica dicitur, quum octava habet quintam infra quartam. Estque

1 *Ionicus*, qui decurrit inter C & c, dividitur in G, finitur in c. In molli decurrit inter F & f, dividitur in c, & finitur in F. Trochaicis & Jambicis aptissimus. Vide Ps. 3. & 42.

2 *Doricus*, qui decurrit inter D magnum & d parvum, divisus in a, desinens in D magnum. Est alacris, gravis, & spondaicus: religioni pudicitizque accommodus. Levatus, seu in cantu molli decurrit inter G & g: dividitur in d, & finitur in g. Vide Psal. 8. LobWass.

3 *Phrygius*, qui decurrit inter E & e, divisus in mi quod est in b fa mi, desinens in E. In cantu molli decurrit inter a & aa, dividitur in e, finitur in aa. Est impetuosus, bellicis rebus accommodatus, tragicus, jambicus, distrahens ac rapiens animum, cumque quasi extra se ponens, ut ait Arist. 8. Polit. c. 5. & Plato 3. de just. Exemplum vide Ps. 51. LobWass.

4 *Lydius*, qui decurrit inter F & f, divisus in e, finitus in F. In cantu molli decurrit inter b & bb; dividiturque in f. Est durus, minax, & hilaris: ut videre est Psal. 5. Plato 3. dial. de Rep. Lydiam & Ionicam harmoniam ut temulentam improbat.

5 *Mixolydius*, qui decurrit inter G & g, dividitur in d, & finitur in G. In cantu molli decurrit inter c & cc, dividitur in g, finitur in G. Mo-

vet affectus, ex Doricâ gravitate mistus. *Psalm. mo 2.*

6 *Æolicus*, qui decurrit inter *A* & *a*, dividitur in *E*, & finitur in *A*. Levatus decurrit inter *D* & *d*, dividitur in *a*, finitur in *D*. Est mitis ac mirè suavis ad modulanda lyrica.

Tonus plagius est, qui clavem finalē in imo quidam quinta habet, sed supra quartam, & dividitur *Arithmetice*. Divisio namque *Arithmetica* Musiceis dicitur, quando octava habet quartam infra quintam, quæ est injucundior. Hic appellatur ab authentis, præpositâ voculâ *ι*.

Estq;

1 *Hypoionicus*, qui decurrit inter *G* & *g*, divisus & finitus in *c*. Levatus inter *c* & *cc*, dividitur in *f*.

2 *Hypodorius*, qui decurrit inter *A* & *a*, divisus & finitus in *d*. Levatus inter *D* & *d*, dividitur & finitur in *G*.

3 *Hypophrygius*, qui decurrit inter *b* (vocatur *b* quadratum) & *bb*, dividitur & finitur in *E*. Levatus decurrit inter *E* & *e*, dividitur & finitur in *A*. Terricam habet gravitatem, adeoque minimè est adulatorius. Humilis est, & ad fletum aptissimus.

4 *Hypolydius*, qui decurrit inter *C* & *c*, dividitur & finitur in *F*. Levatus decurrit inter *F* & *f*, dividitur & finitur in *b*. Lacrymosam habet continentiam.

5 *Hypo-*

5 *Hypomixolydium*, qui decurrit inter *D* & *d*, dividitur & finitur in *G*. Levatus decurrit inter *G* & *g*, dividitur & finitur in *e*. Naturalis in eo est jucunditas.

6 *Hypoaolicum*, qui decurrit inter *E* & *e*, divisus & finitus in *a*, Levatus decurrit inter *a* & *aa*, divisus in *d*.

Tonus nothus, sive illegitimus, est, qui in diapente & diatessaron aptè dividi nequit, sed in tritonum & semidiapente. Estq;

1 *Hyperaolicus authenticus nothus*, qui decurrit inter *B* & *b*, inferiùs semidiapente, superiùs tritonum habens.

2 *Hyperphrygius plagii nothus*, qui decurrit inter *F* & *f*: inferiùs tritonum, superiùs semidiapente habens.

Tonus connexus est, quando authenticus cum suo plagio jungitur; unde *πλάγεσύνταξις* & dicitur. Hinc cantus mixtus dicitur, quando toni permiscantur, plagii scilicet & authentici. De his vide quatuor typos in Elementalibus nostris: pag. 297.

Ex istis tabulis apparet manifestè, plagium ab authentica non differre nisi elevatione in quartam, quum in authentica sit remissio in quintam. Nam si in Ionico sit *fa, sol, ut*, in hypoionico erit *sol fa, ut fa*. Hic si *fa* in octavam, vel in quintam infra *ut* remittas, habebis rursus *fa, sol, ut*.



LIBER QUARTUS

M U S I C A E.

Ubi

M U S I C A O R G A N I C A
brevissimè adumbratur.

Explicata est Musica practica vocalis: sequi-
tur instrumentalis, quæ dicitur Organica.

Organica est, quæ de instrumentis musicis tra-
ctat.

Estq, vel historica, vel poëtica.

Historica est, quæ enumerat classes instrumen-
torum musicorum; quæ ita habent.

Instrumenta Musica sunt vel Ψηλαφῆ, vel
πνδμγικῆ. Francisc. Junius in Gen. 4. & Psal. 4.

Instrumenta Ψηλαφῆ, aliàs κρυτὰ, sunt, quæ
solo pulsu concentum edunt. Hæc Aristoxenus a-
pud Athenæum 1. Dipnos. nominat ἱρταῖα.

Pulsu tripliciter editur sonus, aëris, nervorum
seu chordarum (unde instrumenta monochorda,
decachorda, polychorda) & baculi motu.


Instrumenta πνδμγικῆ, sive ἔμπνευστα, sunt,
quæ digitis ventoq, inflato moventur. Ventus mo-
tam, digiti harmoniam conciliant.

Poëtica dicitur Μυσουργία, Ottoman. Luscingius
l. 1. Μυσουργία.

Extra-

Et tractat de instrumentorum Musicorum, tum fabricâ, & quidem vel in genere, vel in specie, tum usu.

Sic habet Mufices methodus, quam hâc tabellâ adumbramus:



ADMIRANDORUM
MATHEMATI-
CORUM

LIBER NONUS ET ULT.

Continens

Architectonicæ methodum tribus
libris propositam.

ARCHITECTONICÆ

LIBER PRIMUS,

De

ARCHITECTONICA ÆDIFI-
CATORIA, IN GE-
NERE.

Cap. I. Architectus.

EXposita est qualitas princeps; ultimo loco ex-
ponenda venit qualitas minus princeps, qua
venit nomine *Figura*, quæ explicat Architectonicam.
Archs-

Architectonica est scientia de aedificiis extruendis.

Estq; vel aedificatoria, vel organica.

Architectonica aedificatoria est de ipsorum aedificiorum constitutione.

Ea est communis, vel propria.

Communis agit de architecto, fine, & mediis.

Architectus est vir bonus aedificium constitnendi rationem doctus.

In analysi hujus definitionis considerabimus definitum, genus & differentiam.

Definitum est, architectus. Architectus est vel principalis, vel subsidiarius. Principalis architectus vocatur *Ingeniarium*. Subsidiarii architecti sunt officinatores seu ministri, ut fabri lignarii, ferrarii, serrarum, item pictores, cæmentarii, lapidarii, laterarii, fictores, materiarii. Hinc patet, architectum optimo jure collocari inter liberalium disciplinarum professores, non autem inter opifices. Quidam dicunt, fabricatio architectum in opificibus esse cogit, ratiocinatio iisdem eximit. Sed rectius Plato ait, nullum architectum uti manuum operâ, sed utentibus præesse. Oportet itaque distinguere inter architectonicam, & architecturam. Architectonica est liberalis disciplina, cujus cultores vocantur architecti *καὶ ἱεροκλήν*. Architectura est ipsa constructio, quæ congenit officinatoribus, ut vocant. Pervellem sanè, hanc nobilissimam disciplinam

postliminio revocari in Scholas, & discipulis solidè explicari. Sanè non haberemus tot fumosas, tenebrosas, ruinosas ædículas, non tot sumtus profunderemus, si architectos haberemus peritos. Intelligunt id *Jesuita*, qui ipsi, si qui nunc temporis sunt, eximii sunt architecti, ut illorum splendida collegia loquuntur. Ego pro virili meâ aliquid attentabo in hujus nobilissimæ, utilissimæq; disciplinæ delineatione methodicâ.

Genus in definitione positum est, vir bonus. Secutus sum Ciceronem, qui dicit, oratorem esse virum bonum. Profectò si architectus non sit vir bonus, proximi sui nullam habebit rationem, adeoq; vel pecuniam illius dilapidabit, vel nimis sumtuosa extruct ædificia, vel etiam ædes non ita extruct, ut suas extructas velit. Hoc enim secum debet reputare architectus, ita sibi extruendas esse ædes alterius, ac si suæ essent.

Differentia sequitur: doctus rationem extruendi ædificium.

Hanc autem doctus est, qui

1. *Est ingenio virido & perquam acri*. Hinc architectus vocatur eleganter, licet illatinè, *ingeniarius*. Minister ejus *officinarius*. *Vitruvius l. 2. circa finem*.

2. *Tenet principia Geometrica*. Nam architectus à Geometrà mutuari debet eutygrammi (sencfel vud wincelsaeten) & circini usum, - norma-

normarum, librationum, & linearum directiones.

3 *Optices non est ignarus.* Debet enim architectus lumina à certis cæli spatiis per optice in ædificiis capere: id quod singulare est artificium.

4 *Arithmeticam callet.* Sine illâ enim nulla institui potest symmetriarum probatio.

5 *Antiquitatum scrutator.* Historiæ namque, et aliis artificibus, ita architectis maximam adferunt utilitatem.

6 *Physica peritus.* Objiciuntur enim sat multæ quæstiones naturales de aquarum ductibus, de aëris temperie, de soli varietate.

7 *Musica gnarus.* Nam è sono sæpè capi potest argumentum firmissimum de proportionem & amplitudine loci.

8 *Medicina cultor.* Scire enim debet architectus, quæ loca sint salubria, quæ insalubria, aliaque multa, quæ sanitatem concernunt.

9 *Responsa Jctorum tenet.* Debet enim scire architectus, quinam parietes sint communes, quæ stillicidia, quæ cloacæ, quæ lumina, quæ fenestræ, quæ demolitiones, quæ denique aquarum ductiones.

10 *Astronomiam callens.* Architectus enim orientis, occasus, septentrionis, meridiei, astrorum, æquinoctiorum, solstitiorum rationem pernoctare debet.

Has omnes scientias in architecto inesse postulat Vitruvius, quem, velut Cicero perfectum oratorem describit. Hanc itaque architecti ideam sibi proponat, qui tam plausibili architecti titulo gaudere aliquando cogitat. Neque tamen Architectus in Musicis erit Aristoxenus, in picturâ Apelles, in Medicinâ Hippocrates, in Astronomiâ Ptolemæus. Quid ergo? Non erit amusus, non ageometretus, non ἀνιστολογικός, sed ea sciet è singulis artibus, quæ faciunt ad architecturæ rationem. *Jacobus Pontanus dial. volum. 3. part. 2. tit. 1. de architectonica.*

Cap. 2. Finis architecti.

Finis, ad quem architectus collineare debet, est triplex, firmitas, utilitas, venustas. Hunc enim ad finem omnia sunt præparanda, nimirum ut firma, utilia, venusta sint ædificia. *Possevinius l. 15. bibliotheca c. 18.* Si quid enim eorum desit, infirma, inutilia, invenusta erunt. Errant itaque, qui vel solius firmitatis, vel solius utilitatis, vel denique solius venustatis habent rationem. Nam oportet tres istos fines conjungere, non autem divorcium facere. Eapropter omnia media ita comparata erunt, ut architectus triplicem istum præstitutum finem adsequatur. Et firmitatis primò habetur ratio, si jacta solide fuerint

fuerint fundamenta, omnisque selecta materia
 & dulò parata fuerit: utilitatis autem, si locorum,
 membrorumque, apta consideretur dispositio: ve-
 nustatis denique, si membra suas habuerint
 symmetrias, proportionisve responsus.

Cap. 3. Ordinatio.

M*edia*, quibus architectus triplicem istum
 finem assequi potest, *communis* (nam de
 propriis agemus l. 2.) *sunt numero sex*, tradenti-
 bus plurimis rei architectonicæ scriptoribus;
 videl. *Ordinatio, Dispositio, Eurythmia, Symme-*
tria, Decor, Distributio seu *Oeconomia*. Alii
 tria faciunt media, videl. *fabricam, materiam, &*
rationem.

Ordinatio est primum medium commune, quo
membra operis futuri separatim comparantur in-
ter sese. Principiò enim requiritur, ut archite-
 ctus singula ædificii membra consideret singul-
 latim, antequam ea disponat. Et hinc dicta est
 ordinatio, quòd ordine singula sint inspicienda.
 Hæc ratio fit, ut nihil effugiat architectum.

Cap. 4. Dispositio.

D*ispositio est apta rerum collocatio*. Dicitur
Graphis ἀπὸ τῆς ἀτάξεως. Graphis tanta est

necessitas, ut sine eâ nullum laudabile possit extrui ædificium. Hujus itaque modum præstantia ingenia probè debent perdiscere, ut ne-jactura fiat pecuniæ, temporis & existimationis. Vocatur aliàs *typus*.

Dispositionis, seu graphidis, tres sunt partes:

1 *Ichnographia*, quæ est areæ jacentis descriptio, futuri operis specimen exhibens. Vulgò *planam formam* nominant, quæ circini & regulæ fit ad miniculo. Itali vocant *plantam*, q. d. vestigium fabricæ: Germani den *grundriß*. Hinc phrasis, *in grund legen*.

2 *Orthographia*, quæ est frontis ipsiusmet erectio, cùm jam non planum opus, & ima operis vestigia imaginamur, sed frontem ipsam, id est, ædificium subrectum & frontem attollens. Hinc orthographia vocatur erecti adversique operis descriptio. Hæc est erecta frontis imago, modiceq; picta futuri operis figura. Italis dicitur *frante*: Germanis, *der aufriß*.

3 *Sciographia*, seu *scenographia*, quæ non tantùm vestigiaria, nec frontalis aut adversaria futuri operis est efformatio, sed etiam lateralis, id est, frontis & laterum abscedentium adumbratio, ad circiniquæ centrum omnium linearum responsus. Hæc igitur est universi recti, quod Græci scenam dicunt, deformatio, id est, internæ partis sectio: non frontis tantùm, ut orthographia, nec areæ duntaxat, ut ichnographia. Est scenæ

stentz imaginaria excitatio. Itali dicunt *profsio*, Latini *profilum*, artifices *modellum*, & magis Latine *modulum*. Iste *modellus* variis fit modis. Nam quidam operis suscepti simulacrum & formam fabrefaciunt è ligno, eo fine, ut futura errata deprehendant, parvoque negotio iis antevertant. Alii è cerâ fingunt, & tùm vocatur *prototypum*: alii è cretâ fingunt, & tùm vocatur *proplasma*. Ipsa verò ars typorum istorum vocatur *plastica* & *proplastice*. Magnoperè sane laudandus est mos iste, ut scilicet non lineis tantùm & picturâ, sed ligno quoque aliâve materiâ ædificii instituendi exemplar tanquam *proplasma* effingatur, in quo universum opus, singulæque partes, & earum dimensiones, numerus, ordo, omniumque rerum ad ædificium sive constituendum, sive exornandum spectantium, parietum, tectorum, conclavium, columnarum, capitulorum, basium, coronarum, fastigiorum, crustationum, statuarum, &c. facies perpenditur & examinatur. Nam in isto modulo nullâ cum jacturâ adjungere, detrahere, immutare, pervertere est integrum. Impensarum explicatior iniri potest ratio, dum in hujusmodi simulacro propositæ ædificationis latitudo, altitudo, crassitudo, amplitudo, forma, species, qualitas antè consideratur. Debet autem modulus carere exquisitiore artificio. Non erit politus, coloribus facatus, picturis decoratus, sed nudus & simplex.

Cap. 5. Eurythmia.

Eurythmia est venusta species, commodusq; in compositionibus membrorum aspectus. Ea fit, cum membra operis sunt convenientia, altitudinis ad latitudinem, latitudinis ad longitudinem, & ad summam omnia respondent symmetriæ.

Cap. 6. Symmetria.

Symmetria est operis ipsius membris conveniens consensus, ex partibusq; separatis ad universa figura speciem rata partis responsus. Ea fit, cum est proportio legitima partium cum toto, & partium inter sese.

Cap. 7. Decor.

Decor est emendatus corporis aspectus, probatis rebus compositis cum auctoritate. Vitruvius vocat egregiam auctoritatem adificii. Estq; totalis, totius ædificii, vel partialis, singularum partium.

Breviter hæc percurro, contentus nudis definitionibus, quia deinceps in particularibus ostendetur ratio singulorum in singulis partibus.

bus. Hic ago duntaxat hoc, ut termini intelligantur.

Cap. 8. Regio.

Distributio est commoda sumtum, loci, materiaq, dispensatio.

Estq, vel partium, vel materialium.

Partes, in quas distribuuntur res ædificationum, sunt sex, regio, area, partitio, parietes, tabulum, apertiones.

Regio est potens soli amplitudo, & constitutio loci, in quo ponendum est ædificium.

In eâ quinque sunt spectanda, calum, aer, aqua, terra, pulchritudo.

Calum spectari debet quoad zonas & climata.

Aëris salubritas his indiciis (vocant probas)prehenditur.

1 Si ejus simplicitati nullus spiritus foeculentus, perspicuitati nihil fumidum, levitati nulla gravitas se permiscuerit.

2 Si ventis agitetur. Si enim agitationis expertus sit, crassescit, inquinatur, & vaporibus nocivis oppletur. Ventis autem probantur ii, qui oppositu sylvarum aut montium antè refracti & accisi sunt, aut tanquam de longinquo itinere fessi spirant, neque cooriantur de locis palustribus, lacustribus, foetidis, contagiosis. Geniorem, custodem, restitorem bonæ valetudinis

Aquilonem; languoris, pituitæ morborumque patrem & conciliatorem Austrum vocant. Illius natura quasi mascula & durior est; hujus forminea & mollior: quo regnante ne pecudes quidem tutò in pratis errare arbitrantur poëtæ. Et gentes septentrionales Austrinis incorruptiore utuntur valetudine.

3 *Si nunc frigore purgatur, nunc calore.* Frigus enim densat noxios vapores: calor autem consumit & dissipat.

Aqua consideranda est secundum hæc theore-mata:

1 *Aqua sunt quinque genera. Est enim pluvialis, fontana, fluvialis, puteorum, & stagnans.* Primo ac laudatissimo loco sunt pluviales: secundo fontanæ: tertio fluviales, si leves, claræ, molles, bonæ: quarto puteorum, quæ sunt insalubres: ultimo stagnantium, quæ sunt pessimæ: *Laurentius Jobertus in paradoxis quest. medicin.*

2 *Gustatu & igne examinanda sunt aqua.* Laudatissimi saporis, odoris, coloris illam aquam decernunt, quæ omni sapore, odore, colore caret: quæ pellucida ac tenuis: quæ candido superfusa linteo nullas labeas aut maculas relinquit: quæ nihil sibi post aliquantam quietem perdit: quæ postquam calefacta deferbuit (vocant defractâ) & quievit, nihil limi, fæcis, aut arenarum in vasis imo relinquit: quæ cum farinâ subacta

subacta bonum panem efficit: in quâ legumina celeriter decoquuntur: quæ citò concalescit: quæ parum ponderosa: quæ alveum quo labitur, & saxa quæ alluit, musco non prætexit.

3 *Utile est ad aquam probandam considerare corporum figuras, & lineamenta hominum illam bibentium.* Si fuerint validi, colore nitido, rectis cruribus, acri oculorum obtutu, ventre neque obeso, neque nimium castigato, puram eos & salubrem aquam bibere credendum est. In historiis est, quòd Romani fundaturi oppida, & castra stativa metaturi, pecudum exta sollicitè rimati fuerint. Quòd si jecinora livida aut vitia-ta invenirent, quoniam id malum aquarum vitio evenisse sibi persuadebant, citra cunctationem alibi castra faciebant: Usque adeò ingentia momenta ad bonam corporis temperationem in aquis sunt. Si quid enim in iis viscosum, crassum, impurum & crudum admixtum lateat, homines illas bibentes aut strumis deformantur, aut calculis excarnificantur, aut aliis in valetudinibus divexantur.

4 *Si fons novus fuerit effossus, atq; inde in vas Corinthium sive alterius generis, vel etiam ananum aqua fuerit illata, quæ sparsa maculam non inpasserit, ea erit optima.*

5 *Nulla est aqua salubrior, quàm quæ ex imbribus colligitur: quippe quæ, ajunt, gignatur ex omnibus fontibus levissimis, subtilibusque te-*

nuitatibus; deinde per aëris excitationem perfusa tempestatibus, liquecendo defluit in terram.

6 *Aqua ubiq; immota (vocatur refes) est insalubris: restagnans autem pessima est illa, qua hirudines alit, ubi verò anguilla innatant, non adeò est noxia.*

7 *Aqua ad orientem Solem sita, sunt salubriores his, qua ad septentrionem, & his qua ad calidos ventos sita sunt, etiamsi stadium solis intersit. Primùm enim moderatior est caliditas, ac frigiditas.*

8 *Aqua palustres, & mœnia, vel mari in paludibus secundùm rhare, spectantia ad septentrionem: aut inter hunc & orientem, ipsa autem paludes excelsiores littore marino, non nocent. Ex maris enim tempestatum redundantiâ, vel cùm in mare patet exitus, fit ut palustrium genera venenatorum in fossis non nascantur, vel ubi fuerint nata, insuetâ fluctuum falsedine necentur. Sin autem secundùm mare ad meridiem vergant, aut occidentem, eæ utique haud fuerint salubres, quoniam æstate cælum meridiânũ calefcit Sole exorto, meridie ardet: quodq; spectat ad occidentẽ, id Sole exorto tepescit, meridie calet, vespere fervet. Plura de aquis vide apud Vitruvii l. 8. c. 5. Leon. Alb. l. 1. c. 4. & c. 5. ubi ait, regionẽ deligendam, ubi arbores nascantur multa, recta, non autẽ ex latere uno cadentes, (quod indicium sit*

fit venterum continenter eo agitantium) copiosas magna, uberes fructibus, pulchra, gustui grata, ubi nascantur homines pulchri, multi, graciles, bona indolis, & humani.

Terra, siue solum, exploratur hoc modo:

1 *Non extruantur adificia in montibus inaccessis, nisi necessitas exigat. Munitiones tamen & propugnacula ibi collocare licet.*

2 *Vitentur solitudines. Ibi enim conservationi non datur locus.*

3 *Aditus sint complures: ut importari & exportari queant necessaria.*

4 *Solum sit solidum; siccâ scilicet humiditatē, & humidâ siccitate. Debent enim substructiones fieri locis quàm solidissimis. Si natura non præstet illam firmitatem, confugiendum erit ad artem, ut quàm creberrimis palis ac fistulationibus adactis muniatur. Excavationibus crebris solum est pertentandum; id quod non magis ad aquam eximendam, quàm ad firmitatem experiendam valet. Pall. l. 1. c. 7, Barbarus l. 1. c. 1. Alb. l. 3. c. 3.*

5 *Soli indicia hæc sunt. Si ibi herbæ fuerint, quæ humidis in locis nascuntur, lutosum id erit. Sin arbores, quæ in siccis regionibus proveniunt, ibi adoleverint, siccum erit, adeoque aptum exadificationi. Si saxa, soliditatis erit signum. Contrâ scaturientes aquæ, sonitusque terræ ex gravium rerum casu siue motu, fabri-*

cam non admittunt. Si item vasa aquarum plena, vel membranæ tympanorum humi strata, gravi aliqua re decidente non trepidaverint, aut sonitum ediderint, neque verò aqua diffundatur, firmitatis erit signum. Hæc ubi extrinsecus innotuerint, jam crebris excavationibus soli natura interiùs pertentanda erit. Ac quidem natura multis quasi cutibus, aut coriis solum contextit, vel crassiore sabulo, vel minutâ quadam arenâ, quandoque cretâ vel argillâ, nonnunquam topθο, vel cœno, atque item permixtione quâdam rerum dividitur, ita ut non eadem soli qualitas sit in superficie, sed alia sub cute, alia in imâ parte cernatur. Ab omni igitur arenoso, glareoso, molli, palustri, atque congestitio solo cavendum est. Solidius porrò fuerit solum, quod ferro magis obfisteret, cumq; madefactum fuerit, non dissolveretur.

6 *In solo spectandi sunt fructus, & homines.* *Fructus* hoc modo: Si seriùs putrescant, salutaris est terræ expiratio: si secus fiat, ejusdem soli afflatus erunt noxii; si nempe fruges fructusque qui in granariis & apothecis reponuntur, citò corrumpantur. *Homines* hoc pacto: Si multi ibi sint senes, valentuli, viresces, succi pleni pueri, si facies formosæ, membra robusta & vegeta, optimum est solum. Si item animalia firmissimis reperiantur membris, visceribus sanis, sanum est solum.

7 *Ædificia scabra & cariosa malignitatem soli probant.* Et arbores, si in unam partem velut consensu proclinate aut refractæ visantur. Etenim hoc immoderatorum ventorum est indicium.

8 *A convallibus abstinendum.* Ratio præcepti: quia nivibus talia ædificia obruuntur, eluvionibus interceptantur, humorem imbibunt nimium, quo & valetudo hominis, & integritas fructuum læditur. Sole nimium calente prope modum exuruntur qui eò loci habitant, ob radios repercussos undique. Si à Sole desistantur, pessima existit aëris constitutio. Ventis in hujusmodi locis constricti vehementissimi sæviunt, & disturbant omnia. Si paulum sileant, aër contractâ spissitudine ægrescit quasi, nec est ibi aliud, quàm stagnum aërium, seu lacuna aëris. Seligantur itaque loca editiora, ubi assidue motionis aër exerceatur. Id in primis dispiciendum, num complanatio soli, si sit montuosius, ut loquuntur; vel expletio, si sint in eo valles aut præcipitia, sit sumtuosior.

Pulchritudo regionis continet ejus ornamenta, quæ sunt naturalia: ut sunt animalia rara, plantæ singulares, loca amœna, & similia.

De his itaque præcipere nihil attinet.

Cap. 9. Area.

Area est pars regionis, certum nempe spatium adificationi destinatum. In hanc conveniunt ferme omnia ea, quæ de regione diximus. Propria autem habet hæc:

1 *Videndum est, quodnam opus suscipiatur publicum an privatum, sacrum an profanum, curiæ an stabulum, templum an theatrum. Alius enim areæ modus & situs alibi desideratur.*

2 *Area est, vel angularis, vel circularis. Angularis definitur lineis vel rectis, vel partim rectis, partim flexis. Commodissimi censentur anguli recti: acutis, nisi necessariò, non utimur: obtusos non indecoros judicant. Rotunda area est capacissima, ad quam, seu aggere, seu muro circumdandam minor requiritur impensa. Secunda huic, quæ plurimos habet angulos projectos.*

3 *Anguli cujusq; area compares omninò, atq; inter se respondentes atq; æquabiles esse oportet. Inter lineas etiam proportio exigitur. In angulis & lineis sit quædam varietas, & paria paribus respondeant. Hic observa quosdam architectorum terminos. Lineæ sunt extrema præscriptio, vel, ut alii legunt, perscriptio, qua integræ areæ*

rez spatium circumcluditur. Linearum alia recta, alia flexa. Recta, quæ æqualiter inter sua puncta extenditur. Flexa est pars circuli, quam architecti vocant arcum. Quæ autem à duobus extremis punctis lineæ flexæ seu circularis ducitur, chorda dicitur. Quæ à puncto mediæ chordæ coequalibus utrinque angulis ad arcum usque perducitur, sagitta appellatur. Quæ à centro circuli ad extremam circuli lineam, dicitur radius. Quæ per centrum transit, duobusque locis flexam circuli lineam secat, diameter dicitur. Linea recta super rectam ad perpendicularum cadens creat duos angulos rectos: si oblique, creat unum acutum, alterum obtusum.

4 *Area* (de artificiosa, non de naturali loquor) aut plano ponetur loco, aut acclivi. In plano exaggeranda erit, & quasi podium substerendum. Conciliat enim hæc res dignitatem: & si omittatur, ab alluvionibus fluminum & imbrium limus & rudera convehuntur in plana, ex quo tumores seu tumuli paulatim existunt, & circum ea loca cardui, lappæ, & aliz inuiles herbæ nascuntur.

5 *Area*, siue naturalis, siue artificialis sit, firmissima esse debet. Eapropter fossione unâ aut alterâ, intervallo intercedente, densitas, raritas, & mollitudo soli indaganda est: ut quàm idoneum sit structurarum oneribus perferendis, intelligatur.

6 *Qua tecto operiuntur area, ad libellam aquabuntur: sub dio relicta tantum deprimentur, quantum satis est, ut caelestium aquarum illapsus emittant.*

7 *Area ornamenta sunt, vel naturalia, vel artificiosa. Naturalia, ut promontoria, colles, antra, fontes, veterum rerum vestigia. Artificialia, ut si columnæ, obelisci, arbores statuuntur, & alia, quorum aspectus admirationem posteris injiciat.*

8 *Confert ad auctoritatem loci, si splendidum ei nomen imponatur.*

Cap. 10. Partitio.

Partitio est, qua aream totam, quam vocant, primam, in minores areas secernit, statuendis ædificiis minoribus, vel ædificiis partibus. In hac totam ingenii sui vim architectus consumit, sive sit civitas, sive domus extruenda. Civitas enim est maxima domus, & domus minima civitas.

De hac sunt theoremata:

1 *Apta sit membrorum symmetria. Quemadmodum enim in animali membra membris: sic in ædificio partes partibus respondebunt. Hinc majorum ædificiorum majores convenit esse quasi artus.*

2 *Accommodatus cuiq; parti situs (artifices vocant posituram) decernatur. Non amplior, quam*

quàm postulat usus, nec arctior quàm patitur dignitas: nec loco alieno, sed suo, atque ita proprio, ut alibi partem quàmque commodiùs constitui potuisse neges. Non sit honestissima & publica ædium futura pars loco abditiore, & in recessu: nec quæ privata magis, in propatulo.

3 *Temporis ratio habenda, ut alia kybernis, alia æstivis locis describantur: quorum illis soles, his umbræ & venti debentur: & cùm illa compressiora fiant, hæc magnitudine luxuriant.*

4 *Partitio optima est, qua non est interrupta, non confusa, non disoluta, non ex male convenientibus compacta membris, non nimium multis, non nimium parvis: in quâ omnia pro utilitate rerum agendarum.*

Cap. II. Parietes.

Parietes sunt structura illa, qua ab humo altiùs attolluntur tecto sustentando: quæq; intra ædificium instar septi & valli per vacua ducuntur.

Parietum occurrunt ornamenta, & genera.

Ornamenta sunt columnatio, & crustatio.

Columnatio est, quâ parietes columnis exornantur.

Columna est firma & perpetua muri pars, excitata ad perpendiculum à solo imo usq; ad summum, tecti ferendi gratiâ. Itaq;

Columna est pariete dignior. Nihil enim est

X

in universâ re ædificatoriâ, quod tantum operæ impensarumq; desideret, nihil, quod intuentes magis afficiat. Quid? Ab ipsis intercolumniis, seu intercolumniorum spatiis & distantia domus nomen sortitur, ut tradit *Vitruvius*. *Pycnostylos*, ubi crebræ columnæ. *Systylos*, ubi paulò remissiores. *Diastylos* patentibus: *araostylos* rariùs quàm oportet inter se diductis: *eustylos*, intervallo- rum iustâ distributione constat.

Theoremata de columnis sunt:

1 Quibusq; columnis fundamenta substituuntur.

2 Fundamentis ad ærea superficiem planam coequatis murulus superstruitur, qui vocatur *arula* & *pulvinar*: & supra eum *basis*, inde *columna*.

3 Columnæ sunt lignæ, vel lapideæ: & utraq; vel rotunda, vel quadrangula. Earum capita annulis ferreis vinciuntur, ne mole ponderum fatiscant. Sunt & æneæ.

4 Columnæ portam, parietem, genus omne ædificationis, plateas, & similia cohonestant.

5 Columnæ monumenta sunt posteris. Ideò principes tam splendidas crexerunt.

6 Columnæ mediana dicuntur ad discrimen angulare.

7 Loca columnis undiq; clausa vocantur *peristylia*.

8 Paries ad columnarum rationes tolletur, ut ejus altitudo columna capitulum æquet: crassitudinem

dinem obtineat, quantam in imo columna. Peccatur itaque si paries, vel tenuior, vel crassior, vel densior, vel sublimior sit, quàm ratio modusque postulat. Magis autem tolerabilis est error, si peccetur in excessu, quàm in defectu altitudinis. Non tam materiæ præstantia, quàm proportio hîc spectanda est, ut paria paribus, dextra sinistris, summa infimis consentiant. Nonnunquam materia ignobilis arte tractata ampliùs, quàm nobilis temerè coacervata placet.

Crustatio est, quâ paries tanquam veste ornatur.

Estq; alia induc'ta, alia adaçta. Inducitur gypsum aut calx: adigitur lapis, vitrum, & hujusmodi. Prioris generis sunt albaria, pura, insignita, pictoria. Posterioris obrabulata, sectilis, reticellulata, vitra, & quæ ex his miscentur.

Theoremata de crustationibus sunt hæc:

I *Crustationibus non minùs tres tunica arationum sive cutes adigenda.* Primarum officium est, parietis superficiem prehensare artissimè, reliquasque continere. *Extremarum*, expromere venustates expolitionum, colorum, & lineamentorum. *Mediarum*, vitia utrarumque emendare, & prohibere. Primæ sint acres & mordaces: ultimæ sint molliores. Si enim ultimæ & supremæ fuerint acres & mordaces, quales primas esse decet, propter acrimoniam dum siccescunt crebris rimulis interseindentur. Si

primæ fuerint molliores, quales debent esse ultimæ, non comprehensabunt tenaci morſu parietem, ſed deſciſcent.

2 *Murus quod erit recentior & aſſerior, eò arenationes denſius continebit. Quare ſi ſub initium, dum extruitur opus, primam quamvis tenuem arenationem induxeris, captus ſuperinducendis tenaces præſtabit.*

3 *Post Austros commodiſſimè omne cruſtationi genus inducatur. Per Boream, frigus & aſtum inducta ſcabreſcent, præſertim cutis ulſima.*

Parietum genera ſic recenſent architecti:

Pariis eſt

1 *Cratitius, qui ad ſimilitudinem cratis ex arrectis tranſverſiſque cannis, arundinibus, peticis, ligniſve componitur. Huiusmodi parietes ad incendia ſunt parati, ideoque eos vituperat Vitruvius l. 2. c. 8.*

2 *Concratitius, qui inter duos confines conſtituitur: aliàs intergerinus, intergeſtus, & intergerinus.*

3 *Marmoreus, qui è marmore conficitur.*

4 *Camentitius, ignobilior marmoreo.*

5 *Teſtaceus, qui è latere igni percocto.*

6 *Lateritius, ſtructus è crudis lateribus, Sole tantùm coctis & duratis. Eſt enim apud Vitruvium later alius crudus, alius coctus, idemque teſtaceus, rigens & ſonans veſut teſta. Crudi lateres duriffimæ ſunt ſoliditatis, & ad diuturnitatem*

tatem ædificiorum egregios præstant usus. Cæterum lateritii parietes sunt, vel *diplintibii*, vel *triplintibii*, id est, duorum aut trium ordinum laterum in corii latitudinem instratorum. Πλινθίου quippe later.

7 *Formaceus*, qui duabus tabulis circumdatis tanquam in formam infarcitur: Ildoro *formatus*, seu *formatius*.

8 *Maceria*, quæ è solis cæmentis, sine arena, temerè congestis, fundis, villis, hortis, vineis tutandis aptus paries.

9 *Stereobata*, seu *stylobata*, paries sustentans columnam.

10 *Sidens*, seu *evanidus*, cum arena & calx humorem parietis exiccant.

11 *Cæcus*, qui fenestratus non est. *Varro* l. 2. de ling. lat. vocat cubiculum cæcum, quod fenestram non habet.

12 *Communis*, quem communiter vicini ædificant.

13 *Directus*, cujus extremum attingit alterum parietem.

14 *Rudis*, cui nondum est inductum tectorium.

15 *Ventrem faciens*, qui in medio evadit prominens, aut turgens extra perpendiculum.

Cap.12. Tectum.

TECTUM est sublimis & extrema pars adium, quâ imbres, nives & grandines excipiuntur.

Itaque

Tecta sunt arma nostra contra impetus hybernarum cum primis tempestatum, totiusque domus salus.

Tectorum occurrunt materia, species, ornamenta, & cognata.

Materia olim erat scandula (alii apud Vitruvium legunt scindula) quo nomine vocantur asserculi sectiles, seu regulæ quædam lignæ. Scandulæ è robore aptissimæ, mox è fago, facillimæ ex omnibus quæ resinam ferunt, sed minimè durant, præterquam è pinu. Hodie utimur *tegulis*, iisque vel *planis*, vel *cavis* & *hamatis*, quæ ita collocantur ab officinatoribus, ut duos singulæ imbrices jungant. Imbrices autem sunt regulæ canalis in formam ductæ, & velut semitubuli. Utimur & *lapide fissili* seu *atro*, qui serrâ dentatâ, uti lignum, in laminas secatur, & assulatim frangitur. Ex eo tecta, templorum præsertim turriumque pugillares & abacos, fieri mos est. Tecta hujusmodi vocant *parovinas*, quòd lapidum sectilium crustæ seu bractæ, alię super alias positiæ caudam pavonis referant. Germani primum genus vocant *schindel*/ secundum *zigelstein*/tertium *schifferstein*.

Species

*Species tectorum sunt, quod alia sint sub dio, alia non; Illa sunt, quæ ad nullos ambulationis usus, sed ad cæli prohibendas injurias ponuntur: ista vocantur pavimenta, quibus fit ut ædificio quasi aliud ædificium superimponatur. Hæc olim magno fiebant, & erant superba in palatiis divitum & principum. Hodie lignea, lateritia, aut è glareâ fiunt. Principiò picta, postea *Xi-θόσπολα*, lapillis strata fuerunt: scætilibus etiam & tessæris, id est, parvis crustis colorum variorum opere musivo, & quadratis grandioribus. Fiebant & pavimenta spicata testacea laterculis coctilibus junctis, & in latus proclinalis, ad spicarum similitudinem. Fiebant & scutulata, frustis rotundi scuti figurâ. Sunt & *tecta vel fastigiata*, ut apud nos, vel plana, uti erant tecta Syrorum aliorumq; Palæstinorum, ubi non*

Saperuit densum tacitarum vellus aquarum.

Hinc intelligere est, quare Deus in lege mandavit, ut hujusmodi tecta circumcirca lignis altioribus quasi includerentur, ne scilicet homines ibi obambulantes, vel cibum capientes, deciderent.

Ornamenta tectorum sunt: 1. Signa ærea, quæ in culminibus, pinnis, metis & summis ædium templorumque fastigiis ponuntur. Suntque vel pyramides, quæ ornatus causâ ponuntur, sive tritones. Tritones sunt bractæ sive petala, quæ aversa ventorum significant flamina expedito

circumactu, five sint vexilla, five galli, five semilunæ, five soles, five stellæ *Vitruv. l. 1. c. 6. 2. Delicia contignationum, testudinationum, & crustationum. 3. Vitri, auri, cadri, æris, plumbi, marmaris intertextura.*

Cognata tectis sunt contignationes, concamerationes, & quidquid latum & longum supra habitantium caput est.

Cap. 13. Apertiones.

Apertiones supersunt, quæ rebus & hominibus initus & exitus patet.

Sunt quæ vel majores, vel minores.

Majores sunt ostia, intercolumnia, & scala.

Ostia pro usu loci, majora, minora, plura, pauciora erunt. In publicis ædificiis major earum esse debet numerus.

Theoremata:

1 *Ostia erunt altiora quàm lata.*

2 *Ostia ibi constituentur, unde in omnem ædificii partem commodissimus sit aditus.*

3 *Cavendum ne muri ostiis, & reliquis apertionibus, debilitentur. Itaque ab angulis & columnis longius recedendum.*

Intercolumnia ita ponenda, ut columnarum, quæ tectis sustinendis relinquuntur, diligentissima habeatur ratio: ut ne sint graciliores aut rariores, quàm

quàm ut tectum sustineant, neque crassiores aut frequentiores, quàm ut atrox spatia & aditus ad rerum temporumque usus expedita relinquantur. Cùm crebræ fuerint columnæ, trabs: cùm raræ, arcus superponendus est.

Scala toto edificio quò erunt pauciores, & quò minùs area occupabunt, ed commodiores consuebuntur. Hoc etiam in iis laudatur, si sint luminosæ, amplæ, & areolis interceptæ, in quibus fessif à conscendendi labore respirent, quoque minùs acclives fiant. Aditus scalarum vocatur *os scalarum*. Requiritur etiam *fenestra scalarum*, per quam lumen immittatur.

Apertiones minores alia luminibus ventibus admittendis, alia rebus domesticis serviunt.

Primi generis sunt fenestra; de quibus theorematata sunt ista:

1 *Domus pars qualibet pradiata sit fenestris, quò renovetur aër, qui inclusus corrumpitur & nocet.*

2 *Fenestra sint accommodata ad loci usum, & parietis amplitudinem: tot nempe, & tantum luminis excipiant, quot & quantum opus fore videbitur.*

3 *Fenestra, quæ ventos salubres spectabunt, quàm apertissima fiant, quarum etiam sponda humiles erunt, ut cùm aperiuntur, corpora incolarum afflentur. Quæ ventis non valde salubribus ob-*

jiciuntur, ita in sublimi ponentur, ut paries intercedens ventum à corporibus prohibeat.

4 *Æstivis conclavibus, si ad Septentrionem respiciant, fenestra ampliores: meridianis arctiores, propter Solem conveniunt.*

5 *Fenestra, & omnes apertiones qua luminum causâ fiunt, sublimes potius quàm humiles sint: quia vultu spectamus lumina, non pedibus: & alioquin unius aut alterius hominis interven-
tu loca obscurantur.*

6 *Fenestra non sunt collocanda in angulis parietum.* Nam eorum junctura dissolvitur; & nullo loco æquè validam atque firmatam structuram esse convenit, ut in angulis: quorum si vel unus vitium fecerit, totis ædibus damnum creatur. Itaque prudenter antiqui angulis majorem quàm parieti reliquo dedere crassitudinem.

7 *Fenestra majores sint quadrangula, minores arcuata.* Sic ostia majora quadrangula, minora arcuata (urbium autem portæ arcuatæ sunt) in ædibus probant architecti. Antiqui fenestras quadrangulas plerumque intersepto, & arrectario illud ipsum intersecante in crucis speciem distinguebant: nonnunquam duobus arrectariis, quam vocant crucem duplicem. Loco arrectariorum ponere solent hodie columellas. Stoici probabant fenestras arctis, Epicuræi latis luminibus.

Secundi generis apertiones sunt

I Sca-

1. *Scapha*, quæ signis & tabulis focandis in pariete serviunt.

2. *Scala*, unde aqua & fumus egrediuntur, ut sunt putei, cloaca, gula camini seu culina, praefurnia, aſtuaria: de quibus sunt hæc theorematata:

1. *Fumo & aquis parandus eſt talis exitus, ne conſiſtant, ne exuberent, ne inquinent, ne offendant, ne periculum adferant adificio.* Itaq;

Gula foci longiùs aberit à materiâ, ne vel ſcintillis diſſilientibus, vel concalefactione trabes, aut ligna proxima flammam arripiant.

2. *Putei maximè in publicâ & patenti adium parte ſtatuendi. Sub dio qui ſunt, puriorem aquam præbent.*

3. *Quâcunq; in parte adium aut putei, aut cloaca fuerint, aut aqua diſſluet, illic plurimum aëris ſe per apertiones, ob id laxiores, ingerat neceſſe eſt.* Hæc enim ratione, cùm ventorum afflatu, tùm aëris impulſu aſſiduo, humidæ pavimentorum & craſſæ exhalationes depellentur. Hæc de partibus communibus ædificiorum.

Cap. 14. Materia.

Sequuntur materialia adificiorum, quæ vocantur copia. Suntq; numero quinque, *Materia, Lapis, Lateres, Calx, Arena.* Nam etſi requiruntur quoque ferrum, æs, plumbum, & ſimilia:

tamen architecto hujusmodi res, ut & sumtus, non est tactio.

In materiâ tria spectantur, quando cadenda, quomodo, & qua.

De primo est theorema: *Materia cadenda est à novo autumno, donec flare incipiant Favonii, nempe circiter sextum Idus Februarias.* Ratio: quia vere prægnantes redduntur arbores, succumq; transmittunt ad ramos: per autumnum verò, dum maturitate fructuum frondes moriuntur, succus è terrâ in radices venit, inde robori suo arbores restituuntur, & ad pristinam soliditatem redeunt. Deinde cælum hybernium eas astringit & comprimit.

De secundo sunt theoremata:

1 *Ad mediam usq; medullam incidenda est arboris crassitudo, & aliquamdiu relinquenda, quò per vulnus illud humor & succus tanquam sanies depleatur, & destillet, & arbor siccescat.* Intus enim relictî humores, cum concreverint, putorem concipiunt, & materiam vitiosam efficiunt. Si materia sic evacuetur, quandam operi futuro perennitatem præstat. Videmus enim stantes adhuc in sylvâ, & vivas arbores, si humorem supervacaneum ferro, eo modo quo diximus, vulnerata, exudaverint, nullam siccescendo admittere senectutem.

2 *Arbores, antequam securibus sternantur, tandemantur, ramis scilicet circumquaque ampu-*

tatis,

2 *atis.* Hoc enim ad maiorem facit siccitatem.

3 *Materia casa reponatur loco umbroso, qui solaribus radiis & ventis non sit expositus.*

4 *Qua vis materia adhuc vivens humido defossa aternat.* Cato eam amurcâ illiniri suadet, ut ne teredinosa existat.

5 *Materia non nisi post trimestre adhibenda est ad usum.* Densari enim eam prius, & maturam adipisci firmitudinem oportet, quàm ad opus accommodetur. Ad asseres valvasq; conficiundas ante triennium satis siccam fore materiem non putavit Theophrastus.

6 *Educta non debet trahi per rorem, sed post meridiem.*

De tertio, quænam arbores ædificiis potissimum idoneæ censerī debeant, sunt theoremata generalia, & specialia. Generalia:

1 *Infœcunda sunt firmiores fœcundis, sylvestres hortensibus & sativis.*

2 *Arbores fertiles præcoces sunt infirmiores serotinis.*

3 *Dulces sunt infirmiores acutis, quæ habent fructus acerbiores.*

4 *Quæ ventos & tempestates sustinuerunt, sunt quidem firmiores & crassiores: breviores tamen & nodosiores, quàm quæ in vallibus locisq; vento inaccessis veniunt.*

5 *Materia quæq; quod brevior, hoc fragilior: quod crispior, eò astrictior.*

6. *Qua arbores viua diutius vigent, eadem strata serius corrumpuntur.*

7. *Quò minus medulla inest in quo vis ligno, eò illi natura robustior: & qua partes sunt medulla propiores, ceteris duriores ac densiores inveniuntur; qua cortici viciniore, nervo sunt tenaciore. Etenim in arboribus locum cutis obtinet extremus cortex, carnis, quod subest cortici, ossium, quod medullam proximè circumdat. Theoremmata specialia sunt de certis arboribus, quarum peculiares sunt proprietates & virtutes, adeoque diversæ habilitates ad hos vel illos usus.*

1. *Arbores, quæ adificiis potissimum idonea censentur, sunt: quercus, robur, asculus, populus, tilia, salix, alnus, fraxinus, pinus, cupressus, oleaster, olea, castanea, larix, buxus, cedrus, ebenum, vitis, cernuus.*

2. *Patientissima humoris est alnus, fluvialibus ac palustribus fundamentorum palationibus vincit omnes: in aperto aëre & solè non durat.*

3. *Æsculus humoris est impatiens.*

4. *Ulmus in propatulo densatur, alibi pandatur, nec persistit.*

5. *Picea & pinus si terrâ operiantur, ad aternitatem proficiunt.*

6. *Robur spissâ, nervosa, compacta humorem respuit. Ideò ad terrenas ædificationes est appositâ, servitque perferendis oneribus, & in columnas.*

mnas aptari potest. Olea, ilex, oleaster sunt robori similes.

7 Quercus non senescit.

8 Fagus & juglans ab aquis non laeduntur, ideoq; defodiuntur.

9 Columnis sunt utiles suber, pinus sylvestris, morus, acer, ulmus.

10 Trabeationibus & tignis longè optima abies. Ea sustinet onera gravissima, nec parietibus est molesta. Lætis, valvis, sellis, & mensis servit.

11 Aedibus contignandis cupressus valet, cariem vetustatemq; non sentit, rimam suam sponte non agit. Hinc proverbium: Digna cupresso.

12 Larix structurarum moles firmissimè ac diutissimè sustentat, cariei repugnat.

13 Fraxinus in opere omnium est durissima.

14 Nux ad asseritia opera admodum est tractabilis.

15 Ulnus, fraxinus, juglans, asseribus parum sunt idonea: quia facillimè franguntur.

16 Sclarum gradus ex orno & acere fabricantur optimè.

17 Tubi ducendis aquis ex pinu, picea, ulmo fiunt.

18 Simulachra, signa, tabula fiunt è tarice foeminâ, buxo, cedro, cupresso, popula albâ & nigra, sale, sambuco, ficu.

Plura de materiâ habent *Vitruvius* l. 2. c. 9.
Palladius l. 1. c. 2. *Leo Alb.* l. 2. c. 4. 5. 6.

Cap. 15. Lapides.

Lapidum considerabimus locum, species, & proprietates.

Locus dicitur saxifodina, quæ est mollis, temperata, vel dura ac silicea. Ex mollibus saxifodinis exempti lapides facilius in opere tractantur, & in locis tectis laborem sustinent, in apertis ac patentibus, gelicidiis & pruinis affecti friantur & dissolvuntur, itemque in locis maritimis salugine exesi diffluunt.

Species lapidum sunt varia, juxta has classes:

- 1 Lapidem sunt quadrati, vel camentitii.
- 2 Lapidum alii sunt redi vivi, fortes, & succosi, ut silex, marmora, qui sunt graves & sonori: alii exhausti, leves, surdi, quales topi & sabulosi.
- 3 Alii sunt planis superficiebus, lineis, angulis, aut multiplicibus & variis, quos incertos vocant.
- 4 Alii sunt prægrandes, quos sine trahâ, rutulo & gerulis nemo tractat, alii minuti, quos vel unâ manu tollas, alii justî, qui sunt intermedii.
- 5 Alii sunt fuscî, alii albî; alii translucidî, alii opaci.

Pro-

Proprietates lapidum his theorematibus continentur:

1 *Lapides albi fuscis sunt faciliores, translucidi opacis ductiliores, sale mimitantes intractabiliores. Arenâ inpersi sunt asperi; quibus scintilla aurea intermicant, contumaces; nigrantibus scatentes punctis indomiti; guttis angularibus adpersi firmiores, quàm qui rotundi: & quò minores gutta, eò lapis tolerantior: & quò cuius color purgatior ac limpidior, eò magis aternus: quò minùs venarum habebit, eò integrior.*

2 *Vena lapidum colorata, aquabiles; tennes, merosos; anfractuosa austeros; internodosa acerbos quodammodo indicant. Si multa fuerint vena, lapidem dissimilem sibi, & inconstantem arguunt.*

3 *Lapis confractus, quò minùs erit cuse asperus, eò habilior erit scabro: candidiores minùs sunt obsequentiores.*

4 *Crudiores aquâ adpersi tardius crescunt: graves levibus solidiores, minùsque friabiles. Qui dum feriuntur resonant, surdis densiores: & qui ad scalpum contumaciores, adversus tempestates sunt valentiores.*

5 *Æstate non hyeme lapis ad aedificium effodendus, & sub dio habendus, nec ante biennium in opere locandus. Nam ventis, gelicidiis, imbribus, ac cæteris tempestatibus assuefaciendi sunt, ut sint postmodum constantes, & invicti ad-*

versus omnes injurias. Qui læsi fuerint, in subterraneas structuras utiliter conjicientur, reliqui probati velut à naturâ, cœlo committentur.

Cap. 16. Lateres.

Lateres sunt vel crudi, qui ad Solem siccantur; vel testacei, qui ad ignem coquuntur.

De his sunt theoremata:

1. Lateres sunt ad usum commodi, ad gratiam apti, ad perennitatem firmi.

2. Lateres ducantur, non de luto arenoso, calcioso, sabuloso, ne gravitatem & pondus injustum habeant: ne cùm ab imbribus maduerint, paulatim dilabantur in pariete: ne præterea qua ipsis admiscenda sunt palea, propter asperitatem nequeant coherere. Fiant igitur de terrâ albicante, cretosâ, sive de rubricâ, aut etiam masculo sabulone.

3. Lateres vere & autumno ducantur. Probè ad Solem vel ignem siccentur. Nec simul ut ducti fuerint, in fornacem immittantur, nisi admodum sicci sint. Nec vix ante biennium arescent satis: & in umbra commodius, quàm in sole siccabuntur. Per solstitium illi parentur nunquam. Nam Sol efficiet ut aridi videantur, cùm intus sicci nondum sint; & sic postmodum siccescendo contrahuntur.

Sic-

Siccos planè lateres oportebit esse, ne si in structuram recentes & humidiores veniant, obducto & obsolidato tectorio sidentes ipsi parem cum eo altitudinem non teneant, contractioneq; refugientes, ab ejus conjunctione divellantur.

4 Si necessitas coëgerit, per hybernium tempus fingere lateres, illic siccissimâ arenâ operiuntor: s; per mediam astatem, humidis palæis. Sic enim non findentur, neq; contorquebuntur.

5 Tria sunt genera laterum: unum longum sesquipede, latum pedem; alterum, palmos quinque quoquo versus; tertium palmos non plus quatuor. Illi minores, isti majores, hi mediocres: qui sæpe miscentur ornatus gratiâ.

Cap: 17. Calx.

DE calce sunt hæc theorematas:

1 Calci efficienda inutiles sunt lapides aridi, putrescentes, exhausti. Siquidem tertiâ parte minus habere ponderis calcem oportet, quàm suus lapis habuerit.

2 Terrosus lapis impuram reddit calcem.

3 Optima coctio de saxo albo pradiuro, & admodum spisso; aut silice, quæ in testudinibus utilitatem magnam præstabit. Quæ coctâ est de fistulosis lapidibus, tectoriis destinabitur. Est enim ductilior, & opera splendidiora reddit.

4 Ex collectitiis torrentium lapidibus, globosis, fuscis & prae duris calcem non reprehendendam parant, Utilior tamen effossus lapis, quàm collectivus: & ex fodinâ umbrosâ ac humenti, quàm ex arenti.

5 Lapis fervore flammarum in calcem redigitur non minùs horis sexaginta. Postquam coctus fuerit, intra se latentem ignem cohibet, aquâ superfusâ exardescit, oleo extinguitur.

6 Calx extincta cum materiâ ad aptam temperaturam ita confundetur, ut una pars cum tribus arena fossitia, & rursus una cum duabus fluviaticis aut littoralibus permisceatur.

7 Calx est nauci, quae è fornacibus apportatur glebis non integris, sed resolutis, valdeq; pulverulentis. Proba est, quae candicat, quae levis & sonora, quâq; si aspergas aquam multum vaporis emittit.

8 Calx tenaciùs adhaeret lapidibus ex eadem fodinâ, quàm externis.

9 Gypsum est calcis genus, & comparatur è cocto lapide, qui tener est & friabilis horis non plus viginti: De fornace calcariâ est apud Catonem cap. 38.

Cap. 8. Arena.

Arena triâ sunt genera, fossitia, fluviatica seu fluvialis, marina seu littoralis.

Fossitia

Fossilia maximè laudatur; estq; nigra, cana, rubra, carbunculus, glarea. Carbunculus primas tenet; qui fit è materiâ molliore, quàm sit tophus, & solidiore, quàm sit terra ignibus naturâ perasta in Hetruriâ. Cane locum tenet postremum. Glarea fundamentis faciundis adhibetur. Ea est optima, quæ è fluente post primam cutem abreptam eximitur.

Inter fluviales torrentium excellit.

Marina est ultima bonitate, tectoriis optima, si ejus salsugo abluatur dulci humore.

Theoremata:

1 *Fluvialis humidior est, quàm fossilia, atq; idcirco ductibilior, & tectoriis habilior.*

2 *Fossilia, ob pinguitudinem, tenacior.*

3 *Optima in suo genere arena est, qua manu confricata stridorem edit, citra asperitatem terrosa, projectaq; in candidum vestimentum & inde excussa non fœdatum relinquens, nec terram dimittens ibidem.*

4 *Non bona est arena, quæ per se lenis, colore odoreq; terram luteam imitatur: item, quæ intra aquam exagitata eam valde turbulentam reddit & limosam.*

5 *Fossilia brevi in structum crescit, perdurante cum eâ tectoria, concamerationes perpetitur, si modò recens sit.*

De his omnibus, quæ hæcenus disputata sunt de materialibus, ædificiorum, doctè & pro;

lixè scripserunt *Vitruvius l.2. Palladius l.1. Albertus Leo lib.1. & Barbarus l.1. Architect. nec-*
non Jacobus Pontanus Jesaita volum.3. part.2.
in princip.



ARCHITECTONICÆ

LIBER SECUNDUS.

De

ARCHITECTONICA ÆDI-
FICATORIA

in specie.

Cap.1. Graphis specialis.

EXposita est Architectonica adificatoria com-
 munis: sequitur propria.

*Ea tractat de graphide, examine, & structurâ
 in specie.*

*Graphis in specie est singulorum adificiorum de-
 lineatio juxta quinque columnas sive ordines, qui
 sunt Hetruscus, Doricus, Ionicus, Corinthius, La-
 tinus sive mystus. Vitruvius constituit tria colu-
 mnarum genera, Doricum, Corinthium, Ioni-
 cum. Sed recentiores addidêre Hetruscum sive
 Tuscanicum, & Italicum sive Latinum.*

Cap.2.

Cap. 2. Examen architectonicum.

EXamen architectonicum est, quo breviter considerantur communia illa hactenus tradita, quatenus in quolibet occurrunt edificio.

Illud examen sic instituendum est:

Ædificium extructurus perpendat causas, & species illius.

Causa est 1. Finalis, defensio ab injuriis cæli, eaque firma, utilis, decora.

2. Efficiens, ipse architectus, cui pro instrumento est fabri manus.

3. Materia, quæ est in lapidibus potissimum & lignis. Ad conjugia lapidum & coagmentationes calce & arenâ opus est, cæmentis etiam, id est, lapidibus rudioribus, vulgaribus, quibus fractis medii parietes farciuntur: unde puls cæmentitia, infarcturæ, & infarcimenta. Locum lapidum sæpe tenent lateres. Tectorium (quod & lorica, corium & crusta) est tanquam vestis parietum.

4. Forma, quæ consistit in ideâ & perfectione.

Idea vocatur graphis; est quæ vel totalis, imago universi tecti, frontis & laterum; vel partialis, & hæc vel ichnographia, vestigium operis in plano, vel orthographia, erecta imago.

Perfectio est sita in proportionē & œconomia.

Proportio est *ἀνλογία* & *συμμετρία*. Hæc est venusta partium omnium inter se congruentia: illa venusta species, commodusque singularum partium adspectus.

Œconomia est commoda dispensatio, partim naturæ, partim personis accommodata.

Estque vel principalis, vel honoraria.

Principalis est fundatio, & superstructio.

Fundatio consideratur respectu regionis & areæ.

Superstructio est parietum, apertionum, & tecti.

Parietum partes primariæ sunt tres. *Tma*, quæ illic supra fundamenti infarcturam surgit, quam appellant podium seu suggestum. *Media*, quæ parietem circumambit atque amplectitur, quæ dicitur procinctua. *Suprema*, quæ ultimum parietis illaqueamentum habet, quam coronam præcupant. Parietum partes etiam sunt columnæ seu pilæ insertæ, quæ si sint marmoreæ, sic præservantur à vitiiis: Marmor contactu calcis non modò candorem amittit, sed etiã obscenismaculis foedatur. Fumos dedignatur, oleo delibutum pallefcit. Nuda igitur marmora, sine calcis illinimento obducto, præstant. Præterea parietes sunt vel lutei, vel lapidei, & hi dicuntur muri, in quibus sunt promi-

nentia

mentiar & testudines. Prominentiar sunt coronar, siue protecta, (alii vocant projecta) tanquam supercilia illorum & suggerundulæ arcendis stillicidiis. Testudinum genera sunt tria: Tecta spherica, quæ imponitur parietibus à circulari arcâ surgentibus; Camera, quæ quadratis debetur arcis; Fornix, quo testudinis genere operiuntur arcæ angulorum quatuor.

Apertiones sunt fenestræ, januæ, aliaque foramina. *Tectum* est suprema ædificii pars.

Species ædificii deinceps sequuntur.

Hoc vocant examen architectonicum, ego analysin architectonicam: ubi concinna satis observata est methodus, quam si malis observare in libro superiori, non repugno.

Cap. 3. Urbs.

PROGREDIMUR ad ædificiorum species, seu distributionem.

Ædificium est vel universale, vel particulare.

Ædificium universale est urbs, quam inhabitat universa civium multitudo.

Urbs dicta est ab orbe, quòd antiquitus urbes in orbem fiebant: vel ab urvo, parte aratri, quo muri designabantur. Quâ de re illustri notetur locus Catonis: *Qui, inquit, urbem no-*

Y

vam condit, tauro & vaccâ aret: ubi araverit, murum faciat: ubi portam vult esse, aratrum sustollat, & portet, & portam vocet. Servius, Nonius & Isidorus tradunt, urbem esse muros seu mœnia & ædificia, civitatem habitatores sive incolas. Videmus tamen urbem pro civitate, & contrâ, capi.

De urbe hæc sunt theorematâ:

1 *Ad solem orientem, unde Euri veniunt, conversa urbes, egregiè salubres sunt: quia in parte illâ cælum calore ac frigore temperatius, nec tot inde, nec tam periculosi morbi. Quæ Septentrionem respiciunt, feliciùs censentur posita, quàm quæ Meridiem intuentur; à quo mundi latere spirat Auster, sive Notus, Græcis νότος, quasi νότος: quia varios invehit morbos, vel à nomine νότος, id est, humor; quia humectus & nebulosus est, adeoque morborum quasi parens. Quæ Occasum versus aedificantur, obijciunturq; ventorum inde ruentium flatibus, plurimas corporibus agritudines adferunt.*

2 *Loci editiores & sublimiores statuuntur salutare, quia toti patent ventis, qui cum aërem continenter exagitent, isto modo purum & tenuem præstant.*

3 *Locus est deligendus, qui suppeditet necessaria, quiq; finibus est ita munitis, ut sit hosti non facilis aditus. Alii malunt ytbcs excitare in locis*

cis desertis, ad quæ hostis non queat, vel velit, venire.

4 *Sit aquarum in eo, fontium, rivorumq; copia, si non naturalis, arte eò deducta, per alveos, cisternas, & tubos.*

5 *Urbs, qua abest à mari milliaribus decem, est optima.* Si enim sit maritima, piratis est exposita, & assiduis negotiationibus & advenarum multitudine minimè quieta.

6 *Fugiendum, ne mons contiguus imminet, unde hostis vehementius urgeat.* Summa: cavendum est ne circumjacentia loca ita se habeant, ut hosti prodesse queant.

7 *Ambitus orbis mediocris est optimus.* Atamen amplior angustiore melior.

7 *Murorum & turrium hac erit ratio:* Terræ multiplices sunt quasi cutes. Aliæ quidem sabulosa, aliæ calculosa, aliæ arenosa. Reperienda est solida & densa cutis, & eò usque murorum & turrium fundamenta fodienda. Anguli murorum non placent: quia hostibus laceissentibus commodant, & non sunt pares machinarum injuriis tolerandis. Si ad loca præcipitia ducantur muri, aditus non erit expeditus hosti. Portarum itinera non directa, sed obliqua & sinistra sunt. Muri ita lati sunt, ut defensores armati obviam facti commodè se prætereant: tam alti, ut scalis admotis transcendendi nequeant: calce structuraque ita firmati, ut tormentorum icti-

bus non cedant. Turres in exteriorem partem projiciendæ sunt, ut cùm hostis impetu voluerit ferri ad muros, è turribus appetatur telis. Tanto fermè spatio distabunt turres, quanto telum adjici potest, ut si qua oppugnabitur, utrinque sagittis ei ad hostem depellendum succurratur. Tutiores sunt rotundæ ac polygoniæ quadratis. Nam hæ minori negotio impactis in angulos arietibus dissipantur. Figura rotunda ita est comparata, ut vix pari queat. Nullum quippe angulum habet expositum: & aries semper in centrum adactus, veluti cuneos multos compactos non lædit. Turres, quo latere urbem spectant, muro nudatæ ponantur, & apertæ, ne hostem immissum protegant.

9 *Ex angiportis & plateis excludantur venti, qui frigidè ladunt, calidi vitiant, humidi nocent.* A regionibus quoque ventorum directiones vicorum convertendæ sunt, ut advenientes ad angulos frangantur, repulsiq; dissipentur.

10 *Si propè mare posita urbs, area foro deligetur secundùm portum; si mediterranea, in medio oppido.*

11 *Ævarium, carcer, curia, foro conjungentur: ita ut magnitudo symmetria illorum, foro respondeat. Curia pro dignitate civitatis extruenda est.*

12 *Sacris adibus excelsissimus attribuendus est locus.*

13 *Sub*

13 *Sub Septentrione adificia testudinata, & maximè conclusa, & non patentia, sed conversa ad calidas partes, extruenda. Contrà meridianis regionibus potentiora, conversaq; ad Septentrionem & Aquilonem sunt facienda.*

15 *Secundùm vias publicas privata ades longo ordine ad pares, quoad ejus fieri potest, dimensiones collocanda: nec exporrigatur, aut emineat quippiam, quod publicis viis impedimento sit.*

Hæc memorata ut architectus faciliùs effectui dare queat, contemplabitur urbes magnificè extructas, & proponet sibi urbes priscaſ tanquam idéam, ut Hierosolyma, Romam, & cæteras, quæ vel in historiis graphicè describuntur, vel hodie etiamnum videntur.

Cap. 4. Templum.

S*equitur adificium particulare, quod est vel publicum, vel privatum.*

Publicum est vel necessarium, vel amœnum.

Necessarium est, quo carere nequimus.

Estq; togatum, vel bellicum.

Togatum est vel sacrum, vel civile.

Sacrum est vel templum, vel schola.

Hic occurrit quæstio, an ex templi Solomonicæ structuræ ratio architecturæ sacræ petenda

Y 37

fit? Negamus, duas ob causas. 1. Quia sacrificiis erat dicatum, ideoque varia loca habebat illis destinata. 2. Quia porticus illius distinguebantur pro varietate gentium, itemque sacrificiorum. Mysticum itaque hoc templum non erit idæa nostra. Quin potius templa extruantur secundum hæc præcepta:

1 *Templum sit loco editiori & silente, & medio, si fieri possit. Loco editiori:* quia hoc facit ad dignitatem. *Silente:* ne turbis & clamoribus & pastor & auditores impendantur. *Medio:* ut oppidani citra molestiam possint illud frequentare.

2 *Templum testudinatum tutius ab incendio, contignatum à terra motu.* Illud ad vetustatem durabilius, hoc ad gratiam venustius.

3 *Templum habebit proportionem ad amplitudinem urbis.*

4 *Ornatus templorum non aperiat fenestram superstitioni.* Ornatum requirimus, sed isponens. Ornamentum autem? Imò verò. Si enim palatia sua principes, si privatas ædes cives ornant, quidni templum ritè ornandum fuerit? Medium teneatur, vitetur utrumque extremum.

Cap. 5. Schola.

SChōla (sive ea sit Academia, sive Gymnasium, ut vocant) talis erit:

1 In

1 In amplissimis & ornatissimis urbibus struatur.

2 In loco quàm opportunissimo, id est, silente, puro, & lucido constituatur.

3 In eâ auctoritas superet venustatem.

4 In varia loca partienda erit, & curandum, n. quid discipuli aut doctores invicem perturbare possint atq; obstrepere.

5 Ornentur solarii extremi parietes, campoq; patenti, & pergulâ schola, officinæ illæ, emporia & mercatus liberalium disciplinarum, sapientiæque diversoria.

Cap. 6. Aula principis.

Ædificium togatum civile est in urbe, vel extra urbem.

Ædificium in urbe est; vel principis, vel subditorum.

Ædificium principis venit nomine aula. Ea erit loco solitario, tum amœnitatis gratiâ, tum ne crebritas saluatorum molestiam exhibeat. Sit præterea ampla, ut hospites multos excipere possit, stabulum sit extra aulam. Talis denique sit, quæ principe digna iudicetur à civibus & extrinsecis.

Y

Cap. 7. Curia.

Ædificium subditorum est vel omnium, vel paucorum.

Ædificium omnium est Curia, Ærarium, Forum, Granarium.

In edificandâ curiâ hæc spectanda:

1 Consideretur nobilitas & amplitudo urbis. Ad eam enim ejus informanda descriptio haud secus, quàm aliorum publicorum operum,

2 Si quadrata erit, quantum spatium tenuerit latitudo, tantum & semis altitudo complectatur. Sin oblonga, longitudo & latitudo componantur, summaq; compositâ, ejus dimidia pars sub lacunaribus altitudini detur.

3 Parietes medii pracingendi sunt coronis, ex intestino opere, aut albario ad dimidium altitudinis, ut ab illis pracinctionibus, seu transversis cingulis intercepta, & veluti repulsa voces contenta, & antequam altius elata dissipentur, coacta percipiantur. Sic suggestus concionatorum in templis opere intestino obtegimus: eodem hemicyclas sedes per odæa, quas choros vocant, ne scilicet vox elabatur.

4 Aditus sit munitus: ne infima plebs, bellua illa multorum capitem, publicum consilium violet, Ob eam causam porticus debent adjici, ubi ministri publici præstolentur.

5 Cu-

§ Curiam magis testudinatam, quàm contiguatam esse convenit. Neque curiæ modò, sed locis omnibus, quibus aut recitantium, aut cantantium, aut disputantium voces audiendæ sunt, magis contiguata, quàm testudinata conveniunt: quibus cum vox non retundatur, eam haud perfectè intrare in aures necessum est.

Cap. 8. Ærarium.

Æ*rarium in mediâ & celeberrimâ urbis parte ponatur, foreq; conjungatur. Quod diligenter à Romanis servatum.*

Ærario sint contigua ades præfectorum & coactorum. Præfecti ærarii dicuntur quæstores, & vulgò Generales finantiarum. Coactores vocantur receptores particulares.

Sit deniq; ærarium firmissimum, & munitionis instar.

Cap. 9. Forum.

F*orum esto duplex, liberum, & occupatum. Liberum est, quod ab omnibus rebus venalibus liberum & sincerum est: ubi civilium negotiorum, aut delectationis causâ conventus aguntur. Occupatum, ubi res ad communes populi usus paratæ venduntur. Hoc Aristot. 7. Polit. vocat ἀνὰ πρῶτον, rerum venalium forum: quod*

est boarium, piscarium, cupedinatum, suarium, olitorium, suburratum. De constructione multa Vitruvius.

Cap. 10. Granarium.

Granarium sit loco solitario, ut sit immune ab incendiis.

Fenestra illius spectent versus Orientem & Septentrionem.

Pavimenta & parietes nullum alant humorem. Distinctas denique habeat thecas.

Cap. 11. Carcer.

Ædificium quorundam (ut appellavimus) est vel malorum, vel agrorum.

Ædificium malorum est carcer, isque triplex.
 1. *Honestior*, cui mancipantur literati, qui delinquant. 2. *Civilis*, in quem cives includuntur; iique, vel prævaricantes, vel obæcati. 3. *Tenebrosus*, in quem flagitiis nobiles detruduntur. Hic est subterraneus, ater, & sepulchro similis; in certas tamen contigiones, supremam, mediam & inferam distinctus, pro meritis fontium. Generatim quilibet carcer sit adamantinus: & priores illi locum habeant, ubi venter deiciatur.

ciatur. Volunt, in medio urbis loco esse carcerem, ut ne, si in muro sit, quidam succurrere captivo instituant, vel amici ejus, vel etiam manipulus furum.

Cap. 12. Nosocomium.

A *Disicium agrorum est nosocomium: quod* præcipiunt in urbe statuere, si fieri possit. Ea enim res habet humanitatem. Excipe leproforum nosocomia, aliorumque, qui morbis contagiosis sunt infecti. Hi enim, non urbe modò, verùm etiam viâ publicâ removebuntur. Cæterùm hujusmodi ædes loco saluberrimo ædificari debent; ut eò delati ægrotantes, locorum beneficio fiant meliusculi. Huc facient loca sicca, saxosa, ventis assiduis exposta, non Soli obnoxia, tepida tamen: humida minimè: quia humor putredinis & pater & fomes est. Præterea distincta habebunt loca, ut ne viri cum foeminis, ministri cum ægrotis, phrenetici cum reliquis habitent.

Cap. 13. Sepulchretum.

A *Disicium extra urbem, est sepulchretum, via, pons, navale, & portus.*

Sepulchretum quidam referunt ad locum sacrum, è formulâ legis antiquæ: *Ubi corpus demortui hominis condas, locus sacer esto.* Sepulchreta extra mœnia haberi utile est, eo in loco, qui ventis expositus, ita ne foetor in urbem vi ventorum repellatur. Monumenta & epitaphia, vel nulla, vel non ita sumtuosa fiant.

Cap. 14. Via.

V*ia est alia militaris, alia non-militaris.*

Militaris est, quâ in provinciam cum exercitu absq; impedimentis proficiscimur: quæ & regia, consularis, prætoria, publica.

Non-militaris via est, quâ à militari in agrum egredimur: quæ & privata & agraria, & vicinalis, quia in vicos ducit. Referimus autem vias ad loca extra urbem: quia potissimam illam partem consideramus. Sunt enim intermedix, partim extra, partim in urbe. Cæterum via militaris non-militari multò debet esse latior. Veteres ita eas faciebant, ut cubitos in latum paterent non minùs octo, Leges XII tabb. pedes octo præscribebant. Via militaris sit patula & aperta, ut circumquaque aspectus capi queat, nullis aquis aut rivis impedita: nulli sunt secessus, nullæ latebræ, ubi grassatores lateant. In urbe verò viæ publicæ erunt amplæ. Probant antiqui in urbi-

urbibus vias labyrinthicas, ut si fortè hostis se intulisset, anceps hæsitaret, opprimereturque faciliùs. Proderit item esse vias complures minuitiores, non in longum productas, sed in primam transversam viam terminatas. Inde enim domibus lumina paratiora, & hostiles direptiones impeditiores.

Cap. 15. Pontes.

Pons non fruatur in angulo, aliòve secluso loco, sed in apertas & medias regiones ad usum pateat communem. Locetur, ubi & facile positum, & impensâ non maximâ perfectum, & æternum futurum sperare liceat. Captanda igitur vada, non profundiora, non abrupta, non incerta, non mobilia, sed coæquata & mansura. Vitandi vortices, gurgites, voragines. Vitentur anfractus riparum: quia illic ripæ ruinis sunt obnoxia.

Cap. 16. Navale.

Navalia sunt loca, ubi nautes extruuntur, reparantur, & asservantur. Ea potissimum Septentrionem spectabunt, Nam furores meridionales progignunt bruchas, tinea, teredi-

nes, quæ materiam excedunt. *Ædificanda etiam sunt propter metum incendiorum ab ædibus civium separatim. Interstruuntur parietes, (Germani vocant brandmauern) qui, si fortè incendium exortum fuerit, flammæ intercipient; Fiant denique ad maximum navium modum.*

Cap. 17. Portus.

Portus est locus conclusus, quo portantur & exportantur merces, navigii velut stabulum.

Estq; naturalis, vel artefactus. De utroque hæc tenenda: Latera sint valida & alta. Ille portus præferendus, qui ventis est subjectus mitioribus, qui fundo est purgato, non herbofo. Crebri statuuntur fornices, quibus importata condantur. Excitentur & turres, ut ex iis navium adventus prævideantur, & nocturnis ignibus certantis ingressus monstrentur, & propugnacula ad navigia sociorum tuenda, & transversas catenas, quibus hostis excludatur.

Cap. 18. Armamentarium.

Fuit ædificium togatum: sequitur bellicum, idq; tum armamentarium, tum munitionis.

Armamentarium sit in parte urbis mediâ majori.

joris usus, & separatum majoris securitatis gratiâ. Fenestræ illius spectent ventos sicciores. Præfectus armamentarii habitet in viciniâ. Ipsum armamentarium sit veluti propugnaculum, lapideum totum, quoad ejus fieri potest. Habeat cryptas subterraneas, quibus reponatur pulvis tormentarius.

Cap. 19. Arx.

Munitio est arx, & castrorum metatio.
Arx constituitur ad urbes, & in urbibus.

Est q, tum collina, tum campestris.

Arx collina, seu montosa, est, qua altior est. Ea difficiliore habet accessus, & defendit, tum se, tum urbem commodius.

Arx campestris est, qua in planitie posita.

Utraque aditus exitusque per commodos habebit, per quos perturbatis rebus & aliena auxilia introducantur, & propria educantur. Muri urbani eam ut O literam bina cornua C literæ comprehendant, nec includant, ad hunc modum, ○○: ut neque intra urbem sit, neque extra, sed velut postica pars ejus, munitissima, operum vertex, nodus urbis, minax & invicta fabricatio. Podium requirit maximè solidum, è lapidibus grandioribus. Muri linea obliqua ducatur, quò scalæ applicata, dum curruntur, debiliten-

tur; & hostis, dum ad murum hæret, supra incidentia saxa ægrius evitet, emissæque tormentis tela propter obliquitatem disfiliant. Area latissimis & crassis lapidibus, duplici aut triplici solo dimissis consterni debet: ne actis cuniculis qui obsident, trepant. Murus fiat altissimus, & ad loricas seu supremas coronas bene crassus, qui machinarum ictus & verbera contemnat, scalisque aut aggere æquari non possit. Fossa lata & profunda ducatur, & furtivæ per ipsum podium fenestellæ fiant, per quas hostis, dum se supernè scuto protegit, à latere tergoque vulneretur. Si maritima fuerit arx, palis adactis in vada & saxis vastioribus advolutis, navium appulsus arcebitur. Locatam in plano aquaria fossa munit: montanam præcipitia tuebuntur. Muri habebunt angulos acutos veluti proras, ubi missilibus tormentorumque globis petitiones commodæ fieri possunt. Ad arcem una primaria turris construenda, plurimâ sui parte solida, toto opere robusta, undique munita, reliquis celsior, accessu ardua, & per pontem mobilem, quem vocamus *ein jüghrück*, omnino ut parva quædam arx, cui nihil eorum desit, quæ in arcibus desiderantur. Exeubitorum & defensorum alii infimas arcis partes, alii supremas, alii alias cum distinctis muneribus tenebunt. Tecta, ne missilium ponderibus obruantur, ad acutum angulum finiantur, aut opere valido trabibusque admodum

modum spissis obfirmabuntur. Denique arx non aliter, quàm pusilla quædam urbs ædificanda, munienda, locisque ad usum aptis distinguenda.

Cap. 20. Castra.

Castra sequuntur, quorum tria sunt genera, *temporaneum, statarium, sustentorium*. Prima pro occasione natâ mutantur. Secundis hostis munito aliquo loco se continens premittitur. Tertiisurgens & laceffens sustinetur.

De his sunt theoremata.

1 *Positio castrorum interdum quadrata, interdum trigona, interdum rotunda vel semirotanda pro naturâ loci, aut conditione temporum esse potest.*

2 *Porta prætoria spectabit orientem, aut hostem, aut quò profecturus est exercitus.*

3 *Locus optimus eligendus. Est autem optimus, qui altissimus, ubi non deest commeatus, ubi non sit mons vicinior, aut altior, ubi copia aquæ, unde omnem hostium regionem circumspectes.*

4 *Castra stataria erunt munitiora temporaneis: & in planitie, majore opere, artificioq; indigent, quàm in collibus.*

5 *Non erunt laxiora, quàm ut distributis ex-*

cubiarum tesseris custodiri, & intermistis propugnandi vicissitudinibus defendi per milites citra lassitudinem possint. Nec ita tamen contracta & arcta, ut ad negotium spatia militi non suppeditent.

Cap. 21. Theatrum.

Explicatum est edificium publicum necessarium: sequitur amœnum, sive jucundum.

Estq; vel in urbe, vel extra urbem.

In urbe sunt theatrum, & balnea.

Theatra erigantur loco salubri; qui non sit oppositus Soli meridiano. Is enim ubi theatri rotunditatem impleverit, aërem conclusum calefaciet, & humores corporum excoquet atque imminuet. Ne sit præterea surdus, ubi vox vagari nequeat cum sonore. Fiant ferme formâ hemicycli, & diametri parte quartâ. Partes illorum sunt 1. *Scena*, frons theatri. 2. *Proscenium*, locus ante scenam ad agendum, omnium spectatorum oculis objectus. 3. *Poscenium*, locus post scenam, subductus aspectui spectatorum. 4. *Orchestra*, locus senatorum & honoratissimorum. Amphitheatrum ex duobus theatris junctis fit. Dixi antea, theatra fieri formâ hemicycli, sed addidi *ferme*. Si enim ex integro circuli ambitu abscindas quartam partem, quod majus est reliquum, theatrum est.

Cap. 22.

Cap. 22. Balneæ.

DE balneis hæc sunt theoremata:

1. Balnea constituentur in loco calidissimo, à Septentrione & Aquilone averse.

2. Caldaria, tepidaria, cella & adificia lumen capiant ab Occidente hyberno. Si natura loci obstiterit, à Meridie. Nam tempus à meridie ad vespèram lavationi maximè est destinatum.

3. Quanta longitudo fuerit, tanta, tertiâ parte demtâ, latitudo erit, præter scholam labri seu alvei.

4. Balnearum antiquarum hæc fuit ratio: Primo loco erat frigida lavatio, in quâ piscina, ad levandum æstum, Deinde frigidarium, alia cella, iis comparata, quæ statim post exitum è tepidario, aut caldario aërem frigidum quærebant. Frigidarium excipiebat tepidarium, seu cella tepidaria. Eam intrabant, ut per tepidum tanquam medium ad alterum extremum, calidum scilicet vel frigidum accederent. Caldarium, quo utebantur ad sudationes; aliâs Laconicum, quòd Lacedæmones hoc genere plurimum uterentur. Caldario vicina erat calida lavatio, in quâ labrum cum aquis calentibus. His quinque balneum constituebatur. Extra hæc fuerunt alia loca tria, hypocaustum, in quo fornacula ad aquam calefaciendam; aquariam, cella calidæ lavationi ad-

juncta; & *vasarium*, ubi vasa servabantur, usibus lavantium comparata.

Cap. 23. Amoenitates extra urbem.

Loca publica amœna extra urbem sunt, quæ palæstra, aliisq; exercitiis bellicis sunt deputata. Ea non debent esse sumtuosa; quia hostium & peregrinorum injuriis sunt exposita. Collocentur loco umbroso, patenti, & aquis vicino.

Cap. 24. Ædificia privata.

Satis de adificiis publicis; sequuntur privata, in quibus considerabimus situm, & partes.

De situ hac sunt theoremata;

1 *Triclinia hyberna & balnearia versus occidentem hybernium collocentur.* Ratio: quia opus est uti lumine vespertino: & Sol occidens adversum habens splendorem, caloremq; remittens, adventante vespere regionem tepidiorem efficit.

2 *Cubicula & bibliotheca ad Orientem spectabunt.* Ratio, quia usus poscit lumen matutinum, & libri non putrescunt. Si enim bibliothecæ ad Meridiem & Occidentem spectent, in iis erunt spiri-

Spiritus humidiores, unde tinea librorum vastatrices.

3 *Triclinia verna & autumnalia respiciunt Orientem; æstiva Septentrionem.*

Partes ædificiorum privatorum alia infra terram, alia supra terram sunt.

Infra terram sunt fundamentum, cella, & cloaca.

Fundamentum debet esse solidum.

Cella est, vel vinaria, vel penuria, seu promtuaria. Illius fenestræ in Aquilonem obverti debent, abesse ab eâ sterquilinia, & quidquid est odoris tetri.

Cloaca subter per medias vias ducenda est.

Estq; diffusoria, subdiva, & urinaria.

Diffusoria est, quæ immixtas aquas in fluentum, in lacum, aut mare devehit. Hanc substratam esse oportet straturâ declivi, pronâ, solidâ, quâ liberrimè sordes defluant: & quæ illic structa sunt, ne assiduâ humectatione macerentur. Sic item sublata à fluvio, ne alluvionibus compleatur, aut limo obstruatur.

Subdiva est, quâ concepta aquarum sordes non aliò evomantur, sed quasi terræ alveo inhausta sistendo conficiantur.

Urinaria est, quæ excipit urinam. Illa procul absit à parietibus. Ardoribus quippe Solis acres inde & salsos spiritus evocantis maximè inficiuntur & vitiantur.

Supra terram sunt parietes & tectum.

Parietes sunt vel extremi, vel mediani.

Extremi sunt, qui domum ambiunt.

Mediani, qui domum intersecant & distinguunt.

Partes parietibus extremis & medianis inclusæ, sunt exteriores, vel interiores.

Exteriores sunt podia pensilia, & exedra.

Podium pensile est locus ad spectaculum extra parietem instar suggesti, vel pulpiti projectus, & mutulis suspensus: aliàs mœnianū, & pergula. Solent autem cancellis cingi, ut incedentes à casu defendant.

Exedra est locus extra parietem projectus, partim intra adificium consistens, formâ hemicycli: eim exceder.

Partium interiorum alia comparata sunt ad lumen immittendum, alia ad actiones domesticas.

Ad lumen immittendum comparata sunt fenestra: quibus obijciuntur cancelli, seu clathri, ad muniendum, è ferro, vel ligno: item transennæ ad tegendos prospicientes.

Ad actiones domesticas comparata serviunt, vel actionib. sordidioribus, ut selle familiaricæ; vel honestis, qua vel eundi gratiâ fiunt, ut ostia, vel habitandi.

Habitandi gratiâ partes qua fiunt, veniunt nomine habitationis.

Habitatio est inferior, & superior.

Infe-

Inferioris partes sunt, in ingressu vestibulum, in medio atrium.

Vestibulum est locus ante januam. Janua est primus ædium ingressus.

Reliqua inter januam ostia dicuntur. Partes ostii postes, limina, fores.

*Postes sunt latera ostiorum, seu arrectaria unde pendent. Aliàs dicuntur antæ, & antepagmenta, Græcis *παγασίδες*.*

Limen est superum, hyperthyrum, vel inferum, hypothurum.

Ipsum vacuum dicitur inanitas, & lumen o. est.

Fores sunt ligna ipsa, quod foris aperiuntur. Valvæ sunt, quæ revolvuntur, & se velant. Volvuntur cardinibus; serâ, pessulo, obicibus, repagulis clauduntur, clave reserantur. Pseudothyrium est posticum, in parte ædium posteriori, Latinis falsum ostium.

Atrium est primus aditus intra ades, ubi culinam antiqui solebant struere.

Partes ejus sunt porticus, & cavadium.

Porticus est locus in atrii aditu, ubi servorum & concurrentium turba divertit. Sustentatur columnis rotundis, aut pilis quadratis.

Cavadium est locus sub dio vacuus, cinctus undiq; porticibus ad communem omnium usum; q. d. cavum ædium, Aliàs impluvium.

Circa cavadium loca varia edificabuntur, pro rebus tùm animatis, tùm inanimis.

Animata sunt homines, aut bestia.

Homines aut sani, aut aegroti. Horum est valedudinarium: illis loca paranda ubi habitent, ubi coquant, ubi se exerceant, ubi lavent. Et idèd opus est cubiculis, cœnaculis, gynæcéis, culinâ, sub quâ comprehendimus focum, caminum, infumibulum seu fumarium, furnum. Opus etiam est gymnasio, quò pertinet sphæristerium, & xystus: item thermis seu balneis.

Loca bestiarum sunt stabula, & vivaria. In illis greges & armenta clauduntur, unde ovile, caprile, hara. Tutissimum est adversus ignem, stabula per testudinem concamerari, propter paleas & fœnum, quę in illis continentur parte superiore, quę dicitur fœnile. His ferę concluduntur: quò pertinent leporaria, cortes, piscinæ.

Loca inanimorum sunt armamentaria, ubi arma & tela, vel tablina, ubi tabulæ & monumenta reponuntur. Græci *παραθήκας* vocant.

Partes habitationis superiores veniunt nomine contignationis: ad quam ascenditur scalis, quarum gradus sunt lignei, vel lapidei. Scalæ, quibus per gyrum ascendimus, à similitudine vocantur cochlides.

Contignationis partes sunt pavimentum, coassatio, lacunar.

Pavi-

Pavimentum est pars inferior, substrata, siue recta jacens.

Coassatio est axium, seu tabularum lignearum sectilium combinatio: aliâs coaxatio. Dicimus enim & axes, & asses. Aliâs vocatur laterum, seu parietum contabulatio.

Lacunar, seu laquearium, est pars superior. Cæterum solet ut plurimum triplex fieri coniunctio, infima, media, & suprema.

Fuerunt parietes: sequitur ultimo loco tectum.

Tectum aliud est pectinatum, seu displuviatum, aliud testudinatum.

Pectinatum fit trabium junctis capitibus mutuo innixu, paribusq; contra se ponderibus imis partibus divaricatis.

Testudinatum in quatuor partes est devexum.

Partes tecti sunt fastigium, & culmen.

Fastigium est editissima pars domus seu tecti, qua in speciem trianguli attollitur, ut hinc atque hinc pluvia decidat.


Culmen est pars tecti ex lignis & tegulis constans.

Ligna tecti sunt: 1. transtra, ligna transversa à pariete in parietem projecta. 2. Capreoli, ligna à transversis trabibus ad culmen usque erecta, quæ totum culmen sustinendo colligunt: aliâs canterii. Hæc ligna si longius provehantur, suggrundium faciunt. 3. Regula, transversæ asseres

Z

capreolis infixi, ad tegulas sustinendas. 4. *Strandula*, tabellæ lignæ, quæ regulis subjiciuntur.

Tegula sunt vel plana, vel incurvata; quæ dicuntur *imbrices*, unde tectum imbricatum. Ad hæc regularum imum est stillicidium, quod vel in impluvium decedit, vel in tubulos teretes, canalesve semitotundos colligitur, ut extra impluvium decadat, ne stillæ cadentes lateritium marmoreumve cavædii pavementum corrumpant.



ARCHITECTONICÆ

LIBER TERTIUS,

breviter adumbrans


ARCHITECTONICAM ORGANICAM.

Vidimus *Architectonicam adificatoriam*, quam vocant: jam breviter videbimus *Architectonicam organicam*, qua tractat de instrumentis seu machinis variis; & quidem tum in genere, tum in specie.

In genere occurrunt varia principia de machinarum fabricâ, & usu.

In specie machinae sunt mobiles, vel per se & intus, dicunturq; automata; vel externæ; & hæc sunt *scanferia*, *spiritalia*, *aquatica*, & *tractoria*. Has

TYPUS ARCHITECTONICES.



ria. Has non fabricat architectus, sed illarum
 τὸ δὲ ἐκ certis principiis enucleatè tradit. Per-
 voluissem quidem de hâc nobilissimâ & junc-
 tissimâ Architectonicæ parte διαρρήδην tracta-
 re, si schemata machinarum fuissent in
 promptu. Hîc igitur subsisto, &
 architectonicam hoc ty-
 po obsigno:

*Finis Architectonica & omnino ad-
 mirandorum Mathema-
 ticorum.*



Z 2



P E R O R A T I O.

INunc, quisquis es, & Mathematica argue *ἀπὸ τοῦ*
δοξῆς, accusa prolixitatis, damna difficultatis,
 titulum denique, quem fecimus, *admirandorum*
Mathematicorum, sigilla. Habes hinc metho-
 dum utcunq; expeditam, habes systemata bre-
 via & satis, nisi vehementer fallor, perspicua;
 habes denique ejusmodi apotelesmata hinc
 inde inspersa, quæ verè admiranda esse vident
 ii, qui cerebrum non gestant in calcaneo. Ute-
 re his ad divini nominis gloriam, & ædificatio-
 nem, cùm tui, tùm aliorum, & his novem
 libris Bibliothecam itemq; Scho-
 lam Mathematicam
 adde.

I N D E X



INDEX CAPITUM
METHODI ADMIL-
RANDORUM MATHE-
MATICORUM.

Cap. Pag.
ISAGOGÆ. 7

LIBER PRIMUS.

Mathematica generalis.

1	<i>Mathematica generalis definitio.</i>	19
2	<i>Principia mathematica essendi.</i>	20
3	<i>Elementa mathematica.</i>	24
4	<i>Propositiones elementorum speciem habentes.</i>	29
5	<i>Methodus demonstrativa Mathematicorum.</i>	30
6	<i>Theoremata & Problemata.</i>	32
7	<i>Affectiones Propositionū mathematicarū.</i>	33
8	<i>Contactus mathematicus.</i>	34
9	<i>Sectio mathematica.</i>	35
10	<i>Finitum & Infinitum.</i>	36
11	<i>Par & Impar.</i>	38
12	<i>Simile & Dissimile.</i>	39
	<i>Idea Mathematicæ generalis.</i>	41

Z 3

LIBER SECUNDUS.

Arithmeticae Lib. I.

Cap.		Pag.
1	<i>Arithmetica definita & distributa.</i>	42
2	<i>Numeri divisiones.</i>	44
3	<i>Notatio.</i>	47
4	<i>Additio.</i>	49
5	<i>Subductio.</i>	51
6	<i>Multiplicatio.</i>	ibid.
7	<i>Divisio.</i>	53
8	<i>Numeri primi & compositi.</i>	54
9	<i>Fractiones.</i>	56
10	<i>Numeratio mistorum.</i>	59
11	<i>Differentia numeri.</i>	60
12	<i>Arithmetica proportio.</i>	61
13	<i>Regula aurea directa.</i>	62
14	<i>Regula aurea inversa.</i>	65
15	<i>Regula societatis.</i>	66
16	<i>Regula dupli.</i>	67
17	<i>Progressio geometrica.</i>	68

Arithmeticae Lib. II.

<i>Logistica geometrica.</i>	71
------------------------------	----

Arithmeticae Lib. III.

<i>Logistica astronomica.</i>	78
-------------------------------	----

Arithmeticae Lib. IV.

<i>Logistica popularis.</i>	82
-----------------------------	----

LIBER

LIBER TERTIUS.

Geometriæ Lib. I:

Cap.		Pag.
1	<i>Punctum.</i>	92
2.	<i>Magnitudinis attributa.</i>	93
3	<i>Linea.</i>	96
4	<i>Angulus.</i>	98
5	<i>Figura proprietates.</i>	100
6	<i>Trigonometria.</i>	105
7	<i>Geometria triangulorum.</i>	113
8	<i>Cyclometria.</i>	114
9	<i>Planimetria gibborum.</i>	122
10.	<i>Stereometria.</i>	123

Geometriæ Lib. II.

1.	<i>Membra trianguli solvendi.</i>	122
2.	<i>Species triangulorum solvendorum.</i>	130
3	<i>Comparatio trigonometrica.</i>	132
4.	<i>Solutio triangulorum specialis per canonem geometricum.</i>	133
5	<i>Solutio triangulorum rectilineorum per circumnum & regulam.</i>	136
6.	<i>Solutio triangulorum sphericorum per planisphaerium seu astrolabium.</i>	137

Geometriæ Lib. III.

<i>Trigonometria geodatica-metrica seu agri- mensoria.</i>	173.
--	------

I N D E X.

Cap.	Geometriæ Lib. IV.	Pag
	<i>Trigonometria geodætica-organica.</i>	145

LIBER QUARTUS.	
Cosmographia.	148

LIBER QUINTUS.

Uranoscopiæ Lib. I.

1	Uranoscopia definita & distributa.	152
2	Primum mobile.	154
3	Horizon.	157
4	Meridianus.	160
5	Æquator.	163
6	Zodiacus.	165
7	Coluri.	167
8	Circuli minores.	168
9	Sphæra nona.	171
10	Sphæra octava.	173
11	Stellarum fixarum historia.	178
12	Stellarum fixarum affectiones.	183
13	Globi fabrica.	191
14	Globi usus.	195

Uranoscopiæ Lib. II.

1	Planetarum numerus.	201
2	Orbes sphaerarum planetariarum.	203
	3 Affe-	

I N D E X.

Cap.		Pag.
3	<i>Affectioes planetarum.</i>	206
4	<i>Eclipsis.</i>	210
5	<i>Theoria Solis.</i>	212
6	<i>Theoria Luna.</i>	218
7	<i>Theoria trium superiorum planetarum.</i>	224
8	<i>Theoria duorum inferiorum planetarum.</i>	226

Uranoscopiz Lib. II.

1	<i>Computus generalis.</i>	228
2	<i>Hora naturalis.</i>	229
3	<i>Dies naturalis.</i>	231
4	<i>Mensis naturalis.</i>	233
5	<i>Annus naturalis.</i>	234
6	<i>Hora nationalis.</i>	237
7	<i>Dies nationalis.</i>	239
8	<i>Septimana.</i>	242
9	<i>Mensis nationalis.</i>	243
10	<i>Annus nationalis.</i>	244
11	<i>Computus politicus multiformis.</i>	254

Uranoscopiz Lib. IV.

<i>Astrologia.</i>	264
<i>Synopsis Uranoscopiz.</i>	266

L I B E R S E X T U S.

Geographiz Lib. I.

1 <i>Geographia definitio & divisio.</i>	267
--	-----

Z 5

I N D E X.

Cap.		Pag.
2	<i>Geographia mensura.</i>	269
3	<i>Ambitus globi terreni.</i>	272
4	<i>Diameter terreni globi.</i>	273
5	<i>Area globi terreni.</i>	274
6	<i>Superficies convexa globi terreni.</i>	275
7	<i>Soliditas globi terreni.</i>	276
8	<i>Rotunditas globi terreni.</i>	277
9	<i>Situs globi terreni.</i>	278
10	<i>Immobilitas globi terreni.</i>	280
11	<i>Distinctio globi terreni per circulos.</i>	282
12	<i>Zona.</i>	287
13	<i>Climata.</i>	291

Geographiæ Lib. II.

1	Cardines & plaga terra.	300
2	Sphæra terrestris, recta, obliqua & parallela.	
	303	
3	Distinctio incolarum terra respectu umbrarum.	304
4	Longitudo & latitudo locorum.	308
5	Varietas incolarum terra.	313
6	Distance locorum.	316

Geographiæ Lib. III.

1	Partes terra minores.	319
2	Specialis terra distinctio.	323
3	Europa.	324
4	Asia.	329
5	Africa.	331

6 No.

I N D E X.

Cap.		Pag.
6	<i>Novus orbis.</i>	335

Geographiæ Lib. IV.

1	Globi terreni fabrica.	340
2	Globi terrestriis usus.	349
3	Mappa universales.	351
4	Mappa particulares.	355
	Geographiæ <i>ὑπομνήματα.</i>	360

L I B E R S E P T I M U S.

Opticæ Lib. I.

1	Optica definitio & divisio.	361
2	Radius.	362
3	Figura optica.	366
4	Medium.	368
5	Lux.	372
6	Umbra.	379
7	Umbra magisteria.	385
8	Gnomonica.	395
9	Color.	398
10	Visibile per accidens.	400
11	Visiōis natura explicata.	401

Opticæ Lib. II.

1	Visio distincta.	406
2	Optica lucis.	407
3	Optica coloris.	409

I N D E X.

Cap.		Pag.
4	<i>Opticamagnitudinis.</i>	410
5	<i>Opticafigura.</i>	411
6	<i>Opticaloci.</i>	413
7	<i>Opticanumeri.</i>	414
8	<i>Opticamotus.</i>	415
9	<i>Opticareliquorū visibilium per accidens</i>	416

Opticæ Lib. III.

1	Obliquationis ratio.	418
2	Modus reflexionis.	420
3	Speculorum varietas.	422
4	Speculorum veritas & hallucinatio.	425
5	Speculum planum.	426
6	Speculum sphericum.	428
7	Speculum concavum.	ibid.
8	Speculum convexum.	430
9	Speculum irregulare.	431

Opticæ Lib. IV.

1	Refractio simplex.	434
2	Mistura refractionis.	436
	Typus tabellaris Opticæ.	438

L I B E R O C T A V U S.

Musicæ Lib. I.

1	Nota mensurantes vocem.	439
2	Nota mensurantes silentium.	442
3	Vo-	

I N D E X.

Cap.	Pag.
3 <i>Voces.</i>	<i>ibid.</i>
4 <i>Claves.</i>	444
5 <i>Scala Musica.</i>	447

Musica Lib. II.

<i>Pars propria Musica theoretica.</i>	450
--	-----

Musica Lib. III.

1 <i>Concordantia & discordantia musica.</i>	452
2 <i>Modi musici.</i>	453
3 <i>Toni musici.</i>	455

Musica Lib. IV.

<i>Musica organica.</i>	460
-------------------------	-----

L I B E R N O N U S.

Architectonicæ Lib. I.

1 <i>Architectus.</i>	462
2 <i>Finis architecti.</i>	466
3 <i>Ordinatio.</i>	467
4 <i>Dispositio.</i>	<i>ibid.</i>
5 <i>Eurythmia.</i>	470
6 <i>Symmetria.</i>	<i>ibid.</i>
7 <i>Decor.</i>	<i>ibid.</i>
8 <i>Regio.</i>	471
9 <i>Area.</i>	478
10 <i>Partitio.</i>	480

I N D E X.

Cap.	Pag.
11 <i>Parietes.</i>	481
12 <i>Tectum.</i>	486
13 <i>Apertiones.</i>	488
14 <i>Materia.</i>	491
15 <i>Lapides.</i>	496
16 <i>Lateres.</i>	498
17 <i>Calx.</i>	499
18 <i>Arena.</i>	500

Architectonica Lib. II.

1 <i>Graphis specialis.</i>	502
2 <i>Examen architectonicum.</i>	503
3 <i>Urbs.</i>	505
4 <i>Templum.</i>	509
5 <i>Schola.</i>	510
6 <i>Aula principis.</i>	511
7 <i>Curia.</i>	512
8 <i>Ærarium.</i>	513
9 <i>Forum.</i>	ibid.
10 <i>Granarium.</i>	514
11 <i>Carcer.</i>	ibid.
12 <i>Nosocomium.</i>	515
13 <i>Sepulchretum.</i>	ibid.
14 <i>Via.</i>	516
15 <i>Pontes.</i>	517
16 <i>Navale.</i>	ibid.
17 <i>Portus.</i>	518
18 <i>Armamentarium.</i>	ibid.
19 <i>Arx.</i>	

I N D E X.

Cap.	Pag.
19 <i>Arx.</i>	519
20 <i>Castra,</i>	521
21 <i>Theatrum.</i>	522
22 <i>Balnea.</i>	523
23 <i>Amœnitates extra urbem.</i>	524
24 <i>Ædificia privata.</i>	<i>ibid.</i>

Architectonica Lib. III.

<i>Architectonica organica.</i>	530
<i>Typus Architectonicz.</i>	531


F I N I S.

A P P E N D I X
 A D
 LIBROS AD-
 MIRANDORUM
 MATHEMATI-
 CORUM,
 Complectens
 BIBLIOTHECAM
 ET
 SCHOLAM MATHE-
 MATICAM.

Authore

Johan-Henrico Alstedio.

Ἑλδουσίῳ Μαθημάτων ἀμύνη
μήτις εἰσίντω.



Herbornæ Nassoviorum, 1613.

JOHAN-HENRICUS ALSTEDIUS

Lectori mathematophilo.

EN tibi, Lector, Matheseos Bibliothecam! En Scholam! In illâ præcipuos designavi authores, qui & compendiosè & diffusè te tñs µαθηµατικῶν pertractarunt. In istâ proposui elementa & rudimenta, compositu non mea, dispositu mea. Talia dico elementa, quibus totum corpus mathematicum constat. Quidquid in Mathesi abstrusum, quidquid argutum, quidquid subtile, id omne sære beneficio pauculorum horum elementorum (tate hic accipio vocabulum elementum) erui, solvi, explanari potest solide, si ille qui legit, non sit fœnum, ut est
vetus verbum:

BIBLIO-



BIBLIOTHECA MATHEMATICA.



Ecurso feliciter per Dei gratiam studio mathematico, operæ pretium facturus videor, si superpondii loco adjiciam Bibliothecam, & Scholam Mathematicam. In illa commemorabo præcipuos authores, quos tyrones cum fructu legere possunt, & quibus ego in concinnandis hisce opusculis usus sum. In hac proponam principia & conclusiones, quæ Mathematicis instar clypei esse possunt. Servabo autem ordinem, quem in ipsarum scientiarum systematis observavi.

I. BIBLIOTHECA MATHE- MATICÆ GENERALIS.

PAuci admodum scripserunt methodum Mathematicæ generalis. Generalia quidem, quæ vocant, Mathematica hinc inde sparsim tradiderunt: at non uno in loco, neque etiam ordine. *Dasypodius* aliquid præstitit in suâ institutione Mathematica statim ab initio. Habet & paucula *Possevinus l. 15, Bibliothecæ, c. 1. 2. 3.*

Denique omnes ii hanc in sententiam scripserunt, qui prolegomena mathematica sive præcognita tradiderunt, ubi *de Mathematicæ necessitate, dignitate, utilitate, origine, certitudine, & divisione* præcipiunt.

II. Bibliotheca Arithmeticæ.

Arithmeticæ scriptores sunt complures. Nobis cum primis probantur, *Petrus Ramus & Schonerus, Urstius, Lavinheta, Fortius, Lonicerus, Simon Jacob, Dasypodius, Gemma Frysus*, cujus compendium omnium optimum esse judicat *Christophorus Clavius*, qui ipse doctissime scripsit in Arithmeticis, *Heizo* item *Buscherus*. Subtiliora sunt, quæ scripserunt, *Bombellus de Algebrâ, Cardanus de proportionibus & Algebrâ, Jordanus, & Michaël Stiphalius*. Cujus arithmetica probatur à viris præstantibus.

III. Bibliotheca Geometriæ.

Geometriam tradiderunt *Achimedes, Euclides*, (in quem perfecta commentaria edidit *Clavius*) *Proclus, Dasypodius, Orontius, Petrus Ramus, Petrus Ryf, Cosinus Bartholus, Clavius, & Albertus Durerus, Bartholomæus Pitiscus* doctissime scripsit de Triangulis, item *Adrianus*
Roma-

Romanus, Regiomontanus, & Ludolphus à Cöllen. Instrumenta Geodætica varia sunt descripta à variis: puta *Holometrum Abelis de Fullone*, quod probatur Clavio, *Astrolabium Gemma Frisii, & Christophori Clavii*, in quo per solum circinum & regulam omnia, quæ ad primum mobile pertinent, inveniuntur certissimè, item *Adriani Metii & Joannis Krabbii, Quadrans Appiani & Clavii, Quadratum ejusdem, Quadratum Waseri, & consimilia*, nominatim *Radius Geometricus à Ramo & Rysio* descriptus.

IV. Bibliotheca Cosmographiæ.

COSMographiam, prout nos definivimus, pauci persecuti sunt methodicè. Solent enim generalia globi cælestis & terrestris explicare in primo limine, vel Uranoscopiæ, vel Geographiæ. Ex professo autem scripserunt de iis, quæ ad Cosmographiam spectant, *Hero*, qui edidit *Spiritualia, Pneumatica & Automata*, & scripsit *de iis quæ per se moventur*, *Appianus*, & *Nicolaus Tartaleus de novâ scientiâ*.

V. Bibliotheca Uranoscopiæ.

SPHærica scripserunt, *Theodosius*, *Joannes de Sacro Bosco* cum commentariis *Christophori*;

Clavii, Fortius, Henischius in Spharam Procli, Campanus, Alexander Piccolhomineus, Alexander de villâ Dei, Adolphus Scribonius, Jacobus Ziglerus, Caspar Peucerus, Nicolaus Selneckerus, Abraham Cai Judaus, Orontius Fineus, Petrus de Aliaco, Victorinus Strigelius, Valentinus Nabod, Abraham Scultetus, Keckermannus l. 1. Astron. Nicodemus Frischlinus, & absolutissimè Clavius, itē Adrianus Metius & Hermannus Witekindus.

Theorias planetarum persecuti sunt Erasmus Reinholdus, Purbachius, Melanchthon in Physica, Keckermannus in Astron. & copiosissimè Nicolaus Copernicus & Origanus, Paduani viridarium Astronomicum.

Computum Astronomicum scriptis illustrarunt quamplurimi, nominatim autem eximiè Josephus Scaliger de emendatiope temporum, Keckermannus l. 2. Astronom. Henischius in Spharam Procli, Beroaldus in Chronico, Michael Mestlinus.

Astrologiæ scriptores sunt Henricus Ranovius, Origanus, Campanus, Metius, qui secuti sunt Ptolemaum & Cardanum.

V. I. Bibliotheca Geographiæ.

INter veteres sunt *Ptolemaus*, quem edidit *Maginus, Mela, Strabo, & Plinius*. Inter recen-

tio-

niores *Appianus*, *Münsterus*, *Mercator* (cujus Atlas est major & minor) *Ortelius* (cujus Theatrum est majus, & minus editum à Philippo Gallæo) *Bertius*, *Chinans*, *Naander*, *Keckermannus*. His addantur *Martinus Bassus de navigatione*, & *Aurigarius de Speculo nautico*.

VII. Bibliotheca Opticæ.

Perspectivam descripserunt *Fr. Egnatius Dantes*, *Euclides*, *Laurentius Serigatus*, *Marinus*, *Daniel Barbarus*, *Vitello* & *Alhazenus*, *Risnerus*, quem sumus secuti in *Systemate Optices*, ut & *Perspectivam communem*.

VIII. Bibliotheca Musicæ.

Musica tractarunt *Euclides*, *Boëtius*, *Freigius* in *padagogo*, *Spangenbergius*, *Georgius Rhau*, *Joan Galliculus*, *Faber*, & *Possevinus* l. 15. *Bibliothecæ*. ubi catalogum texit eorum qui scripsere de *Musica speculativâ & practicâ*.

IX. Bibliotheca Architectonicæ.

Architectonica persecuti sunt *Anthemius*, *Archimedes* (cujus eruditissimus libellus de æquè ponderantibus, omnia mechanica dogmata continet) *Hero*, *Joannes Jucundus* (quem

Sealiger vocat architectorum summum) *Jacobus Bessonus, Jordanus, Leo Baptista Albertus, Martinus Bassus, Nicolaus Tartaleus, Vitruvius, Daniel Barbarus, Pontanus & Possevinus lib. 15. Biblioth. cap. 16. & seqq.*



SCHOLA MATHE- M A T I C A.

SChola mathematica sequitur, in quâ proponemus singularum disciplinarum mathematicarum alphabeta, id est, rudimenta & velut incunabula.

Alphabetum Mathematicæ generalis.

M*Athematica disciplina sunt in secundo gradu certitudinis. Averroës in 2. Metaph. tom. 6. Thomas; Albertus, Marsilius, Ægidius, Zimara, Sueffanus & Acciaiolus, contendunt, eas in primo certitudinis gradu esse. Sed falsò. Illæ enim disciplinæ sunt in primo certitudinis gradu, quæ utuntur demonstratione, quæ vocatur potissima, quâ videl. simul ac liquidò innotescit, & quod effectus sit, & cur sit. Jam verò Mathematicæ disciplinæ non ita demonstrant. Mathematicus n. neq; considerat essentiã quantitatis, neq; hujus affe-*

affectiones tractat, prout manant ex tali essentia, neque declarat eas per proprias causas, propter quas insunt quantitati, nec conficit demonstrationes suas ex prædicatis propriis & per se, sed ex communibus, & per accidens. *Pererius l. 1. de principiis & affectionibus rerum naturalium c. 12. & l. 3 c. 4. Alexander Piccolhominens in quaest. mechan. Aristot.* Sunt autem disciplinae Mathematicæ certæ, non ex vi demonstrationis, sed ex ipsius subjecti ratione. *Possevin. biblioth. l. 15. c. 2.* Subjectum illud est quantitas. Quantitas verò est omnium sensatorum sensatissimum. Res itaque Mathematicæ hæcenus (quamvis abstrahantur) sub ratione quantitatis, seipsas penitus ac medullitus sensibus nostris obijciunt, atque exerunt: quippe quæ non solum passiones suas, verum etiam subjecta, & horum formas sensui nostro manifestissimas præbent: cum cuncta hæc sint quantitates, intelligibiles quidem, quæ in sensibilibus existunt, non tamen prout sensibiles. *Aristot. 7. Metaph. c. 12.* At ipsæ res naturales, quæ sunt physicæ considerationis, licet sensui nostro suas offerant operationes, differentias tamen ultimas, hoc est, formas ipsas atque substantias, à quibus passiones, ac denique actiones fluunt, occultissime quasi in profundo, & obscuro naturæ sinu immerfas habent: neque hæc vix diuturno, & assiduo effectuum experimento atque observatio-

ne illucescunt intellectui nostro aliquantisper. Hinc *Scal. ex. 307. sect. 21. Nihil, ait, sensus percipit prater accidens.*

II. *Pueri sunt idonei auditores Mathematicarum disciplinarum. Arist. 6. Ethic. & 7. Metaphys.* Pueri enim nequeunt effici prudentes, sapientes, aut naturales; quia harum disciplinarum principia usu comparantur. At Mathematicæ disciplinæ sunt ex abstractione, ad quam (Mathematicam intellige abstractionem) pueri sunt aptissimi.

III. *Scientia speculativa non dicitur univocè de Mathematicis disciplinis.* Mathematica enim *κρυολέκτως* & propriè non est scientia. Scientia enim est habitus conclusionum necessariarum demonstratarum per causas proprias, sed non primas. Jam verò ea, quæ ab *Aristotele 1. Posteriorum* de perfectissimo demonstrationis genere disputata sunt, nō competunt in demonstrationes Mathematicas. Diximus enim theor. 1. Mathematicas disciplinas esse certas, non ex vi demonstrationis, sed ex ipsius subjecti ratione. *Proclus in 1. elementorum Euclid. Keckerm. curs. philos. disput. 21. pag. 29:* ubi syllogismos Mathematicos potius dicticos, quàm apodicticos dicendos esse contendit. Ex his relinquitur, scientiam esse *γένεσις ἐν* sive *ἀφ' ἐνός*, quod Logici vocant analogicum. *πρώτως* enim de naturali Philosophiâ, *δευτέρως* de Mathematicâ prædicatur in quid.

IV. Ma-

IV. *Mathematica abstractio est media inter Physicam & Metaphysicam abstractionem.* Triplex enim est abstractio. 1. Physica, quæ fit à re singulari. 2. Mathematica, quæ fit secundum rationem, sed non secundum rem. 3. Metaphysica, quæ fit secundum rationem, & secundum rem. Hoc est quod docet Jandunus in præfatione de anima: *Philosophia speculativa, inquit, tres sunt partes, secundum quod tria sunt entia à nobis speculabilia, non operabilia. Nam quadam sunt entia motui & materia sensibili secundum esse & intellectum conjuncta, & talia considerat Philosophia naturalis. Alia sunt entia motui & materia conjuncta secundum esse, separata autem secundum intellectum, & talia considerat Philosophia speculativa Mathematica. Alia sunt entia separata secundum esse & intellectum à motu & à materia sensibili, & talia considerat prima Philosophia.* Rectè itaque Philosophus 6. Metaph. scientias Mathematicas vocat medias inter naturalem & transnaturalem. Considerat enim abstracta, ut in materiâ tamen sint. Quoniam versantur circa immobilia, sed à motu inseparabilia. Sunt sanè abstracta consideratione tantum. Prima Philosophia considerat sine motu & formâ: naturalis & materialia & mobilia, quâ talia sunt: at Mathesis media. Scal. ex 322. Cùm enim quantitas ob imperfectionem suam semper adsit materiæ primæ, nullo autem limitato subjecto sit

addicta, atque idèò ab omni materiâ facillimè abstrahatur, sit ut hæc abstractio sit media.

V. *Error in operatione Mathematicâ non est artis, sed artificis.* Mechanici peritissimi, operationum multarum diagrammata & demonstrationes sæpè exhibent, & nihilominus opere ipso exhibere sæpissimè non possunt, quantumvis sedulò moliantur. Nimirum impedimenta varia artificii, utut firmis demonstrationibus instructo, oboriuntur inter operandum, vel à materiâ, in quam agit, vel ab instrumentis & causis sociis, per quas operatur; quæ impedimenta non ipsi disciplinæ aut ejus demonstrationibus debent imputari. *Keckerman. curs. philos. disp. 21. p. 29.*

VI. *Subalternatio perfectissima datur in Mathesi.* Triplex est subalternatio; prima ratione finis, secunda ratione subjecti, tertia ratione principiorum. Illa locum habet in practicis, ut Politicâ & Jurisprudentiâ. Ista & hæc propriè in Mathesi, ubi disciplina subalternata à subalternante accipit & subjectum, & principia, & affectiones. *Zabarella de tribus præcognit. c. 12.* Nam in Mathesi illa scientia dicitur subalternata alteri, quæ idem subjectum, quod in subalternante abjectum à materiâ & omni sensibili qualitate consideratur, cum certæ materiei & sensilis qualitatis additione contemplatur: ut Arithmetica de numero tractat, nullam sensilem habente qua-

te qualitatem, abstractè, quatenus est $\nu\alpha\gamma\gamma\epsilon\ \pi$: Musica verò in eodem versatur, quatenus consideratur cum sono, sensili qualitate, adeoque concretè, quatenus est $\alpha\iota\sigma\theta\eta\tau\iota\kappa\epsilon\ \pi$. Itaque Musicus ex Arithmetica accipit subiectum, principia, & affectiones.

VII. *Infinisum in Mathesi datur non $\phi\upsilon\sigma\iota\kappa\epsilon$, sed $\theta\epsilon\omega\epsilon\tau\iota\kappa\epsilon$. Hoc est postulatum.*

VIII. *Prima principia in Mathesi, sunt communes animi conceptiones & dignitates, quibus ultrò astipulatur auditor. Hujus classis sunt sequentia.*

1 *Omne totum est majus sua parte.*

2 *Qua uni & eidem sunt aequalia, etiam inter se sunt aequalia.* Alii sic enuntiant: Quæ uni tertio conveniunt, inter se conveniunt: ut 4.4.4. hîc quilibet in se continet quatuor unitates. Ergo & valor eorum cujusq; inter se æqualis est.

3 *Si aequalia aequalibus addantur, tota sunt aequalia:* ut 6.6.4.4. si cuique senario unum quaternarium adjicias, tota, videl. 10.10. æquabuntur.

4 *Si ab aequalibus aequalia auferantur, quæ relinguntur, sunt aequalia.*

5 *Si in aequalibus aequalia adjiciantur, tota inter se sunt inæqualia.*

6 *Si ab inæqualibus aequalia subducantur, residua erunt inæqualia.*

7 *Quaecunq; sunt ejusdem dupla, sive aequè*

multiplicia aequalitérvē majora, sunt inter se aequalia: ut 6 & 6 sunt dupla 3. Ergo æqualia.

8 *Quacungq; sunt ejusdem dimidia, sive aequaliter minora, inter se quoq; sunt aequalia: ut, 1 & 3 sunt dimidia 6. Ergo æqualia. His adde, quæ posuimus libro primo. Horum enim beneficio principiorum obvia quæque in Mathesi perficere poterit ingeniosus artifex. In hæc namque principia omnes conclusiones resolvuntur, & ex iisdem omnes deducuntur.*

IX. *Mathematica scientia non habent finem, quamvis Mathematici habeant. Vide suprà l. i.*

Alphabetum Arithmeticae.

I. *Principia, seu dignitates, in Arithmeticis ita habent:*

1 *Omnis numeri pars est minor suo toto: ut 1. 4.*

2 *Omnis minor est, qui majorem habet denominationem: ut 3. 13.*

3 *Omnis numeri pars est unitas, ab ipso denominata.*

4 *Quilibet numerus totus est ab unitate, quanta pars ipsius est unitas.*

5 *Si unitas in aliquem numerum ducatur, sive numerus aliquis in unitatem, seipsum producit.*

6 *Extremorum differentia ex differentiis eorundem ad medium est composita.*

7 Si

7 Si numerus numerum superet, differentiâ minori additâ, aut à majore sublatâ, numeri relinquantur aequales.

8 Si ab aequalibus idem communis dematur, relinquantur aequales.

9 Si duo majores simul addantur pariter, & duo minores simul, majorum compositum minorum composito majus evadit.

10 Partes simul suo toti aquantur.

11 Quorumcumq; ad eundem numerum proportio est una, ipsi inter se sunt aequales.

12 Quoties numerus à numero subtrahi potest, toties in eodem est numerabilis.

13 Quorum dimidia sunt aequalia, eorum toti sunt aequales.

14 Unitas metitur quemlibet numerum. Est enim principium. Principium autem est regula, norma, & mensura sui principati.

15 Unitas neq; dividit, neq; multiplicat.

II. Postulata in Arithmeticiis (aliâs petitiones) sunt hæc:

1 Cuilibet numero quotlibet posse sumi aequales.

2 Quolibet numero dari posse majorem.

3 Seriem numerorum, quâ impâr, in infinitum posse extendi.

4 Nullum numerum in infinitum decrescere.

5 Majus non numerare minus.

6 Si numerum datum numerus multiplicat,

idemq; productum dividat, numerum datum redire, & contrà.

Adminiculo XV. harum dignitatum, & VI. petitionum omnia problemata Arithmetica solvi & resolvi possunt ab ingenioso artifice.

III. *Multiplicatio est multiplex additio, & divisio est multiplex subductio.* Itaq;

Sicut additio subductioni, ita multiplicatio divisioni est contraria.

IV. *Operatio Arithmetica in quinque speciebus, ut vocant, est facilior, si perficiatur adminiculo calculorum, eâ, qua fit scripto.* Nam

1. 2. 3. In numeratione, additione, & subductione res omni caret difficultate.

4 In multiplicatione oportet abacum in duas partes dividere, inque lævâ numeros multiplicandos ponere: in dextrâ multiplicatorem. Postea necessum est digitum applicare singulis lineis, & tum illa linea, cui digitus est applicatus, valet unitatem. Oportet igitur multiplicatorem ducere in multiplicandum, & factum collocare in parte dextrâ: ut si 1132 multiplicandi sint per 15: pone digitum super quartam lineam, & dic, Semel unum, non autem mille, & colloca decem in lineâ superiore dextræ partis. Dehinc descendat digitus ad proximam lineam, parique modo colloca numum in lineâ superiore, & sic deinceps.

5 In divisione contrà descendendum est à dextro

dextro latere in lævum. Nam dividendus collocatur in dextro latere, postea digitus applicatur in sinistro latere isti lineæ, & infra collocatur quotiens: ut si 160 dividenda sint per 10: appposito digito lineæ secundæ, numus in summâ positus denarium efficit, qui ponendus juxta digitum. Deinde proximus, quinarium efficiens, transferendus ad spatium lævum sub digito. Tertius simili ratione, transposito digito, ponendus in infimâ lineâ. *Fortius Ringelb. in Arith.* Sed hîc requiritur *av&psi*ia.

V. *Unitas est numeri principium & formale, & materiale, & efficiens, & finale.* Materiam esse, nemo dubitat. Est etiam efficiens, quippe principium creans numerum. Finis quoque est: quia conveniunt omnes unitates, ut unus sit numerus. Et omnis numerus sicut inchoatur, ita & terminatur ab unitate. Quod verò unitas etiam sit forma, inde manifestum est: quod ipsa addita variat speciem, & affectum speciei, par, impar. *Scal. ex. 365. f. 1.*

VI. *Septenarius est limes ac terminus numerorum inferiorum: novenarius omnium summus ac perfectissimus, ceteros omnes arcens, ac continens.* Nam à nullo potest augeri, nisi ab unitate, ut denarius fiat, qui est omnium ultimus. Novenarium autem esse numerorum perfectissimum, inde constat; quia in se continet omnes species ac proportioncs quantitatis, tam pri-

maria, quàm consequentes, atque, ut vocant, resultantes. In eo enim sunt, longitudo, latitudo, profunditas, perfectum, imperfectum, divisibile, indivisibile, trigonum, cubus, oblongum, plurilaterum, æqualitas, inæqualitas, absolutum, comparatum, simplex, multiplex, simile, diversum. In specie verò duplicitas, sesquialterum, triplicitas, sesquitertium, quadruplicitas, superpatiens. *Scal. d. l.*

V I I. *Omnis numerus vel absolute per se accipitur, vel ad alium refertur, vel à Geometricis figuris, quas constituit, nomen accipit.*

Absolute & per se acceptus dividitur in parem & imparem, imperfectum, diminutum & abundantem. Par est, qui in duas æquales partes tribui potest, ut 4. 6. Estque vel pariter par, qui in partes æquales ad unitatem usque dividitur, ut 32. in 16: & 16. in 8: & 8. in 4: & 4. in 2. vel pariter impar, qui usque ad unitatem non potest dividi in partes æquales, ut 6. Impar est, qui non potest dividi in duas partes æquales, ut 7. Huc pertinet cribrum Eratosthenis, ubi in superiori serie sunt impares, in inferiori pares: ut

3. 5. 7. 9. 11. 13. 15.

4. 6. 8. 10. 12. 14. 16.

Perfectus est, cujus omnes & singulæ partes conjunctæ totū reddunt, ut 6. cujus partes 1. 2. 3. sic 18. cujus partes 1. 2. 4. 7. 14. Diminutus, sive imperfectus, qui major est partibus omnibus simul

mul junctis, ut 8, cujus partes 1. 2. 4. septem dun-
taxat efficiunt. *Abundans*, quem partes colle-
ctæ excedunt, ut 12. 16. Numerus diminutus à
numero perfecto aut abundante numerari non
potest: numerat tamen diminutus perfectum,
ut ternarius senarium; & abundantem, ut terna-
rius 12. quaternarius 16. At numerus abundans
numerat solum abundantem, ut 12. 24.

*Numerus ad alium relatus, aut æqualis est al-
teri, aut inæqualis.*

Inæqualis est altero vel major, vel minor.
Major, ut & minor, quinque formis continetur,
quæ sunt

1 *Multiplex*; ut duplex, triplus, quadruplus,
quintuplus, sextuplus.

Dupli ad suppositos:

2. 4. 6. 8. 10. 12. 14. 16. 18. 20.

1. 2. 3. 4. 5. 6. 7. 8. 9. 10.

Tripli ad suppositos:

3. 6. 9. 12. 15. 18. 21. 24. 27. 30.

1. 2. 3. 4. 5. 6. 7. 8. 9. 10.

Quadrupli ad suppositos:

4. 8. 12. 16. 20. 24. 28. 32. 36. 40.

1. 2. 3. 4. 5. 6. 7. 8. 9. 10.

Quintupli ad suppositos:

5. 10. 15. 20. 25. 30. 35. 40. 45. 50.

1. 2. 3. 4. 5. 6. 7. 8. 9. 10.

Sextupli ad suppositos.

6. 12. 18. 24. 30. 36. 42. 48. 54. 60.

1. 2. 3. 4. 5. 6. 7. 8. 9. 10.

2 *Superparticularis*, qui totum minorem continet, & aliquam ejus partem; ejus hæ sunt species:

Sesquialter, totum minorem continens, & alteram ejus partem, ut 6 ad 4.

Sesquitertius, minorem continens, ejusque partem tertiam, ut 8 ad 5.

Sesquiquartus, ut 5 ad 4.

Sesquiquintus, ut 6 ad 5.

3 *Superpartiens*, qui minorem continet, atque aliquot ejus partes; ejus hæ sunt species:

Superbipartiens, continens minorem, & duas ejus partes, ut 5 ad 3.

Supertripartiens, continens minorem ac tres ejus partes, ut 7 ad 4.

Superquadrupartiens, ut 9 ad 5.

Superquintupartiens, ut 11 ad 5.


4 *Multiplex superparticularis*, qui minorem plus quam semel continet, & præterea aliquam ejus partem; ejus species sunt, duplus sesquialter, ut 5 ad 2: duplus sesquitertius, ut 7 ad 3: duplus sesquiquartus, 9 ad 4: triplus sesquialter, 7 ad 2: triplus sesquitertius, 10 ad 3: triplus sesquiquartus, 13 ad 4.

5 *Multiplex superpartiens*, qui minorem plus quam semel comprehendit, ejusque aliquot partes.

partes. Hujus species sunt, duplus superbipartiens, 8 ad 3: duplus supertripartiens, 11 ad 4: duplus superquadrartiens, ut 14 ad 5: triplus superbipartiens, 11 ad 3: triplus supertripartiens, 15 ad 4: triplus superquadrartiens, 19 ad 5.

Numerus ad figuras Geometricas pertinens, aut linearis, aut planus, aut solidus est. Linearis, ut a b c d. Planus est: 1. Trigonus, habens tria latera ad modum trianguli, ut b^a c^a. 2. Tetragonus, ut a b c^e d^f. 3. Pentagonus, ut b^a c^a d^c. 4. Hexagonus, a b c d. 5. Heptagonus, qui septem. 6. Octogonus, qui octo. 7. Ennagonus, qui novem. 8. Decagonus, qui decem. 9. Hendecagonus, qui undecim. 10. Dodecagonus, qui duodecim constat lateribus. Solidus est, qui habet longitudinem, latitudinem, & profunditatem. Estque 1. Pyramis, numerorum solidorum primus & perfectissimus, uti trigonus in planis. Est autem pyramis trigona, ut 4, tetragona ut 5, pentagona ut 6, hexagona ut 7, perfecta ut 30, & curta ut 29, cui unitas seu vertex deest: exempli gratia:

aa 7



2. *Cubus*, seu numerus cubicus; qui produci-
tur è ductu lateris in suum tetragonum: ut bis
bina sunt 4: hinc 2 latus est tetragoni, 4 tetrago-
nus: bis quaterna igitur sunt 8, & sic generatur
cubicus laterculus, 18, cujus latera sunt 3. 3. 2.
Nam ter terna sunt 9: & bis 9 sunt 18: asser, ut 12,
cujus latera sunt 2. 2. 3: cuneus, ut 24, cujus
latera sunt 2. 3. 4. Primum est longitudo, secun-
dum latitudo, & tertium profunditas. Nam bis
terna sunt sex, & quater sena sunt 24. Et sic ma-
jor est latitudo longitudine, & profunditas ma-
jor latitudine & longitudine. Quare tria habet
intervalla inæqualia. 3. *Numerus circularis*, qui
est per-

est perfectus, à se incipiens multiplicare, & in se desinens: estque duplex, activus, ut 5: & passivus, ut 6. Nam quinquies quina sunt 25, & sexies sena 36. Dicitur etiam senarius perfectus, quia totam circumferentiam similis circuli implet. Alio autem sensu supra, novenarium vocari perfectum, innuimus. Hic notetur mirabilis proprietas senarii. Est enim sphæricus parallelepipedus, ut 18, cujus latera sunt 2. 3. 3: vel cujus longitudo major est latitudine & profunditate, ut 3. 2. 2: aut latitudo minor est aliis dimensionibus, ut 3. 2. 3: aut latitudo major est longitudo & profunditate, ut 2. 3. 2: aut cæteris æqualibus, profunditate tamen existente majore, ut 2. 2. 3. aut minore, ut 3. 3. 2.

Alphabetum Geometricum.

1. *Communes animi conceptiones, siue principia Geometrica, sunt:*

1 *Æqualitas est inæqualitatis principium.* Mirum hoc, contrarium esse in causâ effectivâ erga contrarium, sicut in Metaphysicâ, unum est principium multitudinis.

2 *Æqualitas est mensura inæqualitatis.* Proinde inæqualitas resolvitur in æqualitatem.

3 *Rectum est mensura sui & obliqui.*

4 *Recto non datur rectius.*

5 Operamur per rectas, & non per curvas.

II. Postulata Geometrica sunt:

1 A quolibet puncto in quodlibet punctum ducere rectam lineam.

2 Lineam continuare in infinitum.

3 Super centrum quodlibet designare circulum maximum, medioximum, vel minimum.

4 Omnes rectos angulos sibi invicem esse æquales.

5 Angulos per crucem, seu decussatim, oppositos esse æquales.

6 Duas lineas rectas non concludere superficiem.

III. Proportio est triplex, Arithmetica, Geometrica & Musica, seu Harmonica. Proportio Arithmetica est, quum æquali differentiâ inter se distant numeri: idque vel continue, ut 1.2.3.4.5.6. Hic numerus sequens ab antecedente distat unitate. Item 2.4.6. Hic differentia est binarius. Et hæc dici solet progressio: vel disjunctè, ut 3.6.8.11. Hic differentia est ternarius. In continuâ est eadem habitudo primi ad secundum, & secundi ad tertium: 6.9.12. In disjunctâ sunt 4. termini: 12.10.7.5. Proportio Geometrica est, quum plurium terminorum inter sese comparatorum eadem est ratio. Estque vel continua, in qua quæ est ratio primi ad secundum, talis quoque est secundi ad tertium, ita ut toties tertius secundum includat, quoties secundus primum, & to-

& toties quartus tertium, atque ita deinceps. Hic igitur medius bis sumitur, ad primum quidem ut consequens, ad tertium ut antecedens. e.g. 4.8.16. Sicut 4 ad 8: ita 8 ad 16. Item 3.6.12. 24. Hæc est progressio in proportionem dupla. Vel *disjuncta*, in quâ secundus & tertius sunt diversi, adeoque sunt quatuor termini proportionales, ubi primus & tertius, secundus & quartus sunt homogenei, ut in *regulâ aureâ* videre est: ut 2. 10.15.75. Hic sicut 2 se habent ad 10, ita 15 ad 75. Item, sicut 4 ad 2, sic 6 ad 3. Ex his patet, proportionem Arithmeticam esse æqualitatem differentiarum, quando nempe æquali differentiâ numeri inter se distant: ut 2 4.6.8. ubique est 2. Sed in Geometricâ res ita non habet. Ibi enim non est æqualitas differentiarum, sive continuam spectes, ut 3.6.12: sive disjunctam, ut 3.6. 8.16. Nam ibi 3 à 6 distant per 3, sed 6 à 12 per 2: hic 3 à 6 per 3, 8 à 16 per 2 exclusivè. Hinc docet Philosophus, justitiam commutativam observare proportionem Arithmeticam, distributivam verò Geometricam. Deniq; *proportio Musica* est concentuum symmetria, ut 3.5.8. Hic 3 à 5 distant per 2: sed 5 ab 8 per 3. Item 6.8.12. 16.24. Coalescit enim harmonica seu Musica ista proportio ex Arithmeticâ & Geometricâ proportionem.

IV. *Medium aliud est Arithmeticum, aliud Geometricum. Medium Arithmeticum in æ-*

qualiter interjacet inter extrema, ut 5 inter 3 & 10. Nam 5 à 3 distat per 1: sed à 10 per 4. *Medium Geometricum* æqualiter distat ab extremis, ut centrum in circulo. Virtus in Ethicis dicitur medium non Geometricum, sed Arithmeticum. Interjacet enim inter duo vicia, quorum unum illi est propinquius alterum ab illâ remotius: c. g.

Avaritia — Liberalitas — Prodigalitas. Hic minor est distantia liberalitatis & prodigalitatis, major verò avaritiæ & liberalitatis.

V. *Punctum est minima pars lineæ.* Est itaque indivisibile. Dividi enim non potest in partes quantitativas; licet dividatur in essentielles, quas vocant conceptionales. Simplex enim est omninò quoad partes integrales, sed dividitur quoad suos conceptus intrinsecos, partes dico essentielles, materiam & formam.

VI. *Linea fit à fluxu puncti.* Fluxus ille est emanativa potius, quàm effectiva lineæ causa. Punctum enim neque continuum est, neque contiguum, adeoq; lineam continuam efficere non potest. Linea itaq; est à puncto non per effectiōem, sed per emanationem.

VII. *Angulus rectus continet gradus 90. obtusus est major; acutus, minor recto.*

VIII. *Circulus omnis continet gradus 360: semicirculus 180: quadrans 90.*

IX. *Diameter est tertia circuli pars. & tertia paulò*

paulò minùs septima. Sed pro septimâ illâ, cui parum deest, septima sumitur integra, ac si diameter tertiam circuli partem, & tertiz partem septimam capiat. Ideoque proportio perimetri ad diametrum quàm proximè est tripla sesqui-septima, quemadmodum 22 se habent ad 7.

X. *Plana superficies, sive area circuli ambitus lineâ inclusa, ad quadratum sua diametri eam habet rationem, quæ est 11 ad 14. Et rursus: quadratum ad diametri lineam descriptum, ita se habet ad circuli arcem, veluti 14 ad 11.*

XI. *Corpus cubicum constat sex superficiibus planis quadratis.*

XII. *Instrumenta Geodætica usitata magis sunt quadratum, quadrans, & astrolabium. Horum usum & tractationem qui pernovit, reliquis facillimè uti poterit. Generale de his præceptum est: Quum fuerint quatuor quantitatum, eandem proportionem habentium, tres nota, nota erit & quarta, si collocentur juxta regulam auream.*

Alphabetum Cosmographicum.

Motus est vel à centro, vel ad centrum, vel circa centrum.

II. *Notus perennis norma est motus celestis.*
Si itaque quis velit instrumentum perennis mo-

tus, siue perpetuum mobile, conficere, accurate pensabit motus cælestis rationem.

III. *Omnia sunt facta numero, mensurâ, & pondere.*

IV. *Dextrum & sinistrum, superum & inferum, non datur in circulo Quercu, sed Biceps, & Biceps.*

V. *Quod est minus minore, est etiam minus majore.*

VI. *Centrum est vel magnitudinis, vel gravitatis.*

VII. *Cælestia sunt mensura terrestrium.*

VIII. *Terrestria cælestibus sunt homologa.*

Alphabetum Uranoscopix.

I. Sphærica.

TRes sunt axes, quibus utuntur Astronomi, videl. *Axis mundi*, circa quem movetur cælum; *Zodiaci*, circa quem movetur Zodiacus, & *Horizontis*. Primus habet polos duos, arcticum & antarcticum: secundus habet polos duos distantes à mundi polis 23. gradib. & 50. minut. ut docet *Fortius*: vel, ut hodie artifices computant, grad. 23. 28. min. tertius habet unum polum supra caput nostrum, alterum sub pedibus, & vocantur *Zenith* & *Nadir*, vel ut Arabes vocant, *Senith* & *Nathir*, His addo axem & polos sphæræ octavæ.

II. Cir-

II. *Circulus est linea ambiens globum. Globus est solidus, unicamq; habet superficiem. Orbis est concavus, duasq; habet superficies.*

III. *Circuli caelestes dividuntur in partes & species. Circulorum partes sunt internæ, & externæ. Internæ sunt gradus 360; quorum quilibet in 60 minuta, sive scrupula prima; minutum in 60 secunda; secundum in 60 tertia, & sic deinceps usque ad decima dividitur.*

Partes externa sunt duodecim signa, in quæ Zodiacus æqualis, reliqui circuli disæqualis dividuntur. Species circulorum tribus classibus continentur. Primum enim sunt circuli vel majores, qui idem cum mundo centrum habent, ideoque Sphæram in partes æquales tribuunt, vel minores, quibus non est idem cum mundo centrum, ideoque Sphæram in partes inæquales dissecunt. Majores sunt Horizon, Meridianus, Æquator, Zodiacus, duo Coluri: Minores, duo polares, arcticus & antarcticus, & duo tropici, Canceri & Capricorni. Deinde circuli sunt vel æquidistantes, vel inæquidistantes, Æquidistantes vocantur paralleli: suntque æquator, duo tropici, & totidem polares. Reliqui sunt inæquidistantes. Tertio circuli sunt vel ducti per polos, ut duo coluri & meridianus; vel ducti per corpus Sphæra, ut reliqui. Galaxiam, seu viam lacteam, non numeramus in hoc circulorum collegio.

IV. *Sphæra est vel recta, vel obliqua, vel par-*

allata. Recta, ubi uterq; polus incumbit horizon-
ti, ut in longo *Africae & Asiae* tractu. *Obliqua*, quæ
alterum polum elevatum, alterum depressum
habet, ut in *Europâ*, cujus inhabitatores ultra
citraque æquinoctialem habitant. His enim
Sol, & Tauri sidus, adeoque reliqua signa obli-
quo meatu per plagam Australem decurrunt.
Parallela, sive neutra est, ubi unus polus est ver-
ticalis, alter pedalis. Itaque in sphaerâ rectâ æ-
quinoctialis ita dividit finitorem, ut efficiat 4.
angulos rectos, adeoque æquales: in obliquâ æ-
quinoctialis finitorem intersecat ad angulos a-
cutos & obtusos: in parallelâ nullos facit. Hic
observa, non solum sphaeram, vocari rectam,
obliquam & parallelam sive neutram: sed etiam
orbem, mundum, & horizontem.

V. *Astronomi partem mundi orientalem di-
cunt sinistram, occidentalem verò dextram: Geo-
graphi contrà orientalem appellant dextram, occi-
dentalem sinistram: Poëta Septentrionalem dex-
tram, Australem sinistram. Sic enim Lucanus
de Arabibus qui auxilio venerant Pompejo:*

Ignotum vobis Arabes venistis in orbem,

Umbras mirati nemorum non ire sinistras.

Hos enim, priusquam egressi erant è Zonâ tor-
ridâ, umbræ sequebantur, post egressum præce-
debant. Solent nempe Astronomi oculos con-
vertere ad Meridiem, ubi velocissimus est side-

rum

rum cursus: Geographi ad polum, cujus altitudinem quærunt: Poëtæ ad occasum.

VII. *Decimus orbis vocatur primum mobile; quod movetur ab Ortum versus Occasum, 24. horarum spatio, secumq; rapit orbis inferiores. Movetur super polis mundi. Orbis nonus dicitur calum crystallinum, & duos habet motus, alterum communem cum decimo, alterum ab Occidente in Orientem, qui absolvitur spacio 49000 annorum. Est super polis Zodiaci. Orbis octavus dicitur firmamentum, & tres habet motus. Primum ab Oriente in Occidentem à primo mobili; secundum à sphaerâ nonâ ab Occasu in Ortum; tertium proprium, quem vocant accessus recessusq; & trepidationis motum, qui septem millium annorum spatio perficitur, super polis, quos designant puncta æquinoctialia, per qua transit illius sphaera axis, seu dimetiens.*

VIII. *Poëta triplicem faciunt Ortum: matutinum, sive cosmicum, quando stella manet cum Sole oritur; vespertinum, sive chronicum, quum stella vesperi, Sole occidente, oritur; & heliacum, quum stella tanto à Sole spatio abest, ut cerni possit. Triplicem quoque occasum iisdem nominibus designant; matutinum, quando stellæ Solis ortu occidunt; vespertinum, quando vesperi cum Sole occidunt; & heliacum, quum propter Solis accessum stellæ occultantur.*

IX. *Longitudo stella est ejus ab Arietis initio*

distantia; *latitudo*, à Zodiaci medio discessus, eaque austrina & arctoa; *declinatio*, distantia ab Æquatore, eaque iterum austrina & arctoa.

X. *Ortus est duplex, videl. stellarum, & signiferi, seu Zodiaci.* Ille est triplex, ut vidimus theorema. 8. Hic est vel rectus, vel obliquus, & proprio nomine vocatur *ascensio*. Ascensio recta est, quum major Æquatoris arcus, quàm Zodiaci oritur, cujus modi est Libræ, Virginis, Leonis, Scorpionis. Etenim oriente Librâ, quadraginta Æquatoris partes seu gradus cum tricenis Zodiaci gradibus emergunt. *Obliqua ascensio est*, quando pauciores æquinoctialis quàm Zodiaci oriuntur. De *descensione* rectâ & obliquâ facile est judicare è modò dictis. Variat autem ascensio & descensio ista in sphaera rectâ, & in obliquâ, pro variâ poli exaltatione. Rectè autem sive tardè ascendunt *Cancer, Leo, Virgo, Libra, Scorpius, Sagittarius*; obliquè verò seu velociter *Capricornus, Aquarius, Pisces, Aries, Taurus, Gemini*.

XI. *Arcus diurnus stella, vel Æquatoris, est tempus, quo illa vel iste ab Ortum in Occasum movetur.*

II. Theorica planetarum.

PRincipio commemorabimus quorundam artificum hypotheses,

Hypo-

Hypotheses Nicolai Copernici:

- 1 Solem centrum universale mundi esse in medio positum; terræ etiam.
- 2 Terram solummodo centrum orbis Lunæ esse.
- 3 Solem immobilem esse.
- 4 Terram in ære non minùs ac planetam in orbe suo mobilem esse.
- 5 Sphæram octavam immobilem esse.
- 6 Planetas autem & terram certis orbibus moveri. Inde sequitur:

Consequentia.

- 1 Nullam quidem orbium planetarum penetrationem fieri; sed interim ingens spatium esse & immensum, stellis vacuum, inter octavam & Saturni sphæram, contra Physica principia.
- 2 Visibilem apparentiam planetarum respondere magnitudini orbium planetarum secundùm Optica principia.
- 3 Calculum planetarum respondere quàm proximè observationibus Astronomicis, secundùm Mathematica principia.

Hypotheses Tychoonis Brahe.

- 1 Terram centrum universale mundi esse in medio positam.
- 2 Terram centrum motus Solis & Lunæ esse propè verum.

b b

3 Solem centrum motus quinque reliquorum planetarum esse prope verum.

4 Terram immobilem esse.

5 Stellæ fixas & planetas motu diurno mobiles esse.

6 Planetas autem nec orbibus moveri, nec in aëre vagari, sed in liquidissimo & simplicissimo cælo, juxta divinitus inditam scientiam, circumvolvi. Hinc infert:

Consequentia.

1 Nullam quidem orbium planetarum penetrationem fieri, cum nulli orbes illis sint: sed interim tamen contractum & angustum spatium tribus superioribus planetis esse, ut alter alterius locum aliquando ingrediatur, contra Physica principia.

2 Visibilem apparentiam planetarum utcumque respondere cum observationibus planetarum, secundum Optica principia.

3 Calculum planetarum exactè respondere cum observationibus Astronomicis, secundum Mathematica principia.

*Ptolemai veterumq; Philosophorum
hypotheses.*

1 Terram centrum universale mundi esse in medio positam.

2 Terram etiam centrum prope verum esse omnium orbium planetarum.

3 Terram immobilem esse.

4 Sphæ-

4 Sphæram octavam cum omnibus sphæris planetarum mobiles esse; planetas autem certis orbibus moveri, iisq; eccentricis & epicyclis.

Consequentia.

1 Penetrationem dimensionum, seu orbium cælestium fieri, contra Physica principia.

2 Visibilem apparentiam planetarum non respondere magnitudini orbium planetarum, contra Optica principia.

3 Calculum planetarum non respondere observationibus Astronomicis, contra Mathematica principia.

Hypotheses Nicolai Raymari Urfs

Dithmarfs.

1 Terram centrum universale mundi esse in medio positam.

2 Terram etiam centrum motus Solis & Lunæ esse prope verum.

3 Solem centrum motus quinque reliquorum planetarum esse prope verum.

4 Terram mobilem esse.

5 Stellæ fixas immobiles esse.

6 Planetas & stellæ non orbibus affixas, sed in aëre vel consistere, vel ut aves, certo tamen modo vagari. Inde sequitur:

Consequentia.

1 Nullam quidem orbium planetarum penetrationem fieri, cum non sint: sed interim

b b 2

contractum adeò & angustum spatium trium superiorum planetarum esse, ut alter in alterius locum aliquando succedat, contra Physica principia.

2. Visibilem apparentiam planetarum utcunque respondere distantiae planetarum, secundum Optica principia.

3. Calculum planetarum respondere quàm proximè observationibus Astronomicis, secundum Mathematica principia.

His hypothesebus ut fucum faceret Raymarus, finxit hoc axioma Physicum: unius corporis unicum simplicem motum esse, & nullum per accidens, contra Aristotelis doctrinam. Inde sequitur

1. Terram esse mobilem.

2. Stellæ fixas esse immobiles.

3. Aërem inferiorem & crassio rem mobilior em superiori & rariori.

4. Gravia tendere deorsum, non propter gravitatem, sed magneticâ quâdam vi.

5. Nullam ætheream regionem esse.

6. Aërem etiam extendi in infinitum, supra firmamentum, adeò ut nulla in quantitate sit aëris proportio ad reliqua duo elementa, aquam & terram, adeoq; nullum esse ignem.

7. Stellæ in aëre vagari, non orbibus affixas esse, nec cum orbibus moveri, ut sic nulla orbium penetratio fieri possit.

Hæc

Hæc omnia infert ex primo posito axioma-
te, è quo plures inferri possunt propositiones,
nominatim hæ: 1. Infinitum in rerum naturâ
esse. 2. Opus creationis non esse conclusum ex-
tremo cælo. 3. Cælum nullis non mutationi-
bus esse obnoxium.

Hypotheses Helisai Rösslin.

1 Terram centrum universale mundi esse in
mediopositam.

2 Terram centrum etiam prope verum or-
bium Solis & Lunæ esse.

3 Solem centrum prope verum esse orbium
reliquorum quinque planetarum.

4 Terram immobilem esse.

5 Sphæram octavam cum omnibus sphæris
planetarum motu diurno mobilem esse.

6 Planetas certis orbibus moveri, iisque ec-
centricis. Hinc

Consequentia.

1 Nullam non modò orbium planetarum
penetrationem fieri, sed nec nimis amplum &
vacuum stellis spatium, nec nimis contractum
& angustum esse, ut alter planetarum alterius
locum ingredi possit, secundùm Physica prin-
cipia.

2 Visibilem apparentiam planetarum re-
spondere exactè magnitudini orbium planeta-
rum, secundùm Optica principia.

b b 3

3. Calculum respondere quàm proximè observationibus Astronomicis, secundùm Mathematica principia.

Ex his hypothefib. multæ sunt contra S. Seripturam, multæ contra experientiam, contra rationem, & Physica principia. Probantur autem nobis pleræque hypothefes *Helisai Röslin*. Visis hypothefibus variis, veniemus ad ipsum alphabetum Theoricæ.

I. *Distantia à centro terra ad concava & convexa sphaerarum caelestium ita habet juxta Jacobum Fabrum Stapulensem:*

Ad Lunæ { Concavum 109037 mill.
Convexum 208541.

Ad Mercurii { Concavum 208541.
Convexum 542750.

Ad Veneris { Concavum 542750.
Convexum 3640000.

Ad Solis { Concavum 3640000.
Convexum 3965000.

Ad Martis { Concavum 3965000.
Convexum 28847000.

Ad Jovis { Concavum 28847000.
Convexum 46816250.

Ad Saturni { Concavum 46816250.
Convexum 65357500.

Ad sphaeræ octavæ { Concavum 65357500.
Convexum 130715000.

II. *Circumferentia sphaerarum caelestium sic habet:*

habet: Circumferentia globi Lunæ est 1310829 mill. Globi Mercurii 3412522; globi Veneris 22860000; globi Solis, 24922857; globi Martis 1813240000; globi Jovis 294273572; globi Saturni 410818572; globi Octavi 821637143.

III. *Terra umbra semper sequitur Solem, & ab eo distat diametro; æstate humilis, hyeme sublimis.*

IV. *Sol est terrâ major, Luna eadem minor.* Continet enim Solis diameter terræ diametrum quinquies & semissem. Estque proportio diametri Solis ad diametrum terræ, quæ est 11. ad duo quintupla sesquialtera. Solis autem cubus 1331 partes tales continet, cujusmodi terræ cubus octonas complectitur. Cubus enim undenarii est 1331. Cubus verò binarii, qui est terræ, 8. Subducto quoties id fieri potest, minore cubo, qui est terræ, à majore, qui est Solis, cognoscitur cubi ad cubum proportio, & quantum Sol major sit terrâ. Invenimus ergò 8 in 1331 centies sexagies sexies, & toties Sol est major terrâ. Terræ autem diameter complectitur Lunæ diametrum ter, & duas ejus diametri partes quintas. Estque ea proportio diametri terræ ad Lunæ diametrum, quæ est 17 ad quinque tripla superbipartiens quintas. Cubus numeri 17 est 4913 Cubus numeri 5, est 125. Majore cubo per minorem divisio, reperimus 125 in 4913 tricies novies. Proinde terra tricies novies continet sphaeram Lunæ,

b b 4

V. Sol exaltationem, id est, precipuum dignitatis gradum habet in Arietis grad. 19: Luna in Tauri 3: Saturnus in Libra 21: Jovis in Cancr. 15: Martis in Capricorni 27: Veneris in Piscium 27: Mercurii in Virginis 15. Casus eorum est in gradibus signorum oppositorum: puta Solis casus in gradu undevigesimo Libræ.

VI. Summa absis est longissima stellarum à mundi medio distantia: ima, qua terra centro proxima est.

VII. Quilibet planeta, Sole excepto, habet eccentricum, epicyclum, & aquantem. Sol enim non habet aquantem.

VIII. Draco est figura, quam Solis & Luna meatus efficit. Ejus caput est sectio unde Luna ad Septentrionem transit. Græcis dicitur ἀναβιβάζων. Gauda verò, unde ad Meridiem movetur, Græcis κατὰ βιβάζων.

IX. Dua altitudinum sunt species: quarum altera est distantia à terra, siue mundi centro, altera ab horizontis circulo. Priore modo Sol est altior nubibus, Lunâ, Mercurio, Venere: posteriore fieri potest, ut Sole altior sit Luna, si oriente illo hæc in medio cernatur cælo.

III. Computus Astronomicus.

I. Minuta alia sunt circulorum seu æquatoris, alia horarum. Horarum minuta sunt majora quàm minuta æquatoris. Singulæ enim æquinoctialis partes complectuntur sexagena circulo.

culorum seu mundi minuta: sed horarum duntaxat quaterna. Nihilominus tamen & mundi & horarum minuta dividuntur in partes sexagenas. Nam quem quotidie totus æquinoctialis oriatur, singulis horis 15 æquatoris partes meridianum prætereant necesse est, & quaternis horarum minutis singuli gradus.

II. Scrupulum primum est pars sexagesima unius hora. Scrupulum secundum pars sexagesima unius primi, & ita ad decem inclusivè.

III. Hora sunt vel aequales, vel inaequales. Aequales, aliàs æquinoctiales, sunt viginti quatuor partes diei naturalis. Inaequales sunt duodecimæ partes temporis, quod inter Solis ortum & occasum, vel inter occasum & ortum est. Aliàs vocantur planetaria. Initium primæ numeramus oriente sole, meridie sextam, Solis occasu duodecimam; & primam denominamus à planetâ, à quo dies nomen habet; ut prima hora planetaria diei Solis est Solis, secunda Veneris, tertia Mercurii, &c.

IV. Ortus, ut & occasus, Solis, est vel radiorum, vel corporis.

V. Annus Solaris æquabilis est systema dierum 365, cum quadrante diei, hoc est, horis 6. Vocatur Julianus.

VI. Bisextum est dies consurgens ex quatuor quadrantum appendicibus, & anno quarto Juliano absoluto accrescens.

bb s

VII. *Lustrum Julianum est systema annorum quatuor Julianorum, quorum ultimus est dierum 366 absolutorum, sine horarum reliquatione.*

VIII. *Cyclus Solis Romanus est systema annorum Julianorum 28: constans è lustris Julianis septem, ductis 4 in 7.*

IX. *Cyclus Luna, qui & numerus aureus Paschalis, est systema annorum Julianorum 19, cuius initium à neomeniâ mensis Paschalis.*

X. *Lustrum Romanum est quinquennium absolutum.*

XI. *Indictio est systema annorum constans ex tribus lustris Romanis, h. e. annorum Julianorum 15, semper in orbem recurrens.*

XII. *Cyclus magnus Paschalis est systema annorum Julianorum 532, ducto cyclo Solis in cyclum Luna, h. e. 28 in 19.*

XIII. *Periodus Juliana est systema annorum septem millium nongentorum octoginta, ducto cyclo magno in Indictionem, h. e. 532 in 15.*

XIV. *Litera Dominicalis est character signans primam feriam hebdomadis, ac mutans se dem per omnes annos cycli Solaris, ita ut in primo anno lustris Juliani duplex litera occurrat in cyclo Solis Romano.*

XV. *Hebdomas annalis remissionis est systema annorum 7. in orbem recurrens.*

XVI. *Terminus Paschalis est Luna quarta decima mensis Paschalis Christiani seculo Constantini*

Sanctini Magni. Citissimus terminus Paschalis est Epochæ æquinoctialis. Remotissimus terminus Paschalis est Epochæ æquinoctialem Epocham excedens unitate.

XVII. *Epocha Lunaris est excessus Solis supra Lunam progrediens per undecim, donec in triginta præcisè incurrat.*

XVIII. *Primum novilunium est prima dies Nisan Dionysiani: cujus character est feria, à qua novilunium civile incipit. Epochæ ad istum characterem castigata indicat vera novilunia civilia per totum annum.*

XIX. *Annus tropicus est reditus Solis ab eodem puncto æquinoctiorum, solstitii, brumæ, ad idem punctum.*

XX. *Differentia tropica est excessus, quo annus Solis naturalis à Juliano superatur.*

XXI. *Menses caelestes sunt duodecim partes anni tropici, ad dodecatemoria, sive duodecim segmenta signiferi, descripti.*

XXII. *Annus caelestis tropicus civilis, qui ad 12 menses caelestes est descriptus.*

XXIII. *Dies intercalaris, ἡμέρα ἐπιπλεονέκτων, qui ex collectione horarum & scrupularia appendicis anni tropici consurgens, finis anni quarti, aut quinti, accrescit.*

XXIV. *Mensis plenus est 30 dierum, cævus undetriginta.*

XXV. *Epagomeni dies sunt, qui in finem ul-*
b b a

rimis mensis conjiciuntur, 11 quidem in anno communi, 12 autem in embolimaio.

XXVI. Tekupha est quadrans anni.

XXVII. Menses Lunares alternis sunt pleni & cavi.

XXVIII. Annus Lunaris est, qui ad menses Lunares descriptus est, communis quidem ad 12, embolimaus autem ad 13. Ille dicitur retextus.

XXIX. Annus solutus, sive vagus Solaris, est, cujus menses omnes aequales sunt, 30 dierum singuli, cum quinque dierum appendice in fine anni sine ullo quadrante diei.

XXX. Dies Evangelistarum est quadriennium Julianum annorum. Gratia era Diocletianea, cujus quadriennii anni singuli uni ex quatuor Evangelistis sunt cognomines, primus Matthaeus, secundus Marcus, & sic deinceps.

XXXI. Epocha est terminus temporis & loci.

XXXII. Titulus est tempus certum & definitum. Omnis enim, quæ de temporum ratione instituitur, disputatio, monumentum habet tempus certum & definitum, quod Græcis dicitur *παράπληγμα*, Censorino titulus. Id autem duplex est, ἀπὸ ἑ, ἐφ' ὃ, unde & quò. hoc est, unde rationes temporum deducuntur, & quò referuntur. Ii sunt termini intervallorum, à quo, & ad quem. Uno enim tantum posito, nullum est intervallum, non magis quàm punctum est linea.

Sed

Sed quod duo puncta interfacer, id linea est: & quod inter duos terminos, intervallum. Hæc commutantur; τὸ α' φ' ἔ enim potest fieri τὸ ι' φ' ὁ, quando vetustior epocha antecedit; & contrà τὸ ι' φ' ὁ potest esse τὸ α' φ' ἔ, si posterior epocha alia ab eo deducatur. A primâ Olympiade e. g. ad hunc annum Christi Dionysianum 1612 fluxerunt anni 2387. Hujus anni prior terminus, sive πρεσβυτηριον, α' φ' ἔ, est prima Olympias, τὸ ι' φ' ὁ annus Christi propositus. *Jos. Scal. in prolegom. Chron. Euseb.*

XXXIII. *Tempus prolepticon est id, quod anteratiocinia Mosaisa præcipitur: ut postulatur, ut præsumatur una periodus Juliana ante mundi conditum.*

XXXIV. *Tempus historicon, quod ab Hebraicis ratiociniis deducitur.*

XXXV. Στοιχειωσις est accommodatio temporis ad gestum rei.

XXXVI. Ἀναχρονισμός est luxatio epocha, seu depravatio tituli temporis. Est ὁ ἀναχρονισμός, quando minus dicitur, vel μετ' ἀναχρονισμός quando plus dicitur.

XXXVII. *Annum Indictionis invenire.* Addantur annis Christi tria, eò quòd anno quarto Indictionis Romanæ Christus natus est: productum dividatur per 15, numerum scil. totius cycli Indictionis. Quotiens ostendit quoties inde usque à nativitate Christi integer cy-

elus revolutus sit. Qui post divisionem relinquitur numerus, est annus cycli Indictionis. Quod si verò nihil remaneat, agitur ultimus annus cycli ejusdem: ut hoc anno 1612 Indictiones 107 præterierunt, & agitur decimus annus cycli Indictionis, veteri & novo stylo.

XXXVIII. *Cyclum Solis invenire.* Annis Christi addantur 9, (quia Christus natus est anno 9 cycli Solaris.) & productum dividatur per 28, (nam cyclus Solaris est spatium annorum 28, intra quod dies intercalares & festorum translationes ad eundem diem restituuntur) residuum, si quod fuerit, est cyclus Solaris: si fortè nihil remanserit, 28 sunt cyclus: quotus verò prodit iterationem cycli à Christo nato. Dicitur autem Solaris, quia literam diei Solis indicat. Sic v.g. hoc anno 1612 cyclus Solis est 25.

XXXIX. *Aureum numerum invenire.* Aureus numerus sic dicitur, quia Julius Cæsar illum aureis literis Calendario inscripsit propter insignem usum. Nam circa quam diem mensis, aureus numerus reperitur, eâ die fit nova Luna: & sic cognoscitur, quomodo menses Juliani cum veris & Lunaribus conveniant, qui nunc in principio, nunc in medio, nunc in fine mensium Julianorum incipiunt. Vocatur aliàs Metonicus ab autore Metone Astronomo, & cyclus Lunarum, itemque *circulus dominicus*, cyclus decemnovennalis, quia Luna intra 19 annorum spatium ad pri-

ad pristinos Solis aspectus iisdem diebus anni redit. Hunc ut invenias, adde annis Christi unum: quia Christus anno secundo hujus cycli est natus: summam divide per 19. Residuum ostendit numerum aureum anni currentis: quorū verò cycli Lunaris ab annis Christi iterationem. Si nil restet, 19 erunt. e. g. hoc anno 1612 aureus numerus est 17. Quotus verò 84, qui indicat, cyclos Lunares 84 intercessisse à natà Domini usq; ad præsentem annum. Verum non exactè monstrat novilunia hoc tempore. Nam quinque diebus fermè, inde usque à Julio, quadriduo verò à Synodo Niczà anticipat. Nam Julius Cæsar instituens Calendarium, posuit æquinoctium vernale VIII. Kal. April. h. e. 25 Mart. Postea tempore Concilii Nicæni, elapsis fermè annis 370, sedes æquinoctii ad 21 ejusdem mensis tralata est. Post Nicænam synodum usque ad annum Christi 1516 sedes æquinoctii in Calendario non est mutata; quum tamen 134 quoque anno sedes æquinoctii per unum diem ascendar. Causa hujus anticipationis ex eo nascitur, quia annus Julianus excedit annum Solarem ælestem 10 minutis & 44 secundis, quæ aggregata in 134 annis integrum fermè diem constituunt. Itaque diem hunc vel tunc anno demere, vel sedem æquinoctii uno die oportet antepone. Id quia necdum ritè factum vel à Leone X. anno 1516, vel à Gregorio XIII. anno 1582, fit ut

hodierno seculo prima dicatur Luna, ubi dici debebat quinta. Cæterum aureus numerus in Calendario scriptus ostendit, quibus mensium diebus singula ejus anni novilunia, & plenilunia, & quadraturæ eveniant.

X L. Epactarum numerum invenire. Aureus numerus anni propositi ducatur in 11: productum dividatur per 30. (nam cyclus epactarum est 30 annorum: & epactæ sunt 11. dies, quibus annus Solaris communis dierum 356 superat annum Lunarem communem dierum 345) reliquum post quorum indicat epactas toto isto anno valentes, qui incipit à Martio in hâc computatione: si nihil relinquitur, nullæ sunt: si per 30 dividi non possunt, adde 31. & de summâ 30 subtrahere: ut hoc anno 1612. in Calendario Juliano Epactæ sunt 7, in Gregoriano 27. Præcipua epactarum utilitas est, ostendere ætatem Lunæ. Cùm igitur nulla ætas Lunæ sit major, quàm 30 dierum, nec epacta major esse debet. Invenitur autem sic, v. g. cupio scire ætatem Lunæ anno 1612. 2. Junii. Mensis est quartus à Martio. Quatuor g. additis ad 7. fiunt 11. cumq; sit secundus dies mensis, addo propositæ summæ 2. fiunt 13. ante quot dies Luna nova à Sole discessit. Hæc itaq; est ætas Lunæ in Calendario veteri: in novo subtrahere 10 à 13. relinquuntur 3. ætas Lunæ secundo Junii in Calendario novo.

Satis de alphabeto Uranoscopiæ. Alphabetum

tum Astrologiæ datâ operâ prætermittimus, quum illam levi brachio in methodo percurremus. Sequitur itaque

Alphabetum Geographiæ.

- I. *Aqua & terra unum constituunt globum.*
- II. *Terra est mundi centrum universale.*
- III. *Terra est immobilis.*
- IV. *Circumferentia terreni globi est mill. Germ. 3400.*
- V. *Diameter terra est mill. Germ. 1718.*
- VI. *Area terra est mill. Germ. 2319545.*
- VII. *Superficies convexa terra est mill. Germ. 9278180.*
- VIII. *Soliditas terra est milliarium Germanicorum 2656933936.*
- IX. *Uni gradui caelesti in terris respondent 15 mill. Germ.*
- X. *Quatuor milliaria Italica faciunt unum Germanicum.*
- XI. *Circuli globi terrestris respondent circulis globi caelestis analogicè.*
- XII. *Horizon est vel universalis, isq; immutabilis, vel particularis, & is mutabilis.*
- XIII. *Meridianus est itidem vel universalis, vel particularis.*
- XIV. *Æquator est media globi terreni linea.*

XV. *Æquator habet suos vicarios, qui vocantur paralleli. Ego solco vocare viceæquatores & proæquatores.*

XVI. *Meridianus habet suos vicarios, quos appello vicemeridianos.*

XVII. *Æquator & Meridianus in tabulis seu mappis sunt collaterales, id est, pinguntur ab utroque latere. In illo longitudo, in isto latitudo loci numeratur.*

XVIII. *Longitudo loci est illius distantia à termino Occidentis, putà insulâ Fortunatis: sive est distantia meridiani loci cujusque à meridiano insularum Fortunatarum.*

XIX. *Latitudo loci est illius distantia ab Æquatore.*

XX. *Elevatio poli est distantia poli ab horizonte.*

XXI. *Latitudo loci est æqualis elevationi poli. Tot enim gradibus distat locus aliquis ab Æquatore, mediâ illâ terræ lineâ, quot gradibus axis seu polus mundi distat ab horizonte.*

XXII. *Latitudinem loci invenire. Si altitudo Solis meridiana tempore æquinoctii subtrahatur à partibus 90, relinquitur latitudo. Si Sol ad Septentrionem declinaverit, ab altitudine meridianâ subtrahi debet ejus declinatio, & quod remanserit, auferri à gradibus 90. Verùm si in signis meridionalibus fuerit, altitudini adjici de-*

ei declinatio debet, numerusque collectus à circuli quadrantè subtrahi.

XXIII. *Triplices Geographis sunt parallele: Alii nominati, qui quinque zonas, & metas Solis, & anni quatuor mutationes continent, ut sunt Æquator, duo tropici, & duo polares. Alii innominati: & hi, vel definiunt Latitudines locorum, qui denis plerumque gradibus distant, vel indicant dierum longitudinem.*

XXIV. *Occidens duplex est; alter totius terra, quem in insulis Fortunatis collocaverunt artifices, quòd ubi Sol eò pervenit, non amplius sub se terras, sed aquas habeat; alter singulorum locorum. Idem de Oriente iudicium este.*

XXV. *Inter Ortū & Occasum, hoc est, stationem Sinarum, & insulas Fortunatas, singula hora quindecim gradus continent. Tot enim gradus tanto temporis spatio de Æquatore prætereunt meridianum: ut si dicam, hîc locus distat ab Occidente trium horarum spatio, hoc volo, abesse eum gradibus 45. Sed inter Meridiem & Septentrionem hora vocabulo notatur dies longissimi incrementum, quod circa Æquatorem plures gradus, quàm alibi cōprehendit. Proinde locū distare duabus horis ab Æquatore seu medio mundi, est, eū habere longissimū diē horarum quatuordecim: tribus, quindecim: sex octodecim; septē, undeviginti. e.g. Scripsi duab. horis ab Occasu, tribus ab Æquinoctio, id est, in ea urbe, quæ ab*

Occidente abest gradibus 30, & tribus horis ab Æquatore, hoc est, ubi dies solstitio quindecim continet horas.

XXVI. *Parallelus à parallelo distat quadrante, clima à climate semisse hora.* Duo itaque paralleli constituunt clima. Et si sunt 48 paralleli, 24 sunt climata.

XXVII. *Paralleli Septentrionales vocantur paralleli ἡγεμονικῆς quadam; Meridionales verò antiparalleli.* Sic climata Septentrionalia vocantur ἡγεμονικῆς climata, Meridionalia verò anticlimata.

XXVIII. *Longitudo & latitudo loci in tabulis Geographicis invenitur, si applicetur filum Meridiano & Æquatori.*

XXIX. *Loca imponuntur globo vel tabulis, si quis sciat illorū longitudinem & latitudinem, & postea applicet duo fila Meridiano & Æquatori rite in gradus distinctis.* Nam in filorum intersectione est centrum loci propè verum.

XXX. *Milliarium scala indicant milliaria non viatoria, sed linearia; quæ nihil aliud sunt quàm lineæ rectæ.*

XXXI. *Ortus solstitialis sive æstivus est, ubi Sol oritur tempore solstitii: vernus seu æquinoctialis, ubi oritur alterutro æquinoctio: brumalis seu hybernus, ubi oritur die brevissimo.* Consimili modo & Occasus est triplex.

XXXII. *Septentrionalem plagam, adeoq; reliquas,*

liquas, invenire. Erigatur gnomon in circuli centro ad angulos æquales. Quotidie enim tùm ante meridiem, tùm à meridie umbra sese contrahit, vel extendit ad circuitum circuli: inter quos contactus medius punctus Septentrionem indicat. Adminiculo compassi, tùm vulgaris, tùm nautici idem præstabis. Denique ex arborum contactu in sylvâ id cognosces. Nam cortices, qui spectant Septentrionem, duriores sunt plerumque, & altiores agunt rimas. Ideò, Columella arbores priùs quàm transferantur, rubricâ notandas præcipit, ut easdem cæli partes respiciant: ne aut insolitus calor pristinum dissolvat rigorem, aut mollitiem Austrinam Septentrionis horror lædat.

XXXIII. Quamdiu Luna ab Oriente versus Meridiem movetur, in proximo littore decrescunt maria: inde ad Occasum ipsâ descendente, augentur, rursus ab Occidente ad Meridianum, minuantur, & augescunt quamdiu movetur à Meridiano ad Ortum. Ergo quibus Luna in Ortum vel Occasum apparet, his plenum mare, & tempus navigandi: quibus verò in circulo meridiano consistit supra vel infra horizontem, ab illis longissimè abest mare.

XXXIV. Compassi nautici (aliàs vocant versuram & pyxidem nauticam) usum scire. Locum, à quo abundum est, in centro colloca: dehinc numerosa differentiam longitudinis & latitudinis,

Differentiam longitudinis in superiori & inferiori ordine numera, à mediâ lineâ dextrorsam, si longitudo loci, ad quem tendendum sit, major sit, aut orientior: ab eâdem verò lineâ sinistrorsum in utroque ordine, si minor longitudo fuerit, aut occidentior, numera, atque his punctis sic inventis regulam vel filum applica. Eodem modo differentiam latitudinum numera in dextro & sinistro ordine quadrati, à mediâ lineâ sursum, si latitudo secunda versus Septentrionem fuerit major, deorsum verò, si latitudo loci secundâ minor fuerit, aut magis Australis, idq; utrinque ex oppositis lateribus sic faciendum. Deinde his quoque punctis filum applicandum, aut regula. Ubi ergo hæ duæ regulæ, vel duo fila sese secuerint, ibi secundi loci, ad quem navigatio instituenda, situm tibi imaginare. Jam si regula applicetur centro, & extendatur usque ad locum inventum, videbis mundi plagam, in quam dirigenda est prora illuc navigaturis. E regione verò ventus indicatur, quo duce opus est. Figuram pyxidis vide in *Astrolabio Gemma Briffi*, item *Tholosan.* l. 35. *Syntax. art. mirab. cap. 26: deniq; in tabulis Geographicis.*

XXXV. *Umbra mutantur cum latitudine locorum.* Nam in urbe Carthagine, inquit Strabo, gnomon habet rationem ad æquatoris umbram, quam habent 11. ad 7. In Mauritaniâ, ait Plinius, æquinoctii die mediâ, umbilicus, quem

gno-

gnomonem vocant, septem pedes longus, umbrā non ampliùs quatuor pedes longam reddit. In Arabiā & Perſide umbilicus æquinoctio 35 pedum, umbram 2 pedes longam facit. In Rhodo & Cypro gnomonis centum unciz, umbram 77 unciarum faciunt. In Lydiā gnomoni 21 pedum respondent umbræ 17 pedum. Et Vitruvius: Gnomon Romæ, inquit, novem partium, umbram habet octo. Athenis quatuor, umbræ trium habet. Alexandriæ ſtylus partes habens quinque, umbram mittit partium trium.

XXXVI. *Zonarum idiomata*, ut vocant, ſeu proprietates. *Qui habitant in Zonâ mediâ ſeu torridâ*, 1. Habent ſphæram rectam. 2. Habent Zenith ſub Æquinoctiali 3. Stellæ iſſis æqualiter oriuntur & occidunt. 4. Perpetuum habent æquinoctium. 5. Solem bis habent verticalem, in principio Arietis & Libræ. 6. Quatuor habent ſolſtitia, duo humilia, cū Sol eſt in punctis ſolſtitialibus, & duo alta, cū Sol eſt in punctis æquinoctialibus. 7. Quotannis duas habent æſtates, Sole ad puncta æquinoctialia accedente, & duas hyemes, Sole propè ad tropicos accedente & verſante. 8. Sunt ἀμφίρριοι. Nam quinque habent umbrarum differentias, Orientalem, Occidentalem, Meridionalem, Septentrionalem, & Perpendicularem. *Qui habitant in Zonâ temperatâ Septentrionali*, 1. Habent ſphæram obliquam, 2. Elevatio poli arctici il-

lis major est 15 gradibus & semisse, minor tamen 66 gradibus & semisse. 3. Zenith semper inter tropicum Canceri & circulum arcticum habent interjectum. 4. Dies & noctes habent inæquales. 5. Sol illis nunquam est verticalis, sed in meridie illis semper fit Australis. 6. Unam tantum habent æstatem, & unam hyemem. Idem judicium esto de iis, qui habitant in Zonâ oppositâ Meridionali temperatâ. *Qui habitant in Zonâ frigidâ Septentrionali*, 1. Habent sphæram parallelam. 2. Illis nulla stella oritur vel occidit. 3. Unum habent solstitium, in principio Canceri. 4. Quotannis unum habent diem, & unam noctem artificialem. Sol enim quando sex signa Septentrionalia peragrat, horizontem nunquam subit, ideoque tunc semper manet dies; quando verò sex signa Meridionalia percurrit, semper sub Horizonte occultatur: ideoquæ tunc perpetua est nox. 5. Perpetuam fermè habent æstatem. Nam toto semestri Solis præsentia carent: altero verò semestri etiam si Sol illis luceat, radii tamen illius sunt valde obliqui. 6. Umbra cum ipsis circulariter moveretur & circumferritur in omnes terræ partes: unde nuncupantur *Æionioi*. Idem judicium esto de Zonâ frigidâ meridionali, ordine tamen inverso. *Qui verò habitant ad initium frigida Septentrionalis*, polum arcticum habent elevatum 66 gradibus

& $\frac{1}{2}$, Zenith in circulo arctico, diem longissimum 24 horarum Sole existente in principio Cancrī, noctem longissimam totidem horarum in principio Capricorni.

Alphabetum Opticum.

I. Radius parum differt à naturâ specierum intentionalium : unde & species intentionalis dici consuevit.

II. Medium est corpus pellucidum radiis impune pervium.

III. Visibile radiat secundum figuram opticam: quæ communiter vocatur pyramis visualis; quum tamen non omnis figura Optica sit Pyramis.

IV. Radius perpendicularis est fortissimus; obliquus est fortior obliquiore.

V. Oculus in observationibus Optico-astronomicis est pro centro.

VI. Visibile splendidum lædit visum. Nam omnino sensibile excellens offendit sensum.

VII. Visibile splendidum occultat quadam, quadam illustrat.

VIII. Lumen congregatum est fortius disperso.

IX. In luminoso concavo lux maxima est circa centrum.

X. Inter visibile & visum legitima requiritur distantia.

XI. Sapius sese convertenti omnia moveri videntur.

XII. Visio simplex fit per unum medium, estq; recta: composita visio est vel reflexa, ut in speculis videre est; vel refracta, quæ fit per duplex medium, aërem puta & aquam.

Alphabetum Musicum.

I. Sex voces Musica, ut, re, mi, fa, sol, la, tono inter se uno aequaliter distant præter mi & fa, quæ semitono.

II. Cantus mollis est, qui præfixum habet b, & est delicatior: durus autem præ se fert masculinam gravitatem.

III. Concordantiæ perfectæ sunt, quæ cantum regulariter incipiunt & terminant, ut 1. 5. 8. 12. 15. 19. Imperfectæ concordantiæ sunt 3. 6. 10. 13. 17. 20. Hæ concordantiis perfectis condimenti instar in syncopatione & notulis minoribus miscentur. Reliqui soni sunt discordes.

IV. Mutatio in cantu molli fit in DAG: in duro in DEA.

Alphabetum Architectonicum.

I. Angulus rectus est magister quietis. Itaq; Quidquid extruitur secundum angulum rectum, est stabile.

II. Fi-

II. *Figura rotunda minus occupat spatium.*

III. *Figura rotunda est capacissima.*

IV. *Circinus & Norma sufficiunt perito architecto.*



P E R O R A T I O.

HÆc sunt universæ Matheseos latifundia & pomœria, quæ antiquitus studiosissimè fuerunt culta & exulta, tanto quinimò in pretio habita, ut dixerint Deum $\mu\omega\mu\epsilon\tau\epsilon\gamma\epsilon\iota\nu$. Hodie verò

Multis pro vili, sub pedibusq; jacent.

Iis scilicet, qui hæc talia damnant incertitudinis, addunt & curiositatis. Non certè iis, qui gratissimam de Deo famam etiã in doctrinâ Mathematicâ sparsam esse exploratum habent, quique infinitas ejus utilitates experiundo indies magis atque magis cognoverunt, *Scaligeris* puta, *Claviis*, *Schoneris*, *Romanis*, *Vietis*, *Motii*,

Pisicis, *Ludolphis*, *Gephyrandris*, & aliis

bene multis viris omni exceptione majoribus.

Gratia tibi Jesu Christe!

